

LIBER QVARTVS
DE LEGE POSITIVA
CANONICA.



IXIMVS de lege ciuili in particulari, & quatenus inter Christianos vim suam habere potest, reliquum est, ut de Canonica lege differamus. De qua supponimus omnia, quæ illi cum ciuili lege communia esse possunt, & in libro 3. tractata sunt, ad quem illa remittamus, quandocumque occurserint, solumque explicabimus ea, quæ legi Canonica sunt propria, & in quibus à ciuili distinguitur. Quoniam vero tota ratio huius legis, eiusque cognitio maxime pendet ex potestate, à qua procedit, ideo prius de ipsa potestate dicemus; tum absolute, tum comparando illam ad potestatem ciuilem; postea vero de actu, seu lege ipsa, & conditionibus illi propriis differemus.

*Modus pro-
cedendi in
hoc lib. 4.*

C A P V T I .

*An sit in Ecclesia spirituali potestas ad
Canonicas leges ferendas.*

Vetus fuit error negans esse in Ecclesiæ pa-
storibus hanc potestatem. Potestque tribui Aërio quatenus dixit, ieiunia Ecclesiæ non esse seruanda, ne sub lege esse videamur, vt sumitur ex Epiphan. Hæret. 75. August. in 55. Solet etiam tribui Marsil. Paduan. vt indicat Albert. Pighi. libro 5. de Ecclesiast. hierar. Veruntamen neque Aluarus Pelag. libro 1. de Planctu Eccles. cap. 68. neque Castro, neque Prætol. referendo Marsilijs errores huius meminerunt. Ille enim abstulit quidem fundamentum huius potestatis, negando potestatem Papæ, & Vicarij Christi in terris; ne-
gauit etiam, habere Episcopos maiorem potestatem, quam habeant presbyteri, inde tamen non necessario sequitur, quod negauerit, esse in clero potestatem ad leges ferendas. Refert tamē Anton. 4. p. Theol. tit. 11. ca. 7. §. 5. Extraugan-
tem Ioan. 22. quæ incipit, *Dudum ad audienciam,* quæ in corpore iuris non habetur, in qua Petrus de Corbaria, & alij damnantur propter dictos er-
rores, quibus addebat, omnem iurisdictionem, quam quidem prælati habent maiorem, quæ alij, esse ab Imperatore, & nullam habere à Christo, quod est negare Ecclesiasticam potestatem ad leges ferendas. Fuit autem Marsilius Paduan. eodem tempore, & fautor illius Petri, qui fuit Antipapa, & ita sine dubio ille fuit principalis author illius erroris. Eundem sequuti sunt Vual-
denses, alias dicti pauperes de Lugduno, quorum meminit Anton. 4. p. tit. 11. cap. 7. §. 2. licet hunc

A errorem non referat; eum tamen refert Prætol. Verb. *Pauperes de Lugduno*, num. 8. & 22. ex *Aenea Sylvi*. *de Origin. Bohemor.* c. 33. Idem sequuti sunt Vuiclef, & Ioan. Hus, vt constat ex concilio Constan. sess. 8. & 15. vbi istorum errores referuntur. Idem postea Luther. quem sequuti sunt Melanchthon, Calu. Ioan. Vuesthalus, & alij, de quibus apud Prætol. & Bellarmin. lib. 4. de Sum. Pontifi. cap. 13.

Fundamenta huius erroris partim sumuntur ex his testimoniosis Scripturæ, quæ libro 3. cap. 1. adduximus ad suadendum, homines præsertim Christianos non debere subiici hominibus: nam illa possunt etiam ad prælatos Ecclesiasticos applicari, cum ipsi homines sint; sed qd illa eisdem locis satis responsum est. Præterea hic maxime accumulant hæretici illa testimonia, quæ sunt de libertate Christiana, ex quibus, quæ ad istorum exemptionem a lege pertinent, in primo libro cap. 16. tractata sunt; alia vero, quæ pertinent ad libertatem legis gratiæ, inferius de illa tractando exponentur. Illis ergo omissis, possumus in favorem huius erroris argumentari primo, quia in lege veteri non erat licitum addere humana præcepta diuinis, quia Dominus fuerat illius populi proprius legislator, vt dicitur Isaiæ 33. ergo neq. in noua lege licet. Cōsequētia supponit, quia maior est dignitas & libertas præsentis status quā veteris. Antecedens autē probatur, quia Deut. 4. & 12. qd prohibet Deus aliquid addere legi, sicut & minuere. Vnde Isai. 29. conque-
Isaï. 33.
Deut. 4. &
12.
Isai. 29.

C 4. Reg. 16. reprehencitur Achaz quia altare in templo addidit. Secundo Christus abstulit à sua Ecclesia iugum legis veteris: nam saltem de hac libertate legis gratiæ non est inter catholicos, & nouos hæreticos controversia; ergo multo magis abstulit iugum legum Ecclesiasticarum; non ergo dedit potestatens ad illas condendas. Probatur prima consequentia, quia onus tot legum Canonicarum non minus repugnat libertati Christianæ, nec minus onerosum reddit iugum Christi, quod ipse suave esse dixit, quam id faceret onus veteris legis. Vnde August. Epist. 119. dicit voluisse Christum religionem, quam paucissimis sacramentis esse liberam, & subdit, *Hanc libertatem premi humanis obseruantib., & cetera, quæ ibi videri possunt.* Tertio possumus argumentari, quia vel hæc potestas dirigit homines ad naturalem finem, vel ad supernaturalem: ad primum

necessa-

necessaria non est; sufficit enim potestas politica: ad secundum autem impossibilis est, excedit enim humanam capacitem, quia nemo potest efficaciter mouere hominem ad finem supernaturalem, nisi solus Deus, ergo nec leges condere, quæ ad illum finem perducant: nam eiusdem est ferre leges ordinatas ad aliquem finem, cuius est efficaciter mouere in eundem finem.

3
1. Cœlusuſo

Matth. 16.

Ioan. 21.

Luc. 10.

**Cypr.
Basil.**

Ioan. 20.

Pſal. 2.

Luc. 1.

4

Ab. 15.

**2. Cor. 13.
1. Cor. 4.**

**Pſal. 44.
Pſal. 2.
D. August.**

Dicendum vero est primo; Esse in Ecclesia peculiarem potestatem ad regendam, & gubernandam illam. Hæc assertio est de fide, quæ probatur præcipue ex verbis Christi oictis Petro Matth. 16. *Ibi do claves, & quodcumque ligaueris, &c.* & Ioan. 21. *Pascet oves meas, quæ verba inferius latius expendemus. Deinde probatur ex verbis, quæ generatim dixit Apostolis Luca 10. Qui vos audit, me audit, & qui vos spernit, me spernit. Quæ verba non solum quantum ad doctrinam, sed etiam quantum ad præcepta intelligenda esse præter exposidores ibi, declaravit optimè Cyprianus Epist. 69. & Basil. in Constit. Monast. cap. 22. & 23. & sumitur ex aliis verbis eiusdem Christi*

Ioan. 20. *Sicut misit me viuens Pater & ego mitti vos: missus est autem Christus non solum ut doctor, sed etiam ut legislator, & gubernator, iuxta illud Pſal. 2. Dabo tibi gentes hereditatem tuam, reges eos in virga ferrea. Et latius in lib. 10. videbimus; ergo etiam misit suos Apostolos cum sufficienti participatione illius potestatis. Regnum enim, & regimen Christi in Ecclesia militante non erat finiendum cum vita mortali eius, aut cum presentia visibili, & corporali in terris, sed perpetuo erat duraturum, iuxta illud, *Dabit illi Dominus sedem David Patri eius, & regnabit in eternum.* Luc. 1. ergo necessarium fuit, ut relinqueret in terris potestatem vicem eius tenentein, per quam hoc regimen spirituale perpetuo duraret.*

Secundo principaliter hoc probatur ex usu huius potestatis. Nam primus actus huius potestatis, qui in Scriptura legitur, videtur usque decretum Apostolicum Actor. 15. *Visum est Spiritui Sancto, & nobis, nihil ultra imponere vobis oneris, quam bac necessaria, ut abstineatis.* Vbi duo continentur humana præcepta Canonica, unum imponens illud onus, ut necessarium, quæ duo verba clare indicant prohibitionem sub præcepto. Aliud vero fuit vel declaratiū, vel constitutiuū, ut ex tunc nihil aliud ceremoniale legis Moysi obseruaretur ut necessarium onus. Et in fine capituli dicitur de Paulo. *Perambulabat præcipiens custodiare præcepta Apostolorum, & seniorum.* Fuerunt ergo illa vera præcepta humana, de quibus plura dicemus infra tractando de cessatione legalium. Vnde constabit, illud prius non obligasse tunc ex vi legis veteris; constat autem non obligasse ex propria prohibitione Christi; fuit ergo pro illo tempore mandatum Apostolicum. Deinde Paulus in suis epistolis sæpe commemorat potestatē, quam ait, *sibi dedisse Dominum in adificationem, non in destructionē.* ad Corinth. 13. & 1. ad Corinth. 4. interrogat, *Vulnū vt in virga veniam ad vos? Virga autem significat potestatem gubernatiuam, quæ quatenus directiuam est, dicitur Virga directionis,* Pſal. 44. *Quatenus vero est coactiuam, dicitur Virga ferrea,* Pſal. 2. ex August. exponente ut trunquiliocum. Nam in priori ait, *Directionis virga est, que dirigit homines.* & infra, *Accede ad istam virgam, si tibi Rex Christus, regat te ipsa virga, ne frangatur.* Virga enim est illa inflexibilis. Et in posteriori loco exposuerat, *Virgam ferream esse inflexibilem*

A iustitiam. Vnde in priori addit, *Alios regit, alios conterit, regit spirituales, conterit carnales.* Talis ergo erat Virga Pauli à Christo participata; vnde statim cap. 5. Virga illa ut ferrea vrens, ait, *Iam iudicauit ut præsenseum, qui sic operatus est, tradere huiusmodi homines, ut expediat Augustin. libro 3. contra Epistolam Par. cap. 1. de Virga autem directionis ait idem Paulus loquens de Episcopis Actorum 20. *Quos Spiritus Sanctus posuit regere Ecclesiam Dei, & ad subditos fideles ait Heb. 13. Obedite prepositis vestris, & subiacet illi.* Denique 1. ad Timot. 5. sic ait, *Adversus presbyterum accusacionem noli recipere, nisi sub dubiis, aut tribus testibus.* In quibus verbis supponit esse in Ecclesia iudicium proprium, & tribunal, ex quo etiam potestas legislativa colligi facile potest. Verba etiam illa, quatenus constituant tales formam seruandam in iudicio presbyteri, legem à Paulo latam continent. Item quod in eadem Epistol. cap. 3. dicit, *Oportet Episcopum esse viuus virorū virum, legem Apostolicam cōtinet de irregularitate Bigamiz, ut est constans apud omnes.**

B Tertio constat hæc veritas ex Ecclesiæ traditione, & consuetudine, quam ex Conciliis, & Pontificibus statim ostendam. Ex Patribus veteri potest Clemens Rom. Epist. p. ad Iacobum fratrem Domini ad finem, B. Ignatius Epistol. 6. ad Magnesian. circa initium, & in Epistol. ad Trallian. Hieronymus Epist. ad Rusticum Monachum. Origenes hom. 20. in Lucam Cyprian. lib. 1. Epistol. 3. & lib. 3. Epistol. 1. alias Epistol. 55. & 58. Epiphan. Hæres. 21. Leo serm. 2. de Ieiun. Chrysostom. Hom. 8. 3. in Matth. & Epist. 1. ad Innocent. & Homil. 70. ad Populum, Augustin. serm. 42. & 46. de verbis Domini, & Epistol. 76. ad Casulanum. Bernard. lib. de Præcepto, & dispensat. Ratio denique manifesta est, quia Ecclesia est una tanquam unum corpus Christi mysticum, ut ex Scripturis, & ex Symbolo suppono, ergo cum à Deo sit constituta; perfecte, & ordinate instituta est, iuxta illud ad Rom. 13. *Que à Deo sunt ordinata sunt, non esset autem recte instituta, nisi haberet potestatē proportionatā, qua regeretur, & gubernaretur, ut à fortiori constat ex dictis supra in simili de politica cōunitate: esset enim corpus sine capite, & multitudo sine ordine, quæ non potest non esse confusa.* Et ita ad hoc propositum dixit Leo Papa Epist. 85. alias 87. *In domo Dei nihil inordinatum esse deber, referturque in cap. Miramur. dist. 61.* ergo est in Ecclesia spiritualis principatus, ad quem pertinet Ecclesiæ gubernatio in spiritualibus. Ergo est etiam in eo principatu potestas præcipendi. Probatur hæc ultima consequentia, quia impossibile est intelligere principatum, & potestatem gubernandi sine potestate præcipendi, quia futile esset gubernatio, nisi esset necessitas obediendi. Quia vero lex aliquid addit supra præceptū, ut de propria lege id ostendamus, secundam assertionem addemus.

C Dico ergo secundo. Potestas hæc vere, ac proprie legislativa est. Hæc assertio est æque certa, ac præcedens: nam ex eisdem principiis constat, & sequitur ex illa manifeste quia potestas legislativa nihil aliud requirit, quam potestatem directiuam, & coactiuam ordinariam, ac de se perpetuam supra cōunitatem aliquam perfectam: hæc autem omnia in dicta potestate inueniuntur, ut facile constabit applicando quæ adduximus. Item gubernatio perfecta talis cōunitatis debet fieri per leges, ut supra ostensum

**Actor. 20.
Heb. 13.
Tim. 5.**

**Clemens.
Igo.**

**Hiero.
Cypr.
Origin.
Epiphan.
Chrys.
August.**

Bernardus.

**Rom. 13.
D. Leo:**

**6
2. Cœlusuſo**

ostensum est; sed hæc est potestas gubernativa perfecta; ergo. Item potestas, quæ potest talia præcepta ponere, ut durent, etiam si persona præcipiens moriatur, est legislativa, ut constat ex dictis in libro I. sed talis est potestas gubernativa Ecclesiæ; ergo. Minor probatur, tum quia est nobilior, quam potestas ciuilis, & ciuilis hoc habet, ut dictum est; tum etiam quia illa potestas talis est, ut non moriatur; etiam si moriatur persona, quæ illam habet: præceptum autem si feraatur iuxta efficaciam potestatis, imitatur illam in duratione; tum deniq; quia Christus, cuius vicē gerunt, qui hanc potestatem administrat, semper viuit, & ideo potestas non deficit, licet Vicarius Christi moriatur, & simili ratione leges eius semper permanent, donec reuocentur. Tandem hæc assertio euidenter confirmatur ex vsu, sicut præcedens. Nam Apostoli per potestatem illam, quæ habebant ad gubernadæm Ecclesiæ, leges tulerunt Actor. 15. ut satis declaratum est. Quæ ex parte cōfirmatæ sunt, & censuris munitæ in canon. 62. Apost. vt bene expendit ibi Turrec. lib. I. pro Canon. Apostol. cap. 5. & lib. 6. in Const. Apost. Clem. ca. 13. vbi auctoritate Patrum hoc confirmat, quibus additur Concil. Aurelianense 2. ca. 20. Chrysoft. Hom. 33. in Acta. Leo Papa Epist. 79. ca. 5. August. Epist. 15. Aliud exemplū est de præcepto, quod bigamus non ordinetur, quod latu creditur à Paulo I. ad Timot. 3. & ad Titu I. & tradit Innoc. I. Epist. 4. ca. 2. Vt autem in materia de irregularitate latius diximus, præceptu illud diuinū non est, sed humānū; vnde & dispensationem admittit. Deniq; Paul. I. ad Corint. 7. distinguit, quædā esse præcepta à Dño, quædā vero ab ipso Paulo. Atq; similia exempla multa habemus ex canonibus Apostolorū, & omnibus decretis, quæ in iure canonico, & in omnibus Concilijs habentur, quæ nunc referre supervacaneum est.

Dico tertio. Hæc potestas spiritualis, & supernaturalis est: quæ veritas est certa de fide, dummodo termini recte intelligentur. Est enim aduentendū, potestatem hanc non esse characterē aliquem, vel qualitatem, aut physicam entitatem inditam hominibus. Non enim datur hæc potestas per consecrationem aliquæ eius personæ, cui confertur: nam licet requirat, vel supponat ordinem, non consistit in ipsa ordinatione, nec per eam datur, sed per electionem, vel deputationem voluntate hominis aut hominū facta, siue detur ab homine, tanquam à ministro Dei, siue immediate ab ipso Deo, ad præsentiam (vt sic dicam) electionis humanæ, de quo postea videbimus. Et ratio est, quia potestas hæc iurisdictio quædā est, pertinens ad externum forū Ecclesiasticum, & ideo data est à Christo Dōmino, iuxta modū iurisdictioni accommodatum. Iurisdiction autem, sicut, & dominiū, non consistit in qualitate physica, sed in iure, & potestate morali, ita ergo data hæc est potestas. Et ideo quando spiritualis, & supernaturalis dicitur, non est quærenda entitas aliqua ordinis Angelici, sed ex fine, & mediis, in quibus hæc potestas versatur, illas proprietates, vel denominationes recipit. Sic ergo intellecta conclusio facile probari potest: nam finis huius potestatis est æterna felicitas, & consequenter etiam huius virtutis sanctitas quæ maxime spirituales sunt & supernaturales; ergo potestas ipsa spiritualis, & supernaturalis est. Maior est Nicolai Papæ in Epistol. ad Michaelem Imperatorem, vbi inter alia inquit. Imperatores in-

A | digere Ecclesiasticis legib⁹ pro aeterna vita. Habetur in capite. Cam ad verum, 96. dist. vbi multa alia decreta idem continent, præcipue cap. • Duo sunt, & caput. Si Imperator, vbi hæc potestas ad ciuilem comparatur, sicut anima ad corpus; sicut cœleste ad terrenum, æternum ad temporale. Idem sumitur ex capit. Solita, de Maiorit. & obedient.

B | Et ratione patet, quia potestas Christi Domini præcipue ordinata est ad finem spiritualem, & supernaturalem, propter quem in mundum venit, & ideo ipse dicebat: Regnum meum non est de hoc mundo; ergo etiam hæc potestas, quæ est participatio illius ad eundem finem tendit, & propterea, clavis Cœlorum, appellatur, vel sub ea continetur. Idem argumentum fieri potest ex parte mediorum, quæ sunt veluti obiectum, & effectus huius potestatis: media enim sunt proportionata fini, & ideo ad finem prædictum spiritualia, & supernatura media ordinantur. Potestas autem hæc circa huiusmodi media versatur, quæ possunt ad nonnulla capita reduci; scilicet, ad veram de Deo cognitionem supernaturalem, verum cultum præcipue Sacramentorum, & sacrificij, & ad res alias, quæ per se pertinent ad honestos mores, & vitanda peccata hominum: tota autem hæc potestas in hac materia versatur, ut infra dicemus, & ex ipso vsu satis constat. Vnde quatenus directua est, ordinat hominem ad actiones maxime spirituales; & quatenus est coerciuæ, præcipue utitur gladio spirituali, spirituales pœnas imponendo, ut in tom. de Cens. late tractatum est. Atque in tota hac doctrina conuenient catholici auctores, præcipue videri possunt Victor. Relect. I. de Potest. Ecclesiæ, Bellarm. libro 4. de Summo Pontifice capite 15 & seq. Salmeron tom. 4. in Euang. p. 3: tract. 12. vbi de hac materia eruditæ, Castro lib. I de Leg. Pœnal. cap. 4. Dried. libro 1. de Libert. Christian. Medin. C. de Pœn. tractat. 3. q. de Necesitat. iejunij, Adrian. quodlib. 6. Antonin. 3. p. tit. 22 & iuris Canonici interpretes in Rubr. de Constitut: præsettum in cap. Ecclesiæ Sancta Maria, & in Decreto dist. 15. & 96:

C | Ad primum igitur argumentum sumptum ex comparatione legis veteris, quidquid sit de antecedente (de quo in capite seq. dicendum est) negari potest consequentia. Est enim magna differentia inter veterem legem, & nouā; nam in illa lege Deus ipse non solum dederat præcepta legis naturæ, vel gratiæ ipsi gratiæ connaturalia; sed etiam dederat innumera præcepta positiva præsertim judicialia, & cærimonialia, & ideo in illa lege minus necessaria erant leges positivæ, præsertim ad religionem pertinentes (quales sunt canonice) quia omnes cæmoniales erant huiusmodi, & illæ erant, quamplurimæ. In lege autem gratiæ Christus paucissima dedit per se ipsum positiva præcepta, ut in suo loco videbimus, sed hoc reliquit dispositioni suorum ministrorum, quos reliquit ut dispensatores mysteriorū Dei, ut ait Paul. I. Cor. 4. qui vtens hac potestate dicit in eadem Epist. Catera autem cum venero disponam, & in principio laudat eos dicens, Laudō vos, quod per omnia mei memores es tu, & sicut tradidi vobis præcepta mea tenet tu. Hoc autem fecisse videtur Christus Dominus, cum propter maiorem perfectionem huius legis, & maius lumen Spiritus Sancti ad bene conuenienterque omnia disponeridum, quod Vicario suo communicaturus erat, tum etiam, quia Christi Ecclesia vniuersalior

Satis fit ar. gemitis op. positi.

Turrec.
Clem.
Cœ. Aur.
Chrysoft.
Leo Papa.
August.

1. Tim. 3.
Tit. 1...
Innocent.
1. Cor. 7.

7.
3. conclus.

Nic. Papa

est, &

est, & diuturnior, quam Hebræorum populus. Ille enim populus in angulo terræ conclusus facile poterat eisdé legibus particularibus gubernari: Ecclesia vero per vniuersum orbem diffusa, licet in fide, & ritibus substantialibus religionis conueniat, in reliquis accidentalibus varietatem admittit, quæ ad eius pulchritudinem, & amplitudinem pertinet, & ideo talium rerum dispositionem Christus suis ministris commisit. Deinde vero addimus, etiam assumptum esse falsum, & loca Scripturæ explicabimus cap. seq. exempla vero Achaz, & Manasse ineptissime ab hereticis ad hanc causam afferuntur: nam uterque idolorum cultor fuit, & cultum illorum, ac ritum gentium in templum introducere voluit, vt ex Scriptura euidenter constat, & late expōnit Abul.d. capit. 16. quæst. 12. & 13. & cap. 23. quæst. 1. 3. & 6.

A bulens.

10. Ad secundum respondetur negando consequiam, & probationem eius: non enim est simile de præceptis legis veteris & præceptis Ecclesiasticis positiviis; nam illa erant innumera pro toto populo: hæc autem pro vniuersa Ecclesia solum sunt quatuor, vel quinque, quæ solum sunt determinationes quædam iuris diuini, moraliter necessariae hominibus, vt patet de præcepto annue confessionis, & cōmunionis, de ieiuniis, & festis diebus, ac soluēdis decimis. Reliquæ enim omnia vel pertinēt ad particulares status, qui voluntarie ab hominibus sumuntur, vel a ordinem iudiciale. Præcepta item legis veteris, præsertim ceremonialia, erant figuræ futurorum, & ideo veniente veritate, cessare debuerūt; erant etiam vñde onerosa, & quasi carnalia, vt late August. libro 19. contra Faustum. Præcepta autem Ecclesiastica feruntur quatenus conuenientia sunt ad bonos mores componendos, vt res sacræ cum debito honore fiant: consequenter vero interdum habent significationem moralem, quæ homines excitet ad virtutē, & spem gloriæ, vt latius in 3. tom. de Cæremoniis Ecclesiasticis tractavi: Augustinus autē diminute ibi citatur: nam ante illa verba hæc præmittrit. *Omnia, quæ neque sanctorum scripturarum auctoritatem continent, nec in Conciliis Episcoporum statuta inveniuntur, nec consuetudine vniuersa Ecclesia roborata sunt, vbi facultas fuerit, refecanda existimo.* Ex quibus verbis euidenter constat, August. admittere Ecclesiasticas leges, & statuta conuenienti auctoritate lata; solum ergo suspectos habet peculiares ritus, vel consuetudines particularium locorum, quando non sunt sufficienti ratione, & auctoritate fundata; non ergo agit de potestate, sed prudentem eius usum requirit.

II. Ad tertium respondetur homines sua virtute non posse dirigere alios in finem supernaturalem; adiutoris autem ab Spiritu Sancto, à quo habent potestatem, posse id præstare, & quamvis semper Deus sit, qui per gratiam suam dat efficaciam, & incrementum; tamen homines etiam possunt plantare, & rigare, atque ita dirigere per leges in finem supernaturalem, & eadem ratione possunt per spirituales pñnas, vel alias congruentes eos cohibere à peccatis in ordine ad æternam salutē, quæ per peccata impeditur. Et quamvis humanæ coactiones, vel coercitiones per se non possint mutare internam voluntatem, in qua peccatum proprie existit, nihilominus necessaria est hæc coactio; tum quia vexatio solet dare intellectum; tum etiam quia sublata occasione, vel commoditate exercendi actum externum, mul-

to facilis voluntas desistit ab interno affectu; tum denique quia ipsa exterior obseruatio ad commune bonum Ecclesie, & vitanda scandala, & dissensiones, ac similia, necessaria est. Ideoque pastores Ecclesie vtraquæ potestate directi, & coactiua utuntur, & non solum interiore iustitiam, sed etiam exteriorem honestatem, decentiam, & ornatum per suas leges procurant. Et iuxta hæc intelligenda sunt aliqua, quæ hic ex Patribus obiici solent, quæ omitto, quia difficultatem non habent: non enim negant potestatem pastorum Ecclesie ad præcipiendum, & vindicandum, sed consulunt modū suauem illa utendi, & prudentem; ita vt præcipua cura sit de interiori correctione, quamvis exterior non sit omittenda. Et ita facile intelliges Chrysostomū lib. 2. de Sacerdot, & alia, quæ tractat Turrecrem. lib. 2. de Ecclesia cap. 45. & 47.

Quonodo intelligendi sunt Patres qui sententia videtur cōtra predicationem potestatem.

Chrysost. Turrec.

C A P V T II.

An hac potestas sit propria legis gratia, vel sit etiam de lege naturæ, & fuerit inscripta.

Ratio dubitandi est, quia Ecclesia antiquior est lege gratiæ; cœpit enim ab Abel, & perpetuo duravit; ergo semper indiguit hac potestate. Probatur consequentia, quia Ecclesia est, semperque fuit unum corpus mysticum, distinctum formaliter (vt sic dicam) à corpore politico, ordinatum, scilicet, ad diuersum finem, nimirum felicitatem supernaturalem, & unitum diuerso vinculo, scilicet, unitate fidei, & exercens diuersas actiones, illas, scilicet, quæ pertinent ad cultum Dei, & sanctificationem animæ; ergo semper indiguit propria potestate, qua in his omnibus accommodate regaretur; alias non esset bene institutum, sed esset corpus truncum, & confusum. In contrarium autem est, quia hæc potestas est supernaturalis, vt ostendimus, unde pendet ex supernaturali reuelatione vt habeatur, & peculiariter Spiritus Sancti influxu, vt exerceatur. Quod significarunt Apostoli Act. 15. dicentes, *vñsum est Spiritui Sancto, & nobis: non constat autem de tali reuelatione, & assentientia ante legem gratiæ; ergo.* Accedit, quod hæc potestas pertinet ad claves; claves autem regni Cœlorū sunt propriæ legis gratiæ, Matth. 16. ergo.

I.
Ratio dub.

Respondeo, vestigium aliquod, seu participationem aliquā huius potestatis ante legem gratiæ, atque adeo semper in Ecclesia fuisse; perfectam autem potestatem, prout nunc est in Ecclesia, propriam esse legis gratiæ, & à Christo Domino fuisse collatam. Hanc assertionem sum ex communī sententia Theologorū in materia de Clauibus in 4. d. 18. Quam distinctius, & copiosius tractauit Victoria Relect. 1. de Potest. Ecclesiæ, quæst. 2. & 4. Ut autem singulas partes probemus, oportet discurrere per omnes status generis humani, præsertim legis naturæ, scriptæ, & gratiæ.

2
Resolut. Goris.

Circa legem ergo naturæ recolendū est, quod sepe dixi, spectari posse vel in ordine ad puram naturam, seu ad rationem naturalem nude sumptam, vel prout illuminatam lumine fidei. Prior modo intelligi potest in humano genere vestigium quoddam huius potestatis, non quidem super naturalis, vt per se notum est, quia natura ex se nihil supernaturale habet, sed naturalis cum quadam proportione ad hanc potestatem spiritualem. Quod ita declaro, quia natura hominis per se requirit veram Dei cognitionem

3
Duplex cōfideratio legi naturæ.

intræ

A intra ordinem naturæ, vt in eodem ordine suam perfectionem, & beatitudinem naturalem obtinere possit, cui cognitioni accedere debet cultus Deo debitus, ne incidatur in reprehensione Pauli. *Qui cum cognouissent Deum non sicut Deum glorificauerunt: ergo res publica humana etiam in pura natura spectata indigeret unione, & conformitate in huiusmodi cognitione, & cultu veri Dei;* ergo indigeret etiam potestate, quæ illam gubernaret in ordine ad hunc finem, & præscriberet sacrificia, cæremonias, & alias circumstantias necessarias ad verum Deiculum; ergo hæc potestas ex ipsa ratione naturali conuenit hominibus, non minus quam potestas politica. Et confirmatur: nā in omni natione, etiam falsos Deos colente, semper fuit potestas sacerdotalis, vel pontificalis distincta à regali, saltem in sua formaliteratione potestatis moralis, licet non semper essent in distincta persona. De quo vsu videri possunt multa apud Alexandrum ab Alexandre cum Tiraquelle ibidem lib. 2. genialium dierum cap. 8. Hæc autem generalis consuetudo declarat instantium naturæ; ergo hic multo magis inuenitur circa cultum, & cognitionem veri Dei, ad quem natura intrinsece, & per se ordinatur.

Vnde consequenter fit, ita esse sentiendum de origine, & subiecto illius potestatis præcitate sumptu in eo gradu, sicut de potestate ciuili. Eset enim radicaliter à Deo, medio discursu rationis, & ex sola rei natura esset immediate in sola communitate perfecta, per illam vero conferri posset vel vni personæ, vel multis in vnum congregatis, vt administraretur. Quæ omnia eidem rationibus probanda sunt, quibus similia de potestate ciuili ostendimus. Vnde etiam tit, potuisse hanc potestatem, & ciuilem constitui in diuersis personis, & in eadem pro arbitrio hominum, quia natura, vel ratio nihil in hoc necessario determinat. Semper autem seruatum videatur ab hominibus, vt licet particulares magistratus ciuiles, & sacerdotales diuersis hominibus tribuerentur, quia varietas actionum illam distinctionem postulabat: nihilominus suprema potestas vtriusque ordinis, præsertim quoad leges ferendas in uno principe collocaretur. Et ita Regibus, & Imperatoribus semper fuit tributa, vel subordinata hæc potestas in Romana vrbe, & Imperio, vt ex historiis constat; idemque de aliis communitatibus verisimile est, vt videbimus etiam in sequenti membro. Rationem vero attigit D. Thomas 1. 2. quest. 99. art. 3. dicens, semper humanam rem publicam vtentem sola potestate naturali habuisse curam diuinum cultus, & rerum omnium ad religionem pertinentium in ordine ad communem pacem, & politicam gubernationem, & quia hic est finis Regiæ potestatis; ideo cætera omnia ei subordinata fuisse. Vbi Caietanus significat, hoc non solum habuisse locum in his gentibus, quæ falsos Deos colebant, de quibus mirum non est, quod cultum Dei ordinarent ad commodum humanum, sed etiam in coelentibus verum Deum solo lumine naturali; *Quia illud (inquit) non est intrinsece malum, quia non Deus ipse, sed culius Dei ordinatur ad pacem, & unionem hominum inter se, quod non est malum, etiam si non sit perfectum.* Vnde quia homo in pura natura, vel absolute non potest, vel difficile potest diligere, & colere Deum perfecte propter se ipsum, ideo potestas hæc in pura natura considerata semper haberet illam imperfectionem adjunctam, ac propter ea

B in supremo Magistratu non esset separata à ciuili, moraliter, seu regulariter loquendo.

Loquendo autem de lege naturæ in ordine gratiæ, consequenter dicendum videtur, semper habuisse coniunctam potestatem aliquam sacerdotalem, in se quidem supernaturalem, & spiritualem; connaturalem autem ipsi gratiæ. Ita sentit Victor. supra, & probatur efficaciter ratione dubitandi in principio posita. Item ex proportione inter naturam nude sumptuam ad naturalem finem comparatam, & naturam eleuatam per gratiam collatam cum supernaturali beatitudine. Denique quia in illo statu esset in communitate humana exterior fideli professio, & cultus Dei, vt supernaturalis finis, quæ non essent determinata ex solo diuino iure, quantum ad modum, tempus, & alias circumstantias; determinanda ergo erant iure humano; ergo necessaria erat in Ecclesia potestas, & magistratus Ecclesiasticus, ad quem illa cura pertineret.

Hinc autem fit, quoad subiectum, & modum potestatis, ita esse iudicandum de illa potestate, sicut de alia naturali cum proportione. Habuit enim originem à Deo auctore gratiæ, non tamen per distinctam donationem (vt sic dicam) vel revelationem, sed media infusione ipsius luminis supernaturalis, & quatenus ex illo supernaturaliter sequitur, sine alia positiva determinatione. Ideoque per se primo talis potestas esset in communitate perfecta, & per illam iuxta arbitrium, vel traditionem humanam collocaretur in aliqua persona, vel congregacione plurium, per quam administraretur. Solum superest in hoc aduerendum, Ecclesiam in illo statu non habuisse tam perfectam unitatem, quam nunc per Christum habet; solum enim habebat unitatem fidei, & habitudinis ad eundem finem supernaturalem, & eundem mediatorem Christum: non tamen habebat unitatem subjectionis, & obedientiæ ad vnum caput in terris, nec necessario habebat conformitatem in externis signis sacramenti, aut sacrificij, aut aliarum cæremoniarum. Vnde fit, vt hæc potestas non fuerit tunc vna, & eadem numero, ac suprema pro tota Ecclesia, sed in unaquaque republica perfecta & totali poterat esse suprema potestas in hoc ordine, sicut erat suprema ciuilis, quia hoc totum pendebat ex determinatione hominum, & ideo unaquaque communitas ab alia independens in subjectione ciuili, etiam in hac subjectione esset independens: quanquam si homines vellent, possent alio modo conferre hanc potestatem, seu determinare, de qua re nonnulla attigi in 1. tomo 3. partis disput. 4. 7.

Superest dicendum de tempore legis scriptæ, de quo certum est fuisse à Deo institutum peculiare sacerdotium distinctum à dignitate regali, & ab illo sacerdotio, quod erat in lege naturæ, vt constat ex libro Leuitici, & ex tota Epistola Pauli ad Hebreos. Quanquam illud sacerdotium non erat vniuersale pro tota Ecclesia, quæ tunc esse poterat in Iudeis, & in gentibus, sed solum pro synagoga. Secundo est certum pertinuisse ad illud sacerdotium potestatem gubernandi, & dirigendi ea, quæ pertinebant ad res sacras, & ad declarationem dubiorum occurrentium circa legem, & circa iudicia causarum: sic enim Deuterono. 17. dicitur, *Qui superbierit negligens obediens sacerdotis imperio, moriatur.* Habe-

D. Thom.

Caiet.

Deut. 17.

bat ergo Pontifex potestatem obligandi imperio suo, alias non imponeretur tam grauis pena transgressoribus non obedientibus. Et ideo dicebat Christus Matth. 23. Super cathedram Moysi sedebant scribe, & Pharisaei, quacumque dixerint vobis, seruate, & facite.

Nihilominus dubitari potest, an Pontifex tunc habuerit potestatem legislatiua: nam recte esse poterat iurisdictio ad gubernandum templum, & iudicandum de his, quæ spectabant ad obseruationem legis Dei, sine potestate imponendi nouas leges: quæ illo tempore non vindicentur adeo necessaria fuisse, quia omnia pertinentia ad sacramenta, sacrificia, & cæmonias satis in particulari erant determinata per præcepta diuina, quæ tam multa erant, ut necessarium non esset alia adiicere. Et ideo videtur hoc fuisse prohibitum Deuteron. 4. & 12. vbi rigorose prohibitum est aliquid addere, vel minuere de his, quæ præcepta erant. Vnde Matth. 15. videtur Christus Dominus reprehendere traditiones seniorum, quas videlicet ipsi addiderant tanquam nouas leges. Quod ita videtur expondere Chrysol. ibi Homil. 52. sentiens, illos Pontifices non habuisse potestatem condendi leges. Quod si quis obiciat, apud Iudeos fuisse nouas aliquas fustiuitates ex præcepto humano institutas Esther 9. Iudit. vlt. 1. Machab. 4. Responderi posset, illas non fuisse proprias leges sola auctoritate Pontificum latas, sed quædam vota communi consensu totius populi emissa. Vnde ibi dicitur, Statuit vniuersa Ecclesia, &c. Ex voto autem aliquid, vel aliquod tempus voluntate consecrare, semper licitum fuit.

His vero non obstantibus, dicendum est, fuisse in illo populo potestatem legislatiua. Ita tenent Bellarmin. libro 4. de Pontif. capite 17. & Victor. supra quæst. 4. num. 6. Salmeron tom. 4. in Euang. part. 3. tract. 12. & est aperta sententia D. Thomæ lect. 2. & 3. in Epist. ad Galat. 1. exponens illa verba, Abundantius amulatores existens paternarum mearum traditionum; quæ intelligit de legibus humanis iuste lati in eo populo. Et illud Deuter. 4. exponit de additione contraria, vel repugnante legi. Nam cap. 5. eiusdem Deuteronom. ita illud declaratur, Non declinabis neque ad dexteram, neque ad sinistram. Additio ergo, quæ non declinat à lege, id est, quæ illi non repugnat, non erat prohibita. Atque ita Christus Dominus Matth. 15. reprehendit Iudeos, dicens, Irritum fecisti mandatum Dei propter traditiones vestras. Et affert verba Isai. 29. quæ superiori capite obiiciebantur, & ita illa exponit, Sine causa colunt me, docentes doctrinam, & mandata hominum, vtique quibus irritabantur, & contemnebantur mandata Dei, vel quæ superstitione, & ad verum Dei cultum nihil conducebant.

Sed licet hæc vera sint, nihilominus non constat, sacerdotum Leuiticum, etiam summum, ex vi Pontificatus, & solius diuini iuris habuisse potestatem legislatiua super vniuersum populum, quia nulli legitur, esse illi concessam. Nam Deuteronom. 17. solum conceditur sacerdoti summo cum consilio aliorum potestas maxima in decisione dubiorum insurgentium in causis, vel circa interpretationem legis: potestas autem legislatiua est valde diuersa. Vnde probabile est ante tempora regum, vel illis deficienibus, fuisse illam potestatem in populo, & ita Esther 9. totus populus communi consensu statuit legem de solennitate cuiusdam diei. Idem

A Iudit. vlt. Nam tunc populus destitutus erat regi, si vera sunt, quæ de tempore illius belli coniecat Bened. Pereir. libro 1. in Danie. Præterea libro 1. Macha. cap. 4. dicitur, & statuit Iudas, & fratres eius, & vniuersa Ecclesia Israel, &c. Tempore autem regum in eis videtur fuisse potestas legislatiua, vt sumitur ex 1. Reg. 30. vbi David quandam legem tulit, & inferius cap. 10. magis constabit. Erat ergo potestas sacerdotalis, seu Pontificalis longe inferioris rationis ab ea, quæ nunc est in Ecclesia, non solum quia limitata erat quoad populum, locum, & tempus, sed etiam quia nec in se supernaturalis erat, sed solum quoad modum, quia ab ipso Deo fuerat immediate instituta, id est, quia non erat ex se potestas illa supernaturalis in substantia (vt sic dicam) sed solum in fieri, & modo, quia Deus illam dedit, potuisset tamen populus illud sacerdotium instituere, si Deus non præuenisset, vt Corduba docet cum Victor. Relect. 1. de Potestate Ecclesiæ quæst. 3. proposit. 6. Nec etiam erat de ratione illius potestatis, vt esset legislatiua, quia finis eius non erat gubernare populum, sed ministrare Deo pro populo. Vnde ex natura rei ad summum includebat potestatem præcipiendi, quæ necessaria essent ad usum illius ministerij, vt magis sentit Victor. quæst. 4. num. 6. Quod autem Deus specialiter contulit Pontifici legali potestatem leges ferendi sola sua auctoritate, non constat, nec ex Matth. 15. aut 23. aut Deuteron. 17. vel alijs similibus id sufficienter colligi potest.

Vltimo ex dictis conccluditur principalis pars assertionis, & præcipue intenta, scilicet, potestatem hanc spiritualem, prout nunc est in Ecclesia, esse propriam eius singulari dono à Christo datam. Hoc certum est ex Euangelio, in quo primum promisit Christus hanc potestatem Matth. 16. Tibi dabo claves regni cœlorum, & quodcumque ligaueris, &c. Deinde impleuit promissum Ioan. 21. vt latius videbimus capite sequenti, Paulus etiam affirmat se accepisse à Domino hanc potestatem, & idem est de aliis Apostolis, vt statim latius dicemus. Declaratur autem ex perfectionibus huius potestatis, & ex modo eius. Primo enim est vniuersalissima prototo mundo: nam sicut Ecclesia Catholica totum mundum complectetur; ita etiam hæc potestas, vt ex illis Christi verbis, Pascere oves meas, recte colligit Innocent. III. in cap. Solita, de Maiorit. & obedient. quia non dixit has, vel illas oves, sed simpliciter oves meas; ita vt non sit ovis Christi, nec in eius gregi numeretur, qui huic potestati non subiacet. Secundo, quia data est, vt perpetuo duret, quædiu mundus duraverit, quia sicut lex gratiæ vltima est, quam Deus est datus, & sicut Ecclesia perpetua est, ita etiam hæc potestas, sine qua non potest Ecclesia suam unitatem retinere. Et hoc significavit Christus eum dixit, Super hanc petram edificabo Ecclesiam meam, & porta inferi non præualebunt aduersus eam. Matth. 16. & cap. 18. adiecit, Ecce ego vobis scum usque ad consummationem seculi. Tertio, quia in se maxime supernaturalis est, non solum per connaturalitatem ad gratiam, sed etiam per specialem perfectionem, & excellentiam à Christo liberaliter additam propter perfectionem presentis status.

Hoc etiam probat Victoria supra ex effectibus, quia per hanc potestatem consecratur corpus Christi verum, & sanctificatur corpus mysticum;

Deut. 4. &
12.

Matt. 15.

Chrysost.
hom. 52.

Iudit. vlt.
Esther. 9.
1. Math. 4.

8.
Fuisse in
populo he-
breo legis-
latiua po-
testatem.
Bellarm.
Salmer.
Victor.
D. Thom.

Matt. 15.

Isai. 29.

Esther 9.

Judit. vlt.
Pereirius.
1. Mac. 4.

Corduba.
Victor.

10.
Vtima co-
clusio.

Matt. 16.

Ioan. 31.

Innocent.

Matt. 16.
& 18.

11.
Victoria.

*Predicata
potestas quo
modo super
naturalis.*

cum, cui etiam per illam remittuntur peccata, & gratia confertur. Sed si quis recte confideret, hi non sunt effectus potestatis exterioris iurisdictionis, de qua nunc agimus, sed potestatis ordinis, & quoad remissionem peccatorum potestatis iurisdictionis in foro pœnitentiaz. Hic autem agimus de iurisdictione in foro externo Ecclesiastico, in quo non videntur dari effectus, vel actus supernaturales in se. Nihilominus dicendum est, hanc potestatem esse supernaturalem, primo ex coniunctione ad alteram, quia datur ut annexa, & coniuncta illi, & consequenter ad illam iuuandam, & quodammodo exequandam. Vnde per hanc potestatem ponuntur præcepta, quæ versantur circa sacramenta, & sacrificium, quæ supernaturalia sunt. Secundo est supernaturalis, quia plures effectus morales potest efficere ex concessione Christi, quæ sine illa potuisset, ut est, verbi gratia, dispensare in votis, aut in matrimonio rato, & similia: hæc autem perfectio colligitur ex illis verbis universalibus Christi. *Quodcumque ligaueris, & quodcumque solueris.* Tandem pertinet ad perfectionem huius potestatis, quod ex institutione sua monarchica est, & hunc modum habet ex diuino iure, & ideo immutabilis, ut constabit ex dicendis capite sequenti.

C A P V T III.

*Quibus personis data fuerit, vel nunc etiam
detur hæc potestas immediate à
Christo Domino.*

*Matt. 16.
Ioan. 1.*

O Missis Hæreticis impugnantibus primatum Petri, contra quos in materia de Clauibus, & de fide latius differitur, & videri potest Bellarmin. libris de Romano Pontifice à principio; dicendum est primo, hanc potestatem immediate datam esse Petro à Christo Domino, & singulari, ac speciali modo. Hæc assertio est de fide, quæ præcipue fundatur in illis duobus testimoniosis Matth. 16. & Ioan. 21. nam licet Matth. 18. generaliter dixerit Christus, *Qui Ecclesiam, id est pastores Ecclesiæ, non audieris, &c.* & subiunxit etiam generaliter, *Quicumque ligaueris, &c.* tamen cap. 16. specialem promissiōnem fecit Petro, dicens, *Tibi dabo claves regni Cælorum, & Tu es Petrus, & super hanc petram edificabo Ecclesiam meam;* ergo singulari, & speciali modo hanc potestatem illi promisit. Postea vero implendo promissum, etiam ostendit hanc singularem concessionem, & ideo prius illum publice interrogauit Christus, an se diligenter plus quam cæteri, significans, plus etiam fuisse accepturū, & deinde subiungit, *Pasce oves meas.* Ioan. 21. ubi in verbo *pascendi*, potestas regendi, & leges ferendi significatur, ut supra tetigi, & colligitur optime ex 2. Reg. 5. *Tu pasces populum meum Irael,* & eris princeps super eum. Dum autem indefinite dixit *Oves meas*, ut supra dixi, ostendit potestatem esse supremam, & monarchicam etiam super alios Apostolos: nam illi etiam erant oves Christi. Et ideo dicitur in cap. in novo testamento, dist. 21. & cap. Ita Dominus, dist. 19. Petro esse datum potestatem ut capiti, cæteris ut membris. Idem habetur in capite *Cum Beatisimis*, & cap. *Loquitur*, cum multis aliis. 24. q. 1. Ex quo loco, & ex dist. 96. & multis aliis locis Decreti colligi potest evidens traditio Pontificum, Conciliorū, & Patrum hanc veritatem confirmans, quam

Bellarmin. etiam suprà copiose prosequitur, & ideo illam omitto. Ratio vero propria fuit voluntas Christi; congruentia autem est, quia oportuit, & decuit in Christi Ecclesia esse perfectam unitatem mysticam, & perfectissimum regimen, & ideo instituit illam per modū monarchiæ, & supremam potestatem unius contulit, ad quam Petrum elegit sua altissima prædestinatione.

Dicit aliquis ex his omnibus solum probari, *Petro datam esse potestatem vniuersalem regendi Ecclesiam*; non vero inde sufficienter probari datum fuisse illi potestatem leges ferendi, quia potuisset Christus unam potestatem dare sine alia. Respondeo utrumque conuinci ex dictis. Primo quia verba Christi vniuersalia fuere, *Quodcumque ligaueris;* vinculum autem legum est unum ex præcipuis, quod supremus princeps iniicere potest. Vnde suprema potestas ligandi hunc etiam actum potissimum comprehendit. Idem colligitur ex verbo illo *Pasce oves meas*: nam ad officium pastoris pertinet oves custodire, & dirigere, ac coercere, quod per leges maxime fit ab humano pastore. Præterea ex natura rei includitur hæc potestas in munere capitatis, & Principis, seu supremi pastoris. Et ideo etiam Reges seculi, eo ipso quod à republica ad illud munus eligantur, potestatem legislatiū accipiunt; sed Petrus accepit simile munus, & principatum spirituale: ergo, & potestatem legislatiū. Maior est naturaliter evidens, quia repugnat, esse superiorē, & gubernatorem, & non posse præcipere, & suo præcepto obligare subditum. Alias posset subditus sine culpa non facere iusta superioris, & consequenter posset illi resistere, & non posset iuste cogi ad illa implenda, & ita non esset ordo, sed summa confusio, nec ille esset superior, nisi nomine tantum. Et ideo principium hoc, *obediendū est superioribꝫ*, naturali lumine est evidens, imo & per se notum ex terminis.

Dices, hinc ad summum probari potestatem præcipiendi; non vero leges ferendi, sicut Magistratus inferior habet potestatem præcipiendi; non vero ferendi leges. Respondeo, licet hæc sint separabilia in inferiori gubernatore; non vero in supremo, qui sit caput totius reipublicæ, loquendo saltem ex natura rei, quidquid sit de potentia absoluta Dei. Probatur, tum quia potestas præcipiendi est proportionata principati, ut de Regibus diximus: tum quia hoc est ex natura rei necessarium ad conuenientem reipublicæ, vel Ecclesiæ gubernationem. Nam lex ultra præceptū, in præsenti materia, non potest addere, nisi perpetuatatem; hæc autem est summe necessaria ad bonum regimen vniuersale, quia perpetua mutatio, & cessatio legū ad mutationem personarum regentiū, infinitam confusionem pareret, ut per se notum est, & supra est ostensum. Vnde à principio nascentis Ecclesiæ ita intellectus est primatus Petri, & potestas eius, & idem constat de successoribus Petri, ut mox dicemus.

Secundo dicendum est, hanc potestatem alii, etiam Apostolis datum esse immediate ab ipso Christo, quamvis diverso modo, & minus perfecto, quam Petro. Priorē partem tenet Durand. in 4. dist. 24. q. 2. num. 5. & sentit Cajetan. tom. 1. Opusc. Anton. 3. p. tit. 22. cap. 4. in princ. §. 1. ver. 7. licet soleat in contrarium referri, quia inferius dicit, Apostolos non fuisse æquales in

2. conclusio.

*Durand.
Cajet.
Anton.*

Vargas.
Castro.

Bellarmino.
Sotus.

Matt. 18.

Matt. 13.

Ioan. 20.

1. Cor. 4.
2. Cor. 10.
Ep. 13.
Ep. 1. ad
Thessal. 4.

Ca. In nouo
Ca. Noua.
Cap. Per
venerabilis

1. Cor. 6.

6
Ratio con-
clusio-

Gal. 1.
Cap. Qua-
uis.
Cap Fun-
damenta.

A&cor. 15.

iorisdictio: sed hoc diuersum est, potuit enim iurisdictio non esse æqualis, & esse immediate à Christo: inæqualitas enim tantum fuit, quia in Petro fuit tanquam in capite, & vt ordinaria, ac perpetuo duratura: de quo alias. Pro eadem parte refertur idem Anton. tract. de Schismat. q.45. Tenet etiam Francisc. Varg. tract. de Autorit. Pontif. axiom. 4. Victor. in Relect. de Potestate Ecclesie q.2. Castro lib.2. de Iust. hæret. pun. cap.24. Bellarmino. lib. 4. de Romano Pontifice cap.23. & Sotus in 4.d.20. quæst. 1. art. 2. & lib. 1. de Iustit. q.1. art. 3.

Et probatur, quia Matth. 18. dixit Christus Apostolis, *Quocunque alligaueritis super terram;* & tamen unus modus ligandi est per legem, & præcepta, iuxta illud Matth. 13. *Alligant onera granaria,* &c. Christus autem cum distributione dixit, *Quocunque alligaueritis.* Et licet probabile sit, tunc non dedisse, sed promisso potestatem; tamen postea Ioan. 20. dixit omnibus Apostolis; *sicut misit me viuens Pater, & ego mitto vos.* Ex quibus verbis Patres colligunt, eos fecisse suos legatos generales pro vniuerso mundo, iuxta illuc Pauli, *Pro Christo legatione fungimur,* & ideo ad omnes etiam dixit Matth. vlt. *Euntes in mundum vniuersum,* &c. Idem colligitur ex aliis locis Pauli, quæ supra citauit: profitebatur enim se habere hanc potestatem, & illam à Domino accepisse.

1. Corinth. 4.2. ad Corinth. 10. & 13. & 1. ad Thes- sal. 4. *Sicuti qua præcepta dederim vobis,* &c. Sumitur etiam illa pars ex dicto cap. In novo. dist. 21. & cap. *Loquitur Dominus cum aliis.* 24. q.1. & ex cap. Noua, de Pœnit. & remiss. vbi Innoc. ait, Christum Apostolis claves regni cœlorū commis- se, & ex cap. *Per venerabilem.* Qui filij sint legit. vbi Innoc. III. ait, Paulum habuisse plenitudinem potestatis, eamque indicasse cum dixit, *Nescius quia & angelos iudicabimus, quanto magis secularia.*

1. Corinth. 6.

Ratio vero, seu necessitas est, quia ad exercendum munus Apostolicum, & ad fundandam Ecclesiam necessaria erat hæc potestas: Christus autem immediate contulit omnibus Apostolis dignitatem, & munus Apostolicum, vt ex Evangelio constat; ergo etiam contulit dictam potestatem. Hoc autem adeo necessarium existimat Apostoli, vt deficiente Iuda, & prævaricante, non fuerint ausi alium substituere loco illius sua auctoritate, sed diuina, vt constat de Matthia Act. 1. & similiter Paulus non ab hominibus, neque per hominem, sed ab ipso Christo Apostolatum accepit, vt ipse docet ad Galat. 1. & sentit Gelas. Papa in cap. *Quanvis*, dist. 21. & habetur etiam in capite *Fundamenta*, de Elect. in 6. ergo reliqui etiam Apostoli ab eodem Christo acceperunt immediate iurisdictionem ad suum munus necessarium. Vnde etiam constat, Apostolos non tantum collective, seu per modum vniuersi collegij accepisse illam potestatem, sed diuini, ac personaliter, quia ex vi sui maneris, & vocationis separandi erant, & dispersendi per vniuersum mundum; ergo necesse erat, vt singuli irent cum potestate plantandi Ecclesias, creandi Episcopos, & ordinandi, ac præcipiendi omnia quæ essent necessaria; ergo etiam cum potestate legislativa in solidum accepta (vt sic dicam.) Et hoc significant verba Christi, *Euntes, &c. Mitto vos, &c.* Quocirca licet Act. 15. Apostoli congregati fuerint in vnu ad statuendum de legalibus, non id fecerunt, quia ad vsum iurisdictionis suæ esset necessarium, sed ad in-

iorem satisfactionem fidelium, præsertim eorum, qui ex Hebræis conuersi fuerant; item ad maiorem vunionem, & pacem, & ad summam diligentiam, & inquisitionem ex parte sua præstandam. Sicut Paulus ascendit Hierosolymam ad conferendum suum Euangelium cum Petro, & aliis, non quia illi necessarium esset ad non errandum; habebat enim infallibilem assistentiam Spiritus Sancti, sed propter exemplum, & ad maiorem vunionem, & præcipue vt subordinationem ad Petrum ostenderet.

Posterior ergo pars assertionis sumitur ex capitibus supra citatis, afferentibus, hanc potestatem datam esse Petro vt capiti, aliis vt membris: nam sub his membris etiam alij Apostoli comprehenduntur, quia vt notaui, Christus simpliciter dixit, *Pasce oves meas,* vbi inter oves, Apostoli etiam numerantur. Fuitque hoc necessarium ad vnitatem Ecclesie constituendam, quia nec poterat esse vnum corpus sine capite, neque cum multis capitibus; illud enim imperfectum, hoc monstruosum fuisset, quod notauit Cyprian. lib. de Vnitate Ecclesie, seu de simplicitate clericorum, & sumitur ex Augustino tract. 50. & vlt. in Ioan. lib. 1. de Doctrina Christiana c. 17. & Hieronym. lib. 1. contra Iouinian. & Leone Papa serm. 3. assumptionis suæ. Ex hac autem diuersitate, & subordinatione colligit Richard. 4.d.24.art. 5.q. 3. ad 4. Apostolos recepisse immediate à Christo potestatem clavium, non tamen potestatem iurisdictionis. Sed hoc repugnat priori parti, & omnibus, quæ in illius confirmationem adduximus: & ad constituendam differentiam, & debitam subordinationem inter Petrum, & alios Apostolos necessarium non est, vt facile ex dicendis patebit.

Consistit ergo illa diuersitas primo, & præcipue in hoc, quod potestas data est Petro, vt in illa ei succedere tur, & ita per successionem perpetuo in Ecclesie duraret: aliis vero Apostolis solum data est per modum cuiusdam legationis, & personalis muneri finiendi cum vita eorum. Ita sumitur ex Patribus citatis, & confirmabitur pluribus testimoniosis assertione sequenti, & ex ipso vsu utraque pars satis constat. Nam Apostoli non creabant Apostolos, sed Episcopos, neque eis successit aliquis cum iurisdictione in vniuersum orbem; at vero Petro successit semper pastor vniuersalis, cuius sedes propterea semper retinuit nomen Apostolicæ. Ratio etiam hoc conuincit, quia cum Ecclesia futura esset perpetua, eius regimen, & principatus ita constitui debuit, vt perpetuo duraret. Hic autem principatus Petro fuit promissus illis verbis, *Super hanc petram adificabo Ecclesiam meam,* sed ædificium Ecclesie perpetuo erat duraturum; ergo & fundamentum, quod erat Petrus; seu sedes Petri. Quod satis declarauit Christus subiungens, *Et porta inferi non præualebunt aduersus eam.* Vnde dixit eleganter Innocent. III. in cap. 1. de Homicid. in 6. Christum ascensurum ad Patrem, ne Ecclesiam suam sine pastore desereret, eam Petro commisisse, cuius successores sunt Pontifices. Quia nimis, pro nullo tempore deseruit suam Ecclesiam Christus, & quantum gress durat, tantum necesse est durare pastorem. Implementum autem Christus illam promissionem, dicens Petro, *Pasce oves meas,* illi ergo tunc contulit potestatem in suis successoribus duraturam. Aliis vero Apostolis, nunquā ita contulit, quia solum fuerunt in illo initio Ecclesie necessarij, donec

7.
Posterior
pars cœlu-
sionis pro-
batur.
Cyprian.

August.
Hieron.
Leo Papa.

Richard.

8
Prima di-
uersitas iu-
risdictionis
Petri, & re-
liquorū A-
postolorum
perpetua
successio.

in omnem terram exiuit sonus eorum , & ideo sufficienter fundata Ecclesia, cessavit illa dignitas ; perseverauit autem Petri primatus. Atque ita hanc differentiam satis aperte indicauit Christus Dominus in eo singulari modo , quo Petru alijs preposuit.

Secunda differentia notanda est , quia haec potestas, quoad actum ferendi leges in Petro erat simpliciter superior , & independens ; in aliis vero inferior modo, & cum nonnulla differentia , quantum ad valorem , vel firmitatem actus. Declaratur, quia Petrus poterat suis legibus , vel præceptis alios etiam Apostolos obligare, & nullus poterat eius leges reuocare ; alijs vero Apostoli nec Petrum obligare poterant ; neque fortasse se ad iniucem , & Petrus in rigore poterat eorum leges non admittere , seu reuocare. Quod totum satis probatur ex muneris pastoris , & ex subordinatione necessaria ad unitatem. Vnde etiam mihi verisimile est , licet singuli Apostoli haberent potestatem ad ferendas leges obligantes vniuersalem Ecclesiam, tamen ordinarie illas non tulisse, nisi ex consensu , & acceptatione Petri ; vel certè illas tulisse in eis prouinciis, in quibus prædicabant, & postea non nisi sciente & consentiente Petro, ad totam Ecclesiam dimandasle. Quod ex eodem fundamento facile coniectamus . Quocirca quando legitur apud Cyprianū , vel aliquem alium Patrem, aut Pontificem ex relatis , vel referendis, omnes Apostolos fuisse pares, intelligendum hoc est formaliter (vt sic dicam) seu quantum ad dignitatem Apostolica , & eam iurisdictionem in vniuersum orbem , quæ præcise ex vi illius dignitatis data est. Nihilominus tamen Petrus excelluit in Pontifica dignitate. Et iuxta haec, vel declaranda est , vel non admittenda Glossa in dicto cap. In novo distincto 21. licet eam simpliciter approbat Turrec. in Summa de Ecclesiæ lib. 2. cap. 74. dum significat, alios Apostolos fuisse pares Petro eo tantum modo, quo Episcopi sunt pares Pontifici, scilicet in ordine , & consecratione. Non est enim in omnibus adequata equiparatio , nam de Apostolis constat ex dictis fuisse etiam pares Petro in dignitate Apostolica , & consequenter in vniuersalitate iurisdictionis in vniuersum orbem. Magis vero errarunt, qui ex illo textu intulerunt, Petrum ab aliis Apostolis fuisse electum in caput, quia in ipso textu dicitur, Apostolos alioqui pares in honore, & potestate, Petrum principem suum esse voluisse. Illud enim verbum non de voluntate antecedente, seu eligente , sed de voluntate consequente, & acceptante intelligendum est. Quod de mente Pontificis in eodem textu satis constat .

Dico tertio. Summus Pontifex immediate accipit ab ipso Christo , & ex vi institutionis eius potestatem legislativam in vniuersam Ecclesiam . Conclusio est omnino certa : nam quod hanc potestatem habeat ; est de fide , vt constat ex traditione , & communis sensu Ecclesiæ , & ex his, quæ statim afferemus . Quod autem habeat illo modo est conclusio adeo certa , vt sine errore negari non possit. Colligitur autem ex Scriptura hoc modo : nam Christus dedit hanc potestatem immediate Petro , non pro sua tantum persona , sed vt per continuam successionem perpetuo duraret in Ecclesia; ergo idem Christus qui hanc contulit potestatem Petro , confert successori suo ex vi prædicta institutionis , & illorum verborum, Super hanc

petram edificabo Ecclesiam meam, & Pasce oves meas. Constat autem ex perpetua successione , Summum Pontificem esse successorem Petri : ergo ab eodem Christo immediate habet potestatem. Vnde Anacletus papa in capite 2. dist. 22.

Anacletus

Romana Ecclesia non ab Apostolis , sed ab ipso Domino primatum obtinuit. Et probat ex verbis illis, Tu es Petrus. Idem Gelasius papa in cap. Quatuor. 21. dist. Vnde Innocent. I. in cap. Quatuor. 24. quest. 1. si ipsum Petrum appellat , dicens , Non nisi ad Petrum, id est, ad sui nominis , & honoris auctorem.

Gelas. &

Innocent.

Papa.

Cap. Qua-

tu-

ris.

C. Quatuor

11.

C. Signifi-

casti

Potestas se-

dis Apo-

stolica eadem

est cum po-

testate Pe-

tri.

C. Nouit.

C. Qua-

Hinc etiam in cap. Significasti, de Elect. dicitur, leges Romani Pontificis non pendere à Conciliis, sed Conciliorum ab ipso. Et insinuatur ratio , quia potestas illius sedis eadem est cum potestate Petri , & cap. Nouit , de Iudiciis de eadem Pontificis potestate dicitur , Cum non humana constitutioni , sed diuina innitatur , quia potestas nostra non ex homine , sed ex Deo est. Idem in capite Quanto , & fere toto titulo de Translat. Episcop. Hinc etiam in eodem textu Pontifex dicitur Christi Vicarius , non autem Petri , sed successor. Dicitur etiam solus habere plenitudinem potestatis ; cap. Ad honorem , de Auctorit. & vsu pallij , & cap. Decreto. 2. quest. 6. eamque potestatem habere dicitur per principalem potestatem beatorum Petri , & Pauli in cap. vltim. 9. quest. 3. Ac denique ob hanc causam dixit Agatho papa in capite. Sic omnes. dist. 19. Sic omnes sanctiones Apostolica sedis accipienda sunt, tanquam ipsius diuini Petri voce firmata sint. Alia ex Patribus , & Conciliis videri possunt in Bellarmino supra .

C. Sic om-

nes.

Bellarm.

Denique veritas haec ratione declaratur in hunc modum , quia haec potestas supernaturalis est , & propria Ecclesia Christi ; ergo nulli conuenire potest , nisi cui Christus illam contulit , vel confert , sed non contulit vt perpetuo duraturam, nisi Petro ; ergo idem Christus est , qui eam confert successoribus eius. Sicut enim à principio dependens fuit à donatione Christi , vt esse inciperet , ita perpetuo penderet ex simili influxu , seu donatione eius , vt consuetetur. Dices , donari quidem à Christo , non tamen immediate , sed medijs hominibus. Respondeo , nec essarium quidem esse aliquem hominum concursum , vt successorem eligant , quia haec successio non est iure sanguinis , aut hereditario , sed est morali modo per electionem . Nihilominus tamen ipsa potestas non confertur per homines tanquam per causam per se , vt itadicam , quia nemo dat , quod non habet , & Christus nunquam contulit hanc potestatem Ecclesiæ , vel aliis hominibus , vt illam possent in alium transferre ; ergo Christus ipse immediate confert . Vnde Adrian. papa in Epistol. ad Imperatorem , quæ refertur in septima synodo, Acti. 2. in additione , quæ incipit, Si vero, &c. dicit, Per continuam successionem in sede Petri , impleri verbū Christi, Tu es Petrus, &c. & infra ait, Ab ipso Redemptore mundi Beato Petro Apostolo principatus, ac potestas data est , & per eundem Apostolum Catholica , & Apostolica Ecclesia Romana usque hactenus tenet principatum & potestatis auctoritatem.

Adrianus

Papa.

Atque hinc facile expeditur dubium quod solet à Canonistis tractari , an papa solus sine consilio Cardinalium, leges, prælertim graues , & vniuersales condere valeat. Quod enim non possit , tenuit Laurentius in capite Sunt quidam. 25. quest. 1. & Ioan. Monachus in capite Super eo ,

13

Dubitum in-

cidens.

Laurent.

Ioan. Mon.

Anchar.
Bald.

Andr. Sicul.

14.
Posse Pon-
tificem si-
ne consensu
Cardinalium
validè fer-
re leges.
Turrecr.
Abbas
Felinus.

de Hæret. in 6. vbi idem sentit Anchār. cum Baldō in lege *Cum multum*, C. de Bonis, quæ liber. dicente non posse Papam infeudare castra pre-
tiosa Ecclesiæ sine consensu Cardinalium. Et late hanc sententiam defendit Andr. Sicul. tract. de Præstant. Cardinal. part. I. quæstione 1. Fundamen-
tum esse potest, vel quia iure consuetudini-
nis, vel quasi præscriptionis Cardinales habent
acquisitum hoc ius, vt Pontifex causas graues
non determinet sine eorum consilio, inter quas
causas meritò computatur legumlatio. Vel quia
iure diuino sunt ad id munus instituti, & ideo
non possunt illo priuari, & ad hoc allegatur
cap. Per venerabilem, Qui filij sint legitimi circa
finem ibi, Sunt autem sacerdotes lenitici generis fra-
tres nostri, qui nobis iure legitimo in exequitionem sa-
cerdotalis officij coadiutores existunt. Confirmat hoc
Andr. Sicul. ex cap. *Anastasiu*, distin. 19. vbi Ana-
stasius arguitur de eo, quod sine consilio Cleri-
corum hæreticis communicauerit.

Nihilominus certum est, in solo Pontifice esse
potestatem absolutam ferendi leges, ideoque
posse valide illas ferre sine consensu, & sine con-
silio Cardinalium, licet ex honestate, ac decen-
tia id regulariter non faciat. Hæc est communis
sententia Iuristarum, vt affirmat, & sequitur
Turrecremata in capite 2. §. Ideo. art. 2. num. 4.
Eandem tenet Abbas in cap. 2. de Clericis non
residen. numero 4. late Felinus, & multa refer-
rens in Rubrica de Constitutioni numer. 2. &
ibi Decius lection. 1. quæst. 3. Pluraque in huius
sententia confirmationem adducit Andr. Sicul.
dicta quæstione prima. Sed res clarior est, quam
vt multis probationibus indigeat. Vnde prior
pars videtur mihi adeo certa, vt sine errore ne-
gari non possit. Primo, quia talis est hæc pot-
estas in Papa, qualis fuit in Petro, sed in Petro
fuit ita absoluta, vt posset leges condere, etiam
sine consilio Apostolorum, ne dum aliorum in-
feriorum, ergo multo magis talis erit in Ponti-
fice, vt sine consilio Cardinalium possit leges
condere. Maior certa est, & iam probata. Mi-
nor etiam est certa ex dictis in assertione prima,
& secunda, & ex verbis Christi, *Pax eis meas*; ibi enim dedit illi potestatem etiam supra alios
Apostolos; dedit ergo eam illi soli, & liberam,
ac independentem ab illis. At in illa potestate
includitur potestas leges ferendi, vt etiam pro-
batum est; ergo hanc habuit Petrus liberam,
& independentem ab aliorum consensu, vel
consilio, sicut absolute illi promissa fuerunt cla-
ues, *Tibi dabo claves*, & sicut ipse solus futurus
erat Petra, in qua Ecclesia fundaretur. Sic ergo
habet Papa à Christo hanc potestatem; nullo
ergo modo potest limitari, aut minui ab homi-
nibus. Secundo hoc conuincunt iura sæpe al-
legata, præsertim cap. *Cuncta*, 9. quæst. 3. ibi
Apostolica sede; sine vlla synodo præcedentie, soluendi,
& damnandib; habuit potestatem; & hoc quidem pro
suo principatu, quem Beatus Petrus Apostolus Domini
voce tenuit semper, & tenebit. Item ex cap. vlt.
de Constit. vbi absolute dicitur, *Constitutio sedis
Apostolica omnes astringit*, & cap. *Sunt quidam*. 25:
quæst. 1. Romano Pontifici semper licuisse nouas condere
leges. Quibus locis, & alijs similibus absoluta
supponitur hæc potestas in solo Pontifice. Vnde
tertio possumus hoc confirmare fere ex omni-
bus legibus Pontificiis iuris Canonici: raro enim
addunt illa verba, *sacro approbante Concilio*, vel il-
la, *De fratrib; nostrorum consilio*, quæ sæpe in Mo-
tibus proprijs, vel Rescriptis alijs extra ius po-

A nuntur; in iure autem minime, sed Pontifices
ferunt leges propria auctoritate, & in se solis
agnoscunt absolutam potestatem, sicut Impera-
tor, aut Rex suas leges ferre solet. Ex quo etiam
magnum argumentum à fortiori sumitur. Tan-
dem id cōfirmare possumus, quia dignitas Car-
dinalium, nec tam est antiqua, nec ita diuina, &
immutabilis, sicut dignitas Pontificia: ergo. Ex
quibus etiam concluditur, sine causa dixisse
Cardinalem, consil. 138. Constitutionē factam
à Papa sine consilio Cardinalium non obligare
successores, quia debet eorum consensum requi-
rere: nam hæc ratio falsum sumit. Vnde in rigo-
re non magis obligatur successor papæ vna con-
stitutione sui prædecessoris, quam alia, loquen-
do de propria, & rigorosa obligatione, loquen-
do vero de decencia, facilius mutabit factam
sine consilio Cardinalium, quam cum illo edi-
tam.

Nec fundamenta alterius sententia sunt ali-
cuius momenti. Ad priorem enim partem recte
respondent Abbas, & alij ex doctrina Inno-
cent. in capite *Bona*. 2. de Postulat. Prælat. non
posse valere consuetudinem, aut præscriptionē
contra supremam Papæ potestatem. Quod est
veluti axioma receptum ab omnibus Iurisperiti-
s, & merito, quia non potest consuetudo hu-
mana præualere contra ius diuinum; hæc autem
potestas integra, & absoluta, scuplens (vt in
iure vocatur) est de iure diuino; ergo non po-
test diminui per humanum usum, alias etiam
posset auferri: nam in hoc eadem ratio est to-
tius, & partis) diminueretur autem, si ex abso-
luta fieret dependens à Cardinalibus, vt constat.
Vnde tota hæc consuetudo semper pendet à po-
testate, & voluntate Pontificis, qui posset iura
Cardinalium immutare, vel aliter constituere,
si expedire censeret. Vnde facile respondet
ad alteram partem (quidquid sit de dignitate
Cardinalium, an & quomodo sit, vel manet à
iure diuino) omnem potestatem eligendi Pon-
tificem, quæ in eis est, esse à iure humano, &
pendere à Pontifice, vt suo loco latius ostende-
mus. Nec cap. Per venerabilem aliquid in con-
trarium probat; solum enim inde habetur, Pon-
tifices in lege gratiæ instituisse consilium Car-
dinalium ad imitationem legis veteris; vnde
non sequitur hoc pertinere ad ius diuinum. Mi-
nus autem probat cap. *Anastasiu*, tum quia apo-
cryphum est, & nullius auctoritatis, vt in De-
creto Gregoriano notatur; tum etiam quia ibi
non agitur de usu potestatis legislatiū, sed de
communicatione cum hæreticis, generando
scandalum, & suspicionem de se prauam, de
qual longe alia fuisset ratio, si vera fuisset histo-
ria, & non fabulosa, vt re vera est.

Dico quarto. Christus Dominus per se ipsum
immediate nulli alteri contulit vñquam hanc
potestatem. Hæc assertio probatur auctoritate
negatiua, quæ in materia supernaturali, & fidei
est sufficiens. In Euangelio ergo non legimus
alicii alteri illam contulisse extra Apostolos.
Nam licet elegerit etiam septuaginta discipu-
los; longe tamen diuerso modo, quam Apo-
stolos, & nullibi talement potestatem eis contulit, vt
bene expendit Bellarmin. lib. 1. de Clericis cap.
14. Neque etiam ex traditione Ecclesiæ haberi
potest, Christum vel ante, vel post Ascensionem
suam aliis dedisse immediate hanc potestatem.
Suppono enim inter Apostolos comprehendendi
principue Paulum, & probabile est, etiam Bar-

Cap. Per
venerabile.Cap. Ana-
stasiu apo-
cryphum.16.
Solis Apo-
stolis imme-
diatè à Chri-
sto esse da-
tam predi-
cam pot-
statem.

Bellarm.

nabam

Cap. In no.
uo.
Cap. Quo.
tidie.

nabam numerandum esse, ut sentit Glossa in ca.
In novo, dist. 21. ex cap. Quotidie. 75. dist. quod est
Leonis Papæ, ep. stol. 79. cap. i. Duæ tamen hic
oriebantur difficultates, vna de Episcopis; alia
de Concilio generali, quæ in duobus capitibus
sequentibus melius tractabuntur.

C A P V T I I I I .

Positne vnuquisque Episcopus in sua diœcesi
leges ferre, & quo iure.

D Vobus modis solet potestas iuris dictio[n]is,
qualis est potestas ferendi leges, participa-
ri, scilicet, iure ordinario, & per delegationem.
Prior est, vt ita dicam, per se, & omnino cadere
potest sub scientiam, ac propterea de illo præci-
pue dicemus: nam aliud modus est magis per ac-
cidens, pendens ex voluntate hominis, & ideo
de illo in fine capit[is] quinti pauca subiiciemus.
Est autem pro generali regula supponendum,
potestatem hanc respectu totius Ecclesiarum in
nullo esse præter Papam, quia non iure ordi-
nario, vt patet ex capite precedenti) quia non
possunt esse in Ecclesia duo capita) nec etiā per
delegationem, quia tam vniuersalis delegatio
nunquam sit, nec forte conuenienter fieri potest,
vt infra dicam.

Dicendum igitur censeo, Episcopos habere
potestatem legislatuam in suis diœcessibus iure
ordinario, humano fundato aliquo modo in di-
uino. Tres partes habet hæc assertio. Prima est
absoluta, quod Episcopi hanc habeat potestatē
Et hæc sine controversia recepta est, eamque
tradunt Canonista in Rubrica. & in cap. Cum
omnes, & cap. Cum accessissent, de Constit. vbi Pa-
normit. Deci, & Hostien. Item Summisæ verb.
Lex. Potestque fundari in cap. 1. de Consecrat. d.
3. vbi Episcopi supponuntur, habere potesta-
tem præcipiendi festerorum & iejuniorum obser-
uationem. Item in cap. 2. de Locato, vbi suppo-
nuntur, Episcopos posse statuta facere, vt ibi no-
tat Glossa. Idem expresse habetur in c. 2. de Ma-
iorit. & obedient. cap. 2. de Constit. in 6. Estque
hæc potestas valde consentanea muneri Episco-
porum, quibus dixit Paulus Act. 20. Posuit vos
Spiritus Sanctus Episcopos regere Ecclesiam Dei. Itē de
illis maxime intelligit, quod Hebræor. 13. dicit,
Obedite prepositis vestris, itē potest adduci id Matt.
18. Quacunque ligaueritis, &c. Nam sub verbo li-
gandi etiam legislatio includitur, vt supra dixi:
loquitur autem ibi Christus ad omnes Aposto-
los, quibus Episcopi succedunt, cap. In novo, di-
stinct. 21. Tridentin. sess. 23. capite 4. Ex quibus
concluditur ratio; quia Episcopi sunt pastores
ordinarij, & princeps Ecclesiarum post Summum
Pontificem, & ideo ex vi sui muneric gent
potestate ferendi statuta suis subditis conve-
nientia; illa vero potestas competit iure ordina-
rio, quæ conuenit ex vi proprij muneric; ergo.

Secunda vero pars, quæ affirmit, hanc potes-
tatem conuenire Episcopis iure humano, ma-
gis controversa est. Aliqui enim contendunt,
habere illam de iure diuino, & immediatè à Chri-
sto, quantu[m] cum subordinatione, & dependen-
tia à Summo Pontifice. Tribuitur Victor. Relect.
2. de Potestat. Ecclesie quæst. 2. in fine sed re ve-
ra, si attente legatur, nunquam id expresse dicit,
licet fauere videatur, vt infra dicam. Apertius,
& nimia exaggeratione id tradit Castro de Iust.

hæretic. pun. cap. 24. dicens, oppositum esse
contra omnium sacrorum Doctorum senten-
tiam, nullum vero designat. Ei vero adhæsit Ga-
briel Vasquez 1. 2. disput. 152. cap. 3. Potestque
hæc sententia suaderi ex principijs positis. Pri-
mo; quia Apostoli habuerunt hanc potestatem
immediatè à Christo, sed Episcopi sunt Aposto-
lorum successores; ergo succedunt in hac pote-
state ex vi donationis Christi, ac subinde ab il-
lo immediate eā habent nō à Pontifice. Maior
posita est in capite præcedenti; Minor autē pro-
ximè probata est ex iure, & ex Concilio Tri-
dent. Consequentia item in simili probata est c.
3. Confirmant hoc ex verbis Christi Matt. 18.
Quacunque ligaueritis super terram, &c. quæ non
tantum ad personas Apostolorum, sed etiam ad
Episcopos eorum successores dicta fuere. Itē
inducunt verba Christi Luc. 10. Qui vos audit, me
audit; & qui vos spernit, &c. Nā illa ad Apostolos, &
eorum successores pertinent, vt tracunt Cypri.
lib. 4. epist. 9. & Basil. in Constit. Monast. ca. 23.
& eodem modo possunt induciverba Pauli Ro-
man. 13. Omnis anima potestatibus sublimioribus sub-
ditas. Nam etiam ibi intelliguntur potestates
Ecclesiasticæ, vt omnes fatentur, quia sunt verae
potestates: inter has autem maxime intelli-
guntur Episcopi, sub Pontifice. Denique simile
est illud ad Hebræos 13. Obedire prepositis ve-
stris, &c.

Secundo, quia munus Episcopale est de iure
diuino, vt suppono; ergo quidquid est in-
trinsicè annexum tali muneri, est de iure
diuino; sed iurisdictionem ad ferendas leges est
necessario coniuncta cum Episcopali munere;
quia non potest conuenienter pastorale mu-
nus exerceri sine tali potestate; ergo. Ita
enim supra colligebamus, Christum dedisse
Apostolis iurisdictionem immediatè, quia dedidit
illis Apostolatum, cui est intrinsicè necessaria
iurisdiction; ergo simili proportione procedit in
Episcopis, saltem quoad iurisdictionem eis pro-
portionatam. Dices, Episcopatum esse de iure
diuino quoad consecratione, & potestatē ordinis;
non vero quoad Episcopatum ipsum, vt inclu-
dit curam, & gubernationem. Sed contra hoc
obstat primo; nam Paulus dixit, In quo vos posuit
Spiritus Sanctus regere Ecclesiam Dei, &c. Nā regen-
di verbum aperte dicit pastorale munus. Secun-
do quia Episcopalis consecratio confert per se
ipsum Episcopalem dignitatem; ergo confert
iurisdictionem saltem in habitu, seu in actu pri-
mo, licet non conferat usum, donec applicetur
illi materia. Sicut in ordinatione sacerdotis da-
tur potestas absoluendi, que est iurisdictione in ha-
bitu.

Tertiò possumus argumentari ex usu anti-
quissimo Ecclesie, quia in principio Apostoli
creabant Episcopos, in consulto Petro, & po-
stea siebant per electionem cleri, aut populo-
rum, & statim censebantur esse Episcopi sine
speciali recursu ad Pontificem, vel alium ho-
minem; ergo signum est, potestatem illam da-
ri immediatè à Deo, facta designatione personæ
per electionem, vel per alium legitimum mo-
dum, sicut de Summo Pontifice diximus. Et
confirmatur, quia Episcopus, cum leges
fert, non potest dicere, se ferre illas potesta-
te sibi à Papa concessas; sicut non potest hoc
dicere, quando excommunicat, vel à cen-
sura absoluit: nam hoc pertinet ad dele-
gatum; non ad ordinarium iudicem, sed

Vasquez.

Matt. 18.

Luc. 10.

Cyprian.
D. Basilius

q:

2.
Episcopos
habere po-
testatem le-
gislatuam
in suis diœ-
cessibus iu-
re ordinario
humano
fundato ali-
quo modo in
diuino.
Panorm.
Decius.
Hostiens.

3
Sententia
dicentium
Episcopos
habere po-
testatem le-
gislatuam
iure dini-
no, & im-
media[re] à
Christo.
Victoria.
Castro.

poteſt, & debet dicere Episcopus, ego potestare a Christo accepta, vel quid ſimile; ergo ſignum eſt habere illam immediate à Christo.

**Oppofita
ſententia
vera colligi-
tur ex com-
muni Theo-
logorum.**

D.Thom.

Durand.
Sotus.
Caiet.
Anton.
Heruauio.
Vargas.
Bellarm.
Salmeron.

6.

Nihilominus dicendum eſt, hanc potestatem legislatiuam nō dari immediate à Christo, ſed per ſummi Pontificē; neque eſſe de iure diuino, ſed de humano. Similem assertionem pofui in tomo 4. de iurisdictione in foro pénitentiæ, & in tomo 5. de Potestate abſoluendi à censuris; conſequenter ergo in præſenti idem aſſero de Potestate legislatua. Quam ſententiam ex veteribus Theologis colligimus, quatenus aſſerunt potestatem clauium, aut iurisdictionis, quatenus ad gubernationem Eccleſia ſpectat, ad omnes alios per Petrum, & ſuccelfores eius de-riuari: nam clarum eſt, hanc potestatem legislatiuam ſub illa iurisdictione contineri; imo ma-ior eſt ratio de illa, vt ex diſcurſu patebit. Illud autem principium ſumitur ex D. Thoma 4. cōtra Gentes, c. 76. ration. 4. vbi dicit, ideo Chriſtum ſpecialiter Petro promiſſe, *Tibi dabo claves, vt oſtenderetur potestas clauium per eum ad alios deriuanda ad conſeruandam Eccleſia unitatem.* Idem ſentit 2. diſt. 44. in fine circa expositiōnem literæ. Et loquens de potestate concedendi indulgentias in 4. diſtin. 20. quæſt. vnica artic. 4. quæſtiunc. 3. dicens, *Papa habet plenitudinem potestatis Pontificalis quaſi Rex in regno: Epifcopi vero aſumuntur in partem ſolitudinis quaſi iuuices ſingulis ciuitatibus propositi.* Vnde concludit habere potestatem ſecundum ordinationem Papæ, & non amplius. Idem ſentit diſtinzione 24. articul. 5. quæſtione 3. ad 4. & Durand. quæſt. 2. nu. 13. Soto diſt. 20. quæſt. 1. artic. 4. Caietan. tomo 1. Opuscul. trā c̄tat. I. cap. 19. expreſſe Antonin. 3. part. 22. cap. 4. §. 1. verb. Septima, cum Heruao trac̄t. de Potestate Papæ, latiſſime Franciſc. Vargas trac̄t. de Auctoritate Pontificis quæſt. principali. Bellarmin. li. 4. de Romano Pontifice, c. 24. Salmeron tomo quarto part. 3. trac̄t. 4.

Vt autem hanc ſententiam ſine vocum ambiqutate probemus, aduertendum eſt, contraria ſententiam duobus modis ſolere explicari. Prior ſupponit in primis id, quod certum eſſe credimus, ſcilicet, conſecrationem Epifcopalem, & potestatem ordinis, quæ ex vi illius conſertur, eſſe ex Christi institutione, & ita ex vi iuri diuini conſerti, & recte dici poſſe immediate à Christo dari. Hoc in ma-teria de ordine ex professo probandum eſt. Nūc breuiter declarantur ſingulæ partes: nam ſicut Christus instituit, vt eſſet in Eccleſia ſacerdotes; ita etiam instituit, vt eſſent Epifcopi, qui in gradu ordinationis ſuę eſſent ſuperiores, & potentiores; vnde multa poſlunt efficere per potestatem ordinis, quæ non poſlunt vel omnino, vel ex vi tantum ſuę ordinationis, vt conſerre ordines præſertim ſacros, & maximè ſa-ſerdotum, conſirmare, & alia. Hac ergo potestas non poſt eſſe, niſi ex Christi inſtitutione, quia per illam datur character, & po-ſtetas conſerandi, abſoluendi, & gratia ſancti-ſificans, quæ non poſlunt eſſe ex inſtitutione humana. Ergo conſecratio Epifcopalis, per quam talis potestas datur, de inſtitutione Chriſti eſt. Item, quod per ſic conſerata detur ſpecialis poſtetas, de iure diuino eſt, nec po-ſtetas talis poſtetas impediſt, aut limitari per ho-mines, ſi conſecratio valida eſt. Ac ſubinde de recte diciſur à Christo immediate dari, quia licet intercedat actio miniftri conſerata-

tis aliud in Epifcopum, ille ſolum ſe gerit, vt minister applicans, ſeu efficiens ſacramen-tum, ſeu conſecrationem: Christus verò ipſe eſt & proximum & principale operans pro-pria virtute; ex vi ergo ſuę iuſtitutionis tan-tum conſert illam potestatem quali de ſuo, vel (vt ita dicam) de ſuo communicat participa-nem immediatam ſuę potestatis.

Hoc ſuppoſito dicit Castro, hanc potesta-tem ſic datam Epifcopo ex vi ſuę conſecra-tionis, non ſolum eſſe potestatem ordinis, ſed etiam iurisdictionis. Quia ex vi illius poſt Epifcopus conſecratus ius dicere, ſi ei appli-cetur materia. Ad eum modum, quo Na-uarrus & aliqui alij dixerunt, omnes ſacerdotes ex vi ordinationis ſuę recipere iurisdictionem in habitu (vt ipſi loquuntur) licet ea vi validè non poſſint, niſi eis applicetur materia. Ita etiam explicat hanc ſententiam Vasquez ſupra, vtens eadem ſimilitudine, & proportione, & declarans, illam applicationem materiæ non eſſe per ſolam approximationem præexiſten-tis materiæ; ſed eſſe per moralem effectiōnem ipſius materiæ, quæ ſimul fit, & approximatur. Quia materia illa ſunt ſubditi, vt tales ſunt, in præſenti ergo tunc applicatur materia, quan-do efficiuntur ſubditi, nec aliter applicantur, quam faciendo in eis ſubiectionem. Hanc ve-ro ſententiam ſic declaratam, non aliter pro-bat hic auctor, niſi quia exiſtimat hanc potesta-tem actiua iurisdictionis fuſſe promiſſam A-poſtolis Matth. 18. illis verbis: *Quacunque alliga-ueris, &c.* Item ultima confirmatione ſupra poſta, quod Epifcopus non poſt dicere, *Ego excommunico per potestatem à Papa acceptam.*

Mihi autem in tom. 4. diſp. 16. ſect. 3. Opinio illa Nauarri (vnde in præſenti ſumitur propor-tio) valde diſplicuit. Primum, quia in re ſo-lum mutat loquendi modum contra receptas locutiones Conciliorum, & ſcholaſticorum, vt ibi ponderaui, & conſtabit clare intuenti loca-D. Thomæ, & ſcholaſticorum, quæ proxime citaui. Qui appellant potestatem ordinis eam, quæ da-tur ex vi ſacramenti, & præter illam requirunt poſtatem iurisdictionis, quæ datur extra ſa-cramentum per hominiſ concessionem nudam. Illa autem iurisdictione in habitu, quam Nauar. ſic nominat, non eſt niſi potestas ordinis in cor-pus Christi myſticum, nec plus poſt operari ſine alia, quam poſtetas illa, quam ſcholaſticī or-diñis vocant. Deinde quia ſi neceſſe eſt, vt po-ſte fiant homines ſubiecti tali perſonæ, vt per illam poſtatem poſſit in illos operari, vt in præſenti Vasquez ſatetur; ergo neceſſe eſt, vt ſa-cerdos, vel Epifcopus conſecratus de nouo fiat ſuperior reſpectu talium ſubditorum, quia ſupe-rior, & ſubditus correlatiua ſunt, & ideo non poſt vnum fieri prius, quam aliud, neque vnu ſine alio. Ergo cum applicatur materia, & fiunt ſubditi, ſuperior accipit nouam poſtatem, & ius, & quaſi dominiū in illos, quia per tali poſtatem formaliter coſtituitur ſuperior; ergo illa eſt etiā poſtetas iurisdictionis; ergo ultra poſtatem catā per ordinationem, requiritur poſtetas iurisdictionis data per homines; ergo in idem reuoluitur, & immerito prior vocatur poſtetas iurisdictionis etiā in habitu, quia eſt poſtetas omnino abſoluta à ſubditis, quod repugnat iurisdictioni. Dicent fortasse, dicere habitudinem ad eos, qui poſlunt fieri ſubditi. At certe hoc modo quilibet homo habebit iurisdictionem aeti-

7. *Explicatur
opinio Ca-
ſtri, & Na-
uarii.*

3 *Refutatur
Nauarri*

*Cum ſu-
perior & ſu-
bitus ſint
correlatiua,
ideo unum
ſine alio nō
poſt fieri.*

uam regalem, quia habet rationem, & voluntatem, quæ habet potestatem imperandi eis, qui fieri possunt subditi, quod ridiculum est; sic enim simplex sacerdos ex vi ordinationis nihil plus habet superioritatis, vel iurisdictionis, quam veluti capacitem proximam ad superioritatem, & iurisdictionem in foro pœnitentiæ exercendam, si detur: tunc autem sicut superior non est, ita nec iurisdictionem habere dici potest.

Veruntamen licet ille modus loquendi in illa materia habere posset aliquam verisimilitudinem, in præsenti nullam habere potest: ad circa enim illam partem hic repeti, & declaravi, ut ex comparatione magis innotescat falsitas illius sententia. Probatur ergo assumptum: nā actus proprius iurisdictionis in foro pœnitentiæ essentialiter pender à potestate ordinis, scilicet, absolutio à peccatis, & consequenter omnis actus ligandi, & soluendi in illo foro, eandem dependentiam habet. Nam licet contingat, aliquem habere iurisdictionem per parochiale beneficium, si non sit sacerdos, nō potest perse absoluere; unde fit, ut actus ille simul essentialiter sit consecrationis (ut sic dicam) & ordinis, & ideo potestas ordinis sacerdotalis est potestas perse requisita ad absoluendum, & principium perse solutionis. Vnde quia absolutio est actus dicendi ius, potest aliquo modo illa potestas dici iurisdictiona, ut sic dicam. At vero in Episcopo nullus est actus iurisdictionis, qui per se pendeat à consecratione, & ideo Episcopus electus, & confirmatus potest efficere ea, quæ iurisdictionis sunt, iuxta cap. 1. & 2. de Translat. Episcop. & capite. *Transmissum de elect.* vbi id notat Glossa vlt. ab omnibus recepta, ibidem. Vnde etiam indulgentias concedere potest nondum consecratus; immo nec ordinatus sacerdos, vt docuit D. Thom. in 4. distin. 20. q. vnic. artic. 4. quæst. unc. 2. & Panorm. in c. *Accedentibus de excess.* Prælat. num. 4. cum alijs; cum tamen indulgentiarum concessio videatur actus maxime spiritualis inter omnes, qui sunt iurisdictionis. E contrario vero Episcopus consecratus, licet nullos subditos habeat, potest valide efficere omnes actus proprios ordinis Episcopalis. Quāuis enim vt recte fiant, necessaria sit licentia superioris: tamen si absque tali licentia confirmet, vel ordinet, valida est ordinatio, & confirmatio, vt est certum apud omnes. Ergo character, seu consecratio Episcopalis non est principium perse alicuius actus iurisdictionis: nullo ergo modo dici potest, quod sit iurisdictione actua, neque actu neque habitu, quandoquidem sine illo principio fiunt omnes actus iurisdictionis Episcopalis, & quando illud inest cum iurisdictione, solum se habet quasi concomitante respectu actionum puræ iurisdictionis, vel vt conditio quædam significans personam, & constituens habilem ad alias actiones magis sacras.

10
Tota iurisdictione Episcopalis potest committiri non Episcopo, non solum quoad potestatem, sed etiam vt illa per se ipsum vti possit; nec solum potest delegari, sed etiam vt ordinaria dari, vt est certum de multis Abbatibus, & de Prælatis religionum, de quibus Paulo in fratribus dicimus; ergo signum est, consecrationem Episcopi non dare vlo modo potestatem iurisdictionis, quia & esse potest sine vlla iurisdictione, id est, sine Episcopatu. vt dicitur in cap. *Inter corporalia de Translat. Episcop.* Et è contrario

iurisdictione Episcopalis potest esse, & exerceri sine consecratione. Vnde etiam colligitur, hanc iurisdictionem non consistere in applicatione materia, quæ sit distincta à potestate vera, & morali, quæ datur Episcopo per concessionem omnino distinctam à consecratione: per hanc enim potestatem ille sit superior, & alij sunt subditi, neque alia materia ibi cogitari, aut desiderari potest.

Tandem confirmatur, & declaratur ex potestate pontificia, quæ est veluti primum exemplar omnis potestatis spiritualis iurisdictionis, nemo enim negabit illam esse veram potestatem spiritualem actiuæ iurisdictionis; imo & supremam in ordine, quæ in puris hominibus esse potest: illa autem non datur Pontifici per vllam consecrationem, sed per electionem; & nullam concessionem Dei. Quando enim dixit

Potestas sp̄ ritualis iurisdictionis cōfertur pa- pa per elec- tionē, & nouā cōces- sione Dei si- ne cōsecre- tione

Petro Passe ones meas, nullam nouam consecrationem, vel charactere illi impressit, sed puram potestatem iurisdictionis illi præbuit. Sic etiā Papa, cum rite eligitur, statim est verus Papa, quoad talam potestatem, & nullam consecrationem inde accipit; imo si non sit Episcopus, vel sacerdos; postea consecrandus est, velet iam ordinandus, & interim nihilominus potest omnes actus solius iurisdictionis externe exercere. Ergo eodem modo conceditur alijs Episcopis propria potestas iurisdictionis per electionem, vel puram consecrationem, non per consecrationem; est enim eadem ratio. Tum quia Episcopalis potestas non est, nisi participatio quædam Papalis potestatis. Tum etiam quia sicut in constitutio- ne Papæ non est aliud applicare illi materiam, quam facere illi subditam vniuersam Ecclesiam; nec facere subditam est aliud, quam dare illi veram, & nouam potestatem supra illam; ita quando Episcopo consecrato tantum datur Episcopatus, non aliter applicatur illi materia, ni- si quia aliqui denuo illi huius subiecti, nec sunt subiecti, nisi dando illi nouam potestatem super- iorioris distinctam omnino à potestate ordinis, seu à consecratione. Tum denique quia sicut actus Pontificiæ iurisdictionis, vt sic, non sunt actus ordinis, vel consecrationis, nec ab illa manant; ita nec actus Episcopalis iurisdictionis. Et simile argumentum sumi potest ex iurisdictione Apostolorum, vt consideranti facile patebit.

Responde- tur argu- mentris op- positiōe sen- tentia.

Qua propter modus ille declarandi, & de- fendendi illam sententiam verisimilis non est. Nec recte pro illo adducitur promissio Christi Matth. 18. *Quicumque alligaueritis, &c.* Nam ex vi verborum ibi non fuit promissa potestas ordinis Episcopalis, sed fuit promissa potestas iudicaria, & iurisdictionis coactiuæ spiritualis, quæ de se dari posset, & interdum datur sine consecratione personæ. Quanvis alias Christus voluerit, vt perse primo, ac principaliter sit in Episcopis. Ratio vero illius sententia non vrget, quia solum nititur in quodam mo- do loquendi, & gratis, ac sine probatione sumit, non potuisse vsu introduci, vt Episcopi etiam in actibus suis iurisdictionis ordinariæ dicent, *Auctoritate mihi à Vicario Christi concessa*, vel quidpiam simile; sicut ordinarij u- dices, & gubernatores Régum dicere solent. *Principit Maiestas Regia*, vel aliud æquivalens: his enim iudicibus æquiparat Episcopos D. Thom. 4. dist. 20. q. vnic. artic. 2. quæst. unc. 3. Quod ergo hoc non sit in usu, non est, quia non possit esse,

nec

nec quia iurisdictio Episcoporum detur immediatè à Deo , seu per consecrationem , quod patet, quia de inferioribus Prælatis habentibus iurisdictionem Episcopalem sine consecratione nemo dubitat , quin habeant illam iure humano, & à Papa , & tamen illi etiam non vtuntur illo modo loquendi; non est ergo quia non possint, nec quia habeant iurisdictionem immediatè à Deo. Igitur in utrisque est, vel propter modestiam, & moderationem Pontificum, qui licet dent potestatem, intelligunt illam esse principalius à Christo , & in illum esse omnia referenda, quia illa est principale operans, ipsi vero sunt Vicarii eius. Vel certe id sit, vt distinctio seruetur inter potestatem delegatam, & ordinariam, ne confundantur , vel ambiguitates oriuntur. Vel certè, quia ordinaria potestas ita datur , vt postea Prælatus suo iure vtatur ad modum causa primæ præcipientis, idè necesse non est , vt exprimat in suo actu , quod habeat potestatem ad illam: nam hoc ipso iure constat , & consequenter, nec oportet exprimere à quo receperit virtutem, quia hoc impertinens est ad effectum. Potestas autem delegata semper est veluti quid facti, & qui illa vtitur se habet ad modū instrumenti actu moti, & pendens ab influxu causæ principalis , & ideo vt de iurisdictione constet, conueniens est exprimere operantem , se illam habere , & consequenter vnde illam habeat. Quæ differentia est moralis tantum congruentia , ita vt necessarium non sit semper seruari. Nam qui vtitur potestate delegata, non semper id exprimit, & Prælatus ordinarius potest, si velit, id explicare, & interdum forte propter aliorum ignorantiam poterit esse expediens.

13.
Ponitur secundus modus explicandi predictam sententiam.

Venio ad modum aliud explicandi, & defendendi priorem sententiam, nimirum Christum Dominum instituisse, vt essent in Ecclesia Episcopatus sub Pôtifice, quia non poterat tota Ecclesia immediatè gubernari per unum Episcopum vniuersalem, qualis est Summus Pontifex; voluitque idem Christus Dominus, vt illi intermedij gubernatores essent non tantum delegati, & quasi Vicarii Papæ, sed vt essent veri Pastores ordinarij, & Principes spirituales sub Pontifice Summo. Hoc enim ostendit Ecclesiastica traditio, & sumitur ex verbis Pauli citatis , In quo Spiritus Sanctus vos posuit Episcopos regere Ecclesias Dei. Hinc ergo ulterius fit , vt Episcopatus ipse ex vi institutionis Christi iurisdictionem ordinariam, & principalem includat; imo quod tota illa dignitas vt distinguitur à consecratione in potestate iurisdictionis consistat , quia est dignitas prælationis, & regiminis, quæ sine iurisdictione intelligi non potest. Et consequenter, nec sine potestate præcipiendi, hęc enim (vt supra dicebam) adeo est intrinseca superiori , vt repugnet aliquem fieri superiorem, seu Prælatum , & non recipere potestatem præcipiendi. Hinc ergo concludunt dicti authores, hanc potestatem dari immediatè à Christo, & ex vi iuris diuini, quia datur ex vi munieris à Christo instituti. Et licet Pôtifax, vel per se applicet tale munus huic, vel illi personæ , vel possit instituere modum applicandi illud; nihilominus tali munieri ex vi iuris diuini adhæret talis iurisdictionis, & ipsum munus ex vi iuris institutionis datur , & consequenter Pontifex solum se habet, vt designans personam; Deus vero est , qui persone, & immediatè tribuit munus, & consequenter potestatem.

A Veruntamen contra hunc modum explicandi hanc potestatem facile potest recepta veritas demonstrari. Nam in primis licet demus Episcopatum esse de iure diuino, non solum quoad dignitatē ordinis, sed etiā quoad munus pastorale, nō inde sequitur, institutionē, vel collectionē talis, muneris, vel iurisdictionis esse immediatè à Christo. quia fieri recte potuit, vt Christus docuerit, & præceperit Apostolis, & præcipue Petro , modum regendi monarchiam Ecclesiasticam medijs Episcopis tanquam pastoribus ordinariis, & Principibus sub Petro, & nihilominus quod commiserit Petro , & institutionem muneris cum tali iurisdictione , & collationem eius, non tantum designando personam, sed etiā potestatem ipsam impertiendo. Hac enim duo valde distincta sunt, & separabilia, præcipue aliquid fieri, vel facere illud. Vt fieri etiā potuit, vt Christus Apostolis præceperit, vt ordinaret modum & ritum celebrandi Sacrificium Missæ quoad accidentales cæmonias, & nihilominus eis commiserit illas ordinare, & instituere. Idemque dici potest de Oratione publica Ecclesiæ, & similibus. Sic ergo potuit Christus præcipere, vt esset in Ecclesia pastorale munus Episcoporum, & nihilominus institutionem illius muneris committere Petro. Hoc autem posito, (in quo nulla repugnantia, nec moralis incommoditas ostendi potest) plane sequitur , iurisdictionem Episcoporum esse de iure humano, & per homines dari. Quia res est talis ex immediata institutione, non ex præcepto, quod ad illam mouit. Nam præceptum remotè se habet, & est generale , & non determinat particulares circumstantias rei, sine quibus res ipsa non fit. Institutio vero proximè se habet , & constituit rem in particulari cum determinatis circumstantiis. Sicut in exemplis adductis cæmoniæ Missæ sunt de iure humano, esto præceptū generale ordinandi illas fuerit diuinum, vt re vera est, siue fuerit diuinum naturale, siue positivum; & sic in similibus. Idem ergo erit in præsenti ex dicta hypothesi , quod Episcopatus inferiores pontificali dignitate nō habent à iure diuino nisi generale præceptum instituendi, & conferendi talem dignitatem, vt si Rex mittens Proregem in Indiam, illi præcipiat constituere in provincijs ordinarios gubernatores, illi vero committat, & modum potestatis illis conferendæ, & munerum largitionem, non dicentur postea gubernatores illi habuisse munus à Regis immediate, sed à prorege, licet ex regis præcepto , quia proxima mensura potestatis est voluntas, ac iudicium Proregis, & ipse est etiam proxima causa , quæ ex vi suę potestatis alia officia prouiderit, ita ergo erit in præsenti posita prædicta institutione.

D Quod ergo talis fuerit Episcopatum institutione, probatur primo ex modo loquendi Canonum; ait enim Gregor. in cap. Decreto. 2.q.6. Romana Ecclesia vices suas ita alijs impetravit Ecclesijs, vt in partem sint vocatae sollicitudinis, non in plenitudinem potestatis. Vbi pondero verba illa, Vices suas impetravit: nā plane significant, aliarū Ecclesiārū pastores à Romano habere potestatem, & ideo suo modo vices illius gerere, sicut olim Prætores vices Imperatoris gerebāt. Non intedit autem per hoc docere Greg. Episcopos esse tantum Vicarios Papæ, & nō proprios pastores, & Principes, sed solū voluit explicare emanationē unius principatus ab alio , à quo creatur Episcopi, vt eius coadiutores. Item Leo papa in capite

14
Rejicitur
predicatio
modus.

15
Gregor. in
cap. Dec-
reto. Leo in
cap. ita Do-
minus.

Ita Dominus. 19. dist. loquens de potestate Petri, inquit in ipso fuisse à Christo principaliter collocatam. *Vt ab ipso quasi quodam capite dona sua relut in omne corpus diffunderet.* Quod testimonium ita cludit Castro, vt particulam illam, *Ab ipso, interpretetur, dicere originem temporis: non causalitatis.* Nam Christus est (inquit) qui immedia- te dedit Apostolis potestatem, sed prius Petro Matt. 16. & posteā reliquis Apostolis Matt. 18. Sed in primis semper ibi supponit falso, scilicet, Christum dedisse Petro, vel Apostolis potesta- tem Matt. 16. & 18. quia tunc non dedit, sed promisit, vt constat ex verbis, & communis ex- positione. Vnde falso etiā est, Christum prius tempore dedisse Petro Apostolatum, vel pote- statem, quam cæteris Apostolis: nam simul om- nibus dixit, *Sicut misit me viuens Pater, & ego mitto vos, Ioan. 20. & cap. sequentia dicit Petro: Passe oues meas, quod pertinuit ad singularem dignita- tem eius; posteā vero iterum quoad munus A- postolatus dixit omnibus, Euntes in mundum vni- uersum predicate Euangelium, &c. Matt. vlt. Po- testas ergo Apostolorum, & iurisdictio illorum, vt tales erant non fuit, ab ipso, Petro etiam ordi- ne temporis: non ergo in hoc sensu loquutus est Leo. Neque per illam particulam, ab ipso, refert solam personam Petri, sed etiam cum propor- tionē ad suos successores, vt constat ex contex- tu. Prius enim dicit, *Christum Dominum ita ordi- nasse Apostolorum officium, vt in Beatisimo Petro Apo- stolorum omnium summo principaliter collocaret.* Vbi non dixit prius tempore, sed principaliter, quia nimis in illo tanquam in capite, & ordinatio pastore, cui succedendum esset, in alijs vero tan- quam in legatis vitalitijs, vt sic dicam, officium illud collocavit. Et addit rationem, & causam, vt ab ipso, id est, per ipsum, *dona sua diffunderet, non in Apostolos, iam enim de illis non tractabat, sed in corpus omne, non uno tempore, sed perpe- tuō, ideo enim voluit dignitatem illam Petri esse perpetuā, vt per Petrum, & successores eius om- nis alia potestas ad alios diffunderetur.**

Secundo potest adiungi ratio, & congruentia, quia hic modus institutionis est magis conser- taneus per se & monachiz, qualem esse Chri- sti Ecclesiam Catholici intelligunt. Item est co- gruentior ad maiorem vniōnem membrorum omnium etiam principalium cum suo capite, & perfectiorem subordinationem, & consequen- ter maiorem Ecclesiæ pacem; ergo merito cre- dimus, ita fuisse Ecclesiam à Christo institutam. Præsertim quia de supremi capitinis institutione cum plenitudo potestatis, & at soluta pastorali cura sine vlla limitatione constat expresse ex Euangelio; de potestate autem immediate data alijs prælati, quibus perpetuo succederetur ex vi eiusdem donationis, non constat ex Euangeliō, imo neque aliquod eius indicium reperi- tur. Et aliunde ex vsu colligi potest, mutationes, & erectiones Episcopatuū ad Romanum Pon- tificem temper spe & aste, vt sumitur ex ca. Quan- to, & cap. Saloniā 63. dist. & cap. Pastorali. & c. Tempori, 7:q.1. & plura alia referi Vargas suprà.

Tertio declaratur eadem veritas ex differen- tia inter pontificiam dignitatem, & officium E- piscoli: nam pontificia dignitas habet certam, & immutabilem qualitatem & potestatem ex vi sua institutionis in his, quæ ad substantiam eius pertinent, & ideo recte intelligitur esse po- tuisse, ac debuisse ex immediata institutione di- uina. Nam ex parte subditorum, & territorij

A **habet determinationem per modum vniuersa- litatis, vt scilicet extendatur ad vnuersum mundum, & omnes Christianos baptizatos, & aliquo modo ad omnes homines, quantum ne- cessitatis est ad fidei propagationem, ac iustam re- ligionis Christianæ protectionem; & similiter ex parte actionum soluendi, & ligandi omnium modorum, & materiarum, in quibus versari possunt, habet eandem determinationem per vniuersalitatem, & in omnibus his habet immu- tabilitatem, quianec augeri, nec minui ab ho- minibus potest, & ideo illius potestatis origo im- mediate in Deum fertur, quia non est in homi- nibus potestas nec innata, nec extrinsecus da- ta, à qua tanta celsitudo potestatis manare po- tuerit.**

*stantia eius
pertinent.*

B At vero munus Episcopale non habet cer- tam qualitatem, aut determinationem ex vi iu- ris diuini, neque in territorio, neque in personis subdendis huic, vel illi Episcopo, neque in acti- bus regiminis, neque in materia illorum. Vnde videbimus quoad territoria Episcopatus esse in- *equalis, & eundem nunc augeri, nunc minui,* vel vnum in duos dividendi, vel ē conuerlo ex duo- bus vnum fieri. Quoad personas etiam ex eadē Diœcesi aliquæ existuntur à subiectione Epi- scopi, & immediate subjiciuntur Papæ, vel alte- ri iuxta voluntatem eius, & sèpe contingit E- piscopum vnius Diœcesis habere Ecclesias sub- jectas sibi in alterius Diœcesi, & aliquam exem- ptam in proprio territorio. In ipsis etiam Epi- scopatibus est ordo hierarchicus Episcoporum, Archiepis. & Patriarcharum, seu Primatum, qui nullo modo potest in ius diuinum referri, vt per se constat. Item in actibus iurisdictionis spi- ritualis aliqui sunt, quos non posunt Episcopi ex vi sui officij, vt instituere irregularitates, vt in propria materia dixi, vel præscribere impe- dimenta irritantia matrimonium, vt ex propria materia suppono, vel relinquere suū Episcopatuū, aut ad alium transire, iuxta caput. *Inter cor- poralia, de Translat. Episcopor. & cap. Nisi cum* pridem, de Renunciat. & in vniuersum grauiorum causarum definitio iuxta caput. *Maiores, de* Baptismo. In alijs vero actibus iurisdictionis, quos Episcopalis potestas exercere potest, limita- tionem, & reseruationem sèpe recipit, vel certam mensuram, vt in absolucionibus, dispen- sationibus, indulgentijs, & alijs similiibus: ergo non potuit conuenienter tale munus habere di- uinam institutionem immediatam, quæ debet esse certa, & præscripta. Qualis enim, & quanta hæc fuerit, ex iure diuino definiti non potest; ergo nec ipsum munus in potestate iurisdictionis consistens fuit immediate institutum, & datum à Christo, sed solum præceptum, & commissum Vicario suo.

*C. Inter cor-
pora.
C. Nisi cum
pridem.
C. Maiores*

D Cicetur, ex vi iuris diuini habere Episcopum integrum potestatem iurisdictionis spiritualis, nisi à Papa in aliquibus rebus limitetur, & solum in hac dependentia esse inferiorem potestate Papæ, atque hoc modo habere certam quali- tatem, & præscriptum modum ex vi iuris di- uini, variabilem tamen per humanum. Sed in primis hic modus institutionis alienus est ab institutione diuina; decet enim, vt ea, quæ immediatè à Deo præscripta sunt, immu- tabiliora permaneant, & ita videmus seruari in institutionibus sacrificij, & sacramentorum. Deinde, cum in illo munere tanta futura esset mutabilitas, ac varietas, & nunquam

*I9.
Euasio cum
oblatione.*

retin-

Matth. 16.
& 18.

Ioan. 20.

Matth. vlt.

16.
Predictus
modus in-
stitutionis
est magis
consentane-
us, perfecta
monarchia
& congrue-
ntror majori
unioni mē
brorum cū
meo capite.

C. Quatuor.
C. Saloni-
tana.
C. Pastorali.
C. Temporis
Vargas.

17.
Papalis di-
gnitas ha-
bet certam &
immutabi-
le qualita-
tē ex vi sue
instituicio-
nis in his
qua adiub-

retenturum esset totam illam vniuersalitatem, necesse fuit ita diuinitus institui, cum iam esset data Ecclesia in Petro sufficiens potestas, per quam posset ordinari: Deus enim suauiter disponit omnia, operando per causas secundas, quando commode potest. Denique ex illo modo institutionis videntur sequi aliqua absurdia, vnum est, Episcopalem iurisdictionem dese, & ex vi iuris diuini extendi ad vniuersum mundum, & ad omnes homines, nisi per pontificem limitetur ad modum iurisdictionis Apostolicæ, quod per se incredibile est. Aliud est posse Episcopos ex vi iuris diuini dispensare in matrimonio rato, nisi à Papa reserueretur, quod est etiam incredibile. Tertium est posse relinquere Episcopatum sua auctoritate, nisi à iure humano esset prohibitum, quod est contra Innoc. 3. in dicto cap. Inter corporalia. Et similia possunt multa inferri, non fuit ergo talis institutio diuina, sed solum hæc, vt crearentur Episcopi, qui essent ordinarij pastores principales animalium; ergo nihil aliud immediate per ius diuinum posituum institutum est. Ex illa vero generali ordinatione sequitur statim, in creando illo munere, seruanda in primis esse, quæ ius diuinum naturale postulat, supposito priori fundamento, scilicet, vt tale munus creetur cum omnibus necessarijs ad conuenientem vsum eius: in his vero, quæ prudentialia, vel arbitria sunt, res tota commissa est Petro; ergo ab illo, & per illum habent immediate Episcopi omnem suam potestatem.

Vnde tandem concluditur, multò magis id dicendum esse de potestate ferendi leges, quia non solum potest illa limitari, vel ampliari per Pontificem, vt quotidie fit, sed etiam possent particulares Episcopatus institui, non cōferendo Episcopis potestatem condendi leges. Quia hæc potestas non est per se necessaria in omni gubernatore, nec in omni Principe, vt patet in temporalibus Principibus habentibus superiorem in illo ordine. Et ratio est, quia ad huiusmodi regimen, etiam ordinarium, principalius sufficit potestas præcipiendi pro tempore, pro qua durat regimen, & obligandi, cogendi, ac iudicandi, quæ omnia possunt haberi sine potestate ferendi leges, id est, perpetua præcepta, & durabilia post mortem præcipiētis. Vel saltem posset Pontifex ordinare, vt statuta Episcoporum non essent firma, & durabilia, nisi ab ipso confirmarentur, vel nisi approbarentur à Concilio prouinciali, vel à Metropolitano, aut Patriarcha, prout ipsi iuxta regionum varietatem, ac distantiam videretur expediens. Cur enim hoc non poterit Pontifex? aut quæ est in his omnibus repugnat. Imò versus ipse ostendit, potestatem hanc sæpe illis cōcedi cum aliqua limitatione, vt patet ex cap. vlt. de Fer. ibi, Cum clero, & populo, & ex cap. Nouit, cum toto fere titulo de his, quæ fiunt à Prælat. sine consen. capit. Ergo ex diuino iure naturali non repugnat Episcopale regimen cum hac limitatione instituti, quandoquidem Episcopi in suo ordine non sunt supremi principes, sed superiorem habentes. Nec autem repugnat ex diuino iure positivo, vt à fortiori constat ex dictis.

Quia nullum est verbum in sacra Scriptura, nec vllum vestigium traditionis, vnde colligi possit tale posituum ius, si ex natura rei non est illa potestas necessario connexa cum Episcopali munere. Habent ergo Episcopi hanc potestatem, quia supremus Ecclesia legislator huma-

nus, qui est Pontifex, illam eis, vel expresse, vel tacite concessit, suove muneri adiunxit. Sicut supra dicebamus de Dynastis subiectis Imperatori, vel alteri Regi supremo in temporalibus, tunc posse leges ciuiles condere, quando eis concessum est, & non alias. Quod autem Episcopis sit hæc potestas concessa, ex vnu, & ex iubibus citatis constat.

Ad primum ergo, & præcipuum fundatum Castri, quod Episcopi sunt successores Apostolorum, respondet utroque uno verbo succedere illis vt Episcopi fuerunt, non vt fuerunt Apostoli: sunt enim hæc dignitates diuersarum rationum: Paulus enim Apostolus fuit, & nescimus fuisse Episcopum alicuius certæ dioecesis, vel habuisse aliquam propriam Ecclesiam, tanquam ordinarium, & proximum pastorem illius, licet haberet solicitudinem omnium Ecclesiarum. 2. Corint. 11. & in multis creavit Episcopos, vt Titum Cretæ, Timotheum Ephesi, Dionysium Athenis. De Ioanne etiam Evangelista legitur, rexisse vniuersas Ecclesias Orientis, & in eis Episcopos constituisse, non tamen propriam alicuius sedem priuatam Episcopum occupasse. Fuerunt ergo omnes Apostoli Episcopi immediatè facti à Christo quoad consecrationem, & quoad hanc succedunt illis omnes Episcopi: fuerunt item Apostoli Episcopi quasi vniuersales totius Ecclesia ex immediata cōcessione Christi, & secundum hanc rationem non habuerunt successores præter solum Petrum, qui altiori modo pontificatum habuit.

Aliqui etiam Apostoli (licet non omnes) habuerunt determinatas sedes Episcopales, & quoad hoc non habuerunt Episcopatum immediatè à Christo, sed per determinationem humanaam. Sic Jacobus Alphæi creatus est primus Episcopus Hierosolymitanus à Petro, vt testatur Chrysost. Hom. 87. in Ioan. & Euseb. libr. 2. Historiæ cap. 1. Sic etiam ipse Petrus primus Episcopus fuit Antiochiae, quam sedem non immediatè à Christo habuit, sed sua auctoritate accepit, & eadem postea reliquit. Quoad hos ergo Episcopatus succedunt Apostolis Episcopi, propriè quidem, & in rigore solum in illis Ecclesijs, quæ aliquem ex Apostolis habuerunt in primum Episcopum, in reliquis vero solum per quandam imitationem, vel participationem, quam habent à Petro, non immediatè à Christo. Ad verba Christi. Matth. 18. iam dictum est, solum fuisse promissiva. Modus autem quo talis potestas esset danda pastoribus Ecclesia, ibi non declaratur. Vnde licet Episcopi habeant per Petrum potestatem, verissimè in illos conuenit. Quoscunque ligaueritis, &c. Cum participatione, & distributione accommoda. Reliqua testimonia immerito afferunt, quia non solum de Episcopis, sed etiam de omnibus superioribus, seu Prælatis inferioribus verum habent. Et suo modo etiam in Magistratibus, & principibus temporalibus, quamvis certum sit, non immediatè à Deo, sed per concessionem hominum habere suam potestatem. Nam postquam illas habent, incipiunt esse ministri Dei, & ideo illis debetur obedientia.

Ad secundum patet responsio ex dictis; concessa enim maiori in bono sensu, negatur Minor, quia potestas ferendi leges, non est de ratione intrinseca munieris Episcopalis secundum generalem rationem suam, secundum quam habet originem aliquam à iure diu-

21
Reponde-
tur funda-
mentis ad-
uersariorū.

2. Cor. 11.

Episcopi suc-
cedunt A-
postoli vt
fuerunt E-
piscopi. non
vt Apostoli.

22.

Chrysost.
Euseb.

Matt. 18.

23
Apostola-
tus fuit dī-
gnitas uni-
uersalis in-
risitacionis
in totâ Ec-

no:&

C. ultim de
Fer. ibi. Cū
clero & po-
pulo.
C. Nouit.

eccliam ac
proinde cō.
petit ei fer-
re leges, nō
sic vero E-
piscopalis.

no; & ideo non est apta comparatio, quæ fit ad dignitatem Apostolatus: nam illa fuit dignitas vniuersalis iurisdictionis respectu totius Ecclesiæ, & ab ipso iure diuino fuit determinata ad illum gradum perfectionis. Episcopalis autem dignitas quoad iurisdictionem non est ita de iure diuino, nec habet ab illo certum modum potestatis, & consequenter nec institutionem, sed solum generale præceptum instituendi; & conferendi illam. Et hoc modo sufficienter explicantur verba Pauli, *In quo vos Spiritus Sanctus posuit Episcopos regere Ecclesiam Dei: Eo vel maxime quod etiam reges dicuntur regnare per Deum, & habere potestatem à Deo, etiam si per homines immediate illis collata sint regna; ita ergo licet Episcopi constituentur à Petro, verissime dicitur, positos esse à Spiritu Sancto ad regendam Ecclesiam, quia hæc est voluntas Spiritus Sancti, & non sine ipsius inspiratione, & cooptatione fit. Reliqua, quæ ibi adduntur, iam sunt expedita.*

24

B Ad tertium ex vsu respondeatur, post Apostolos semper fuisse Episcopos creatos per homines, & non immediate a Christo, & accepisse suam potestatem mediante Pontifice summo aliquo modo, licet non semper fuerit idem modus seruatus. Nam in principio nascentis Ecclesiæ, licet Petrus sua auctoritate quam plurimos Episcopatus erexerit, vt late refert Baron. Ann. 44. num. 11. 27. & sape alijs locis; tamen etiam alijs Apostoli per potestatem sibi à Christo concessam Ecclesiæ erigebant, & Episcopos in eis constituebant, vt de Paulo dictum est, & de se ipse testatur, & de Iohanne Evangelista ait Hieron. de Scriptor. Eccles. Totas Asia fundauit, rexitq; Ecclesiæ. Et Tertullian. lib. 4. contra Marci. cap. Habemus (inquit) Iohannis alumnas Ecclesiæ, nam eis Marcion Apocalypsim eius respuit, Ordo tamen Episcoporum ad originem recensus, in Iohannem stabit auctorem. Et de alijs similiter est notum, ac necessarium.

Baron.

D. Hieron.

Tertullian.

25
Ordo Hie-
rarchicus to-
sus à Petro
dependens.

Nihilominus vero credendum est, omnes Episcopos ab Apostolis creatos habuisse successores, media Petri auctoritate, mediate, vel immediate. Nam ordo Hierarchicus Episcoporum, Archiepiscoporum, & Patriarcharum à principio Ecclesiæ incepit, & quia in Ecclesia perpetuè erat duraturus, non sine auctoritate Petri institutus est, vt alibi Deo dante latius dicemus? Tunc ergo in Asia, & aliis regionibus remotioribus per electionem aliquam vsu, & tacito consensu Romani Pontificis siebant Episcopi & superiores Prælati, & fortasse Archiepiscopi confirmabant Episcopos, in Oriente, & regionibus remotis, Patriarchæ autem Episcopos, ipsi vero Patriarchæ à principio fuerunt per Petrum instituti, & postea auctoritate Romanæ Ecclesiæ, vel modo aliquo ab illa præscripto constituebantur, & ad hunc modum semper potuerunt Episcopi mediate, vel immediate per Romanum Pontificem creari. Et licet per electionem, vel postulationem cleri, aut populi fierent, potestas ipsa semper dabatur auctoritate capituli, vel perfæ, vel per alios operantes, quod usque hodie seruatur in Ecclesia Catholica, semperque seruatum fuisse credendum est? Nam vt ait Ireneus libro tertio, capitulo tertio. *Ad Romanam Ecclesiam propter principalitem principalitatem necesse est omnes conuenire Ecclesiæ, hoc est, omnes undique fideles. Quod licet maxime de Doctrina Fidei verum sit; tamen etiam locum haberet in his omnibus, quæ ad vniuersale regimen, &*

A grauiores eius actus pertinent, inter quos computatur creatio Episcoporum, vt tradit Gregor. in cap. Præceptum, distinct. 12. & ibi Glossa, & alij notant, & sumitur ex cap. Antiquis 9. quest. 3. quod sumptum est ex Epistola Athanaij ad Fe- licem Papam. Vnde etiam notat Glossa in cap. Quamquam de Elect. in 6. quod de iure antiquo, & dispositione Ecclesiæ potestas conferendi E- piscoparum pertinet ad Papam, & notat Panor- mitan. in cap. Verum, de For. compet. nu. 11.

Glossa.

C. antiquis.

C. quæquid.

C. Verum.

Atque hinc tandem explicata, & confirmata manet ultima pars assertionis, in qua dicebamus, potestatem hanc Episcoporum originem habere à iure diuino, & præceptu Christi est, vt Ecclesia per Episcopos gubernetur, & quod à Papa votentur in partem solitudinis, licet modus, determinatio, & collatio potestatis per arbitrium, & prudens iudicium Pontificum facta sit, & augeri vel limitari possit. Ut autem hæc omnia clariora fiant, & ad omnes singulares personas, quæ leges Ecclesiasticas ferre possunt, melius applicentur, nonnulla peculiaria dubia in sequenti capite proponeamus, & exponeamus.

C A P V T V.

*Deciduntur nonnulla dubia quibus doctrina su-
prioris capituli magis explicatur.*

Primum dubium est, utrum Episcopus pos-
sit condere leges sine voluntate papæ, & que regula in hac materia seruanda sit, videlicet, an possit Episcopus quidquid ei non prohibetur, vel solum quod ei conceditur. In quo primo dicendum est, Episcopos non posse leges ferre in rebus, quas Papa sibi specialiter referuavit, illis videlicet aliquo modo repugnantes. Hoc est certissimum ex subordinatione debita. Ha-
beturque in cap. 1. de Translat. Episcop. & cap. 1.
& 2. de Reliquijs, & Venerat. Sanctorum, & cap. vlt.
de Religiosis domib; Vnde secundo certum est;
non posse aliquid statuere contra ius commune,
quia eo ipso repugnarent voluntati superioris,
sumitur ex cap. secundo de Locato. Tertio ad-
dendum, in grauioribus causis nihil posse sta-
tuere, quia per generalem regulam Sedi Apo-
stolicæ sunt referuatae. Notat Glossa in capit.
secundo de Maiorit. & obedient. Item Glossa
in cap. secundo, §. Porro, dist. 3. & 18. distin&t. in
principio. Abbas in capite ultimo de Offic. Le-
gato, numero quinto, & sumitur ex cap. Præceptu
distinct. 12. & cap. Multis, distin&t. 17. & cap. Ma-
iores, de Baptismo. Probatur etiam ex generali
principio, sub generali concessione non venire
ea, quæ in specie non essent verisimiliter conce-
denda cap. vltimo de Officio Vicarij in sexto, &
optime ad rem præsentem in cap. Quod translatio-
nem. Vbi adnotant Panormitan. & alij, & Barthol. in l. Omnes populi, Digest. de Iustitia, & iure,
numero 26. Dicuntur vero esse grauiora, quæ
ad nouam fidei declarationem, vel promulga-
tionem pertinent, vel quæ concernunt statum
vniuersalis Ecclesiæ, vt verbi gratia, continen-
tia sacerdotum, aut quæ repugnant priuilegiis,
vel consuetudinibus vniuersalibus, iuxta caput,
Cum dilectus. de Consuetud. vbi Glossa verbo,
Constitutus. Item vnam Ecclesiæ alteri subiictere,
aut duos Episcopatus, vel unum in duos diuide-
re, vt dicitur in dicto cap. Quod translationes, & si-
miles effet quadragesimale ieiunium mutare, vel

Dubiū pri-
mum.

Episcopos
nō posse ali-
quid statue
re cōtra ius
cōmune vel
circa ea quæ
papæ sibi spe-
cialiter re-
seruanit.

Glossa in
cap. 2.
§. Porro.
Abbas.
C Præcep.
C Maiores.
C. Multis.

C. Quod
translat.
Panorm.
Barth.

Circa que
non posse
statuere E-
piscopus
C. Cum di-
lectus.

Circa que
potest fra-
tuere Epi-
scopus.

2.

C. Siquis.

Panormit.

C. Nouit.

C. Quanto.

C. Nouit.

C. Quanto.

C. cum om-

Felin.

Archid.

3

Idem posse
Archiepis-
copi in suis par-
ticularibus
Diocesis.
quod Epi-
scopi in suis.

C. Duo.

Glossa.

quid simile. Extrà hos vero casus pro generali regula habendum est, Episcopum non agere positiva approbatione, confirmatione, aut concessione papæ, vt possit statuta condere de se firma, ac perpetua, quia hoc conuenit illi iure ordinario, capite secundo de Maiorit. & obedient. cap. secundo de Constitut. in sexto & ex perpetua consuetudine, traditione Ecclesiaz, neque est illa ratio ad limitandam hanc Episcopi potestatem.

Secundum dubium est, Vtrum Episcopus possit sine consilio, vel consensu capituli, aut cleri, statuta efficere. Aliqui enim id affirmant ex Glossa in capitulo, *Siquis*, de Majoritatibus, & obedient. sed illa Glossa id non dicit, sed solum ait posse Episcopos constitutiones facere. Vnde Panormit. cap. ultimo de Offi. legati absolute id negat, citatque Ioan. Andr. & id colligit ex cap. Nouit. & cap. Quanto, de Iis, quæ sunt à Prælato sine consensu capituli. Quæ iura non loquuntur de statutis, sed de obiectib[us] bonorum Ecclesiaz, & alijs similibus negotijs, quæ ab Episcopo sine capitulo facienda non sunt. Vnde dicendum puto, eandem fere regulam hic esse seruandā, quæ in proximo antecedenti puncto posita est. Nam regulariter Episcopus non pendet in ferendis legibus à capitulo, quia non habet ab illo potestatem, sed à Papa, à quo in suo gradu constitutus est princeps habens regimen Monarchicum, quia hoc erat magis consentaneum diuino iuri. Item, quia nullo iure adhibetur hæc limitatio potestatis Episcopalis, nec talis dependentia Prælati à subditis in legibus ferendis sequitur ex principiis naturalibus: ergo non est pro generali regula constituenda, solum ergo dici potest, esse necessarium concilium, vel consensum cleri, aut etiam populi in casibus à iure expressis, vel in his rebus, quæ speciale ratione, vel necessitatem præferunt. Exemplum prioris partis habetur in capitulo ultimo de Feriis, & de illo latè dixi in tom. primo de Religione tractat. 2. lib. secundo, cap. 11. à num. septimo. Exempla alterius partis sunt, si leges Episcopi disponant de rebus, quæ possunt cedere in præiudicium capituli, aut cleri, proportione seruata, vt si sint contra priuilegium à Superiori illis concessum, vel contra præscriptam consuetudinem. Et hoc ad summum potest colligi per argumentum à simili ex dictis capitibus, Nouit, & caput. Quanto, & magis ex cap. *Vestra*, de Locato; & est hæc communis sententia. Felinus cap. Cum omnibus. de Constitut. num. 11. & Archid. ex textu ibi cap. 1. de conser. dist. 3.

Tertium dubium est, quid dicendum sit de superioribus Prælati, vt sunt Archiepiscopi, Primates, seu Patriarchæ. De quibus in primis certum est, iure communi idem posse in suis particularibus Diocesis, quod Episcopus, quia illarum Episcopi sunt. Deinde dicendum est, nihil amplius, vel intra, vel extra illas posse, nisi speciali iure, aut præcripta consuetudine, vel priuilegio eis concessum sit. Ita sumitur ex cap. quarto usque ad caput. *Conquestus*. 9. quæst. tertia, & caput. *Duo simul*, de Offic. Ordinarij. Ratio autem est, quia hæc dignitates, quatenus superiores Episcopis sunt, omnino sunt de iure humano Ecclesiastico, & ideo nihil ratione illarum fieri potest; nisi quod specialiter concessum est: præfertim cum ita sit in dictis iuribus declaratum. Vnde quod ait Glossa in principio distinct. 18. verbo, *Constituendum*, scilicet, Episcopum posse

A condere Canones Episcopales, & Archiepiscopum prouinciales, intelligendum est de Archiepiscopo cum concilio prouinciali, alias iuri repugnaret, vt cōstat, ex iuribus civitatis, præsertim ex cap. *Nullus primas*, 9. quæst. tertia. Ideoque æquiparatio illa Archiepiscopi cum Episcopo non est omnimoda etiam respectu: nam Episcopus solus potest facere Canones Episcopales, non sic Archiepiscopus prouinciales.

Atque ex his facile intelligi, seu expediri potest quartum dubium, scilicet, quam potestatem habeant ad condendas leges Cardinales, Abbatess exempti, habentes iurisdictionem Episcopalem, vel alij similes Prælati, aut etiam legatus Pontificius. Primo enim de Cardinalibus dicendum est, perse, & ratione sua dignitatis solum posse leges ferre in Ecclesijs suorum titulorum. Probatur, quia tantum in illis habent iurisdictionem Episcopalem, vt aperte sumitur ex cap. *Huius que*, de Maioritate & obedient. & cap. *Querelam*, de Elec. vbi id notat Panormit. citans Ioan. Andr. & alios, & Hieron. Manfred. tracta. de Cardinalib. Decis. 134. Secundum dicendum est, inferiores Prælatos, licet Cardinales non sint, si habent iurisdictionem Episcopalem, posse iure communi in suis quasi Diocesis leges ferre, nisi eis sit specialiter prohibitum, aut ex consuetudine, vel peculiari institutione requirant communilitatis, vel capituli cōsensum, quod tam ad regulares, quam ad seculares extendi potest. Ratio est, quia hæc potestas est iurisdictionis, & per se, & iure ordinario est coniuncta cum iurisdictione Episcopali. Tertio idem dicendum est de legato Summi Pontificis: haber enim potestatem condendi leges in sua prouincia, quæ duret, etiam finito munere eius, donec reuocentur, vel à Papa, vel ab alio habente æqualem potestatem. Ita declaratur in cap. ultimo de Offic. legati, vbi Panormitan. & alij, Sylvestr. verb. *Lex. num. 4.* Ratio est, quia hoc munus ita institutum est à Summis Pontificibus, & quia illi legati habent iurisdictionem plusquam Episcopalem, & ordinariam, vt patet ex toto titulo de officio legati.

Vltimo dicendum est, nullam aliam personam singularem, præter numeratas habete in Ecclesia potestatem ferendi leges canonicas, quia nulli concessa legitur, neque cum aliquo alio munere coniuncta est. Et ratio reddi potest, quia (vt supra dixi) potestas legislativa in qualibet republica, de se est suprema; in inferioribus autem solum esse potest, quatenus à supremo Principe comunicatur: non solet autem communicari, nisi magis principalibus, & habentibus superioriē valde gubernationē, & ideo in Ecclesia iure ordinario hæc potestas non est coniuncta, nisi cum principali iurisdictione, qualis in Ecclesia est Episcopalis, & non inferior.

Quinto dubitari hic solet, an sententia Sanctorum Patrum, præsertim illæ, quæ in decreto habentur, vim legis habeant. Ratio dubitandi est, quia in Decreto Gratiani vt tales inscruntur, & ita communiter, vt canones citantur. Imo Glossa in capite *Noli*, distinct. 9. verb. *In istis*, generaliter dixit, sententias Patrum, quæ probantur à Gelasio distinctione 15. cap. 3. esse Canonicas usque ad minimum apicem. Sed hoc non habet fundamentum, quia nec Ecclesia hoc sentit, cum Patres non fuerint canonici scriptores, nec infallibilē assentientiam

C Nullus
Primas.

4.
Cardinales
posse ferre
leges solum
in Ecclesijs
suorum titu-
lorum.

C. His que
C. Querelæ
Ioan. And.
Manfred.

Legatu / a-
mi Pontifi-
cis habere
potestatem
ferendi le-
ges in sua
prouincia.

5
Nullus pre-
ter dictos
habere po-
testatem con-
dendi leges
Canonicas.

Glossa in C
Noli.

Spitus

Spiritus Sancti habuerint. Neque in illo textu id dicitur, nisi specialiter de quadam Epistola Leonis Papæ, in qua ut Pontifex loquutus est. Vnde per vim exceptionis satis significatur, approbationem aliorum operum non esse in eo sensu factam, sed solum ut de grauissima humana auctoritate illorum Patrum constaret. Quod ergo ad præsens spectat, dicendum est, sententias, seu dicta Sanctorum, per se, & quatenus nituntur auctoritare eorum, non habere vim legis, ut notat Glossa distinct. 20. in principio, & sumitur ex tota illa distinctione. Et ratio est, quia lex non est actus doctrinæ tantum, sed potestatis; Sancti autem Patres non habebant potestatem hanc, neque etiam hac intentione talia scripta tradebant. Lege Panormitan. Deci. & Felinum cap. Ne innitaris, de Constitut. Dixi autem, Per se, & quatenus eoram auctoritate nituntur, quia interdum ipsi testificantur de præcepto, vel à Christo, vel ab Apostolis tradito, vel Ecclesiæ traditione introducto; & nunc ex illis colligitur præceptum tanquam ex testibus, non tanquam ab auctoribus. Vnde iuxta modum, quo de re aliqua, seu obligatione testificantur, & iuxta maiorem, vel minorem consensum Sanctorum inter se, eo maiorem, vel minorem fidem efficiunt; de qua re vide Augustin. de Anchona libro de Potestate Papæ quest. 100. & Canum libro 7. de Locis cap. 3.

Addo præterea, sententias Patrum non accipere vim legis, eo quod à Gratiano in suo Decreto insertæ sint, nisi ab aliquo Pontifice fuerint canonizatae, vt inter Decretales aliquando inueniuntur. Ratio est, quia nec Gratianus habuit potestatem dandi vim legom, neque Pontifex aliquis pro legibus approbavit omnia, quæ in illo Decreto continentur. Quanvis aliqui Canonistæ oppositum sentiant, quos refert, & qui videtur Felinus in cap. 2. de Rescript. num. 45. Sed re vera non habent firmum fundamentum: nam consuetudo, quam allegant, non est in eo sensu (iuxta conceptum communem sapientum) introducta. Et ita sentiunt plures alij Canonistæ, quos idem Felinus refert, & Decius ibidem, num. 15. Idemque dicendum est de alicuius legibus ciuilibus, quas in suo Decreto Gratian. posuit, quia non eo ipso habent vim legis canonice, nisi ab aliquo Pontifice sint canonizatae; propter eandem rationem; vt sentit Glossa in capite 1. de Rebus Ecclesiæ non alienandis in 6. verb. Tractatus, & videtur supponere Nauar. de Reditib. Eccles. quest. 3. Mon. 17. num. 5.

Denique obiter addo, nonnulla referri à Gratian. quæ in Concilijs, vel Patribus, quibus ipse ea tribuit, non inueniuntur, de quibus merito dubitari potest, an habeant vim legis. Nam aliqui putant, omnino esse credendum Gratianum, quia iura auctoritatem illi tribuere videntur, iuxta Decium, & Felinum supra. cum Panormitan. cap. secundo, citato de Rescriptis. Veruntamen licet illa sit aliqua præsumptio, non tamen sufficiens, vt inducat legis auctoritatem, & sufficientem propositionem. Quia Gratian. (verisimile est) non omnia sumpsit ex propriis originalibus, sed multa ex antiquioribus Decretis, seu collectoribus, & ita facile potuit deceptio, & mutatio fieri, præsertim in nominibus auctorum. Item in Decreto Gregoriano multa emendata sunt. Quapropter consulenda semper sunt originalia: quandoever, q[uod]c[uod] non in-

veniuntur, inspiciendum est, an talia decreta vsu saltem, & consuetudine sint recepta, vel in aliis certioribus decretis confirmata, alioqui ad ius constituendum non sufficient.

C A P V T VI.

Quæ communitates, seu congregations Ecclesiasticae habeant potestatem condendi leges.

Primum locum inter has communitates, seu congregations habet generale concilium, quod tribus modis considerari potest; primo ut Summum Pontificem personaliter habeat præsentem, cuius auctoritate, & congregatum sit, & procedat: secundo quod habeat auctoritatem Papæ per legatos præsentes, non tamen personam; tertio, ut omnino sine Pontifice sit. De primo res est per se nota, quia si solus Papa potest ferre leges pro vniuersa Ecclesia, à fortiori poterit simul cum concilio generali; & huius rei exemplum habemus Acto. 15. vt supra notamus. De secundo etiam concilio si à Papa postea confirmatum sit, est etiam manifestum habere eandem potestatem, propter eandem rationem, & huius rei exemplum habemus fere in omnibus conciliis generalibus extra urbem factis, & maxime in Tridentino.

Difficultas autem est, an hoc concilium habeat potestatem obligandi per suas leges, prius quam à Papa confirmetur. Aliqui Auctores affirmant, significat Victor. in Relect. 2. de Potestate Papæ quest. 1. num. 6. & Sot. in 4. distinct. 20. quest. 1. art. 4. ad 2. Suaderi potest, quia concilium illud habet infallibilem auctoritatem; ergo & supremam potestatem. Item quia alias superflue conuocaretur ad leges condendas, quia tandem solus Pontifex illas conderet. Verior tamen sententia est, illas leges non obligare sine confirmatione Papæ. Ita Caiet. Opusc. de Comparisone Papæ, & Concil. Turrecrem. libro 2. Summæ cap. 71. Nauar. libro 1. Consil. titul. de Constitut. consil. 1. num. 4. Quod sufficierter probatur perpetua traditione, & obseruatione conciliorum generalium; semper enim confirmationem à Pontifice postularunt, & ante non censebantur habere vim obligandi suis legibus, nec vniuersaliter in Ecclesia recipiebantur. Quod si aliquando prouincia, vel Ecclesia aliqua particularis ante confirmationem admittit talem legem, id facit vel spontanea, vel ex particulari præcepto suorum prælatorum, vt Nauar. notat, specialiter circa decreta Concilij Trident. quæ ante confirmationem cœperunt in Hispania obseruari. Ratio autem est, quia concilium congregatum sub obedientia Pontificis non habet immediate ex iure diuino iurisdictionem super vniuersam Ecclesiam: nullibus enim illi concessa loquitur, sed Petro; tantum ergo iurisdictionis habet, quantum illi à Papa conceditur, sed Papa non dat auctoritatem concilio ad ferendas leges obligantes prius, quam ab ipso confirmantur, vt ex vsu constat; ergo. Dices, potest illam dare, & mittere legatos cum ea potestate, & conditione, vt leges à concilio latè statim sine alia confirmatione promulgari possint, & obligare. Respondeo primo, si Papa id faciat antecedenter, vt sic dicam, confirmare illas leges; cum dicimus autem confirmationem esse necessariam, de con-

De concilio tripliciter
pedato.

Acto. 5.

Victor.
Soto.

Leges con-
ciliarium non
obligare si-
ne confirmatio-
ne Papa
patet tradi-
tione.

Caiet.
Turret.
Nauar.

Concilia cō-
gregata sub
obedientia
Pape non
habet im-
mediate iu-
re diuino
jurisdictionē
in totam
Eccles.

D

Panormit.
Decius
C. No in ni-
taris.

August. de
Ancona.
Canus.

7
Dieta Pa-
trum nō ac-
cipere vim
legis eo quod
à Gratiano
in suo De-
creto sint
inserta, ni-
si ab aliquo
Pont. fue-
rint Cano-
nizata.
Felinus.
Decius.

Glossa.
Nauar.

Gratian.
Decius.
Felinus.
Panormit.

sequente, vel antecedente intelligendum est. Addo vero, nūquād id fieri, nisi quando Papa in ipsa instructione concilij in particulari declarat, quid præcipiendū sit: nam in communi, & indifferenter non est ita expediens, quia confirmatio Papæ, ut certam habeat, & infallibilem assistentia Spiritus Sancti, oportet, ut circa rem certam, & determinatam versetur. Quod vero consilium huiusmodi illam habeat, antequam confirmetur: satis dubia res est, de qua nō est hic dicendi locus.

Supereft dicendum de Concilio quando Papa, nec per se, nec per legatos adest. Et quidem si in Ecclesia sit certus aliquis, & indubitatus Pontifex, talis congregatio, nec esset verum concilium, quia non esset legitime coactum, ut pote sine auctoritate Pontificis Romani: nam repugnare videtur, ut eius auctoritate congregetur; & quod defint in eo legati eiusdem, vel aliquis, qui ipsius nomine præsideat, & quod sit concilium generale. Vnde si tale concilium fngatur, non poterit dici generale, quia omnino in illo deest Ecclesiæ caput, cum tamen eo tempore, ut supponitur, non desit in Ecclesia. Vnde etiam illo casu fieri admissio, constat, decreta, & legis talis concilij non posse obligare vniuersam Ecclesiam ante confirmationem Papæ, quia non est generale, & quia de illo à fortiori procedunt dicta in priori puncto.

Solum ergo supereft dubium, quando continet tale concilium congregari deficiente Pontifice, propter exortum schisma, ut contigit tempore concilij Constantiensis. Et tunc dicendum censeo, tale concilium solum habere eam potestatem, quæ necessaria est veluti ad defensionem Ecclesiæ, & ad pacificandâ illam eligendo summum Pontificem certum, & ideo solum ea posse præcipere, & ordinare, quæ ad hunc finē necessaria sunt; non vero leges perpetuas pro vniuersa Ecclesia statuere. Hoc in primis probat vsus. Deinde ratio, quia tale concilium non habet hanc iurisdictionem immediate ab aliquo iure diuino posituo, quia nec scriptum est, nec traditione constat; neque etiam habet à Summo Pontifice, quia supponimus, illum non esse, & qui præcesserunt, illam non reliquerunt, quia nullum etiam decretum de hoc habemus; solum ergo habet potestatem, quæ ex iure diuino naturali consequitur in quolibet corpore mystico, ut possit se gubernare, & tueri per principes particulares vniuersos in unum corpus, quādo deest supremum caput. Hac autem potestas ex natura rei solum consequitur ad prædictum finem, & cum dicta moderatione. Vnde si tale concilium aliquas ferret leges, ad summum possent obligare ex vi acceptationis Ecclesiæ, vel quatenus singuli Episcopi possent illas in suis Episcopatibus ferre, vel usque ad electionem Pontificis.

Vnde obiter intelligitur, quid dicendum sit de Collegio Cardinalium, vacante Sede; nullas enim ferre potest leges, quæ obligent totā Ecclesiā. Ratio est, quia nullibi est illi Collegio concessa talis iurisdictione. Nam de iure diuino est idem argumentum, quia nullibi constat. Nec collegium ipsum, seu Cardinalium dignitas censetur esse de iure diuino, iuxta communiorē sententiam, quam nunc non definimus. De iure vero Ecclesiastico potius colligitur prohibitio ex Clementina, Nec Romani, de Elec. in princ. ibi, Irritum, aut inane decernentes quidquid potestatis, aut

A iurisdictionis ad Romanū Pontificem (duo viuit) pertinet, etiam ipse duxerit exercendū. Solumq; ibi excipiuntur, quæ in cap. Vbi periculum, de electio. in 6. Cardinalibus conceduntur: ibi autem nihil eis conceditur, nisi quæ ad electionē Pontificis, & ad defensionem Ecclesiæ, & quæ ad obuiandum imminentibus periculis spectant. De reliquis vero potius dicitur, Quod se nequaquam de alio negotio in romitant. Et in Paragrapho, Certum, additur, Omniconatu, & solitudine prout possibilitas patitur, id acturi tantummodo, ut eorum ministerio acceleretur viilius, & per necessaria rotiu mundi promissio. Atque hæc sententia sumitur ex Glossa in Clementina vñica, de Schismatibus. Verbo Sede vacante, in fine expressius Abbas in caput, Cum te de Re iudic. num. 13. & ibi Felinus num. 11. & Anton. de Butr. & Imola in cap. Translat. de Constit.

B Contrarium verò tenuit Archidiac. dum Laurent. in cap. Cum constitueretur. 50. dist. in fine, & sequitur Iacobat, libro primo de Conciliis, art. 12. p. 38. Alban. de Cardinal. questione 42. in fine Manfred. de Cardinal. Decisio. 6. Fundantur, quia Senatus poterat condere legem L. Non ambiguitur. Digestis de Legibus. collegium autem Cardinalium habet auctoritatem Senatus, cap. Ecclesiæ 16. questione prima, & caput, Constantinus; 96. distinctione. ergo. confirmatur, quia collegium Cardinalium habet potestatem creandi legislatorem, quid ergo mirum, quod possit condere leges. Sic enim intulit Hugo in cap. Nullus; 79. dist. posse illum collegium creare Cardinalem, quia potest eligere Papam. Confirmatur secundo, quia illud collegium representat vniuersam Ecclesiam, quatenus illius nomine potest eligere Papam. Sed hæc sententia non habet firmum fundamentum, neque video quomodo intelligi, aut defendi possit. Nam vel loquitur de cetero Cardinalium, vivente Papa, aut sede vacante; neutrò autem modo vera esse potest; ergo. Minor quoad priorem partem patet, quia vivente Papa, nullam iurisdictionem ordinariam habet illud collegium, ut collegium est. immo nec singularē personæ eius nisi in propriis titulis, ut supra dictum est. Quapropter, vivente Papa nec congregari in vnum possunt per modum talis collegij, nisi ex voluntate, & auctoritate eiusdem Papæ, præterim ad disponendum de his, quæ ad Ecclesiæ regimen spectant, multoque minus poterunt tunc condere legem sine Papa. Altera vero pars evidenter conuincitur ex iuribus allegatis; & discursu facto.

D Vnde illa equiparatio cum senatu friuola est, quia nec in illis decretis habetur, & licet fieri, intelligenda esset quoad honoris & dignitatis titulos, non quoad iurisdictionem spiritualem. Hanc enim non potuit dare Constantinus, nec est in cōmunitate aliqua Ecclesiastica, nisi a Papa deriueretur. Ad primam vero confirmationem negatur consequentia, quia potestas solum est data Cardinalibus ad actum eligendi, non ad alios, licet minus nobiles. Vnde etiam illa equiparatio Hugonis falsum infert, quia Collegium Cardinalium re vera non potest create Cardinalem, quia nullibi datur illi hæc potestas, & potestas definita ad actum nobiliorem non potest extendi ad alium diuersæ rationis, licet minus nobilē, & ita notauit Glossa in Clement. 2. de Elec. verb. Potestatis, & Turrecrem. in dicto cap. Nullus. In secunda deniq; confirmatione, in rigore falso est, quod sumitur: nam potestas illa

De concilio
sine Papa
aut eius
legatis.

De concilio
tempore
schismatis.

5
Collegium
Cardinalium
vacante Sede
nullas ferre
posse leges
obligantes
totam Ec-
clesiam.

Clement. nec
Romani.

Glossa.
Abbas.
Felinus.
Anton. Butr.
Imola.

Arch.
Laur.
Alban.
Manfred.

E. Ecclesiæ.
C. Constanti-
nus.
Hugo in C.
Nullus.

Glossa:
Turrecrem.

illa eligendi Pontificem non est in illo collegio A ab Ecclesia, sed à Christo, medianibus præ-dentibus Pontificibus. Deinde licet Collegium illud repræsentaret Ecclesiam, non tamen simpliciter, sed ad præbendum illum consensum, sicut procurator destinatus tantum ad vnu actu. Sicut etiam Concilium Acephalū, sede vacante, dicitur repræsentare totam Ecclesiam, non tamen omnino perfectam, sed carentem capite, & in ordine tantum ad creandū illud, & tollenda impedimenta, vel incommoda, quæ interim solent Ecclesiæ aduenire.

8

De minoribus conciliis.

Hostien.
Decessus.
Innocent.

Secundo loco dicendum est de minoribus conciliis, de quibus statuitur regula, posse ferre leges accommodatas, & proportionatas iurisdictioni suæ, tam quoad territorium, quam quoad materiam legum. Hanc summo ex communi doctrina Canonistarum in §. Porro, post cap. Regula, dist. 3. Hostien. in Sum. tit. de Constit. Decio, & aliis circa eandem Rubricā, Innocent. in cap. Graue, de Præbendis. Declaratur, & probatur breuiter: nam hæc concilia sunt triplicis ordinis; quædā dicuntur nationalia, ut in Hispania fere fuerunt Toletana, & generaliter sunt illa, ad quæ conueniunt non solum Episcopi, sed etiam Archiepiscopi alicuius nationis sub uno Primate, vel Patriarcha. Alia sunt prouincialia vnius Metropolis, in quibus conueniunt Episcopi suffraganei cum suo Archiepiscopo. Alia denique sunt synodalia, quæ ordinarie non vocantur concilia, sed synodi, & ad ea conueniunt Abbates, & Parochi cum suis Episcopis. Nullum ergo ex his potest per se ferre leges obligantes totam Ecclesiæ, nisi Pontifex illas efficiat suas, quia non habent vniuersalem iurisdictionem, & eadem ratione non possunt ferre leges in materiais grauioribus reseruatis Pontifici, iuxta regulam supra positam. At vero in materia proportionata potest vnumquodque in suo territorio leges ferre.

Conclusio ergo sic explicata sumitur ex cap. Catholica; dist. 11. & ex cap. Concilia, dist. 17. & fere tota dist. 18. & cap. Penult. dist. 92. Ratio autem huius iurisdictionis sumi potest vel ex natura rei, supposita ordinaria iurisdictione Episcoporum, & aliorum Prælatorum superiorum, qui in ordine Ecclesiasticæ hierarchiæ illis superiores sunt aliquo modo. Nam inde statim fit, ut quatenus plures Episcopi sub uno Archiepiscopo, vel Patriarcha constituantur, possint etiam in vnum cōgregari, & legitimum corpus mysticum efficere, in quo ex natura rei est potestas legislativa, eo ipso quod à superiori non prohibetur. Et eadem ratio procedit in clero sub uno Episcopo constituto, &c. Vel etiam potest hæc iurisdictio censeri ex institutione humana, quia Summi Pontifices voluerunt ad maiorem vniōnem, & conformitatem diuersarum nationum, vel prouinciarum, aut Episcopatum respectiue, & ad magis suauem gubernationem, ut non solum per ipsos Episcopos, seu Primates sigillatim, sed etiam per legitima Concilia, & synodos leges ferri possent. Quæ institutio cōflat ex tracitione antiquissima, & insinuat in citatis decretis, & nouissime in Concilio Tridentino sess. 24. cap. 2. de Reformation. quatenus præcipit, synodalia, & prouincialia Concilia frequenter fieri.

Vnde fit, ut ad obligationem legum, quæ ab his Conciliis fiunt, non sit necessaria confirmatio Papæ. Quia hæc concilia intra se habent, vel habere debent caput sibi proportionatum,

scilicet, Patriarcham, aut Primate, vel Archiepiscopum, vel Episcopum respectiue, & ideo sufficiunt ad ferendas, & confirmandas suas leges particulares. Item in his legibus per se sumptis non est illa infallibilis auctoritas, quæ in legibus Conciliorum generalium, quia non ferruntur pro tota Ecclesia. Et hinc etiam constat limitatio posita, quia haec leges non procedunt à supra iurisdictione, & ideo nec vniuersales esse possunt, nec de rebus grauioribus, quæ vel totam Ecclesiæ attingunt, vel Summo Pontifici reseruatae sunt. Hoc autem intelligendum est præcisæ sistendo in auctoritate talium Conciliorum secundum se: nam si in aliquo eorum adsit Summus Pontifex, vel eius confirmatio postea accedit, possunt tales leges omnem vim, & efficaciam accipere iuxta Pontificis voluntatem. Quia potestas in eo non deest, vt supra dixi, & ideo ad maius auctoritatis robur, & vt leges immutabiliores sint, solent haec concilia confirmationem suarum legum à Pontifice postulare. Hæc autem confirmatio non satis est, vt tales leges ultra territorium suum extendantur, nisi hac intentione à Pontifice confirmantur, vel per traditionem, vel alium modum extendantur. Sic enim multa decteta Conciliorum prouincialium generaliter recepta, & canonizata sunt. Ad hoc autem non faris est inueniri in Decreto Gratiani, vt supra tetigi, sed aliunde in particulari obseruandum est, ex usu, & traditione, vel Pontificum decretis.

Tertio loco dicendum est de inferioribus cōmunitatibus, & primo de capitulo Ecclesiæ cathedralis, quod duplice considerari potest, scilicet, vel viuente Episcopo, vel sede vacante. Item potest esse sermo vel de statutis obligantibus tantum ipsummet capitulum, & membra eius, vel de pertinentibus ad totum Episcopatum, vel clerum. Primo ergo est certum, capitulum nihil posse viuente Episcopo statuere de his rebus, quæ ad alios pertinent, quia nullam habet iurisdictionem. Secundo conueniunt omnes, posse aliqua statuta facere pertinentia ad se ipsum, seu capitulares suos. Dubitant autem Doctores, an possit ea facere per se sine consensu Episcopi, vel illum requirat. Cum enim Episcopus sit caput, non videtur corpus sine illoquidquam posse facere argumento capituli Novit, de his, quæ fiunt à Prælatis, &c. Aliunde vero videtur Capitulum illud esse corpus distinctum, & habere suum proximum caput, scilicet, Decanum, & vt sic posse facere sua statuta. Sic enim aliquando in iure capitulum ab Episcopo distinguatur, in quo significatur Episcopum non esse partem capituli, etiam si alias sit superior. De quo videri potest optima Glossa in Clement. 2. de Stato & qualit. verb. In eisdem, & quæ notantur in Rubrica de his, quæ fiunt à Prælatis sine consensu capituli, in qua sit clare dicta distinctione, & in cap. Vnic. Ne sede vacante in 6. Communis tamen resolutio est, minora quædam, quæ solum pertinent ad bonū ordinem, & regimen Capituli, posse ab ipso statui sine confirmatione Episcopi, argumento capitulis Cum omnes, de Constit. in grauioribus autem, quæ spectant ad suæ Ecclesiæ commoda, & ad obseruantiam antiquarum consuetudinum, necessarium esse consensum Episcopi, argumento capitulis Cum accessissent, de Constit. Vbi in re graui confirmatione Papæ postulatur, argumento capitulis Cum consuetudines, de Consuetudine. Et rationes pro

De inferioribus cōmunitatib.

C. Novit.

Glossa in Clement.

Vnic.

Minora quædam que solum pertinent ad bonum ordinem, & regimen capituli, posse ab ipso statui sine confirmatione Episcopi.

Glossa.
Sylvest.
Panomit.
Innocent.

12
Felinus.

Barthol.

13
De uniuersitatibus.
Felin
Sylvest.

14

C. Cum o-
lim
Ca. Vnic.

vtraque parte facte vtranque etiam partem probant. Et ita docuit Glossa in cap. 2. §. i. verb. Statutum de Verb. signific. in 6. Sylvest. verb. Lex. question 4. Panomit. cum Innocent. in dict. cap. Cum omnes. num. 4. & latius ibi Felinus referens plures à num. 8.

Sed obiicit Felin. ibidem num. 10. §. Quarto est aduertendum, quia Capitulum nullam habet iurisdictionem, neque magnam, neque parvam; ergo nullam legem omnino facere potest, quia lex essentialiter est actus iurisdictionis, ut supra lib. 1. & 3. dictum est cum Barthol. in l. Omnes populi, scilicet Iust. & iur. q. r. & alijs. Respondebat autem Felin. quod statuere in decisione causarum, & super his, quae pertinent ad iurisdictionem, est iurisdictionis propriæ. At vero statuere non esse iurisdictionis, quia vniuersalitates possunt facere statuta in negotijs ad eas spectantibus, licet iurisdictionem non habeant. Sed iam in superiori libro cap. 2. dixi, sine iurisdictione non esse propriam legem, licet possit esse quædam regula operandi ex conuentione partium, habens aliquam vim obligandi ex vi promissionis, vel pacti, non legis. Vnde in præsenti dicendum est, vel Capitulum habere iurisdictionem ad condenda statuta proportionata tali communitatí, & tali materiæ, vel illa statuta non esse proprias leges, sed ordinationes quædam sub aliqua fidelitate obligantes. Et si primum dicatur, consequenter asserendum est, illam iurisdictionem manare à Papa, haberique ex consuetudine, faciente iure communi, & tacito consensu Pontificis. Neque id inuoluit aliquid repugnans, vel incommodum aliquid, sed potius valde probabile est, quia Capitulum clericorum capax est spiritualis iurisdictionis, & in eo, & in omnibus partibus eius est sufficiens communitas, ut pro illa possit ferri aliqua lex, & Pontifex illam contulit Episcopis; ergo etiam potuit illam conferre corpori Capituli mystico in his, quæ ad illud solum spectant. Si vero dicatur secundum, quod etiam est satis probabile, dicendum consequenter est, talia statuta non obligare, nisi in vi iuramenti, quod fieri solet, & in vi pacti, & promissionis, quæ solet etiam intercedere.

Et hoc modo intelligendum regulariter est, quod de vniuersitatibus ait Felinus, posse nimirum facere statuta, quod etiam de vniuersitate Magistrorum, seu Academia, vel studio generali affirmit Sylvest. verb. Lex. quest. 4. Nam, deficiente iurisdictione in vniuersitate, intelligendum hoc est de Statuto fidelitatis, ut dixi, & est optimus textus in cap. Ex litera, de Constit. in princip. ibi. Licet à vobis fide præstituta fuerit constitutum, vbi tota vis constitutionis eiusmodi ponitur in iuramento, vel pacto, & ideo sustinetur, & ita exponitur, ut non contraveniatur iuramento. Siqua vero est vniuersitas, quæ nec iurisdictionem habet ad facienda statuta, nec pactum, aut compromissionem, seu iuramentum membrorū eius de his obseruandis, quæ ex communi consensu vel omnium, vel pluriūm constituta fuerint, illa neutro modo poterit statuere, ut constat de hac nostra Vniuersitate Comitibricensi, & idem fere existimo in aliis multis obseruari.

Supereft dicendum de Capitulo, sede vacante, an possit facere legem pro tota diœcesi, non ut capitulum est, sed ut iurisdictionem Episcopalem pro tunc administrat, iuxta cap. Cum olim, de Majorit. & obedien. & cap. Vnic. eodem in 6.

A & cap. Si Episcopu, & capit. ultimo de supplend. neglig. Prælat. in 6. & Trident. sess. 24. cap. 16. In qua re duas inuenio sententias. Prima, & valde communis est, posse capitulum leges Episcopales ferre, quæ semper obligent, donec à succedente in Episcopatu reuocentur. Hæc fuit opinio Freder. Sen. in consil. 16. quod incipit, Capitulum Ecclesie, quam sequuntur sunt Ancharan. Imol. & Anton. quos refert, & sequitur etiam Felin. in dict. cap. Cum omnes, de Constit. num. 9. Sequitur etiam Abb. in cap. Cum olim, de Majorit. & obedient. num. 24. Sylvest. verb. Capitulum. quest. 6. & Francisc. Pauin. tract. de Porest. capituli q. 6. referens plures alios, & addens, se non inuenisse Doctorem famolum dicentem contrarium. Fundamentum porissimum est, quia Capitulum succedit in iurisdictione Episcopi quoad totam administrationem in spiritualibus, & temporalibus, ut dicunt iura allegata; ergo potest quidquid Episcopus potest, quod illi non sit specialiter prohibitum, sed condere legem, est de potestate Episcopi, & non inuenitur prohibitum Capitulo; ergo non est illi denegandum. Confirmatur, quia potest occurrere necessitas corrigendi alias prævas consuetudines; ergo potest capitulum per statuta penalia tali necessitatì prouidere; erunt ergo de se perpetua, quia hoc est de ratione statuti, & quia nihil præiudicat futurò Episcopo, cum possit illa reuocare, si expedire censuerit. Ex quo etiam addunt Pauin. Felin. & alij, posse capitulum reuocare statuta præcedentis Episcopi, si oporteat, & contraria statuere, quia est æqualis illi in iurisdictione, & est posterius, seu actu illam habet, quando alter iam illam amisit. Quod si obijicias, quia Collegium Cardinalium, vel Concilium omnium Episcoporum Ecclesie non potest, vacante sede Apostolica, reuocare Pontificum leges, nec nouas vniuersales facere pro tota Ecclesia, ut supra dictum est; ergo idem erit cum proportione in Capitulo. Respondeatur negando consequentiam, quia iurisdictione Pontificis, illo mortuo, non deuoluitur ad Ecclesiā, vel Concilium, aut collegium Cardinalium, quia illa iurisdictione datur secundum institutionem diuinam, & Deus hoc non instituit: Episcopalis autem iurisdictione datur per homines. & iure humano statutum est, ut deuoluitur ad Capitulum, & ideo potesi per illam leges ferre.

Secunda sententia negat, posse Capitulum statuta propria condere, id est, durabilia, etiam post ablatam ab ipso Capitulo iurisdictionem. Pro hac sententia potest allegari Glossa in cap. Siqua de rebus. 12. quest. 2. quatenus ait, sede vacante, non posse capitulum immutare statutum Episcopi: nam eadem est ratio de conditione noui statuti, quæ de immutatione statuti præexistens. Et idem sentire videtur ibi Archid. Verum est, Glossam non dicere statutum, ut Felin. refert, sed statutum; tamen ex uno videtur aliud inferri, ut infrā explicabimus Præterea Felin. supra n. 10. verb. Secundo. ita limitat priorem sententiam, ut illam euertere videatur. Dicit enim, quod vbi non imminaret necessitas statuendi, non posse capitulum, sede vacante facere statuta, quia deficiente necessitate actus est voluntaria iurisdictionis, iuxta Glossam in dicto capite Cum omnes, & Lapum, capite 1. de Constitutionibus in 6. At vero in iurisdictione voluntaria, maximè si concernat totam

Ca. Si Epi-
scopus.
Conc. Trid.

Communis
sententia
posse Cap-
itulum leges
episcopales
ferre, que
obligent, do-
nec ab E-
piscopo suc-
cedente re-
uocentur.
Freder.
Anchar.
Imola.
Anton.
Abbas.
Sylvest.
Pauin.

Pauin.
Felin.

15
2. sententia.

C. Siqua

Archid.
Glossa.

Felin.

dicecesim, non succedit Capitulum, iuxta Glossam in Clement. 1. §. 1. de Hæreticis verb. *Capituli*, quam in hoc sequitur Domin. 18. distinet. in Summa. Quod si hoc verum est, nunquam poterit Capitulum ferre legem sede vacante, tum quia nunquam esse poterit necessarium, quia ad subueniendum omnibus necessitatibus occurrentibus sufficit temporale præceptum, quod duret usque ad Episcopi creationem: tum etiam quia semper erit morale dubium de valore talis legis, quia nunquam potest de tanta necessitate ferendi legem perpetuam, non expectato Episcopo, constare.

16 Ratio vero à priori pro hac parte esse debet; quia licet Capitulum succedat in iurisdictione Episcopali, non tamen simpliciter, sed iuxta id, quod in iure est præscriptum; hoc autem non est in iure præscriptum; ergo. Maiorem indicat dicta *Glossa* in dicto verb. *Capituli*, ubi in simili dubio de visitatione, an cōpetat Capitulo, sede vacante, sic argumentatur, *Hoc non est iure expressum; ergo nec attribuendum*, habetque hic modus argumentandi fundatum, in cap. 2. Ne sede vacante, ibi, *Cum nusquam inueniatur causum in iure, quo d Capitulum*, vacante sede, fungatur vice Episcopi in collationibus prabendarum. Declaratur, quia Capitulum succedit Episcopo, solum in administratione spiritualium, & temporalium; at leges ferre non videtur ad hanc administrationem pertinere, sed altioris esse potestatis. Vnde licet generaliore esset in iure concessio iurisdictionis Episcopalis facta Capitulo, sede vacante, non videretur extendenda ad hunc casum ferendi leges nouas, & multo minus mutandi antiquas, quia est casus valde specialis, & moraliter non necessarius, & in quo potest periculum immittire, quia mutationes legum noxiæ esse solent. Vnde etiam potest hoc confirmari, quia, sede vacante, nihil est innouandum, cap. 1. Ne sede vacante, sed leges nouas ferre, vel mutare ab Episcopis positas, magna esset innouatio; ergo non videtur hoc concessum Capitulo; ergo. Maior præter quam quod in iure habetur capite *Si Episcopus*, de Supplend. negli. Prælat. est valde consentanea rationi, quia iurisdictione non datur Capitulo, vt in eo sit quasi per se, & durabiliter (vt sic dicam: sed solum ut interim Ecclesiam regat, conseruando res eius, & bonos mores, ac pacem; non vero ad notabilem mutationem faciendam. Quod autem huiusmodi sit legum conditio, vel mutatio, per se notum videatur: Et probabiliter persuadetur eadē conjectura, quia sicut lex de se perpetua est, ita iurisdictione ad illam ferendam, nec datur, nec dari debet, nisi habenti illam stabili ac perpetuo modo, non vero Capitulo, cui veluti per occasionem ad tempus committitur.

17 Propter has conjecturas videtur non improbabilis hæc posterior opinio. Nihilominus tamen non est recendum à communis sententia. Nec etiam videntur sine maiori fundamento restringenda iura, cuz, sede vacante Capitulo tribuunt Episcopalem iurisdictionem, & administrationem tam in spiritualibus quam in temporalibus: nam ad utrumque finem multum deteruire possunt statuta, & sāpe esse necessaria. Neque in hoc potest esse aliquoc grave præjudicium communis, vel Episcopi futuri, quia omnes fatentur posse Capitulum generalia præcepta ferre pro tota dicecesi; quod ergo illa ferantur per modum statuti, parum refert,

A habitu respectu ad tempus vacationis Ecclesiæ: postquam autem Ecclesia habuerit Episcopum, ille poterit revocare statutum, si expedire iudicauerit; ergo neque illi præiudicium fit neque Ecclesiæ, cum per hunc modum illi sufficienter subueniatur, si forte præceptum illi est incommodum. Aliunde vero potest esse valde conueniens, vt præceptum non cesset ipso facto, donec per nouum Episcopum recognoscatur, & reuocetur, si oportuerit; vel si est utile relinquatur; ergo in usu huius potestatis nihil est periculi. Et ideo existimo priorem opinionem simpliciter esse probabilem; & in praxi lequendam. Nisi forte alicubi contrarium teneat consuetudo, nam hæc seruanda est semper, quia & potest dare iurisdictionem, & auferre, & est optimæ legum interpres.

18 Supereft dicendum de inferioribus communis Ecclesiasticis. De quibus idem fere cum proportione fentient Canonistæ, scilicet, de rebus vniuersalibus, & maioris momenti non posse facere statuta: de minoribus autem, quæ solum ad suæ communis administrationem pertinent, posse illa ferre, vt videre licet in auctoribus allegatis, & Innoc. in cap. *Cum accessus sent. num. 2.* & ibi Holtiens. n. 8. & 9. Abb. & alijs, & Felin. in dicto cap. *Cum omnes*, & Rota Decision. 167. alias 4. de Concess. Præbend. in nouis, & Alberic. tract. de Statutis q. 3. & 6. Qui etiam adhuc, quod licet Capitulum cathedralis Ecclesiæ non possit facere statutum sine consensu Episcopi, inferiores Ecclesiæ collegiæ poterunt illud efficere sine consensu Episcopi cum consensu sui proximi Prælati. Distinguunt etiā inter statuta directa tantum, & coactua, seu penam imponentia, & priora concedunt, posse fieri ab his communis; non tamen posteriora, nisi habeant ad hoc speciale iurisdictionem, citani que caput *Conquestus*, de Ferijs, & l. *Per iniquum*. C. de iurisdictione omnium iudicū, & similia iura, quæ sane parum ad rem faciunt. Et tota resolutio valde confusa est, & sine solidi fundamento.

Quocirca utendum censeo distinctione proxime tacta de propria lege procedente ex potestate legislativa, vel de statuto latè lumpio pro regula operandi posita ex conuentione illorum, qui sunt de communitate per modum paeti. Dico ergo has communis Ecclesiasticas non posse ordinariæ, ac regulariter proprias leges ferre, sed solum ubi constituerit, eas habere propriam iurisdictionem spiritualem: tūc enim iuxta modum iurisdictionis poterunt legem statuere, & non amplius. Prior pars constat, quia supra ostendimus, proprias leges esse actus iurisdictionis, & sine illa ferri non posse: at haec communis ordinariæ non habent Ecclesiasticam iurisdictionem, quia nec iure diuino illa habent, vt supra dictum est, nec iure communis canonico illis conceditur; oportet ergo ut ex aliqua speciali concessione, vel priuilegio illam habeant, quod rarum esse credimus, & ideo necesse est, vt de illa constet, vel ex speciali institutione, aut priuilegio, aut ex præcripta consuetudine. Tunc autem clarum est, posse ferre statuta proportionata iurisdictioni, quia unaquaque potestas operari potest iuxta modum virtutis suæ, & non amplius. At vero quando haec communis iurisdictionem non habent, possunt nihilominus statuere aliquid per modum conuentus, & pacti, seu promissionis,

Innocent.
Hostiens.
Abbas.
Felinus.
Albericus.

C. Cöque-
bus.
L. Per in-
quum.

Comuni-
tates infe-
riores ec-
clesiasticæ
quando pos-
sunt leges
ferre quan-
do non.

vt satis explicatum est. Et tunc non video esse necessariam differentiam illam de lege poenali: vel non poenali; nam cum iurisdictione vtraque fieri potest, & sine iurisdictione neutra ferri potest tanquam vera lex: in vi autem promissionis utroque etiam modo fieri potest; sicut quotidie fiunt pacta poenalia, vel sicut per obedientiam potest quis se subiungere non tantum imperio alterius, sed etiam correctioni. Verum tamen est, hanc priuatam correctionem non posse extendi ad penas, quae ex iurisdictione pendunt, ut sunt censuræ.

20. An vero hanc statuta fieri possint ab his communitatibus sine consensu Episcopi, vel illum requirant. Dicendum est, quod si sunt propriæ leges, id pendet ex modo iurisdictionis, & certe regulariter non possunt, nisi vbi Prælatus proximus ex priuilegio habet iurisdictionem Episcopalem; tunc autem consensus eius sufficiet, & necessarius erit, quia in illo esse solet principaliter iurisdiction. Quoad alia vero statuta impropria, non poterit talis communitas sine suo proximo capite facere statutum, quia sine illo nec legitime congregari potest, nec facere unum corpus perfectum: nihilominus tamen communitas cum capite congregata potest facere statutum, sine consensu speciali sui proprij Prælati, quia poterit vincere maior pars Capituli contra suffragium Prælati, qui tunc non operatur in se, & singulari potestate, sed ut pars communatatis præcipua. Sicut in Capitulo Ecclesiæ cathedralis potest fieri statutum contra speciale suffragium Decani, seu præsidentis. Atque de his statutis verum est, quod Innoc. & alij dicebant, non esse necessarium consensum Episcopi: idem vero est, seruata proportione de Capitulo Ecclesiæ cathedralis, ut supra dictum est. Semper tamen erit necessarium, ut Episcopus non contradicat, nam quoad hoc semper habet superiorem iurisdictionem. Ac denique in his omnibus multum potest valere consuetudo.

21. Denique ex dictis constat, quid dicendum sit de Religiosis communitatibus; habent enim suam potestatem ferendi propria statuta, & leges, ut videri potest ex Innoc. in c. In singulis, de statu Monach. Quæ potestas utroque modo dicto intelligi potest: nam in religionibus, & est obligatio ex vi promissionis, & voti obedientie, & est iurisdiction Ecclesiastica à Summis Pontificibus, iuxta vniuersiusque priuilegia singulis concessa. In quo vero sit hanc potestas, scilicet, vel in supremo Prælato, vel in capitulo generali aut prouinciali, vel in utroque simul, non possumus idem de omnibus definire, sed consulenda est vniuersiusqueregula, quia votum obedientie secundum illam fit, & iurisdiction Pontificia etiam datur vnicuique ad regendum secundum illam, & ideo iuxta modum in regula statutum erit hanc potestas in unaquaquæ religione. An vero ad essentia religionis pertineat habere propriam iurisdictionem Ecclesiasticam, vel sufficere possit potestas, quæ ex voto obedientie intrinsece nascitur, in tractatu de Statu religionis dicendum est.

22. Ultimo interrogari potest in præsenti, quibus delegetur hanc potestas Ecclesiastica ad leges ferendas. Quod potest vel de possibili, vel de facto quæcumque veruntamen hoc posterius non cadit sub scientiam, quia non est res juris, sed facti, pendetque ex voluntate hominis delegantis, quæ incerta, & variabilis est. De

A iure autem nulla facta est delegatio huius potestatis, nam illa, quæ est in legato Pontificis, non censetur esse delegata, sed ordinaria; idemque est de potestate, quam diximus esse in religionibus, & similibus. De possibili autem erit quæstio, an hanc potestas delegabilis sit, quam expediimus lib. 3, cap. 4. in fine, & illa resolutio hic applicanda est: nam hanc potestas eo quod supernaturalis sit, nihil habet repugnans delegationi: nam etiam iurisdiction Ecclesiastica delegabilis est, hanc autem potestas pars quædam est illius iurisdictionis. Solum potest considerari, delegationem hanc respectu vnius, vel alterius congregationis, vel prouinciarum facile fieri posse: nam sicut Pontifex suo legato dedit hanc potestatem ut ordinariam, ita potest eam delegare suo delegato, & idem est de Prælatis religionum, & similibus, nihilominus tamen respectu totius Ecclesiæ videtur hoc moderandum: nam quo ad consultationem, & iudicium de convenientia legis, & modo ferendi illam, facile etiam poterit talis delegatio fieri, ut per se constat. At vero quoad absolutam legislationem, per quam lex accipiat vim obligandi totam Ecclesiæ absque speciali approbatione Pontificis, non videtur talis potestas posse delegari, imo nec ullo modo alteri committi. Ratio est, quia leges canonicas obligantes totam Ecclesiæ proficiunt debent à potestate, quæ in rebus ad mores pertinentibus errare non possit: hanc autem potestas cum pendeat ab speciali directione Spiritus Sancti Pontifici promissa, delegabilis non est, sicut nec potestas definiendi, ut ex propria materia suppono, & ideo nec potestas legislativa pro tota Ecclesia est illo modo delegabilis, vel certe saltem non est illo modo deleganda, ne tota Ecclesia periculo alicuius erroris in re tam graui exponentur.

C A P V T VII.

Vtrum potestas condendi leges Ecclesiasticas ex moribus, aut fide pendaat.

VTea, quæ spectant ad subiectum huius potestatis compleamus, hanc quæstio necessaria est: nam hæretici, qui ciuilem potestatem negant manere in peccatoribus, multo magis id negant de Ecclesiastica potestate. Et quosdam alios hæreticos Bernardi tempore in eodem suis errore, eorum nomine tacito refert idem Bernard. serm. 66. in Cantic. Referrietia solet pro hac sententia Armacha. lib. 10. de Question. Armen. cap. 4. Fundantur primo, quia hanc potestas est donum supernaturale Dei: ergo non debet in peccatoribus manere. Secundo, quia est ad regendam Ecclesiæ Dei sponsam: ergo non debet inimicis Dei committi. Tertio quia datur hanc potestas in ædificationem, non in destructionem: at in peccatoribus esset potius in destructionem, quam in ædificationem; ergo non est verisimile illis concedi.

Habere autem videntur rationes huiusmodi aliquam verisimilitudinem in parentia fidei, & ideo aliqui ex catholice dixerunt, hanc potestatem ita esse fundatam in fide, & ab illa pendere, ita ut si Prælatus Ecclesiæ (quicunq. ille sit, etiam Summus Pontifex) incidat in heresim, eo ipso potestatem, & dignitatem amittat. Hanc opinionem tenuit Turrecr. lib. 4. Sum. cap. 1. & c. 20. Eamque late defendit Castro lib. 2. de Iusta. hæretico-

De iurenulla facta est delegatio prædicta potestatis, licet non repugnet delegati, secus vero in totam Ecclesiæ potestas ferendi leges sine speciale approbatione Papa, sicut nec potestas definiendi potest delegari.

D. Bernar.
Fundamenta hæreticorum.

2.
Potestatem predicandi esse ita fundata in fide ut ab ea pendeat sentientia aliqui.

*Turrecr.
Castro.*

Fides fundamentum totius spiritualis zonis spiritalis adi- ficij.

ricorum punitione c. 23. & 24. Et præter rationes factas confirmari potest, quia iure diuino tenemur vitare hæreticos, & non communicare cum illis; ergo etiam prohibemur illis obediere; ergo multo magis illi priuantur potestate præcipiendi, alioqui esset perplexitas in subditis, & bellum iustum ex utraque parte. Confirmatur secundo, quia fides est fundamentum totius spiritualis ædificij: ergo etiam huius potestatis: nam qui caret fide, nec Christi, nec Ecclesie membrum est, & ideo nec caput, nec pastor Ecclesie esse potest; nec per illum Christus influit; ergo nec potest in spirituali habere potest. Tandem confirmatur, quia alias Ecclesia nullum remedium habere posset aduersus Summum Pontificem hæreticum, quia non obstante hæresi, sumimam iurisdictionem retineret; ergo nullus illum cohibere posset, cogereturque Ecclesia semper habere tale caput, quod esset incommodissimum.

Contraria sententia certior.

Matt. 23.

Cyprianus

Predicta potestas non habet con- nexionem cu[m] sanctitatem.

Contraria vero sententia vera est; non vero est æque certa quoad fidem, & quoad honestatem morum, & ideo de his sigillatim dicemus. Dico ergo primo, potestatem hanc esse posse, & permanere in homine fidi, & baptizato, licet iniquissimus sit, & in hoc sensu non pendere ex bonis moribus. Hoc est certum de fide, & oppositum damnatum est in Concilio Constantiens. Probari autem potest ex verbis Christi Matth. 23. Super cathedram Moysi sedebunt Scriba, & Pharisei, &c. Nam ibi docet Christus, prælati bene præcipientibus obediendum esse, licet opera ipsorum non sint imitanda. Vbi licet loquatur de Pontificibus legis veteris; tamen non refertur, quia non tam loquebatur propter iplos, quam propter nos, ut omnes Sancti intelligunt; tum etiam, quia ex similitudine rationis sumitur efficax argumentum. Vnde Cyprianus in Sermone de Baptismo Christi, ex hoc loco colligit, in homine iniquo manere plenam potestatem, & in eo honorari officium, non vitam.

4. Ratione declaratur, quia vel hæc potestas amittitur, amissa gratia sanctificante, aique adeo per quodlibet peccatum mortale, vel per aliquam specialia peccata, vel per multitudinem, consuetudinem, aut circumstantias eorum. Primum est, quod intendunt hæretici, & eo tendunt eorum rationes, est tam prorsus absurdum, & incredibile, alioqui per peccata metalia amitteretur hæc potestas, quia per illa amittitur gratia, atque ita omnia essent incerta, & confusa. Deinde hæc potestas non habet connexionem cum sanctitate, quia non datur in sanctificationem, vel utilitatem habentis, sed aliorum, & ita potius imitatur gratias gratis datas, quæ non pendunt semper ex propria sanctitate, vt constat ex propria materia. Sectundum vero non minus absurdum est. Quæ enim sunt illa peccata, quæ multitudine, confuetudo, aut circumstantia, quæ ex se vim habeant ad expellendam hanc potestatem? Nihil sane cum fundamento responderi potest. Et præterea inde sequitur, vt subditi possint iudicare Prælatos, & eis obedientiam negare, eos de prava vita arguendo iuxta sui arbitrij mensuram.

Denique talis pena non est iure humano ordinarie imposta. Quod si aliquando fertur aliqua similis pro aliquo delicto, præcedere ordinarie debet sententia iudicis saltem declaratoria, vt infra attingemus, agentes de lege pena-

li, & latius tractatur in materia Censuris. Neque etiam talis pena est iure ciuino imposta, nullibi enim est tale ius. Nec peccator priuat statim omnibus donis Dei supernaturalibus, retinet enim fidem, & spem, & multo magis potest retinere illa, quæ ad aliorum communum ordinantur. Neque est Deo difficile, ut homine sibi iniusto tranquil instrumento ad bene faciendum amicis suis. Et ideo etiam non sequitur, potestatem hæc esse in destructionem, si in peccatore maneat, quia potest iusta præcipere, etiam si ipse iniustus sit, majorque destructione, & confusio sequetur, si liceret non obsecire Prælati dyscolis etiam si iusta præcipient. Ei ideo Pet. 1. cap. 2. seruit præcipit, obedire comitis, non tantam bonis sed etiam dyscolis. Quia nimis per pravos mores non amittunt dominium suum, neque ad malum inducunt, si iusta præcipiant. Eadem autem ratio est de Ecclesiasticis Prælati, ideoque obedientia Prælatorum absolute, & sine distinctione inter bonos, & malos, præcipitur Hebræor. 13. Atque ita sufficienter constat hæc veritas, simulque responsum est ad priores rationes dubitandi:

Secundum dicendum est, potestatem hanc non pendere essentialiter ex fide habentis illam, sed illam retinere, etiam si fidem renuntiat, donec mediante Ecclesia, illa priueretur. Hæc non est tam certa doctrina sicut præcedens, est tamen opinio Theologica multò probabilior. Intelligenda vero est de fide ipsa secundum se, non de sacramento fidei, seu de baptismō, aut charactere eius: nam de hoc supponimus esse necessarium ad hanc potestatem iurisdictionis Ecclesiasticæ, quia est fundamentum totius Ecclesie, & ianua ad illam. Loquimur ergo de fide propria, quæ in credulitate actuali, vel habituali, & supernaturali consistit. Et sic tenet assertionē Caiet: tom. 1. Opusc. tract. 1. de Potest: Papz, ca. 19. Canus li. 4. de Locis cap. vlt. ad 12. & lib. 6. cap. vlt. Bellarm. lib. 2. de Romano Pontifi. cap. 30. Ut vero eam clarius probemus, distinguamus tres gradus hæresis, quædam est pure interna, & mentalis, quæ vocatur occulta per se; alia est externa, sed ita secreta, vt non possit in iudicio probari; quæ dicitur occulta per accidens; alia est ex terrena, & publica, vel probabilis, quibus omnibus commune est fidem expellere.

Iam ergo, si fides attributatur per solam interiorum hæresim, manifestum videtur tunc non amitti potestatem hanc. Ergo non pendet à fide secundum substantiam, seu existentiam eius. Consequentia clara est. Probatur ergo antecedens, primo ab incommode supra insinuatis: nam esset gubernatio valde incerta, si potestas penderet ex internis cogitationibus, & culpis. Itē cum Ecclesia sit visibilis, oportet, vt potestas gubernativa eius sit suo modo visibilis, & ideo pendens ex actionibus externis, & non ex solis mentis cogitationibus. Ratio à priori est, quia in eo casu Ecclesia non auferit potestatem suo humano iure, quia non iudicat de internis, vt dicemus infra. Neque etiam auferitur ex vi solius iuris diuini, quia vel hoc est naturale, seu connaturale ipsis donis supernaturalibus, vel est superadditum positum. Primum dici non potest, quia ex natura rei non potest ostendi necessaria connexionis inter fidem, & hanc potestatem; item quia potestas ordinis magis supernaturalis est, & tamen est de fide, non amitti, vt in materia de Sa-

1. Pet. 2.

6
2 conclus.

Caiet.
Canus.
Bellarm.

7

D. Thomas

cramentis in genere latius tractatur, & docet D. Thomas 2.2.q.39.art.3. Vnde licet fides sit fundamentum sanctificationis, & donorum, quae ad illam pertinent; non tamen est fundamentum aliarum potestatum, & gratiarum, quae propter alios dantur. Secundum autem sufficienter probatur, quia nec traditione nec Scriptura ostendi potest tale ius positivum diuinum. Denique rationi consentaneum est, ut sicut Ecclesiastica iurisdictio non confertur, nisi media aliqua actione hominis, siue illa sit tantum designativa seu electiva persona, ut in Summo Pontifice, siue collativa potestatis, ut in reliquis, ita etiam non auferatur, nisi media aliqua actione exteriori, quia in utraque debet seruari proportio ad hominis conditionem, & naturam, ut a fortiori ex sequenti punto constabit.

De haeretico etiam exteriori occulto, seclusis censuris Ecclesiasticis, de quibus statim dicemus, certum est, ex vi talis delicti non amittere hanc potestatem. Quod fere eodem discursu ostendi potest, quia nec est ius diuinum imponens talem penam, nec etiam Ecclesiasticum, ita ut incurrit ipso facto, & ante sententiam. Vnde sunt multa decreta, quae precipiunt huiusmodi homines deponi, & priuari potestate, quod non habet locum, quando delictum est mentale, sed quando est externum. Imo oportet, ut sit probabile, si per hominem inferenda est pena, seu priuatio. Assumptum constat ex vsu: nam ita obseruatum videmus in antiquis Conciliis, Constantinop. I. Ephesino I. Chalced. & alijs, & sumitur ex cap. Ad abolendam, de Haereticis, & ex cap. Omnibus 24.q.1.ibi, Hanc domum quis corripiens, corrigeret que contempserit, si tibi inquit sicut Ethnici, & publicani. Vbi Augustin. loquitur de haereticis recentibus ab Ecclesia, & eos etiam significat esse priuatos potestate, & iurisdictione per sententiam Praelatorum Ecclesie; ita enim illa verba Domini intelligit Glossa vlt. quia inde colligit, haereticum contumacem esse iudicandum. Et potest sumi ex Aug. in fine cap. 51. lib. 7. de Baptismo. Colligi etiam hoc potest ex illo Pauli ad Titum 3. Haereticum hominem post primam. & secundam correctionem deuita, ergo saltem antequam moneri, & corripi possit, non est priuatus ipso facto iurisdictione, & potestate sua; ut autem corripi possit, ita ut sit obligatio vitandi illum ut ab Ecclesia praecisum, necesse est, ut crimen non sit occultum. Denique hanc etiam partem probant multa ex his, quae adduximus.

9 Maior difficultas est in tertio membro, quando Ecclesia Praelatus publice fidem deseruit. Nam multi viri docti loquentes de Papa docent, si fiat publice haereticus, eo ipso desinere esse Papam. Quod si verum est, non potest id esse ex vi iuris humani, quod non habet vim coactuam supra Papam, & ita censem esse ex vi iuris diuini, quod Paul. declarauit in loco allegato ad Titum 3. Quod ius consequenter habebit effectum in quibusunque Praelatis Ecclesiasticis. Et ita sentit Bellarmin. supra, & indicat Driedo lib. 4. Dogmat. c. 2. p. 2 sentent. 7. Contrarium vero tenet Caiet. supra. Quam rem gravissimam nolumus nunc perfundori definire. Nam fere pro solo Papa est necessaria, & tractabitur in materia de fide. De inferioribus autem Praelatis nunc certum est, non solum per haereticum publicam, sed etiam per omnem externam, etiam occultam per accidens (ut vocant) amittere, quantum est ex se, usum omnis Ecclesiasticae iurisdictionis, saltem ratione excommunicacionis, quam ipso facto incurruat. An vero haec excommunicatio sit de iure diuino, vel humano, & quam sit antiquum, & quomodo nunc seruandum sit in publicis haereticis nodum nominatum excommunicatis, ac denunciatis, seu declaratis, in materiam de haeresi remittimus. Quia in praesenti materia neutra opinio necessaria est. Dicimus ergo de facto haereticum publicum, etiamsi denunciatus non sit, non posse validas leges ferre, saltem ratione censuræ. Neque obstabat Extrau. Ad evitanda, quia illa constitutio non sit in favorem excommunicati, sed fidelium, & ideo quanvis alii non teneantur visitare illum; nihilominus si publice constet, illum esse haereticum, optime possunt illi non obedi- re, nec eius leges seruare, qui re vera ille non habet usum potestatis ad coercendum, vel obligandum, & alioqui ipsi non coguntur communicare cum illo, licet possint id facere in his, quae honesta, & commoda fuerint. Si autem subditi parere non tenentur, ipse non habet usum iurisdictionis coacti, & ideo leges ab illo latet nulla, seu inutiliter sunt.

A Ad rationes ergo ultimæ loco adductas pro opinione Castri responderi facile potest. Ad primam dicitur, Antecedens ad summum procedere de haereticis publicis, & in illis esse dubium; tamen siue ex iure diuino, siue ex Ecclesiastico, fatemur, illos esse priuatos potestate ferendi leges. Ad secundam negatur assumptum, quia character baptismalis potest sufficere ad retinendam hanc potestatem, præsertim si in publico ritu fidei, & externo non dum quis discessit ab Ecclesia. Ad tertiam de Summo Pontifice possemus respondere, negando posse dari talem euentum iuxta opinionem afferentem Pontificem Romanum ex diuino priuilegio non posse errare in fide, etiam ad particularem personam, quam opinionem probabiliter defendunt aliqui vindicando ab hac nota omnes Pontifices, qui haec tenus præcesserunt. Nam videtur conscientiam suam prouidentem Dei, ut non permitat eum falsa contra fidem sentire, quem permisurus non est, falsa docere. Et ita dicunt, utrumque complecti verba illa, Ego rogaui pro te Petre, ut non deficiat fides tua. Quia vero haec sententia non est admodum recepta, & Concilia generalia aliquando admirerunt casum illum, & consequenter supposuerunt, saltem esse possibilem; ideo dicendum est, si Papa fiat haereticus, non statim cadere à dignitate ipso facto ratione fidei amissæ, ut generaliter probatum est, quia nullum de illo habemus in hoc speciale ius diuinum, neque fuisse Ecclesia conueniens propter pericula schismatum. Neque etiam ex viciniorum Ecclesiasticarum manet depositus ipso facto, quia Pontifex non est capax censuræ, quandiu Eontifex est, quia nulli subiicitur in terris quoad potestatem coerciā, ad quam pertinent censuræ. Vnum ergo superest Ecclesia remedium, scilicet, ut in Concilio generali iuridice declaretur haereticus; nam eo ipso cedit à dignitate, non tam potestate humana, quam diuina. Sicut enim quando eligitur, non accipit potestatem ab electoribus, sed à Christo: ita in eo speciali casu à Christo ipso deponitur post iuridicam declarationem. Et quanvis forte de hoc non habeamus expressum ius diuinum scriptum; tamen

pa amittit
re quantum
est ex se om-
nem usum
jurisdictionis
Ecclesiastica.

10
Ad rationes Castri
refreddatur.

Conscientia
ne est sua-
ui gubernationi Dei
non permit-
tere Papam
fieri haereti-
ci: quod si
fiat iuridic
est declaran-
dus, sicq;
deponitur
Christo De-
mino.

Cone. Con-
stantinop.
Con. Ephes.
Cœc. Chalc.
C. Ad abo-
lendum.
C. Omnis-
bus.

D. Aug.
Ad Tit. 3.

Bellar-
Driedo.

Caiet.

Per haere-
sim occul-
tam per ac-
cidens om-
nem Epis-
copum infe-
riorem Pa-

D

tradi-

traditio Ecclesia sufficienter ostendit esse in A Ecclesia hanc potestatem, quæ fere debita illi erat iure defensionis, & ad prouidentiam Christi Domini maximè pertinebat. An vero hoc medium sit semper necessarium, etiamsi contingat, Papam esse publice haereticum, disputabitur in locis praetalegatis.

C A P V T VIII.

Vtrum potestas Ecclesiastica ad leges ferendas sit excellentior ciuii in fine, origine, subiecto, & alijs proprietatibus.

I.
Conclusionis
affirmativa.

Ignat.

Ambri.

Chrysost.

Quanus hæc quæstio magna ex parte in superioribus definita sit, nihilominus ut excellentia huius potestatis magis illustretur, & aliquibus difficultatibus occurramus, oportunam hoc loco illam iudicauimus. Primo itaque certum statuimus, potestatem hanc Ecclesiasticam in legge Euangelica longe excellentiorem esse potestate ciuiili. Hæc veritas facile ostendi potest ex his, quæ adduximus in cap. i. huius libri, præsertim conclus. 3. vbi Doctores etiam allegauimus. Est etiam communis Patrum, Ignat. Epist. ad Smyrnens. Ego autem dico, honorate quidem Deum vt auctorem omnium, & Dominum; Episcopum autem tanquam principem sacerdotorum, imaginem Dei ferentem, principatum quidem secundum Deum, sacerdotium autem secundum Christum, & post hunc honorare oportet etiam Regem. Ambros. lib. 2. de dignitat. sacerdot., cap. 2. Honor, & sublimitas Episcopalis (inquit) nullis comparationibus poteris adequari. Si regum fulgori compares, & principum diadematij, longè eris inferius, quam si plumbi metallum ad auri fulgorem compares, quippe cum videam regum colla, & principum committi genibus sacerdotum. Quæ verba referuntur, & probantur à Gelasi. in capite Duo sum. 96. distinction. Innocentius autem in capite Solite, de Majorit. & obedient. Soli, & Lunæ comparat dictas potestates. At vero Chrysostom. lib. 3. de Sacerdot. in principio, Sacerdotium (inquit) tanto regno est excellentius quantum spiritus, & carnis interiuallum esse potest. Quam sententiam latissimè prosequitur, & amplificat, in Homil. 83. in Matthæum, siue (inquit) princeps diademate coronatus sit; indigne autem accedat, prohibe, maiorem illo potestatem habes. Et similia multa habet homil. 4. & 5. in verba Isai. Vidi Dominum, &c. & Homil. 3. ad populum aliquantulum à principio, vbi loquens de Flaviano, eum præfuit Imperatori, dicitque habere gladium non ferreum, sed spiritualem. Et plura ex Patribus in sequenti capite referemus. In prædictis autem locis fere semper loquuntur generatim de potestate sacerdotali secundum totam amplitudinem suam, includendo potestatem ordinis, secundum quam complectitur potestatem censurandi, remittendi peccata, creandi sacerdotes, &c. simulque potestatem iurisdictionis, quæ includit etiam dispensationem thesauri spiritualis Ecclesie, & potestatem ligandi, ac soluendi per censuras, & alia multa. In qua vniuersitate considerata hac potestate, luce clarius est, esse longe excellentiore ciuiili potestate. Hic autem non tantum hoc modo loquimur, sed etiam præcise conferendo has potestates sub ratione legislativæ potentiaz. Et sic etiam dicimus, excellere Ecclesiasticam potestatem, quod tradit aperte Bonifac. Papa in Extrauaganti Vnam sanctam, de Majorit. & obedient. inter communes. Et ratio reddi potest ex dictis in c. i. quia

potestas hæc (etiam vt legislativa) est ordinis supernaturalis; potestas autem ciuilis naturalis est, vt supra est ostentum: ergo illa est excellentior in suo esse, & substantia. Atque hæc potest constitutæ differentia inter has duas potestates, que ex dictis in capite primo sat is constat, & statim amplius explicabitur. Ut autem excellentia huius potestatis illustrior fiat, alia etiam differentia assignandæ sunt ex parte causarum, & principiorum, & actuum virtusque potestatis.

Potestas eccl. ecclesiastica etiam ut legislativa est supernaturalis.

Secunda ergo excellentia huius potestatis sumitur ex parte finis potestatis Ecclesiasticae supernaturalis est, ciuilis autem omnino intranaturæ ordinæ ordinem continetur; ille spiritualis, hic materialis est; ille æternus, hic temporalis. Hæc enim omnia constant ex dictis in hoc libro capite primo, & secundo, & in libro superiori capite sexto. Nā ibi ostendimus, finem potestatis, ac iuris ciuilis nō esse felicitatem æternam, ac supernaturalem, sed ad summum felicitatem naturalem huius vitæ, eamque non exactam, & perfectam; sed quantum in humana communitate per se etia obtineri potest; ad vitam autem futuram post mortem, vel ad statum eius per se, & intentione sua non extendi illam potestatem. De potestate autem legislativa Ecclesiastica longe aliter sentiendum est; nam per se primo qara est ad dirigendos homines in felicitatem æternam, ac supernaturalem vitæ futuræ: hic enim est finis ultimus per se primo intentus per hanc potestatem. Nam sicut Christus Dominus propter hunc finem sanguinem suum fudit pro hominibus, ita propter eundem instituit Ecclesiastuam, & potestate ad illa regendâ in ordine ad eundem finem hominibus contulit. Et hic est Iesus illorū verborū. Tibi dabo claves regni celorum, &c. & illorū. Posuit vos Spiritus Sanctus Episcopos, regere Ecclesiastuam Dei, quæ acquisiuit sanguinem suo. Et ita sepe in legibus Canonis fit expressa mentio huius finis, vt in cap. Inter catera, de Offic. ordin. Inter catera (dicitur) que ad salutem peruenient populi Christiani, &c. & in cap. Quoniam, dist. i o. dicitur, Imperatores indigere Pontificibus pro æterna vita, idem in c. Cum ad rerum, dist. 96. Et hinc etiam est, vt hæc potestas per leges suas principaliter intendat animarum salutem, & vt peccata evaneantur, vt ex multis iuribus ostendi superiori libro c. 6. & idem sumitur ex cap. 2. de Constit. in 6. ibi, Vt animarum periculis obvietur. & cap. vlt, de Pœnit. & remiss. ibi, Ne pro dilatatione pœnitentia periculum inimicat animarum, & jn toto capite. Omnis virtusque, eodem, & præsertim ibi, Diuersis experimentis vtendo ad saluandum agrotum. Item ex capite Vt consitueretur, dist. 50. vbi Augustinus ait, antiquam irregularitatem impositam agentibus publicam pœnitentiam propter enormia crimina inductam esse ex rigore disciplinae pertinentis ad potestatem clavium, significans, hæc potissimum datam esse ad spiritualem crimini correctionem, & ad salutem animarum procurandam. Denique ferè ex toto iure canonico, & Epistolis decretalibus Pontificiū est id manifestū.

Finis potestatis ecclesiastica est supernaturalis.

Ratio etiam est clara, quia potestas hæc supernaturalis est, vt supra capite i. late ostendimus, ergo per se, & natura sua tendit in supernaturalem finem, siue futuræ vitæ, siue præsentis: hi enim ita sunt inter se connexi, & subordinati, vt non possit unus ab altero separari; ergo in hoc fine maximè differt hæc potestas à potestate ciuiili, quæ mere naturalis est, & tantum ad finem naturalem ex

C. Inter catera.
C. Quoniam

C. Verum:

Ca. Omnis virtusque.
C. Ut conservetur August.

Potestas Ecclesiastica supernaturalis, cum nō possit esse in natura pura, & semper precepit saltem ex

in ordine ad
supernatu-
ralem finem.

ex se tendere potest, ut supra ostensum est. Atque ita constat opinionem Fortunij tractatam supra lib. 4. cap. 6. quatenus confundit fines harum potestatum, probabilem non esse, & occasionem posse praebere multis erroribus. Nam certe si utriusque potestatis idem est finis ultimus, eadem etiam erunt media, eademque materia, & consequenter iudicium actus, & quidquid una potest, poterit altera, quae sunt plane erronea. Ratio vero est, quia potestates haec in suo esse plusquam genere distinguntur, ergo & in finibus distingui necesse est. Antecedens patet ex dictis, quia una est supernaturalis, non tantum quia a Deo conceditur extraordinario modo, sed quia ex se, & natura sua non potest inueniri in ipsa natura, nec ex principiis eius oriri, quod secus est de potestate ciuiili. Vnde etiam potestas regia prout in Saule fuit, vel Dauide, licet habuerit in eis quandam modum supernaturalem, longe diuersa fuit ab hac potestate: nam illa fuit tantum potestas ciuilis, ac de se naturalis in substantia sua, licet modo praeternaturali data fuerit; haec autem est per se supernaturalis, & ordinis diuini, quia nullo modo esse potest connaturalis hominibus. Prima vero consequentia patet, quia totum esse cuiuscunque potestatis est in ordinie ad suum finem, & obiectum; ergo si potestas supernaturalis est, necesse est, ut ad finem, & obiectum supernaturale natura sua tendat.

Dices, s^epe leges canonicae disponunt de rebus, quae mere exteriores sunt, & naturales: nam ius etiam canonicum intendit externam pacem, & iustitiae conseruationem, ut in proemio Decretalium dicitur, & in hunc finem coercet, & punit vitia. Multa etiam inueniuntur in legibus canoniciis, quae solum pertinent ad ordinem causarum, & contractuum, ut patet ex libro. 2. & ex magna parte libri tertij Decret. ergo licet potestas Ecclesiastica, ut est potestas tradendi doctrinam fidei, & sacramentorum, & ut est potestas remittendi peccata, vel dispensandi spiritualia, supernaturalis sit, & finem supernaturalē respiciat, nihilominus ut est legislativa videtur esse eiusdem rationis, & ordinis cum potestate ciuiili. Respondeatur negando consequentiam. Primo quidem, quia etiam in materia fidei, & sacramentorum multa supernaturalia, & supernaturaliter praecipit, nimis, credere hoc, vel illud, recipere talia sacramentali modo, vel tempore, offerre sacrificium supernaturale, vel illi assistere, & similia: in quibus omnibus se gerit, ut potestas legislativa est, iuxta ea quae tractat Ioan. 22. in Extrau. Quia querendam, de Verbor. significatione. Secundo, quia etiam in his omnibus, quae statuit haec potestas, pertinentque ad externam politiam Ecclesiasticam, vel ad lites, contractus, &c. semper supernaturaliter praecipit, id est, sub ratione supernaturali, & in ordine ad finem supernaturalem. Nam eadem est potestas legislativa in quaenamque materia, & semper operatur sub propria ratione obiecti sui. Quod potest a simili declarari ex actibus virtutum infusarum. Nam per fidem verbi gratia, non tantum credimus supernaturalia mysteria, sed etiam multa naturalia, ut Deum esse, vel animam esse immortalem, tamen prout fides circa haec versatur, sub ratione supernaturali tendit, & supernaturaliter operatur; idem in charitate & spe videre licet, & maxime in virtutibus, moralibus per se infusis; ita ergo se habet haec

A potestas in his legibus ferendis, quae politicæ, & quasi ciuiles esse videntur: nam semper in illis habet respectum ad salutem animarum, & ad religiosum cultum Dei, ut ex tenore etiam ipsorum canonum regulariter constare potest. Estque optimum exemplum in c. Qualiter, & quando. 2. de Accusat. ubi tractando de Ordine in iudicijs, vel denunciationibus seruando, ipsum colligere nititur Pontifex ex auctoritatibus novi, & veteris testamenti, Ex quibus, inquit, postea processerunt canonicae sanctiones. Ratio vero est, quia cum haec potestas sit superioris ordinis, complectitur etiam inferiora, quatenus aliquo modo superioribus deseruiunt, vel per modum subiecti, vel per modum instrumenti, aut alio simili, ita potest etiam de rebus, seu materiis inferioris ordinis leges ferre semper tamen sub ratione superiori, & supernaturali.

B Tertia excellentia huius potestatis assignari potest ex parte causæ efficientis, & originis: nam haec potestas est quasi per se infusa, vnde a solo Deo, ut auctor est, & gubernator supernaturalis, tanquam a primo & principali principio manare potest immediate; potestas autem ciuilis datur a Deo ut auctore naturæ, & non proprie per se confertur, sed per modum proprietatis manantis ab ipsa natura, modo explicato in libro. 3. Vnde constat, etiam ex hoc capite longe excellentiorem esse hanc potestatem. Quod amplius ita declaratur: nam haec potestas secundum suam adequatam rationem, & excellentiam a Christo Domino collata est, & in illo fuit veluti proprietas manans ex unione hypostatica humanitatis ad Verbum, ut in 1. tom. 3. partis Disput. 47. latè explicuimus. Vnde constat, tanto excellentiorem esse hanc potestatem in suo fonte potestate ciuiili, quanto unio hypostatica superat communitatem humanam. A Christo vero, & per Christum deriuata est haec potestas ad Vicarium per maximam quandam participationem illius potestatis excellentiæ, quae fuit in Christo, & sic habuit fundamentum non solum in ipsa incarnatione, sed etiam in meritis Christi Domini, & in sanguine eius, quod non potest dici de potestate ciuiili secundum se spectata; ergo ex his omnibus manifeste apparet excessus Ecclesiastice potestatis.

C 5. Excellen-
tia ex Ori-
gine. Exca-
sa efficien-
te.
Quarto declarari potest excellentia haec ex parte subiecti, quia potestas Ecclesiastica multum excedit ciuilem in primario, & veluti immediate subiecto. Nam potestas ciuilis immediate est in communitate humana; haec autem potestas residet principaliter in Christo homine, vnde fit, ut quoad subiectum proximum illa prior sit in eo homine, cui communitas illam commisit, vel in successoribus eius; haec vero sit in eo, cui Christus illam commisit, vel successoribus eius; aut mediante ipso in alijs. Inter has autem personas sunt tres differentiæ notandæ. Prima, quod potestas ciuilis potest esse in quolibet homine, etiam non baptizato, haec vero Ecclesiastica non nisi in habente characterem baptismi. Quia baptismus est ianua Ecclesiæ, & ideo sicut ante characterem baptismi, nullus direc^te subiectur Ecclesiæ, ita etiam sine illo charactere nullus est capax Ecclesiastice potestatis, vnde nec potestatis ordinis habere potest. Dices, hinc posse inferri illa incommoda, quae supra inferebamus de heretico mentali, quia si amissa fide, amitteret potestatem, valde incerta esset haec potestas; ita enim in præsenti

6. 4 excellētia
ex parte
subiecti, et
principaliter
sit in
Christo o-
mino, ciuilis
autem po-
testas in com-
munitate
humana.

incerta esset hæc potestas; ita enim in præsenti incertum est, an aliquis habeat characterem baptismi, quia multis modis contingere potest; Sacramentum non esse validum; ergo ex necessitate characteris eadem incertitudo sequitur. Respondeatur tamen non esse simile, quia certitudo baptismi, quanvis non sit omnino infallibilis, habet nihilominus eam moraliter certitudinem, quæ in rebus humanis haberipotest, & character semel impressus nunquam amplius deleri potest, fides autem facile amitti potest.

Alia differentia est, quod potestas ciuilis in viris, & fœminis esse potest: Ecclesiastica vero in fœminis esse non potest, saltem ordinario iure. Loquimur de potestate iurisdictionis, ad quam legislatio spectat: nam de potestate ordinis certum est, fœminas illius incapaces esse, ut in materia de Ordine ex professo ostendendum est, contranouatores excitantes antiquam hæresim Papuzianorum, quā refellunt August. de Hætesi. in 27. & Epiphani. in 49. ex Paulo 1. ad Corinthios. 14. & 1. ad Timot. 2. Vbi fœminas nec docere, nec loqui in Ecclesia permittit. Dixi autem, Non potest, quia hæc potestas quatenus immediate à Christo datur, id est, summa, & Pontificia, non potest esse in fœmina, quia illa non est capax ordinis, vel consecrationis Episcopalis, & ideo nec Pontificatus potest esse capax. Quod autem de Ioan. 8. quidam finixerunt, fabulosum est, ut ex Onuphrio ostendit Bellarmino. lib. 3. de Roman. Pontifi. cap. vlt. & copiose Baron. tom. 10. Anno Christi 853. num. 56. & sequentibus, vbi alios referrunt. Et in n. 63. recte aduertit, quod licet factum illud fabulosum, ita ut narratur accidisset, illa fœmina non fuisset Pontifex, sed vacasset Sedes pro illo tempore, & postea in electione Benedicti fuisset continuata successio, de quo alibi latius. Hinc vero colligo extendendum esse verbum illud, Non potest, ad totam iurisdictionem Ecclesiasticam ordinariam. Nec ille, qui incapax est potestatis ordinis, etiam est incapax ordinariæ iurisdictionis Ecclesiasticae, quia ex diuina institutione Ecclesia in spiritualibus debet per sacerdotes, aut clericos ordinario iure gubernari. Et nihilominus addidi, saltem ordinario iure, propter iurisdictionem Ecclesiasticam, quatenus per Pontificem delegari potest, de qua est controvèrsia an aliquis actus huius potestatis committi possit fœminæ. In qua certum est, non debere committi, & magis receptum est, non posse, ut in materia de Censuris disp. 2. Sect. 3. à num. 5. tractavi. Et quoad præsentem potestatem legistiuam nunquam visum est in Ecclesia, quod signum est, fieri non posse.

Vltimo est in hac parte differentia; quod potestas ciuilis esse potest in mere laicis; hæc autem non nisi in clericis, quæ eodem modo explicanda est, sicut præcedens. Quanquam de Pontificia potestate non sit ita certum, mere laicum esse omnino incapacem eius, si alioqui rite eligatur, ut statim ordinetur. Est autem certum, nunquam esse factum in Ecclesia, nec fieri debere, propter nouitatem, & periculum. Et similiter est certum, non debere sic electum ut iurisdictionis potestate, nisi sit ordinatus, quamvis ante Pontificiam consecrationem possit illa uti, statim atque electus est, & in sede collocatus. De inferiori autem potestate ordinariu[m] ius Ecclesiæ est, ut laicis non committatur, & ideo

intra Summum Pontificem nullus potest illam committere laico. Vnde licet aliquando visum sit, laicum eligi, aut postulari ad Episcopatum, ut Ambrosium, &c. non tamen visum est, illi dari potestatis visum, donec aliquam ordinationem accipit. Ideoque Summus Pontifex ordinario iure vtendo illam non præbet nisi homini constituto in aliquo gradu clericali, saltem primæ tonsuræ, quamvis de absoluta potentia possit fortasse aliud facere. Aliæ denique excellentiae possunt facile, ex supradictis, in hac Ecclesiastica potestate considerari, scilicet, quod sit multo vniuersalior, & in suo gradu supremo sit vna pro toto orbe, & quod sit maxime necessaria, & quod suo modo sit Ecclesiæ fundamentum, ut dixit D. Thomas in 2. dist. 44. in ultimo dubio literali. Ac denique, quod nobiliores habeat effectus, quod explicando leges eius magis constabit.

D. Thom.

C A P V T I X.

Virum Potestas Ecclesiastica sit ita superior ciuitatis, ut illam sibi subiectam habeat.

Quoniam superiori capite ostensum sit, Ecclesiasticam potestatem esse excellentiorem in perfectione, non inde statim inferatur, esse superiorem in subordinatione, & propria iurisdictione, nā potest facultas una esse minus perfecta, quam alia, & non illi subiecta, vel subordinata. Atque hinc sumi potest ratio dubitandi, quia subordinatione hæc non sequitur intrinsece ex maiori perfectione; neque etiam ostendi potest ex speciali Christi concessione; ergo non datur. Maior patet ex ratione facta, & iuuari potest exemplo legis veteris, in qua etiam fuit potestas sacerdotalis, & regia, & nihilominus regalis non erat subiecta sacerdotali; imo potius videtur posse contrarium sumi ex 3. Regum 2. Vbi Salomon depositus Abiathar à Sacerdotio, & loco illius posuit Sadoc, ergo erat tunc sacerdotalis potestas sub regali potius, quam è contrario. Minor autem probatur, quia in novo testamento non legimus instituisse Christum sacerdotium concedendo illi hanc superioritatem, quia Petrus, non obstante sua potestate, præcipit omnibus fidelibus subiectos esse Principibus, & Regibus. 1. Pet. 2. & Paul. Rom. 13. idem pronuntiat de omni anima; Neque etiam id habetur ex traditione: nam potius ex historijs colligi potest, Imperatores iudicium interdum tulisse de Pontificibus, eosque deposituisse.

3. Reg. 2.

1. Pet. 2.
Rom. 13.

Nihilominus dicendum est, potestatem Ecclesiasticam nō solum esse in se nobiliorem, sed etiam superiorem, & habere sibi subordinatam, & subiectam potestatem ciuilem. Sunt enim hec duo ut dixi, valde distincta, quod etiam Diuus Thom. in 2. in fine, dist. 44. declarauit. Est ergo conclusio hæc certa, & communis apud Catholicos, de qua videri potest D. Thom. ibi, & Bonau. tom. 2. Opus. in 38. De Ecclesiæ Hierarch. par. 2. §. 1. in fin. Henric. quod lib. 6. q. 2. 3. Victor. Relect. 2. de Potest. Ecclesiæ, & Relect. de Indis p. 1. numero 29. Vbi dicit, hoc esse verum non solum de potestate hac, prout est in Papa, sed etiam prout est in quolibet Episcopo. Quod iure ordinario, & Ecclesiastico, ac seclusis priuilegijs, aut exemptionib[us], verum est, in lequelib[us] vero amplius exponetur. Videri etiam possunt Driedo de Libertate Christiana lib. 2. cap. 2. Turre-

2
*Cœlusio af-
firmativa
ob unitatē
Ecclesiæ
Christi.*

D. Thom.
Bonau.
Henric.
Victor.

Dried.
Turret.

August.
Epiphani.

Onuph.
Bellarm.
Baron.

8
*Mere lai-
cus possit ne-
cidi Papa,
& electus
uti sua iu-
risdictione.*

Pighius
Sander.
Cajet.
Sot.

Bellarmino.
Vellofillo.

1. Cor. 12.
Rom. 12.
Ephes. 4.

D. Naz.

D. Bernar.

Bonifac.
Papa.

4.
Obiectio di-
luitur.
Vuad.

crem. in Summa lib. 2. cap. 13. & sequentibus, Vuald. lib. 2. Doctrinalis fidei cap. 76. & sequentibus, Albert. Pighius libro 5. de Ecclesia. Hierarch. cap. 14. & 15. Sander. lib. 2. de Visibili Monarch. Cajet. in Apolog. pro Romano Pontifice cap. 13. ad 8. Sot. in 4. dist. 25. quæst. 2. art. 5. Bellarm. de Summo Pont. lib. 2. à capitulo 6. Vellofillo Lucensis Episcop. in Aduertent. Theol. in 5. tom. Hierony. quæst. 5.

Præcipuum huius veritatis fundamētum ratione simul, & auctoritate declaratur ; sumitur enim ex unitate Ecclesiaz Christi Domini in Euangeliō satis significata, & per Paulum declarata 1. Corinth. 12. dicentem, *Omnis nos in vnum corpus baptizati sumus, &c.* & ad Roman. 12. *Multi vnum corpus in Christo, &c.* idem ad Ephes. 4. & sape alias ; igitur constituit Christus Dominus Ecclesiam tanquam vnum spirituale regnum, in quo unus etiam esset Rex, & princeps spiritualis ; ergo necesse est, ut ei subdatur temporalis potestas, sicut corporis anime. Hoc enim exemplo explicat subordinationem harum potestatum Gregor. Nazianzen. orat. 17. ad Populum timore perculsum. Et merito, quia sicut homo non esset recte compositus, nisi corpus esset animæ subordinatum, ita neque Ecclesia esset conuenienter instituta, nisi temporalis potestas spirituali subderetur. Potestique eadem ratio declarari, & confirmari ex dictis supra de dominio indirecto, quod Pontifex habet in uniuerso orbem: nō hoc dominium non fundatur, nisi in subordinatione harum potestatum. Quia, ut ibidem dixi, non est in Pontifice duplex potestas, sed una, quæ directe respicit spiritualia, & consequenter extenditur ad temporalia: hæc autem extensio solum esse potest propter subordinationem temporalis potestatis ad spiritualem. Atque hac ratione dixit Bernard. lib. 4. de Confid. cap. 3. Pontificem habere simul gladium spiritualem, & naturalem, quia vel vnum habet directe, & alium indirecte, vel vnum in se, & per se, alium sibi subordinatum, quod significat, cum ait, spiritualem gladiū ab Ecclesia exerendum esse ; materialem vero à milite pro Ecclesia ad nutum sacerdotis, & iussum Imperatoris. Vnde in cap. vlt. Pontificē vocat, *Fidei defensorem, Christianorum ducem, virgam potentium, malleum tyrannorum, regum patrem, legum moderatorem, Deum Pharaonis.* Sic etiā conclusit Bonifacius Papa in Extravag. Vnam Sanctam, de Maiorit. & obed. Oportet gladium esse sub gladio, & temporalem auctoritatem spirituali subiecti potestati. Ex quo textu amplius roboratur ratio facta. Quia vbi est vnum corpus, necesse est esse vnum caput ad quod omnia aliquo modo reuocentur, quoniam alias neque pax, neque perfecta unitas posset esse in corpore ; Ecclesia autem Christi, vnum corpus est, vt diximus ; ergo quamuis in eo sint plures potestates, seu magistratus, necesse est, vt inter se habeant subordinationem, ita vt ad vnum aliquo modo reuocentur propter rationem factam ; ergo vel spiritualis potestas subordinatur temporali, vel è contrario. Primum dici non potest : nam vt ibidem ex Paulo affert Pontifex, *Quæ à Deo sunt ordinata sunt* ; esset autem peruersus ordo ; si spiritualia subiecta essent temporalibus, ergo secundum necessario dicendum est.

Dicit fortasse aliquis, Ecclesiā ut perfecte una sit, sufficienter vñiri in uno capite suo, quod est Christus. Hanc enim responsonem posset quis incaute sumere ex Vuad. lib. 2. Doctr. fidei

A cap. 78. num. 4. vbi sic inquit, *Et quod arguunt quidam, Ecclesiā reducendam esse in monadem, verum est in Christum, qui solus in ore tenet geminæ potestatis sua signum, gladium bis acutum.* Ceterum sub Christo sacerdos, & Rex imperistis continent potestates. Respondetur ad priorem partem, illam sententiam in eo sensu sumptam, & hic applicatam nō posse satisfacere. Quia Ecclesia militis est vnum corpus visibile in hoc mundo existens, ac indigena gubernatione humana, & externa, ergo nō potest solum reduci immediate ad caput inuisibile hominibus, quale est Christus ; ergo necesse est, vt etiam Vicarius Christi habet excellentiā potestatis, vbi fuerat necessaria ad conueniens regimen totius corporis : ipse ergo est simpliciter supremum caput. Neque Vualden. in contrario sensu loquutus est, sed agit de reductione vtriusque potestatis ad vnum principium quoad originem, & participatione directe iurisdictionis, quam vnaquaque illarum potestatum habet in suo ordine. Et hoc sensu dicit esse imperistis, & reduci solum ad Deum, vel Christum : non negat tamē, quin saltem indirecte potestas temporalis subordinetur spirituali, præcipue in ordine ad vitandum peccatum, & diuinam offenditionem, vt in nu. 6. expresse declarauit cum Hug. de Sancto Victor. lib. 2. de Sacram. cap. 4. 6. & 7.

Et hinc potest noua confirmatio addi fundata in verbis Gelasij Papæ in cap. Duo sunt. 69. dist. *Quia pro animabus regum Pontifices sunt reddituri rationem*, insinuans in verbis illis, *Pasce oves meas,* etiam Reges, & Imperatores Petro fuisse subiectos, quia sub Christi oibis comprehendendi debent : ergo etiam debent pasci, & regi à Petro : iam enim explicuimus sub verbo, *Pascendi*, etiam potestatem regendi contineri. Dices : hoc verum esse quoad spirituale regimen. Sed contra, quia regula regiminis temporalis, vt sit rectum, & honestum, debet esse spiritualis : ergo necesse est, vt ipsam potestas temporaliter regendi reguletur per spiritualem, & hoc est illi esse subiectam & subordinatam. Et hac ratione Pontifices reddituri sunt rationem pro regibus, & Imperatoribus, quia ad illos pertinet cortigere, & emendare quidquid ipsi non solum vt homines, sed etiam vt Reges in usu suæ potestatis peccauerint.

Obviatur obiectio.
Vnde confirmatur, quia alias non esset sufficienter prouisum Ecclesiæ, si non esset in ea potestas, quæ Reges, & Principes possit in officio continere, saltem vtendo spirituali gladio. Dices ; hoc argumento probaretur, necessariam etiam esse aliam potestatem, quæ spirituales pastores contineat in officio : nam etiam illi errare possunt, & fortasse maiora damna ouibus inferre. Respondetur ita quidem esse, quoad omnes spirituales principes, seu pastores, infra supremū Christi Vicarium, ad quem pertinet emendare, velletiam punire reliquos : ipsum autem caput supremum, nō potuit alteri homini mortali subiici, quia vel procederetur in infinitum, vel tolleretur debita subordinatio, & vñitas. Et ideo alio altiori modo prouidit Christus Ecclesiæ suę quoad hanc partem : nam quoad doctrinam, & præcepta morum talem assistentiam suo Vicario promisit, vt in his errare non posset, ita vt graue aliquod damnum inferret Ecclesiæ per abusum potestatis. Et hoc fuit sufficiens quoad potestatem legislatiūam, de qua agimus. Alia vero incommoda, quæ interdum sequi possunt ex prauis moribus, vel operibus talis personæ, minoris momenti

momenti sunt, & aliquando sunt tolerancia: nam hæc est hominum fragilitas, & conditio, & si interdum sint graiora, & clare iniusta iure defensionis possunt homines se tueri; non tamen iure vindicationis, aut punitionis. Solum in casu hæresis solet fieri aliqua exceptio, quam alibi tradendam, & explicandam relinquisimus.

⁷ Posset eadem assertio confirmari ex vsu Ecclesiæ, ac variis exemplis, quæ ex parte connumerat Gelas. Papa loco citato, sed que ad præsentem materiam pertinere possunt, inferius tractando de Legibus Canonicis attingemus; cætera videri possunt in historiis, & ea in summa redigit Bellarmin. supra cap. 7. Ex quibus etiam expedita manet ratio dubitandi in principio posita. Nam ostensum est Scriptura, & traditione hanc institutionem esse à Christo Domino. Petrus vero, & Paulus ibi allegati loquuntur de obedientia debita Principibus, & potestatibus à suis subditis respectiue, non tamen in eis explicatur qualis sit subordinationis potestatum inter se. Neque est verum Imperatores Christianos vñquam iudicasse Pontifices, ut in tracta. de Immunitate ostensum est.

Exemplum autem ibi adductum ex 3. Reg. 2. petebat specialem difficultatem de comparatione simili inter Pontificem, & Regem sub statu legis veteris, sed hæc parum refert ad præsens institutum, & in proprio loco tractando de Romano Pontifice disputabitur. Et ideo nunc solū dico duo. Vnū est, ex illo nihil sufficienter probari, vel quia ibi narratur factū, nō ius, id est, narratur, quid fecerit Salomon, nō tamē an fecerit ex legitima, vel usurpata potestate, vel certe, quia (vt aliqui volunt) Salomon ex peculiari instinctu Spiritus Sancti, id fecit, vt in eodem loco innuitur, & ideo non sequitur id fecisse: ex ordinaria potestate quam haberet. Alterum est, parum referre ad præsentem causam comparatio illa vetetis testamenti, tum quia lex vetus in his cærimonialibus, & iudicialibus iam cessauit, vt libro 9. ostendemus: tum etiam quia longe altioris ordinis est Pontificatus legis nouæ quam veteris, & ideo dato, & non concessso, Pontificatum veterem non habuisse illam excellentiam, non sequitur Pontificatum à Christo institutum illam non habere. Sicut etiam Papa nunc habet potestatem remittendi peccata, quam non habuit sacerdos antiquæ legis, nunc Papa potest concedere indulgentias, quod alias non potuit. Denique Petro promissæ sunt claves Regni cœlorum, & dictum illi est, *Pascœ oues meæ*, & *Quidquid ligaueris super terram, erit ligatum & in cœlis*, quæ non sunt dicta veteri Pontifici. Et ideo quidquid de illo sit, veritas posita inconcussa manet.

C A P V T X.

Vtrum potestas Ecclesiastica ad leges ferendas possit in eadem persona coniungi simul cum ciuili.

HÆc sola comparatio nobis supereft inter has duas potestates. Et in illa inueniuntur errores contrarij, vñus est, has duas potestates, prout sunt in Ecclesia, semper ac necessario esse coniunctas, non quidem in eo sensu, in quo aliqui dixerunt, vtramque potestatem esse in Summo Pontifice respectu totius orbis, & direkte, ac formaliter (vt sic dicam) ex diuino iure;

quanvis enim hoc non ita sit, non tamen est error in fide, sed opinio, de qua satis dictum est. In aliо sensu hæretico docent illam hæretici huius temporis, quorum princeps quoad hanc partem videtur fuisse Henricus VII. I. Rex Angliæ, qui voluit vnumquemque Regem temporalem esse *ius temporeis*.

Summum Pontificem in suo regno, atque ita habere simul vtramque potestatem. Hi hæretici nullum habent fundamentum præter affectum libertatis: videntur autem nihil altius sentire de hac potestate spirituali in lege noua, quam habuerit in lege veteri, aut naturæ, & ideo quod illis temporibus seruatum esse putant, vt Reges essent supra sacerdotes, nunc etiam seruandum esse existimant.

Alius error inuentus etiam à nouatoribus est, potestatem ciuilem omnino repugnare Pontificibus, seu personis in sacerdotali dignitate constitutis. Afferunt verba illa Christi Lucæ 22. Reges gentium dominantur eorum, &c. *Vos autem non sic.* Ex quibus verbis sic colligit Bernard. lib. 2. de Consider. cap. 6. *Planum est, Apostolis interdictum dominatus; ergo tu, & ibi usurpare aude, aut dominans Apostolatum; aut Apostolicus dominatum, plane ab alterutro prohiberis, si vtrumque similiter habere voles perdes virumque.* Item illa Pauli 2. ad Timoth. 2. *Nemo militan Deo, implicat se negotijs secularibus.* Ex quibus volunt colligere, iure diuino prohibitum esse sacerdoribus habere regimen temporale. Confirmari potest, quia Nicolaus Papa in Epistola ad Michaelem Imperatorem dicit, *In lege natura eisdem fuisse Reges, & sacerdotes; Christianum autem illas potestates separasse.* Ratio etiam adiungi potest, quia non videtur una persona sufficiens ad vtrumque regimen conuenienter præstandum, præsertim si vtrumque sit perfectum, quale requiritur in eo, qui potestatem habet ferendi leges.

Nihilominus veritas catholica est, potestates has nec necessario esse coniunctas, nec necessario separatas, quia neutrum est diuino iure præceptum, aut prohibitum. Prior pars sat patet ipso vsu, & experientia. Nam in primis multo tempore fuit Ecclesia Christi sine villa temporali potestate quoad ciuale regimen reipublicæ, & prius, scilicet, quam Reges cœpissent ad fidem conuerti, & tamen potestatem spiritualem semper habuit, ex quo Christus dixit, *Pascœ oues meæ.* Nunc etiam multi sunt Episcopi, qui nullam habent potestatem ciuilem ad ferendas leges, cum tamen spiritualem habeant; ergo ex hac parte separabiles sunt. Deinde quod potestas ciuilis etiam suprema sine Ecclesiastica inueniatur, eadem traditio ostendit. Nam Constantinus Imperator in Concil. Niceno professus est, se non habuisse potestatem ad iudicandum inter sacerdotes: Idem de Valentianio Seniore refert Ambr. lib. 2. Epist. 13. ad Valentiniuniorem, in qua dignam refert catholicis Imperatore sententiam. *In causa fidei, vel alicuius Ecclesiastici ordinis, eu iudicare debere, qui nec munere impar sit, nec iure dissimilis.* Et ita etiam factis obseruasse refert Nicéph. lib. 11. Hist. cap. 3. & 30. & similia habet Theod. lib. 4. Hist. c. 6. & 7. Quietiam cap. 16. cum Nicéph. supra ca. 13. refert insigne dictum Eulogij sacerdotis, qui cum à præfecto induceretur ad consentiendum Valenti Arriano Imperatori, per ironiā interrogauit, *Nū quid cū Imperio est etiā sacerdotis dignitatē consequutus?* Denique ab omnibus catholicis Regibus ita usque ad nostra tempora seruatum est. Ratio vero clara est ex

Hæresis bu-

Fundamen-
tum ex lege
veteri. &
natura.

Secundus
error.
Luc. 22.
D. Bernar-

Nicolaus
Papa.

Conclusio.
Ratio.

Constantin.

D: Ambr.

Nicéphor.
Theod.

*Ratio con-
clus. quia
potestas Ec-
clesiastica
in lege no-
ta est super-
naturalis.*

*Civilem
& Ecclesi-
asticam po-
testatē esse
posse in ev-
dē ostendi-
tur ex vīse
Ecclesie.*

dictis, destruendo fundamentum contrarij erroris: nam in lege noua potestas Ecclesiastica non est naturalis, sed supernaturalis, & specialiter à Christo data, inquam vero data est terrenis regibus, nec alicubi Christus præcepit, vt esset coniuncta cū potestate Regia; nulla ergo est talis necessitas.

Quod autem hę duę potestates in eadem persona coniunctae esse possint, similiter probatur ex vīse Ecclesie: nam Summus Pontifex simul etiam Rex est temporalis in suis terris, quarum est Dominus, quod à Sāctis Pontificibus inchoatum, & conseruatum est, vnde cogitari non potest esse illicitum. Imò speciali Dei prouidentia factum esse affirmat D. Thom. in 2. sentent. in fine. Similiter multi Episcopi simul habent ciuilē potestatem, & dominium, vt constat præsertim in Germania, & Hispania & in Conimbricensi hoc Episcopatu. Ratio vero est, quia hoc non est per se malum, neque est aliqua positiva lege prohibitum, & aliunde potest multas rationes congruētiae habere; ergo. Antecedēs quo ad primam partem probatur, quia contra nullam est virtutem. Item quia si aliqua esset per se malitia, maximè quia temporalis potestas impediret debitam curam, & solicitudinem circa administrationem spiritualis potestatis, hoc autem nec necessario sequitur, quia per ministerium aliorum potest illa potestas exequutioni mādari, ita vt non multū impedit. Præterea siquid laboris, vel incōmodi hinc sequi videatur, potest utilitatibus alijs compensari; tum quia verisimile est, iustitia rectius esse administrandā per huiusmodi Principes; tum etiā quia coniunctio illarum potestatum in eadem persona multum deseruire potest ad maiorem pacem, & vniōnem, & vt temporale regimen ad spirituale melius referatur; tum etiam quia hoc conciliat maiorem reuerentiam erga Ecclesiasticum principem, qui etiam melius poterit resistere hostibus fidei, si potestatem habet tempore, vt experientia comprobatur est. Atque ita simul probata est tertia pars Antecedentis. Secunda autem probatur, quia nulla est talis lex diuina, vel humana, quod patet respondendo ad fundamenta contrarij erroris.

*Explicatur
autōritates
contraria
barefis.*

D. Bernar.

Ex verbis ergo Christi Domini. *Reges gentium dominantur eorum, &c.* talis prohibitio non colligitur: nam cum subdit, *Vos autem non sic, non est sensus, vos nō habebitis dominium temporale,* sed sensus est, Non dominabimini sicut illi dominantur, id est, ad vestrum commodum, utilitatem & honorem, vbi non loquitur de regimine temporali Ecclesie, sed de spirituali, & formam, ac modum eius præscribit per comparationem ad temporale, quod in superioribus etiam tactum est. Et in eodem sensu loquitur Bernard, vt ex contextu est manifestum. Addo, quod licet daremus, Christum ibi loqui de dominio temporali, illa verba non continerent prohibitionem, sed solum explicarent, Christum non dedisse hominibus hanc potestatem, licet nō prohibuerit, vt per homines dari possit Ecclesiasticis Principibus. Neque etiā ex loco Pauli talis prohibitiō colligi potest. Expendendū etenim est illud verbum, *implicat se: potest namque Ecclesiasticus Princeps vii* hac potestate temporali, non se implicando negotijs secularib⁹, sed prudenter, ac thoderate illa vrendo. Item est ponderandū illud verbum, *Negotij⁹ secularib⁹*, quod propriè significat negotiationē, & nimiam solicitudinē circa

A temporalia lucra, vt notauit Chrysost. Princeps *Chrysost.* autem Ecclesiasticus non ad hunc finem accipit temporalem principatū, sed vt Ecclesiæ utilitati, & fidelium cōmodis magis inseruat, & idē illud temporale ita coniunctum spirituali non est seculare omnino, sed aliquo modo sacrū; habere igitur talē potestate ciuilē simul cum spirituali contra nullam legē diuinam est, vel positivam, vel naturalem. Quod vero cōtra humanam non sit per se notū est, nec indiget probatione. Sic ergo responsum est ad fundamentum secundi erroris; Adrian. autem Papa in Epistola ibi citata solū intendit, quod in priori puncto contra primū errorē diximus, nec enim potuit indicare, esse prohibitum, quod ipsem profitetur. Plura de hoc argumento legi possunt in Bellarm. lib. 5. de Rom. Pont. cap. 9. & 10.

*Adrian. pa-
pa.*

Bellar.

C A P V T XI.

*B An lex Canonica habeat propriam materiam, in qua
honestia præcipiat, & prava prohibeat, distinctionem
a materia legis ciuili.*

D Iximus de finali, & efficienti causa legis canonice, dicendum sequitur de materiali, in qua multa habet communia cum lege ciuili, quæ breuiter supponenda sunt: nam inde oritur difficultas præsentis questionis, quæ in hoc versatur, vt distinctionem in materia inter utramque legem assignemus. Primò ergo conuenit ius canonicum cum ciuili in hoc, quod circa solam materiam honestam versari potest: nā hoc multò magis necessarium est ad finem eius, quam ad finem legis ciuili, vt per se constat. Item quia hoc spectat ad perfectionem legis; ergo multo magis debet conuenire legi canonice, quam ciuili. Vnde pro regula constitui potest, quidquid perfectionis in hoc genere materię habet lex ciuili, multò magis conuenire legi canonice. Secundo ergo conuenit lex canonica cum ciuili, quia præcipere potest in materia cuiuscumque virtutis, quia ordinatur ad finem perfectiorem, magisque spirituale, ad quem vīsus omnium virtutum magis necessarius est, & ita constat ex vīsu, quia Ecclesia determinat præcepta diuina, vel addit noua, in sacramentis, ieiunijs, orationibus, &c. vt latè & bene Nauarr. de Reddit. Eccles. quæst. 2. Moni. vltimo, num. 2. & 3.

*1. Conveni-
entia legis
Cano. cum
ciuili.*

Secunda.

Tertio conueniunt, quia lex etiam Canonica nō præcipit omnes actus omnium virtutum, licet præcipiat omnium virtutum actus, quia inter opera virtutum multa sunt consilij, quæ non possunt sub absolutam obligationem per Ecclesiam imponi, vt est perpetua castitas, & similia. Et ratio est, quia lex Canonica licet à diuina potestate specialiter descendat, simpliciter humana est, & ferri debet modo hominibus accommodato, & idē esse etiam debet moribus hominū accommodata, & moraliter possibilis, & utilis multitudini, sicut de lege in communi dictum est. Dixi autem abolutè præcipere, tum quia nō absolute, sed sub aliqua iusta conditione potest Ecclesia interdum præcipere opera consilij, sic enim imponit clericis in sacris necessitatē castitatis seruandæ, quia non simpliciter sed sub prævia conditione voluntaria illud onus imponit, scilicet, si velint in illo ordine constitui, quod illis voluntarium est; tum etiam, quia licet absolute non præcipiat opera dura, & asperæ penitentiaz, supposito delicto potest illa præci-

pere

2. Tertia.

pere in vindictam eius, & correctionem. De regula autem seruanda in definienda hac materia, quando excedat, vel non excedat limites potestatis Ecclesiæ, nihil occurrit addendum his, quæ de lege ciuili dixi, sed prudenti arbitrio opus est, quod maxime accommodandum est usui Ecclesiæ, & morali necessitati talis materia, vel legis in ordine ad communem salutem animarum, in quo etiam considerandus est personarum status, pro quibus leges feruntur, ut illi etiam accommodentur.

Quarto similiter conuenit lex canonica cum ciuili, quia non prohibet absolute omnia vitia, & peccata. Dico autem non prohibere omnia speciali coactione, aut censura, illa vtendo: nam absolute cupit omnia euitari, & per doctrinam, & monitionem id procurat, pertinetque maxime hæc cura ad Ecclesiæ pastores. At per vim coactuam, vel legislatuam non omnia prohibet, quia esset nimis onerosum humanæ fragilitati, & potius esset in destructionem, quæ in ædificatione, quia maiora mala sequentur ex prohibitione adeo generali, quæ ex aliqua tolerantia. Regula ergo posita generaliter à D. Thom. di&q. 95. art. 2. & supra declarata specialiter in legibus ciuilibus, cum proportione applicanda est ad leges canonicas: prohibuit enim vitia, quæ grauiora sunt, vel quæ scandalum, & nocumentum spirituale aliis afferre possunt; alia vero minora tolerat, seu dissimulat cū moderatione autem, & modo statim explicando.

Ex his igitur oritur ratio dubitandi in praesenti puto: videri enim potest, nullum esse discri men inter has leges in earum materia, quandoquidem utraque in materia omnium virtutum, & vitiorum versatur. Accedit, non videri necessarium, ut potestas ciuilis, & Ecclesiastica, licet distinctæ sint, in materia distincta versentur: scilicet enim contingit, facultates, vel virtutes diuersas in eadem materia versari sub diuersa ratione, ut patet de intellectu, & voluntate, & temperantia acquisita & insufsa: sic ergo potestas ciuilis, & Ecclesiastica poterunt habere materiam communem sub diuersis rationibus, ordinando illas ad suos fines diuersos. Denique hoc videtur suadere usus ipsenam leges ciuiles & canonicae versantur circa matrimonia, iuramenta, usuras, & similia; & quod difficilius videtur, in Cod. Iustiniani habentur leges de Episcopis, de clericis, monachis, de Ecclesijs, quæ sunt materia, in quibus maxime possunt leges canonicae ciuibus distingui. Adde ipsos canones disponere, leges ciuiles aliquando posse habere vim in foro Ecclesiæ, c. Cerium, cū aliis dist. 10. c. 1. de Noui oper. nuntiat.

In contrariū autem est, quia unaquaque potentia debet habere materiam sibi proportionatam, maxime quando sunt diuersoru ordinum: ostendimus autem potestatem ciuilem, & Ecclesiasticam hoc modo esse distinctas, quia una est spiritualis, & diuini ordinis; altera materialis, & naturalis; ergo necesse est, ut habeant materias proportionali modo diuersas. Deinde, quia ad fines distinctos diuersa media ordinantur; & accommodantur, quæ media solent esse materia legum; leges autem ciuiles, & canonicae habent fines longe diuersos, ut ostendimus, ergo media; ergo & materias. Quod à fortiori exemplo declarari potest, quia intra latitudinem legum temporalium iuxta diuersos fines distinguunt etiam materia diuersarum legum, & ita distinguuntur ius militare à iure proprio ciuitatis, ut significavit Isidorus.

A Etymol. c. 7. habetur in c. Ius militare, dist. 1. & sumitur ex Arist. 7. Polit. c. 8. & 9. & Platone lib. 2. de repub. & 8. de Legibus. ita ergo à fortiori in praesenti. Denique constat, illas leges ciuiles nullas esse, quæ mittunt falcem in messem alienam, ut in superioribus, ostendendo differentiam utriusque potestatis, demonstratum est.

Igitur dicendum est, ius canonicum, & ciuile in multis differre ex parte materia. Primo quidem, ac præcipue, quod materia legis ciuilis temporalis est, Canonica autem spiritualis. Ita sentiunt communiter canonistæ in cap. Ecclesia, de Constit. & Legistæ in l. Omnes populi, ff. de Iustit. & iur. & sumitur ex cap. Bene quidem. cap. Si Imperator, & cap. Duo sunt, 96. dist. & cap. Quoniam, dist. 10. cap. Solita, de Maiorit. & obedientia. Ratio vero generaliter affigari potest ex dictis de potestate laica, & Ecclesiastica: ostendimus enim, illam esse humanam, & temporalē: & hanc vero quodam modo diuinam, & spiritualem: omnis autem potentia debet habere materiam sibi proportionatam, & nulla excedit suos limites: ergo potentia spirituali spiritualis materia responderet, & ciuili temporalis: sic enim unaquaque seruabit proportionem cum sua materia, circa quam versatur. Neque obstat huic diuersitati, quod utraq. possit in materijs omnium virtutum imperare, quia virtutes omnes possunt aliquo modo versari in utraq. materia, & ideo quāvis utrumque ius possit attingere honestatem cuiuscunq; virtutis moralis, unumquodque tamen illam prescribit in materia sibi proportionata. Iā enim diximus, quanvis ius dirigat aliquam virtutem, non necessario versari circa omnes actus, vel circa totam materiam talis virtutis.

Vt autem hæc differentia exactè intelligatur, oportet exponere, quid nomine materia temporalis, vel spiritualis intelligendū sit. At hoc autem declarandum aduerto, in materia virtutis duo posse considerari, scilicet, actum ipsum virtutis, vel vitij, & rem circa quam versatur, quæ potest esse vel res, vel persona circa quam sit operatio, vel etiam persona operans: ad quam actus ipse præceptus, vel prohibitus per legem, dicit aliquam habitudinem. Actus itaque virtutis, vel vitij est proxima materia legis, ut haec tenus diximus, tamen consequenter etiam alia pertinent ad hanc materiam legis ratione ipsius actus. Loquendo ergo de materia proxima legis spiritualis, materia præcipua, ac primaria est actus supernaturalis, ut est actus fidei, & ideo omnes leges, quæ pertinent ad fidem vel materiam eius, sunt per se canonicae, quia tota illa materia spiritualis est. Deinde in eodem ordine collocantur actiones sacramentorum, quia etiam illæ supernaturales sunt. Vnde etiam factum est, ut actiones quædam, quæ alias videbantur naturales (ut matrimonium quatenus est contractus humanus, qui ad consuetudinem generis humani ordinatur) propter eleuationem ad esse sacramentale, pertineant ad leges canonicas, iuxta cap. penult. & vlt. de Secundis nuptijs. Idemque cicendum est de alijs actionibus sacris, & de ijs præsertim, quæ proxime, & directe ad cultum Dei ordinantur, ut sunt vota, iuramenta, &c. Ex quo ulterius ortum est, ut res omnes, circa quas per se, & proximi me versantur hec actiones, sub ea ratione ad materiam canonicanam pertineant, huiusmodi sunt personæ sacræ, loca, templæ, & vasæ sacrae, & consequenter etiam beneficia, & bona Ecclesiærum, quæ inter res sacras computantur.

Plato.
Aristoteles.

In quibus
differat lex
can. & ciuili
ex parte
materia.

Quid ma-
teria tempo-
ralis, quid
spiritualis.

D. Thom.

4
Ratio dubi-
tandi.

C. Certum.

5

Isidor.

C. Nomis.

Consequenter etiam yitia cōtraria huiusmodi a cōtibus, seu rebus per se pertinente ad canonicas prohibitiones, ut sumitur ex cap. VI inquisitio-
ni. cum duobus sequentib⁹ de H̄ret. in 6. vbi
sermo est de criminis h̄rēsis, de quo dicitur ad
merā iurisdictionem Ecclesiasticam pertinere.
Quia vero omnia peccata auertunt hominem &
supernaturali fine, ex eo capite in hoc spirituali
ordine computantur, iuxta cap. Novit, de Iudi. tū
quia opponnuntur spiritualibus bonis, & ita re-
ducuntur ad eundem ordinem, quia contraria
sunt quodammodo eiusdem generis: tum maxi-
me, quia sunt iniuriæ Dei, cuius honor, & cultus
est primarius finis canonicas potestatis. Atq. haec
ratione peccata quantum est ex se sunt materia
Ecclesiasticæ potestatis & quantum est ex vi iu-
risdictionis sub materia legis Canonicas conti-
nentur, si aliunde conditiones alia concurrant,
ut expeditat de illis leges ferre. Denique conse-
quenter hinc sit, ut res omnes inferiores, quate-
nus possunt esse materia supernaturalium actuum,
vel virtutum aut etiam vitiiorum, sub hac materia
canonica comprehendantur. Atque ita ex decla-
ratione materiæ canonicas explicatum est, quæ
sit materia temporalis, seu legis ciuilis. Illa enim
materia apta ad legem humanam, quæ hunc gra-
duum spiritualē non attingit, temporalis est, tub
quæ proximè continentur actus morales, qui ad
humanam societatem naturaliter necessarij sunt:
remote vero res omnes, circa quas tales actus
versantur, & personæ, quatenus ex eis ciuitas,
seu humana politia componitur.

9.
2. Differ-
entia.

Secunda differentia inter utramque materiam
assignari potest, quia Canonica excellentior est,
& vniuersalior. Hæc sequitur ex prima. Ratio
enim prioris partis est, quia spiritus præstat
corpori. Alterius vero partis ratio est, quia
fere tota materia temporalis ad spiritualem fi-
nem ordinari potest, & illi subest, & sub illo re-
spectu induit quandam rationem spiritualis ma-
teriæ, & ita potest ad leges Canonicas pertinere. Sic enim supra dicebamus potestatem tem-
poralem, seu ciuilem esse Ecclesiasticæ subiectiæ,
& eodem modo dicunt Iuristi materiam pec-
cati, id est, vbi agitur de illo vitando, seu de pe-
riiculo animæ, canonicas esse, & ad leges cano-
nicas spectare, sic Glossa per textum in Regula,
Posseſſor, de Regul. iur. in 6. vbi alia iura adducit,
quibus locis id tradunt communiter Docto-
res, ut notat Nauar. Comment. c. Si funeraueris.
num. 160. & idem tradunt Barthol. & alij, quos
refert, & sequitur Fortun. tract. de ultimo fine
utriusque iuris n. 151. Vnde sicut in naturalibus
potentiis superior interdum versatur circa ma-
teriæ inferioris sub altiori ratione, & ultra illam
circa aliam excellentiorem, ut patet de intelle-
ctu respectu sensuum; ita quodammodo lex ca-
nonica excellentiori modo materiam legis ci-
uili, & aliam præterea altioris ordinis comple-
et.

Glossa
Nauar.
Barthol.

Fortun.

10
2. Differ-
entia.

Vnde etiā potest tertia differēcia in primariis
materiis cōsiderari. Nā materia legis ciuili prin-
cipialior, & magis per se intenta est, quæ pertinet
ad iusticiam humanam: principalis autem ma-
teria legis Canonicas est, quæ pertinet ad iusti-
ciā, & religionē diuinā, quia fere reliqua omnia
ad hanc refert, & ordinat, ut constat ex dictis.
Vnde quoad hanc partem ciuiles potestas magis
limitata nunc est in Ecclesia, quam esset ante
Christianam religionē: nam olim cura religio-
nis ordinabatur ad honestā felicitatem Reipu-

blicæ, ut supra ex Diuo Thōma nota uimus: nunc
autē religio, & spiritualis salus ac felicitas per
se primo intenta est, & reliqua propter illam. Et
ideo olim cura religionis, vel pertinebat ad po-
testatem Regiam, vel cum illa coniungebatur in
eadem persona, vel illi subordinabatur: nunc
autem cura religionis specialiter pastoribus Ec-
clesiæ cōmissa est. Vnde materia priuaria legis
Ecclesiasticæ est religionis materia, sub qua cō-
prehendimus omnem illam, quæ ad sanctificationem
animæ spectat: indirecte vero, seu in
ordine ad illam ad alias etiam materias exten-
ditur, ut declaratum est.

*Ante legem
gratia cura
religionis
vel per sine
bat ad po-
testatem regis
vel cum ea
coniungeba-
tur vel illi
subordina-
batur.*

E. hinc intelligitur, quæ ratione contingat, ut
lex Canonica, & ciuilis interdum versetur circa
eandem materiam, quia nimis materialiter per
se temporalis est, & sub ea ratione potest lex ci-
uilis circa illam versari; habet tamen aliquæ re-
spectum ad spiritualia, & sub ea ratio he potest
ad legem canonicas pertinere. Atque hoc mo-
do multa delicta dicuntur esse mixti fori, quia
ad utramque potestatem pertinere possunt, &
in eis datur locus præventioni. Et hoc tantum
probat secunda ratio dubitandi supra posita, quia
diuersæ facultates possunt interdum circa eandem
materialiter versari, & eadē res potest esse
utilis ad diuersos fines, & è conuerso idem pec-
catum potest perturbare rem publicam, tam in
temporalibus, quam in spiritualibus: ita ergo
possunt hæc leges habere aliquā materiam commu-
nem, quanvis non totā, quia semper finis pro-
prius, & præsertim excellentior aliqua media
propria, & excellentiorem materiam habet, circa
quam versari nullo modo potest inferior po-
testas.

Vltimo ex dictis intelligitur, posse aliquando
Pontificem determinare materiam aliquam, seq-
quasi reseruare illam, ut tantum Canonica sit,
non solum declarando (ut sine dubio facere po-
test, quando materia ipsa ex se, & ex iure diuino
spiritualis est) sed etiam constituendo, & exi-
mendo, sibique reseruando aliquam materiam
propter spiritualem rationem, etiam si alias se-
cundum se posset esse materia legum ciuilium.
Ratio est, quia illa potestas est superior, & ita in
ordine ad suum finem potest disponere etiam
de inferiori materia, prout expediens fuerit: ergo
multo magis potest sibi appropriare materiam
communem, si ad decentiam rerum sacrarum iu-
dicarit opportunum.

23

Ad rationes dubitandi in priori loco positas
in discursu capitilis fore responsum est. Solū circa
tertiā, quæ ex utriusque iuris principijs lumenba-
tur, tria notanda sunt. Primum est, vsum legum
ciuilium disponentium in materiis canonicis, so-
lum admitti posse in legibus ciuilibus, quæ aut
versantur circa materiam mixti fori, vel disponunt
circa materiam fori Ecclesiastici, adiungendo Ec-
clesiasticas leges, modo ab eis permisso. In quo
in primis obseruare oportet, ut leges ciuiles non
repugnet canonicas: nam vbi repugnauerint, ca-
nonicas præferendæ sunt, quia sunt à superiori po-
testate, quoniam vero non solum non repugnat, sed
potius cōueniunt, & lex ciuilius iuuat, & suo mo-
do ministrat canonicas, utraq. seruanda est, vna-
quæq. in suo foro, & iuxta mesurā sibi proportionata. Sicq. leges ciuiles prohibet, & puniunt de-
lictia, quæ per canones etiā puniuntur, ut sunt v-
sura, matrimonia illicita, ut incestuosa, clande-
stina, & similia: nam hæc interdum sunt contra
naturalem iusticiā, ut vſura, vel sunt cōtra debi-
tum

13
*Respondo-
sur argum.*

tum modum contrahendo etiam naturalem & conuenientem ad pacem reipublica, & ideo sub ea ratione possunt esse materia legum ciuilium in his, quæ per canonicas non prohibentur. Interdum vero leges ciuiles puniunt delicta, quæ sūt omnino fori Ecclesiastici, ut est heresis, blasphemia, & similia, quia etiam hæc vitia nocent valde reipublicæ Christianæ, etiam quoad externam pacem, & felicitatem temporalem, & alias Ecclesia id non prohibet; mox vtitur ministerio talium legum in suum finem. Et hæc doctrina colligitur etiam ex citatiis iuribus, & ex capit. 2. 3. q. 2. & ex cap. 2. de Desponsa, impuber, & eit valde communis, ut videti potest in Glossa in Authentica, Quomodo oporteat Episcopos, &c. in princi. verb. Toli, de Elec. q. 2. communiter approbantur tum ibi, tum alibi, ut videtur licet in Felin. in caput Ecclesia, de Constit. latissimè, & ibi in Abbat. & alijs, & plura refert Co- uarr. in 4. cap. 6. in principio, numero 18. 19. & 20. Matienz. lib. 5. Recopil. tit. primo, l. 1. Glos- sa 7. num. 3. & 4. Gregor. Lop. in l. 5. titul. 3. par- tit. 4. num. 3. Ex qua lege colliguntur duæ optimæ rationes supra insinuatæ, scilicet, per tales leges ciuilis intendi, ut Canonica melius im- pleantur, & ut alia damna, & perturbationes reipublicæ vitentur, & plura refert Sanctus lib. 3. de Matrimo, disp. 47. num. 1. 2.

Secundo obseruandum est, leges ciuilis interdum admitti, non solum in eadem materia, sed etiam in vsu fori Ecclesiastici, quando autem hoc contingit, non fit ex vi iurisdictionis ciuilis, nam leges ciuilis non possunt ad hoc obligare, ut per se constat: sed fit ex voluntario vsu potestatis Ecclesiasticæ, quæ vbi desunt canonicae leges ciuilis sibi vtiles admittit, & illis vti- tur. Illud autem sit duobus modis per Cano- nes. Vnus est per generalem regulam, quod le- ges ciuilis obseruantur in foro canonico, vbi canones nihil disponunt, & leges sunt vsui Ec- clesiæ accōmodatæ secundū similitudinē ratio- nis. Ita enim profitetur Luc. 3. capit. primo de Noui Operi. nunciat. ibi. Sicut leges non dedignan- tur Sacros Canones imitari, ita & sacerorum statuta Canonum Principum constitutionibus adiunquantur. Vnde infra concludit, Secundum legem, & Canonum statuta negotiorum non differas terminare. Vbi Glossa, & fere omnes Doctores id notant, & Panorm. in cap. 2. de Desponsat. impuber. & Bern. Diaz. in Praet. cap. 4. in fin. & ibi Salzed. qui acuer- tunt in huiusmodi occasione leges proprij re- gni præferendas esse Imperialibus, vbi canonicae deficiunt, & referunt alios. Sed fortasse hoc magis est consilij quam necessitatis, cum per cano- nes non ihueneratur dispositum; nisi aliud ex cō- suetudine Ecclesiasticorum iudicium habeatur; illam enim obseruandam esse censeo.

Alter modus est, quando in particulari lex aliqua ciuili est canonizata (vt aiunt) id est canonica effecta ex acceptance Ecclesiæ. Ad huiusmodi autem canonizationem non satis est, leg in aliquam ciuilem esse insertam in Decreto authenticò Gratiani, quia ille non habuit iuri- dictionem, qua posset talem vim dare legi ci- uili, sed necesse est, ut Pontificia auctoritate sit approbata, & inter canones recepta, ut sit in ca- 1. & 2. de Cau. possessionis, & c. In primis. §. Glo- ssis, dist. 11. & ibi notat Glossa verbo, Capituli. Item Glossa in c. 1. de Rebus Ecclesiæ non alienand. in sexto, verb. Tractatus, vbi Gemin., & aliij. Abb. in capit. Super eo, primo de Testi. num. 4.

A & latius ibi Felin. num. 3. & in cap. 2. de Re- script. n. 29. & 43. & bene Rebuff. in tract. No- minationum, q. 5. n. 15. & Gutier. lib. 1. Canonis, quæstionum ca. 21. n. 32. & 33. qui refert Ripam in c. 2. de Rescip. n. 80. & alios.

Tertio obseruandum est circa leges illas Cod. à Iustiniano Imperatore editas circa personas, & res Ecclesiasticas. Ad quas aliqui respondent eo tempore nondum fuisse personas, & bona Ecclesiastica exempta à iurisdictione Imperatorum. Sed non potest admitti responsio, tum quia id, quod supponit, simpliciter falsum est; tum etiam quia saltem de rebus, & causis Ecclesiasticis est certum; semper fuisse exemptas, cū tamen leges illæ etiam de his materiis multa disponant. Alij respondent, fuisse factas illas le- ges ex consensu Pontificum, sic enim non repugnat laicorum spiritualia tractare, vt indicatur in cap. Decernimus, &c. Cum non ab homine, de Iudic. & ibi notatur. & Glossa in c. Imperium, dist. 10. & i. 3. q. 7. in princ. Sed hoc non est verisimile, quia licet interdum Pontifices conferant secularibus Pontificibus aliqua particula, quæ si- ne spirituali iurisdictione exerceri possunt; non tamen illis conferunt spiritualem iurisdictionem, nec Ecclesiæ gubernationem committere pos- sunt, & ideo non est verisimile illis contulisse potestatem ad illas leges ferendas. Et maxime cum de illa commissione non constet, & Imperatores in eis propria auctoritate vti, & in eo sensu loquuntur. Alij ergo excusant Imperatores, quod bona fide, & omnino iuuando Ecclesiam illas leges fecerint, & forte non ad obligandum, vel cogendum Ecclesiasticas, vel in materia Ecclesiastica; sed ad instruendū suos ministros de rebus Ecclesiasticis, ut & seruare il- las, & iuuare Ecclesiam possent, cū op̄teret. Et certe hoc animo videtur multæ similes leges po- sitæ inter leges Patriarcatu Hispaniaz. Ut cumque vero sit, certū est, illas non esse veras leges, nec obligare, iuxta cap. Literat. de Iurati. calum, nisi in his, in quibus fuerant canonizatæ, in alijs ve- ro si fuerint contraria canonibus, contemne- dæ sunt, vt etiam sumitut ex l. Privilégia, & l. Basa. C. de Sacrosan. Eccles. si vero non sint con- traria, poterunt deseruire per modū instructio- nis, non per modū iuris. De quo videtur potest Felin. in dicto cap. Ecclesia, de Constit. n. 36. & ibi Panorm. n. 1. 5.

C A P V T XII.

Vtrum potestas Ecclesiastica efficaciam habeat in actis mere internos, ita ut per legem ca- nonicam per se præcipi, aut pro- biberi possint.

Expliçuimus hactenus proprium principi- um, & finem legis Canonicae, sequitur, ut déclarémus materiam eius, & incipiamus à pro- pinquieri, quæ est actus humanus, & quia de a. & tu exteriori in genere nulla est difficultas, de interiori specialiter inquirimus: nā licet de lege humana in cōmuni supra definierimus, nō pos- se per se versari circa internos actus, in lege Canonica habet illa resolutio specialē difficulta- tē, quā in hūc locū remisimus. Est autē genera- lis ratio dubitandi, quia potestas Ecclesiastica est spiritualis, & ordinatur principaliter ad inter- nū bonū animarum, & habet altius princi- piū, scilicet, Deum ipsum supēnaturaliter illam conseruentem, & ideo ex utroque capite videtur posse immediate versari circa interiores actus. Vnde argumentor in hunc modum: nam

Felin. Rebuff. Gut Ripa. Luc 22. D. Bernard.

16 De legibus Cod. circa personas ec- clesiasticas

C. Decret. mus. Glossa. c. Imperii.

Ratio dubi- tandi.

Glossa.

Felin. Abbas. Matienz. Greg. Lop.

Loges ciuili- tes obserua- tur in cano- nico foro ubi cano- nes nil dis- ponunt, & sunt usui Ecclesiæ ac- cōmodata. Lnc. 3. Glossa. Panorm.

15

Gemin. Abbas.

Chri.

verb. *Hora*. q. 11. & verb. *Hæresis*. 1. q. 8. Armil. eodem n. 1. & bene Tabien. *Excommunicatio*. 5. casu. 4. numero 4.

Armil.
Tabien.

Fundamentum potissimum D. Thomæ est, quia humana iurisdictio non potest ferre leges de actibus, de quibus non potest iudicare, nec punire, sed potestas Ecclesiastica humana non potest iudicare de actibus mere internis, neque illos punire; ergo nec potest de illis leges ferre. Minor expresse assertur in c. *Sicut tuis*, & ca. *Tuas*, de Simon. *Nobis*, inquit Pontifex, *solum datum est, de manifestis iudicare*. Sumitur etiam ex cap. *Erubescant*, distin. 32. & ratio est, quia iudicium supponit causæ cognitionem: actus autem interiores sunt omnino extra cognitionem humanam, & ideo iudicium de internis ad solum Deum pertinet. *Homo enim videt ea qua parent, Deus autem intuetur cor*. 1. Reg. 16. & ideo dicebat Paul. 1. ad Corinth. 14. *Nolite ante tempus iudicare quoad usque venias Dominus, qui & illuminabit ascendentia tenebrarum, & manifestabit confilia cordium*. Maior autem sumitur ex Arist. 10. Ethicor. ca. 5. dicente, potestatem legislativam necessario debere coniunctam habere potestatem coactiua, quia alias esset inutilis, & inefficax. Vnde fit, hominē solum posse ea lege præcipere, quæ potest punire, si aliter fiant; non punit autem nisi iudicando, ergo circa ea tantum versatur lex humana, circa quæ potest humanum iudicium versari. Potest etiam idem probari à paritate rationis, vel etiam à fortiori, quia plus est, legem ferre, quam iudicare, & quia lex esse solet regula humani iudicij.

Difficultas

Hoc vero fundamentum difficultate non caret. Interrogo enim de quo iudicio si t sermo in maiori assumpta, aut de iudicio, quod profertur ab homine per sententiam, aut quod profertur ab ipso legislatore per legem; interdū enim ita fertur indicium. Quando videlicet, lex ipsa per se ipsam punit delictum, ferendo verbi gratia, excommunicationem ipso facto incursum, quæ præterea vocatur latæ sententiaz, quia fert lex ipsa sententiā. Si intelligatur priori modo, videtur falsa illa Maior, quia multa possunt prohiberi, & puniri per legem Ecclesiasticam, quæ non possunt per sententiam hominis condemnari, ut sunt omnia ita occulta, ut probari non possint. Et ratio est, quia ut homo iudicet, indiget testibus, & probatione facti, ut autem lex iudicet, & puniat, non semper hoc est necessarium, sed sufficit conscientia delinquentis, ut patet in exteriori hæretico omnino occulto, qui statim manet excommunicatus, & in conscientia tenetur abstinere. Si autem iudicium in Maiori propositione sumatur posteriori, vel generali modo, sic in eadem propositione petitur principium: nam hoc est, de quo agimus; scilicet, an lex ipsa per se possit iudicare de actibus occultis per se, sicut potest de per accidens occultis. Et sic facile negabitur Minor de eodem iudicio intellecta: nam iura, quæ in probationem adducuntur, non sunt ad rem, quia loquuntur de iudicio ferendo per sententiam hominis. Et præterea propositio illa, quod potestas legislativa non possit esse circa aliquem actum sine coactiua, non videtur per se necessaria, si sermo sit de coactione ut distinguatur ab obligatione in conscientia, quam fortasse Aristoteles ignorauit, & ideo postulauit externam coactionem, quæ det efficaciam legi. At vero si lex obligat in consci-

3
1. Opinio
affirmati-
ua.
Glossa.
Adrian.
Med.
Pighi.
Syluest.

4
Sententia
communis.
Caiet.
D.Thom.

Palud.
Maior.
Durand.

Anton.
Almain.

Gabr.
Gerson.
Nauar.
Felin.
Hippolyt.

Driedo.
Simancas.
Angel.
Syluest.

Christus Dominus habet potestatem ferendi leges obligantes ad actus internos ut credendi, & similes, & ideo potuit præcipere confiteri etiam cogitationes internas; ergo potuit Vicario suo relinquere participationem huius potestatis: nulla est enim repugnantia; ergo relata fuit ab eo.

Probo hanc ultimam consequentiam varijs modis. Primo ex generalitate illorum verborum, *Quodcumque ligaueris, &c.* Cur enim à nobis limitatur, cum Principis concessio ample sit interpretanda? Secundo ex congruentia insinuata, quia ad finem huius potestatis materia proportionata est: nā interna salus animarū, quæ per hanc potestatē int̄editur, magis pendet ex internis actibus, quam ex externis. Tertio probatur inductione; nā primo potest Ecclesia remittere interiores culpas per absolutionē sacramentalē. Deinde potest dispensare in votis, etiam pure internis, & mentalibus; ergo habet iurisdictionem in tales actus. Item potest similia vota irritare. Præterea potest penas pro peccatis debitas per indulgentias remittere, quod etiam requirit potestatē iurisdictionis, ut nunc suppono. Præterea aliquando excommunicat propter interiorem actum, ut propter hæresim mentalē, ut ex multis Decretis conatur probare Medina statim citandus. Interdum etiam videtur punire actum externum ob conditionem internam æquè hominibus occultam, quod perinde est. Tandem potest hæc sententia confirmari, quia homo potest se voluntarie subjcere alteri per votum obedientiaz etiam quoad internos actus, quid ergo mirum: quod Christus subicerit fideles Vicario suo, etiam quoad interiores actus.

Propter hæc, & similia argumenta nonnulli Doctores affirmant, posse Ecclesiā ferre leges, quæ immediate versentur circa interiores actus. Ita sentit Glossa in Clementinam 1. de Hæretic. §. Verum, verbo, *Eo ipso*, Glossa etiam in cap. *Cogitationis*, de Pœnitent. distin. 1. question. prima, Adrian. quodlibet. 8. artic. primo, liter. H. & sequent. Medin. Cod. de Orat. question. 15. de hac re. Albert. Pighi. lib. 6. de Ecclesiast. Hierarchia cap. 26. Et Summa Rosel. verbo, *Absolutio*. primo n. 28. & 29. vbi plura allegat, sed non recte, vt Syluest. aquerit.

Contraria tamen sententia communis est, quam tenet Diuus Thomas, 1. 2. q. 91. artic. 4. q. 100. ar. 9. & ibi Soto, & reliqui expositores: item Soto in distin. 22. q. 2. art. 3. Caiet. 22. q. 11. art. 3. & Opus. de Auctoritate Papæ cap. 19. & in Summa. verb. *Hæresis*, Palud. in 4. distin. 13. q. 3. artic. 1. n. 15. & dist. 15. q. 5. art. 2. n. 24. & dist. 17. q. 2. ar. 2. & q. 7. nu. 20. Maior in 3. dist. 25. q. 3. dub. vlt. Durand. in 4. dist. 15. q. 12. & dist. 17. q. 8. Antonin. 3. p. tit. 24. cap. 4. Almain. de Pestate Ecclesiæ, cap. 10. Castro libr. 2. de Iusta hæretic. punit. capit. 18. & libro 2. de Leg. pœnal. c. vlt. Gabr. lect. 62. in Can. lit. K. Geron. tract. de Vit. spirit. lect. 4. sub Alphab. 62. lit. G. & H. Nauar. in Sum. cap. 27. n. 56. & in dicto cap. *Cogitationis*, de Pœnit. dist. 1. n. 9. & in cap. *Siquis non dicat*, eadem distin. n. 8. vbi refert Felin. Hippolyt. & alios, idem in princip. de Pœnit distin. 5. n. 23. Driedo l. 3. de Libert. Christiana c. 5. Simancas de Cathol. Inst. tit. 42. n. 3. Angel. verb. *Hæreticus*, vbi refert Canonistas, & verb. *Hora*, n. 27. Syluest. *Excommunicatio*, 7. n. 3. vbi male allegat. Angel. in contrariū, ut infra videbimus, &

tia; ut maxime de Ecclesiastica infra ostendemus, illa est sufficiens efficacia legis, immo poenitentia, vel censuræ, quæ ipso iure ab Ecclesia imponuntur, maxime habent efficaciam ex ligamine conscientiæ; ergo non repugnat Ecclesiæ habere potestatem ad ferendas leges, quæ in conscientia obligent pro actibus internis, etiam si non posset ad illos exterius, & per hominis actionem cogere.

6. Priusquam ad hanc respondeam, censeo principiam probationem huius sententiaz non esse sumendum ex impossibilitate rei secundum se, hanc enim planè non video, quod & argumentum proximè factum, & rationes in principio positz persuadere videntur; potuisset enim Christus si voluisset, hanc potestatem Ecclesiæ dare. Tractanda est ergo res de facto & probandum est, non dedisse, nam hoc mihi multo verisimilius est. Et primum argumentum sit, quod in Scriptura non est aliquod indicium huius potestatis; sed hæc occulta interiora semper reseruantur Deo, & ad hoc faciunt verba supra adducta ex Paulo. Neque etiam Summi Pontifices de hac potestate mentionem aliquam fecerunt, sed potius ubique significant hæc esse extra forum suum; cum tamen alias iurisdictionem suam totam sæpe explicit, & tueantur. Est etiam magnum argumentum, quod hæc non inuenimus, legem datam ab Ecclesia de his actibus mere internis, quod enim nunquam factum est, signum est fieri non posse. Antecedens non potest probari directe, constabit tamen sufficenter respondendo ad decreta, quæ Medina adducit, & reliqua argumenta soluendo.

7. Præterea addi potest congruentia, quia potestas legislativa per se primo ordinatur ad externum, & commune Ecclesiæ regimen, vt in ea omnia conuenienter, & ordinate fiant; ergo per se versari debuit solum circa exteriore actus; nā Ecclesia corpus est visibile, & ideo materia accommodata ad eius communem, & externam gubernationem, debet etiam esse sensibilis, & externa, illa ergo tantum est proportionata potestati legislativæ. Et confirmatur, quia gratia accommodatur naturæ; postulat autem natura hominis, vt in ordine ad regimen communitatis humanæ in solis actibus seruetur communicatio, & debita proportio tam inferiorum ad superiores, quam e conuerso, atque ipsorum membrorum inter se. Et ideo ait Diuus Thom. 2. 2. quæst. 104. artic. 5. obedientiam humanam ad homines, solum esse in his, quæ per corpus fiunt, & non in omnibus, sed in his, quæ pertinet ad dispositionem actuum, & rerum humanarum, ac sensibilium: nam ea, quæ sensibilia non sunt, non censemur humana, saltem in ordine ad communitatem humanam. Ergo Christus Dominus hoc modo contulit Ecclesiæ potestatem illam, quæ ad hoc Ecclesiæ regimen pertinebat. Nam actus interiores propriè non pertinent ad communitatem, sed ad priuatam viuis cuiusque salutem, vel damnationem, quibus sufficienter prouisum est per priorem potestatem ad internum forum pertinentem: hæc ergo est propria ratio huius institutionis, & veritatis.

8. Et iuxta illam explicanda est ratio D. Thomæ, & communis. Non enim eo tendit, vt persuadeat, aliud fuisse omnino impossibile, sed solum vt declararet, hunc esse ordinem consuetum naturæ hominis. Quo sensu verum est iuxta rei naturam, & ordinariam legem, solum

A illum actum posse humana lege præcipi, qui potest per homines iudicari, ita vt sermo sit de iudicio per sententiam hominis proferendo. Imo eadem ratione verum est, nihil posse per legem ipsam iudicari, nisi quod de se etiam potest iudicari per hominem. Nam ipsa sententia hominis dicitur esse quædam lex particularis, & è contrario lex imponens poenam ipso iure est quædam sententia generalis. Vnde in supremo Pontifice sunt actus eiusdem potestatis. Quod autem interdum contingat aliquid quod prohibetur, & punitur per legem humanam, non posse puniri per sententiam hominis, accidentarium est ex occasione aliqua extrinseca, quia nimis deficiunt testes, seu probationes, non vero ex natura talis actus, qui re vera posset esse materia huiusmodi iudicij, vt supralib. 3. ca. 5. declaravi. Similiter illa propositio, quod potestas legislativa semper habet potestatem coactiua coniunctam, vera est, & moraliter necessaria, vt inductione constat in quacunque alia simili potestate, & quia utraque pertinet ad perfectam iurisdictionem. Nec sufficit per se loquendo posse obligare in conscientia, nisi interueniat etiam potestas cogendi ad hanc obligationem implementum, seu (quod idem est) ad puniendos transgressores huius obligationis. Quanvis ergo speculatiue rem considerando, sit una potestas separabilis ab alia, non tamen moraliter, & iuxta conuenientem institutionem, & ideo Christus Dominus non dedit potestatem hominibus ad ferendas leges de illis actibus, pro quibus non poterant transgressores punire, non solum ex accidenti, sed per se, & ex naturali conditione talium actuum.

B Ex his facilis etiam est responsio ad primam questionem in principio positam; concedimus enim Christum de absoluta potentia sua potuisse dare Ecclesiæ hanc potestatem; negamus autem dedit. Et ad verba. Quodcumque ligaueris, &c. respondemus, distributionem illam intelligendam esse de omnibus requisitis ad conuenientem Ecclesiæ gubernationem. Quæ autem hæc sint, cuāvis ex discursu rationis magna ex parte possit intelligi, præcipue sumendum est ex traditione, & communī doctrina Ecclesiæ. Ex utroque autem capite intelligimus, illam potestatem ligandi quatenus legislativa est, in materia tantum externa, & sensibili versari. Dico præterea (respondendo ad alteram probationem sumptam ex fine) potestatem Ecclesiasticam in tota sua latitudine sumptam, duplice esse, scilicet, fori interni, & externi. Quas ita distinxit, ac declaravit D. Thomas. 4. dist. 18. q. 2. artic. 2. quæstiunc. i. Quod in foro conscientia causa agitur inter hominem, & Deum, in foro autem exteriori causa agitur hominis ad hominem. Hinc ergo fit, vt prior potestas possit versari circa actus interiores: imo illos potissime respiciat, quia per illos maxime ordinatur homo ad Deum, & in illis consistit interna salus singulorum fidelium, propter quam maximè hæc potestas datur. Et ob eandem causam actus huius potestatis ad iurisdictionem pertinent, quam iuristæ vocant voluntariam, quæ exercetur in commodum subditi, seu rei, & ad petitionem, vel consensum eius, quia interior salus, & reconciliatio cum Deo voluntaria esse debet. Qui autem actus ad hanc potestatem pertineat infra dicetur; certum est autem, legislationem non esse actum huius potestatis, & ideo ab illa

9.
Fit satius rationi.

D. Thom.

illa nullum sumi argumentum. At vero potestas Ecclesiastica, quatenus gubernativa est totius communitatis, ut sic, habet etiam suam materiam proportionatam, nimisrum actus exteriores ad gubernationem etiam Ecclesiae exteriorum pertinentes, & ad hunc ordinem pertinet potestas Ecclesiastica, ut legislativa est. Nam licet Ecclesiasticae leges etiam ordinentur ad finem supernaturalem, & ad internum bonum animarum, non tamen immediate operando illud, sed media honestate actuum exterorum, circa quos proxime versantur.

10

Ad inductionem, quae in contrarium fiebat, facilis etiam est ex dictis responsio. Nam primo aliqua ex his, quae ibi recensentur, non pertinet ad hanc potestatem legislativam, de qua agimus sed ad iurisdictionem fori interni, ut absolutio a peccatis, quae maxime spectat ad iurisdictionem fori sacramentalis, quod est maxime internum. Quanquam eo modo, quo sit inter homines, necessariopostulet, ut licet peccata sint omnino interna, per externam confessionem ad tale judicium deferantur. Quod solus Christus instituere, & primario præcipere potuit. Quomodo autem Ecclesiastica etiam lex in hac materia versari possit, in capite sequenti dicetur.

11
De dispensatione votorum.

12
IIIa potestas non est coactiva sed iurisdictionis voluntaria.

Secundum exemplum erat de potestate dispensandi in votis, etiamsi sola mente interius facta sint. Ad quod respondeo, non esse similem rationem. Primo, quia illa potestas non est coactiva, sed iurisdictionis voluntaria, & ideo mirum non est, quod etiam circa actus internos data sit. Secundo, quia haec potestas magis respicit forum animæ, seu eius bonum, quam externam gubernationem Ecclesiae, & ideo hac parte merito extendi potuit ad actus internos. Declaratur, quia haec potestas data est a Deo ad remittendum nomine eius obligationem illi factam per hominis promissionem, & ita eius actus versatur tantum inter hominem, & Deum, ideoque in actu interiore cadit. Imo, si attente res consideretur, propria voti obligatio, quae per eius dispensationem tollitur, per actu internum inducitur: nam exterior prolatione voti magis est, ut hominibus innotescat obligatio voti, quam apud Deum illam inducat, quia Deus non indiget signo externo, ut cognoscat, & acceptet promissionem, & ideo talis potestas per se respicit illam obligationem, siue per solum actu internum, siue cum externo inducta sit. Moraliter autem loquendo, semper necessarium est, ut votum internum exterius ponatur superiori, ut illud valeat dispensare. Nam licet cogitari possit casus, in quo superior votum ignorans, sub conditione dicat. Ego tecum dispenso, si forte votum emisi, etiam sola mente, tamen hoc non potest moraliter considerari, quia dispensatio voti requirit cognitionem causæ, & consequenter cognitionem materiæ eius, & periculi, quæ vix potest intelligi moraliter sine notitia voti. Verum est tamen hoc non multum referre, quia semper actus huius dispensationis fertur in ipsum vinculum, & internum actu, licet exterior significatio illius præcedat.

12
De commutatione voti.

Tertio idem dicendum est, de commutacione voti: nam est eiusdem potestatis, quatenus iurisdictionem Praelati requirit, aliqualemque dispensationem saltempartiale includit, ut tract. 6. de Relig. lib. 6. cap. 9. & sequentibus dictum est. De irritatione vero alia est ratio, quia non

necessario est potestatis iurisdictionis, sed dominatiua, ut ibidem dixi. Fit autem dupliciter, scilicet, vel ex parte materiæ, vel ex subiectione voluntaris vountis. Prior modus tunc habet locum, quando materia est subalterius dominio, & potestate, & ideo necesse est, ut sit materia sensibilis: nam illa tantum ita esse potest sub alterius potestate, ut possit libere vsum illius prohibere, & ita ex hac parte talis irritatione directe versatur circa materiam sensibilem, & indirecte; ac per consequitionem tollit internum vinculum voti. Si autem tale esset votum, ut non solum actus ipse promittendi esset mentalis, sed etiam materia promissa esset interna, ut sancta cogitatio, vel mentalis oratio, non possit ex parte materiæ irritari, nisi remote, præcipiendo nimisrum aliquod opus externum, quod aliud internum impediret. At vero per irritationem directam possunt huiusmodi vota irritari, eo quod voutes quoad suam voluntatem & potestatem se obligandi firmiter pendet omnino à voluntate alterius, vel ob defectum tractis, & naturalem subiectionem, ut in filio impubere, vel ratione religiosæ professionis, & voti obedientiæ, quod includit: hanc autem dependentiam habent vota, ut promissiones ad Deum sunt, ac subinde etiam, ut mentalia sunt, quia respectu Dei ibi consummantur. Denique vota haec conditionem includunt, ratione cuius irari possunt, non subsistente conditione. Et ita ex his actibus nullum potest sumi argumentum à simili, quia sunt valde diuersi, & à diuersis non fit illatio.

Quartum exemplum erat de remissione penarum apud Deum per indulgentias, quod item habet responsum. Nam potestas ad dispensandum thesaurum per concessionem indulgentiarum, magis reducitur ad potestatem fori interioris: nam illud negotium etiam versatur inter hominem, & Deum, & ad perfectam liberationem animæ ab omni reatu ordinatur, ut in proprio tract. de Indulg. dictum est. Denique quod ultimo loco ibi assumitur, falsum est, scilicet, excommunicationem ferri propter actu pure mentale; nam iura, quæ loquuntur de peccato heresis, intelliguntur de illa, quæ prodit aliquo modo in actu externum, ut communiter Doctores allegati docent, & in propria materia ex professo tractandum est, & explicandum, & nonnulla de hoc punto diximus in tom. 5. de Censur. disput. 4. sect. 2. De alia vero difficultate ibi tacta de conditionibus occultis actuum exterorum, dicemus commodius capite sequenti.

13
De remissione penarum per indulgentias.

Ad ultimam confirmationem de subiectione quoad actus internos mediante voto, non defunt, qui existiment, etiam ratione votiobedientiæ non posse superiorem præcipere actu mere internum, ut verbi gratia orationem mentalem, quia licet possit prohibere exteriores actus qui interiorem impedire possunt; non vero directe obligare ad exercendum actu internum. Et videtur fauere Diuus Thomas. 2. 2. questionib. 104. articul. 5. quatenus generaliter ait, quoad interiores animi motus hominem solum Deo subiici. In contrarium vero est, quia homo potest vovere Deo immediate, & absolute actu mere internum, ut omnes in materia de voto absolute farentur, & est res clara, quia tale votum erit de meliori bono, & possibili. Ergo potest etiam idem vo-

uer

D. Thom.

14

uerere sub conditione si Prælatus præceperit, quia hoc nec difficilis est, nec minus honestū, quam primum: hoc autem virtualiter fit votum obedienciam in ordine ad talem actum; ergo supposito tali voto, potest superior præcipere talēm actum.

15
Lex fundatur in iurisdictione que solum data est quantum expedit ad communem bonum.

Quocirca loquendo de possibili, hoc postrius censeo verum. Neque est simile de potestate legis, quia lex fundatur in iurisdictione, quæ solum data est, quātum expedit ad bonum commune, ut diximus: hoc autem præceptum fundatur in voluntate votentis, & pacto, seu promissione eius, quæ quia Deo principaliter sit, de actu etiam mere interno fieri potest. Item quia materia voti latius patet, quam legis: nam votum maximē est de consilijs, de quibus non est lex. An vero de facto Prælati Religionum habent hanc potestatem, & hæc sit intentio votentium obedientiam. pendet ex regula unius cuiusque Religionis. Quia iuxta doctrinam D. Thomæ, & communem, non omnes religiosi votent eandem obedientiam, sed singuli secundum suā regulam, & ideo si regula præcipit, vel consultit actus mentales, vel significat, Prælatos posse illos iniungere, tunc eodem modo interpretandū est obedientia votum, ut, scilicet, possint Prælati tales actus imponere; recte autem facient, nunquam eos imponendo sub rigore præcepti, propter periculum vitandum; satis enim est exteriorē vacationē præcipere.

CAP V T XIII.

Vtrum lex canonica possit concomitanter præcipere, aut prohibere actus internos simul cum externis.

Duobus modis cadere actū internum indirecē sub præceptum de externo actū.

Ca. Nulli explicatur.

Dobus modis potest interior actus cadere indirecē sub præceptum de exteriori actu, ut notau lib. 3. ca. 12. in fine, unus est tantum per quandam consequitionem, quatenus per legis prohibitionem exterior actus sit malus tam in ratione actus, quam in ratione obiecti moralis, & ideo ex vi illius legis consequenter sit malum internum propositum faciendi talem actum prohibitum, vel non faciendi talem actū præceptum pro tali tempore. Et de hoc modo non mouetur quæstio, quia dicto loco ostendimus, ex omni lege humana iusta consequi hanc obligationem. Vnde necesse est, ut maiori ratione hanc vim habeat lex canonica. Quis enim dubitet, esse peccatum mortale proponere non audire Missam in die festo; cum sit de obiecto prauo, & actus interior sumat malitiam suam ab obiecto. Vnde in ca. Nulli distin. 19. dicitur, Nulli fas est, vel velle, vel posse transgredi Apostolice sedis præcepta. Quanquam illud non possit ab Ecclesia puniri, quia ad hoc oporteret, directe, & per se de illo ferre iudicium, & ideo quæ de punitione in illo capite adduntur, necessario sunt de voluntate in effectum prodeunte intelligenda. Alter modus indirecē prohibitionis, vel præcepti actus interioris per legem humanam est per quandam concomitantiam cum actu exteriori, ita ut præcipiendo, vel prohibendo exteriorē, compräcipiatur, vel compribeatur actus internus, ita ut sit quasi pars actus integrī, & compositi, qui est propria materia illius legis, & de hoc modo prohibitionis intelligitur proposita quæstio.

Oportet autem satis distinguere hanc coniunctionem actus interni cum externo sub eadem

lege, quæ per se versatur circa actum, ut externus est: fieri enim potest duobus modis. Prior est quando coniunctio est talis, ut internus actus per exteriorem manifestetur, tanquam causa per effectum, ut voluntas audiendi Missam coniuncta est cum actu audiendi libero: alter est, quando actus interior coniungendus exteriori per illum non manifestatur, ut est in eodem exemplo attentio assistens ad Missam audiendā, vel intentio audiendi illam propter turpem finem. De priori ergo modo nulla est quæstio, quia in dicto etiam loco ostensum est, legem humanam ut sic posse præcipere indirecē huiusmodi actum internum, qui ad externum requiritur tanquam necessaria causa eius, quia lex præcipit actum externum humanum, & libere exercendum: impossibile autem est hoc modo illum præcipere quin simul compræcipiat (ut sic rem explicem) talem actum. Reducitur ergo quæstio ad actus interiores posteriori modo coniuctos cum externis.

De his itaque actibus internis duas inuenio opiniones extremè contrarias. Prima est, posse legem humanam prohibere actum internum, ut coniunctum alicui exteriori, etiam si illa coniunctio non sit per se, sed mere per accidens ex arbitrio operantis. Ita sensit Angel. verb. Hæreticus, n. 2. & sequitur Tabien. Excommunicatio. q. casu 4. n. 4. & Caiet. in Sum. verb. Excommunicatio, cap. 3. & verb. Hora, §. 3. Soto lib. 10. de Iustit. q. 5. art. 5. & videntur consentire Cordu. lib. 4. q. 13. & Couar. in Regul. Peccatum. 2. p. num. 7. Fundantur in vsu Ecclesiæ, afferuntque multa iura, quæ hoc modo videntur præcipere, aut prohibere actus internos simul cum externis. Primum sit cap. Omnis viriusque, de Pœnit. & remis. quatenus præcipiendo confessionem annuam, præcipit dolorem necessarium, & confessionem cogitationem mere internarum. Secundum est cap. Dolentes. de Celebrat. Missar. & Clement. I. eodem, vbi præcipitur clericis recitatio attenta, & deuota. Tertium est cap. Commissa, §. Caterum, de Elec. in 6. vbi punitur qui recipit beneficia abique intentione suscipiendo debitum ordinē intra annum, nisi mutata voluntate ordinetur. Quarto ex Clement. 2. §. Verum, de Hæret. vbi Inquisidores, qui ex odio, vel intentione turpis lucri omittunt contra iustitiam, & conscientiam procedere contra aliquem in causa fidei, excommunicantur. Quinto ex Clemen. 1. de Stat. Monach. vbi Monachus Benedictinus sine licentia se conferens ad curiam, animo accusandi Prælatum, excommunicatur, & non sine tali intentione. Sexto ex cap. Siquis. 8. dist. 30. vbi excommunicatur, qui ex contētu, vel interior superstitione ieunium Ecclesiasticum non seruauerit, & non alijs; cum tamen contemptus, interior actus sit. Et eodem modo solent iura canonica excommunicare facientes hoc, vel illud, Scienter aut temere, & cum alijs similibus particulis significantibus modos mere internos actuum exterorum, qui nec sunt per se connexi cum illis, nec per illas manifestantur, & nihilominus censura incurritur cum illo modo, & non sine illo, ut est communis doctrina; ergo.

Secunda opinio negat, posse Ecclesiam præcipere, prohibere, aut punire actum internum coniunctum mere per accidēs cum externo; aut ē conuerso punire externum propter talem internū, qui nec sit causa externi, nec per illū ma-

Prima sententia affirmans, licet coniunctio sit per accidentem, & tamen ex intentione operantis ob usum Ecclesiæ.

Angel.
Tabien.
Caiet.
Cordub.
Couar.
Ca. Omnis viriusque.

C. Dolentes.
C. Commissa

Clement.
C. Siquis.

4
2. opinio negativa.

Nauar.
aliqui re-
tentiores.

C. Venerab.
vilem.

5
Mens au-
toris, & di-
finatio.

9
Sufficit ne-

nifestetur. Referri solet pro hanc sententia Syluest. verb. *Excommunicatio.* 7. in 2. excommuni. quatenus impugnat sententiam Angeli, sed re vera non hoc sentit, vt ex dicendis constabit. Refertur etiam Almai. de Potest. ciuili, cap. 3. & probare videtur Nauar. de Poenit. dist. 5. in principio. n. 26. clarius in Commen. c. fin. de Simon. n. 20. Vbi ex illo textu id confirmat: nam ideo ibi non punitur simonia mentalis in exterius opus prodiens, quia vitium illud non manifestatur in opere, sed in intentione tantum mentis consistit. Allegat etiam cap. *Venerabilem*, §. vlt. de sentent. excommunicat. in 6. Et hanc sententiam defendunt aliqui moderni in hac materia. Et ex illa inferunt primò, eum, qui in quadragesima confitetur diminutè, tacendo, & omitendo in confessione peccata cordis per se occulta, non incurrire sententiam excommunicationis latam contra eos, qui non obseruant præceptum Ecclesiæ confitendi semel in anno, quia ille non transgreditur præceptum Ecclesiæ, sed diuinum tantum, quia non omittit circumstantiam confessionis externam, de qua possit Ecclesiæ constare. Vnde idem à fortiori dicent de illo, qui cōfitetur inualidè ex defectu interioris doloris necessarij. Secundo inferunt, clericum beneficium recitantem horas exterius integre & complete, quamuis sine villa attentione recitet voluntariè, non transgredi proprium Ecclesiasticum præceptum, nec incurrire pœnas Ecclesiasticas impositas transgressoribus illius præcepti, quia nihil omittit eorum, quæ exterius fieri debent, & de quibus possit Ecclesiæ constare. Secus verò esset, si illa mentis distractio ex actione exteriori prohibita proueniret; nam tunc iam posset constare de transgressione. Tertio inferunt, non peccare contra prohibitionem Ecclesiæ inquisitores iniuste agentes ex odio, nec censuram incurrire, nisiodium illud in ipso externo opere ostendant; & sic de alijs.

Mihi autem videtur distinctione vtendum: nam interdum actus internus coniungitur cum externo tanquam necessarius ad aliquid esse morale, vel quasi artificiale, quod lex humana potest intendere, vel præcipere, esto. ille actus externus ad materiale illa actione sensibile, prout exterius appetit, necessarius non sit. Ut verbi gratia, intentio baptizandi necessaria est, ut fiat baptismus, licet non sit necessaria, ut fiat ablutio, neque ut verba exterius proferantur, & ideo non obstante priori necessitate, illa intentio baptizandi exterius non manifestatur euidenter per exteriores actiones abluendi, aut verba proferrendi. Aliquando vero coniungitur internus actus exteriori omnino extrinsece tam phisice, quam moraliter, id est, tam respectu actionis externæ materialiter sumptæ; quam respectu eiusdem sub ratione sacramenti, vel contractus, vel alterius similis formalitatis moralis, quæ interdum esse potest materia legis humanæ, vel præcipientis, vel prohibentis: ut erit in dicto exemplo intentio baptizandi gratis, & non proper pretium, vel alia similis, à qua non pendet baptismus, nec ut ablutio, nec ut sacramentum. De his ergo duobus generibus actuum internalium censeo, esse diuerso modo loquendum, tam in præceptis affirmatiuis, quam in negatiuis, & ideo sigillatim de illis dicemus.

Dico ergo primo. Aliquando actus internus potest cadere sub obligationem legis, seu præcepti humani, etiam si ex vi actus externi innote-

scere non possit infallibiliter, id est, licet non sit necessarius talis actus internus ad efficiendum materialiter actū externū, dūmodo sit necessarius ad aliquid esse morale externi actus, quod sepe potest esse materia legis humanæ. In hoc sentio cum priori sententia, & fortasse Syluest. Almai. & Nauar. non intendunt, hoc negare: imo videtur esse communis sententia Theologorum, vt patebit. Et probatur primo inductio: nā ad vere contrahendū per exteriora verba necessarius est internus cōsensus, licet per exteriora verba cōtractus nō euidēter appareat talis consensus, quia non est necessarius ad substantiam verborum, & tamen Ecclesia, imo & res publica, potest subditis suis præcipere in multis casibus, vt vere contrahant, & pro illis posset leges ferre; ergo ex vi talis præcepti obligatur homo ad contrahendum cum vero cōsenso, alias inutilis esset talis lex. Sic etiam Ecclesia præcipit omnibus recipientibus sacrum ordinē, vt castitatem voweant, quod facere non possunt sine interna intentione vouendi, aut se obligandi ad castitatem, quæ per exteriorem ordinationem non innotescit. Idem argumentum sumi potest ex eo, quod Ecclesia potest præcipere sacerdoti; vt aliquando sacrificet, quod facere non potest sine interiori intentio ne confiendi; ergo ad illam obligatur ex vi illius præcepti, alias inefficax valde, & inutile esset præceptum, simile quæ est de omni præcepto Ecclesiastico recipiendi aliquod sacramentum, & de c. vlt. de Hæretic. in 6. Vbi præcipitur inquisitoribus, vt puram, ac prouidam intentionem habeant, &c. Et de præcepto recitandi horas canonicas, nam (quidquid sit de intentione) saltem de intentione orandi omnes Doctores conueniunt, esse necessariam ex vi talis præcepti, quoniam sine intentione orandi non erit vera Oratio, sed facta.

Dicit forte aliquis, in his omnibus casibus non præcipi actum internum ex vi iuris humani, sed ex vi iuris diuini vel naturalis. Nam Ecclesia solum præcipit exercitium illius aetatis exterioris in ordine ad talem finē, & tunc præceptum diuinum, vel naturale obligat ad operandum cum tali intentione, vel cōsensu, &c. At hoc neque uniuersaliter verum est, nec in aliquo ex dictis exemplis sustinetur potest. Primum patet in actu, verbi gratia, recitandi horas canonicas: nam legere omnia illa, quæ recitantur animo addiscendi, vel refricandi memoriam, non est per se malum, nec contra ius naturale, aut diuinum, vt per se constat, & tamen qui sic legeret horas, & aliter non recitaret, non impleret Ecclesiæ præceptum secundum omnes; ergo obligatio recitandi cum illa intentione est ex præcepto Ecclesiæ. Idem est de intentione recipiendi ordinem sacrum sine animo seruandi castitatem, vel ad illam se obligandi: hoc enim non est intrinsecè malum, aut contra ius diuinum, & tamen nunc est peccatum mortale ex vi præcepti Ecclesiæ. Idem licet considerare in præcepto dandi gratis titulos ordinis, aut officium temporale Ecclesiæ, vel aliquid simile, quod non sit prohibitum vendi iure naturali, aut diuino, sed tantum Ecclesiastico, nam intentio dandi gratis talem rem, nunc necessaria est ad vitandum peccatum, & non ex iure diuino; ergo ex Ecclesiastico: ergo Ecclesiastica lex potest obligare ad similem intentionem. Imò in hoc & præcedenti exemplo lex Ecclesiæ non obligat simpliciter

⁷
Solitus ob-
iectum.

ad hoc, vel illud exteriorius efficiendum, sed obligat, ut si fiat gratis fiat, quod pendet omnino ex intentione interna, quæ non est simpliciter necessaria ad actum externum, nec per illum sufficier manifestatur; nam possit esse datio, & receptio, & utraque gratis fieri. In aliis etiam exemplis allatis non potest admitti illa responsio; tum quia s̄p̄ est longe maior obligatio habendi talem actum internum ratione p̄cepti Ecclesiastici, quam esset sine illo, ut interdum sicut contrahere, vel proferre aliquæ verba, esset tantum veniale peccatum ex natura rei, & possita lege humana p̄cipiente talem contractum, erit graue peccatum; tunc etiam, quia peccatum, quod ibi solet committi contra ius naturale, soler esse peccatum commissionis, vel mendacij, aut fictionis, vel iniuria in proximum, vel in Deum, quia actus exterior sic factus in uoluit iniuriam, vel aliam similem malitiam: at vero stante lege positiva p̄cipiente talem actum, contra illam peccatur per omissionem, ut statim declaratur.

8
Predicti
actus sunt
necessarij
ad humanum
coniunctionem,
vel ad cultum
religionis.

Ratio autem à priori assertionis esse videtur, quia isti actus interni sunt necessarij ad humanum coniunctionem, vel ad cultum religionis in Ecclesia necessarium, non solum materialiter sumpti secundum est physicum, sed etiam formaliter accepti, ut sunt tales actus morales, vel quasi artificiales, id est, quatenus sunt contractus, sacramentum, sacrificium, cultus, oratio, & similes; ergo ad rectam Ecclesiaz gubernationem necessaria illi fuit potestas ad præcipiendum usum & exercitium talium actuum secundum tales formales rationes. Non possunt autem ita præcipi, quin præcipiantur actus interni, sine quibus rationes illæ consistere non possunt; ergo illo modo præcipi possunt, sive per actus exteros sufficienter manifestentur, sive non, quia, ut præcipiantur satis est illa necessaria connexio, quia non præcipiuntur per se, sed compræcipiuntur, nec aliter possunt præcipi efficaciter tales actus exteri. Confirmatur, ac declaratur, quia ratio possima, ob quā potest simul cum actione materiali externa præcipi volūtas faciendillam, est, quia illa actio externa est necessaria ad communione bonum reipublicæ, & non potest humano modo præcipi, non præcepta voluntate, sed etiam hi actus exteri sunt necessarij communione humana, secundum dictas rationes morales, & secundum illas subsistere non possunt sine internis; ergo hi etiam compræcipi possunt.

Accedit, quod ubique actus interior hoc modo coniungitur cum externo, morali & humano modo per illum manifestatur, quia præsumitur homo habere debitam intentionem cum operatu, licet non sit infallibilis indicatio, quia potest homo esse fatus, & mendax: ergo illud sufficit, ut talis actus interior possit in uolui (ut sic dicam) seu comprehendendi sub adæquata materia, & obligatione legis humanæ. Denique confirmatur à contrario, quia s̄p̄ superior potest obligare ad aliquid agendum, quamvis honestas, vel utilitas actionis exterioris præcepte tota pendeat ex intentione præcipientis, argumēto dicti cap Venerabilem. ⁵ penult. de sentent. ex commu. in 6 iuxta Glosl. verb. Iustitia, quia non semper tenetur superior rationem sui præcepti subditu reddere: ergo eadem ratione potest præcipere actum externum sub intentione, quæ pendeat à voluntate subditu operantis, etiam talis intentio videri non possit. Et multæ ex his

A rationibus probant idem de legibus civilibus, ut insinuauit lib. 3. c. 5. maiorem autem probationem in hunc locum resرعاui, quia haec necessitas frequentius occurrit in materia canonica, quæ magis spiritualis est, magisque ex internis actibus pender.

Ex hac assertione infero primo, posse peccari grauiter contra legem Ecclesiasticam ex defectu aliquo in actu mentis, etiam si in exteriori actione non appareat defectus. Probatur, quia Ecclesia præcipit illum actum externum non tantum, ut talis est materialiter, & physice, sed etiam ut est talis moraliter, id est, ut est sacramentum, contractus, vel aliquid simile, sed fieri potest, ut propter solum defectum interioris actus, actus exterior non sit talis; ergo tunc non implabitur præceptum Ecclesiaz, sed peccabitur grauiter contra illud. Hoc constabit clarius in particulari. Secundo infero, transgredi præceptum annua confessionis, qui in quadragesima ita confitetur exterius, ut sacramentum pœnitentie non percipiat, etiam si hoc tantum contingat ex solo defectu interiori. Ita dixi in 41 tom. 3. p. disp. 36, teat. 7. cum tutiori, & communiori sententia, quam certiore censui, quando defectus est in integritate. Vnde Victor. in Sum. 4. q. de Confess. n. 150. licet credat satisfieri precepto Ecclesiaz per confessionem sine dolore, requirit nihilominus ut sit integratim etiam postulat, ut iste confiteatur hoc ipsum, quod non habet dolorem; cum tamen defectus doloris solum sit mentalis, & internus. Et eodem modo loquitur Ledesim. in 4. q. 80. art. 2. dub. 12. Et ratio particularis de defectu integratatis esse potest, quia licet peccatum omissum in confessione sit internum, tamen omissio ipsa est de actu externo: est enim omissio partialis confessionis exterioris; potest autem Ecclesia præcipere illum actu externu etiamsi materia eius remota sit, seu circa quam sit actus internus: nam licet hoc excedat potestatem humanam in ordine ad forum externum: non tamen est, cur excedat potestatem Ecclesiasticam in ordine ad forum internum, & salutem animæ.

Et potest hoc ab inconuenienti confirmari, quia alias fidelis habens conscientiam peccati mortalis tantum interni, & mentalis, non tenetur ex præcepto Ecclesiaz confiteri semel in anno ex vi præcepti confessionis, quod videtur absurdum: ergo. Sequela est manifesta, quia si præceptum Ecclesiaz non obligat ad partiale confessionem peccati mortalis interni, multo minus obligabit ad confessionem totalem internorum peccatorum, etiam mortalium. Minor autem patet, tum ex uniuersalitate præcepti, & communis intelligentia illius: tum maxime quia ille tenetur ex præcepto diuino confiteri; Ecclesia autem indistincte, & absolute determinauit tempus, pro quo tale præceptum obligat: ergo posito præcepto Ecclesiaz obligatur ille homo ad confessionem pro illo tempore. Et hec est ratio generalis etiam pro defectu doloris, ut dicto loco dixi, quia Ecclesia præcipit sacramentum pœnitentie recipere semel in anno, quod Christus simpliciter præcepit aliquando recipere. Item quia Ecclesia præcipit ita confiteri, ut possit quis absoluiri, ut ibidē dixi, & recte notauit Nauarr. in cap. Placuit, dist. 6. n. 183. cum Adrian. in 4. mat. de Confess. q. 5. dub. 4. Nec est, cur hoc excedat potestatem Ecclesiaz, cum lex sic intellexerit sit de usu externo cuiusdam sacramenti pro-

to
1. Cerolla.

Secundum

Videtur.

Ledesim.

Nauar.
Adrian.

tali tempore, & maxime conueniente communione bono Ecclesie. Et ideo semper probabilius credidi, potuisse Ecclesiam hoc præcipere, supposita sola institutione, & utilitate talis sacramenti, etiam si Christus usum eius non præcepisset, ut latius tractauit in eodem 4. tom. disputat. 35. sect. 1.

12
corollar.
voluntari
distractum
non implere
præceptum
Ecclesia.

Tertio infero, beneficiatum voluntarie recipientem sine attentione non implere præceptum Ecclesie, etiam si nullum signum externum illius distractum exhibeat, nec faciat actionem aliquam externam prohibitam, nec omittat aliquid exterium præceptum in ordine ad attentionem, sed omnia exteriora plene implete; solumque mente voluntarie distractus sit. Nam ille sine dubio peccat mortaliter sic recitando, nisi iterum recite intra tempus habile, & non contritus diuinum, quia nullum est præceptum diuinum de tali recitatione, nec pro tali tempore, nec simpliciter; ergo illud peccatum quatenus est omissionis mortalis est contra Ecclesiasticum præceptum. Sed haec latius à nobis tractata sunt tom. 2. de Relig. tract. 4. lib. 4. cap. 16. & sequentibus:

13
Quarum
posse etiam
incurvare
censuras.

Quarto infero, sicut in his casibus peccatur contra præcepta Ecclesie, ita posse incurri censuras, vel alias penas ipso iure impositas non seruantibus talia præcepta. Ratio propria est, quia illa transgressio non est pure mentalis, sed externa, quia est omission orationis vocalis, vel susceptionis sacramenti sensibilis, licet per accidens occultetur per fictionem orationis, vel sacramenti. Item quia quidquid potest Ecclesia sub obligatione peccati mortalis præcipere, potest condigna pena, vel censura punire per ipsam legem, absque alia sententia ferenda per hominem, quando pena apta est, ut hoc modo imponatur, & culpa est illa digna: Deniq. de Censuris hoc ostendi in §. tom. disp. 4. sect. 2. De penis vero impositis non recipientibus cum teneantur ex obligatione beneficij, idem dixi dicto lib. 4. de Horis Canon. cap. 26.

14
2. conclus.

Dico secundo, quando actus inferioris nullo modo est necessarius ad esse physicum, vel morale exterioris actus, sed solum coniungi potest ex libertate operantis, tunc non cadit sub Ecclesiasticam legem, nec forte cadere potest sub humanum præceptum, saltem regulariter loquendo. Prior pars, quæ loquitur de facto, videtur clara, quia (ut existimo) nullum probabile exemplum affirri potest indicans similem Ecclesiasticam legem, ut patet respondendo ad iura in principio allegata, & latius inferius explicando per quos actus impleantur præcepta affirmativa Ecclesiastica. Loquendo autem de possibili non est mihi certa conclusio, sed probabilis; explicatur autem in hunc modum. Quia talis actus interior esse potest necessarius ad honestatem aliquam exterioris; hoc autem sufficit, ut simul præcipi possint, ergo maior patet, quia præcepta affirmativa non dantur, nisi de actibus virtutum, & in ordine ad aliquam honestatem, & ideo si actus interior præcipitur cum exteriori, erit propter aliquam honestatem; non autem propter solum interiorum, quia interior non potest ab Ecclesia præcipi propter suam honestatem per se, & absolute spectatam, quia ut sic non est materia legislationis humanæ, ut capite precedenti ostensum est: ergo si potest præcipi ut coniunctus exteriori, solū erit ut cōmunicans aliquo modo suā honestatē auctui exteriori. Quod autem hoc suf-

ficiat declaratur, quia duobus modis potest requiri actus interior ad honestatem actus exterioris. Primo simpliciter, quia sine tali actu, non potest actus exterior honeste fieri, vt quando actus exterior non potest honeste fieri sine aliqua intentione honesta, vel quia digne fieri non potest sine interiori dispositione, ut si Eucharistia sumenda sit, & quia non potest digne recipi, nisi à iustificato, id est necessaria contrito, vel attrito, cum confessione ad digne cōmunicandum. Secundo potest requiri actus interior solum ad melius esse, scilicet, ut actus exterior sit honestus, seu pluribus modis bonus, licet sine tali actu possit esse bonus ex obiecto, & circumstantiis propriis.

Requiri posse auctū int. ad honestatem actus exterioris simpliciter vel ad melius esse.

B De utroque ergo ex his modis, verisimile videri potest, posse cadere sub præceptum humanum. Nam de primo inquirio, cur non possit Ecclesia præcipere, ut talis actus digne fiat, siue illa dignitas pendeat ex circumstantiis extrinsecis, siue ex intrinsecis. Nam illa honestas est simpliciter honestas actus externi, seu compositi ex interno, & externo, quod satis est, ut internus compræcipiatur cū externo. Item iam ille actus internus est necessarius ad quoddam esse morale magni momenti actus externi. Item potest esse valde expeditus communī bono Ecclesie, ut actus externus cum tota illa integritate, seu rectitudine morali præcipiatur. Maxime si Ecclesia sit in graui aliqua necessitate, & velit placare Deum per sacras actiones fidelium sancte factas. Certe cum potestas gubernativa Ecclesie sit maxime spiritualis, & ordinata præcipue ad salutem animarum, non videtur hic modus præcipiendi improportionatus illi, cum absolute sit de actu visibili sancto, sicut Ecclesia visibilis & sancta est. De alio vero modo licet minus videatur aptus ad præceptum; nihilominus videri potest non omnino impossibilis. Nam interdum præcipiunt orare, verbi gratia, vel ieiunare pro tali necessitate; ergo potest per tale præceptum directe iniungi, ut dicatur litania, verbi gratia, pro tali necessitate in particulari; hoc autem pendet ex intentione interiori operantis, quæ intentione non est necessaria ad honestatem illius orationis, vel ieiunij: nam sine illa possent honeste fieri; ergo. Confirmatur, quia s̄pē conceditur indulgentia oranti, vel operanti cum tali intentione, & non alio modo; ergo si publica necessitas id postularet, posset etiam præcipi actus cum eadem conditione.

Nihilominus probabile sat est, utrumq. modum excedere mensuram humanę legis, etiam Ecclesiasticę, & de posteriori quidem videtur id clarius, quia per talem actum internum solum additur externo bonitas quedam accidentaria per extrinsecam relationem, vel imperium ab actu interiori omnino distincto; ergo non potest illa bonitas præcipi ex vi præcepti actu externi, sed oportet, ut distincto præcepto per se, & directe præcipiatur, quod esset præcipere directe actum internum, quod ostensum est fieri non posse. Secundò declaratur à contrario, quia si quis, non obstante tali præcepto, faceret actum externum benè ex obiecto intrinseco, & circumstantijs per se requisitis, & omitendo alium actum interiorum, tunc solum peccaret, omitendo actum internum, non autem faciendo externum actuū tali modo: ergo signum est, illa esse duo præcepta distincta, & vnum per se versari circa solum actuū interiorum, illudq. tantum nō impleri per

16.
Conclusion
de probabili
itate con-
traria.

internam omissionem. At hoc fieri non potest, iuxta dicta. Tertio id potest ostendri ex usu Ecclesiæ; & illo eodem exemplo indulgentiarum: nam Ecclesia non consuevit cogere ad talis iustitiam internam non necessariam ad substantiam mortaliū actuum; sed inducit ad illam offerendo spiritualia comoda, sub illa conditione, & non aliter: qui modus semper iudicatus est sufficiens ad subuentiendum communibus necessitatibus Ecclesiæ. Ergo alius necessarius non est, neque etiam est conueniens, quia est de re occultissima, & periculis exposita, & ideo verisimilis est, non esse materiam ipsam ad legem humanam.

Atque hæc ultima ratio potest applicari ad priorem modum de quo minor est certitudo, quia licet ille modus operandi magis necessarius esse possit ad bonos mores fidelium, nihilominus tamen ad generalē, & conuenientem Ecclesiæ gubernationem videtur sufficere, ut per leges præcipiantur actus externi de se boni, vel religiosi, cum conditionibus necessariis, ut sint tales actus morales: nam eo ipso naturalis ratio, vel ius diuinum obligat, ut honeste, seu dignè fiant; ergo non oportuit in hoc multiplicari Ecclesiastica præcepta; maxime quando rectitudo pendet ex solo actu, vel dispositione interiori, de qua Ecclesiæ constare non potest. Accedit quod talis circumstantia per se non includitur in præcepto de tali actu externo substantialiter spectato, non solum in esse materiali, & physico, sed etiam in esse morali factamenti, vel contractus, orationis, &c. ergo ut talis rectitudo præcipiatur, necessarium erit directe, & per se præcipi, quod esset directe præcipere actu interiori.

Dico tertio: Ecclesia non potest prohibere, vel punire actum externum de se bonum ex obiecto, & circumstantiis externis, propter solū defectū, quem accipere potest ex affectu interno, vel intentione operantis. Ut esset, verbī gratia, punire per legem, dantem eleemosynam, propter vanam gloriam, etiamsi exterius non demonstraretur, vel quipiam simile. Hec est sententia Almaini, supra allegati. Assertio satis patet ex præcedenti, & ex rationibus in ea factis, quia profecto talis prohibitio esset directe de actu interno: nā exterius non ratione sui, sed ratione interioris tantum prohiberetur, vnde solus etiā internis vere punitur. Itē ad regimen Ecclesiæ visibilis necessarius non est, nec conueniens talis modus prohibitionis, vel poenæ; est enim præter humanam conditionem, & ita nunquam Ecclesia hoc consuevit, vt constabit ex dicendis. Denique hoc bene probant capite ultimo de Simon. & capite: Tuas nos, eodem, vt paulo inferius dicā:

Vnde infero, & aduerto, facilius esse Prælato Ecclesiastico prohibere alicui eleemosynam absolute, & simpliciter, & poenam imponere, si fiat, quam prohibere, vel punire eleemosynam factam propter vanam gloriam. Quia cum prohibetur absolute, potest subesse aliqua ratio pertinens ad exterritam gubernationē, & forum, propter quā præceptum sit humanum, & iustum, vt notauit Glossa supra citata in d. Verb. Iustitia. Neque est necessarium, vt superior in suo præcepto suum motiuum exprimat: nam præsumitur iustum, dum aliud non constat, & ita de transgressione talis præcepti sufficienter constat per solam effectionem extrinseci actus. At vero si prohibea-

tur eleemosyna tantum ob circumstantiam præuae intentionis in lege expressam, eo ipso declaratur, materiam prohibitionis non esse aptam nec rationem prohibitionis accommodatam potestati humanæ, nec de transgressione posse constare per actionem externam, quandoquid licet illa fiat, non statim fit contra tale præceptū, quia de intentione non constat.

Dico quarto: Ecclesia potest prohibere, & punire actum exteriorem cum dependentia ab interiori affectu, vel intentione accidentaria tali actui, quoniam actus alias esset malus sine tali intentione, & dignus tali pena. Iuxta hanc assertiōnem, interpretor opinionem Caiet. & illam aperte docet Sylvest. sup., & res ipsa in se videtur satis clara, & usui conformis. Ratio vero à priori est, quia Ecclesia potest prohibere simpliciter talem actionem externam, & punire illam: ergo potest etiam prohibere, & punire cum tali conditione, scilicet, si à tali intentione odijs, vel simili procedat, & non alias. Antecedens patet ex ipsa assertione: nam supponit, actionem illam esse malam in se sine tali intentione, & consequenter esse dignam penam, versarique in materia Ecclesiastica, seu canonica: sic enim semper loquimur. Consequentia vero patet, quia per illam conditionem non extenditur potestas, sed restringitur usus eius. Magis enim moderata, & restricta est prohibitio, & punitio cum ea conditione, quam si absolute fieret, ut per se notum est. Et declaratur exemplo: nam Ecclesia potest, verbi gratia, excōmunicare omnem illum, qui graue sacrilegium commiserit; si ergo tantum excōmunicet eum, qui scienter illud commiserit, non atket, sed temperat rigorem, & suę iurisdictionis usum, & tamē partitila illa scienter includit conditionem de actu interiori, id est, si scieris, & volens directe hoc fecerit. Hinc etiam Ecclesia grauiori (vt sic dicam) sed magis restricta irregularitate punit homicidium voluntarium, quā casuale, quā tamen saepe non differunt, nisi in cognitione, & intentione interna. Quia in rigore Ecclesia posset utrumque homicidium æquali irregularitate afficer; ex benignitate autem voluit rigorem temperare, quando homicidium non est per se intentum, seu directe voluntarium:

Est etiam optimum exemplum, quod totam doctrinam dataṁ confirmat: nam certum est, hæreticum exterrum non incurere propriam censuram hæreticorum, nisi animo hæretico exteriorum se prodat: nam si solum fingat, & interior non dissentiat, non incurrit censura ipso facto; ergo talis censura imposta est propter actum exterrum cum dependentia ab intentione interna; cum tamen actus exterrus quoad materiam actionem, vel significationem non pendeat ab illa, nec possit exterritus discerni, an procedat ab animo ficto, aut vere hæretico. Similiter est imposta irregularitas rebaptizanti, quam tamen non contrahit, si fiet, & sine intentione exteriorus rebaptizet, etiamsi Ecclesiæ constare non possit de talis fictione, nec de intentionis defectu. Potuissetque Ecclesia irregularitatem imponere propter exterram rebaptizationem sacrilegiam, & scandalosam, etiam sine intentione factam; noluit tamen, sed temperauit rigorem; ergo signum est, posse Ecclesiam hoc modo leges ferre circa actus exterrnos, quando secundum aliquam rationem moralem respiciendum statum Ecclesiæ, pendent ab interiori actu,

20
4. conclus.
de actu ex
terno depen-
denti ab in-
terno.

licet non pendeant in materiali actione externa, nec ex aliquo sensibili signo, ergo eadem ratione poterit simili modo prohibere, & punire alia delicta externa; prout iudicauerit expedire.

22
Exponitur
cap. de Si-
mon. loqui
de actu ex-
teriori in
quod nulla
malitia ap-
pares

Nec contra hanc assertionem aliquid vrget cap. vlt. de Simon. citatum à secunda opinione, quia loquitur quando in actu externo nulla malitia apparet, nec præsumptio illius; & eodem modo loquitur expresse cap. Tu a nos, eod. Imo ibi est sermo, quando actus exterior habet speciem boni, ut eleemosynæ, vel religiosi cultus; animus vero est simoniacus, & ideo textus illi procedunt in specie tertiae assertio[n]is, & illam confirmant, huic autem quartæ nihil obstant. In c. autem Venerabilem. §. vlt. quod Nauar. allegat, nihil inuenio, quod ad causam faciat. Ex §. autem vlt. quem supra allegavi, solum potest colligi, reuocari posse in dubium, an sit iustum præceptum superioris prohibit[us] actum de se bonum, quatenus ibi permititur, ut transgressor talis præcepti absoluatur ad cautelam; absolute tamen potius supponitur tale præceptu[m] præsumi iustum, licet intentio præcipientis occulta sit. Corollaria autem, quæ ibi inferuntur, vera non sunt, ut de duobus primis iam diximus, & de tertio statim dicemus.

23
Fundamenta vero primæ opinionis, partim hanc, partim primæ conclusionem confirmant, & nihil aliud probant. De cap. ergo Omnia triusque & de cap. Dolentes, & Clement. i. satis dictū est in corollariis primæ conclusionis. Ad tertium ex c. Commissa, multi intelligunt textum illum de recipiente beneficium parochiale, seu curatum sine intentione mere interna recipiendi ordinem intra annum, dicuntque illum defectū intentionis puniri per priuationem fructuum, propter coniunctionem cum opere exteriori, etiam si exterius non ostendatur. Imo addit Soto d. lib. 10. q. 5. art. 6. quod si principio quis non habuit illam intentionem, & post sex menses illam habete incipit nihilominus manet priuatus fructibus illorum s. x mensium, & è conuerso si à principio bona fide recipit beneficium, & post sex menses mutat illam, & decernit non ordinari, ex tunc incipit non facere fructus suis; ac denique generalem statuit regulam pro quounque tempore anni, pro quo ille non habet intentionem sacerdotij, vel formalem, vel habitualem ex illa relictam, & nō retractatam, pro illo priuati fructibus, etiam si tandem intra annum ordinetur.

24
Sed profecto tantus rigor non habetur in tex-
tu, nec augendus est in lege pænali. Et in pri-
mis sensu ille de intentione mere interna non
videtur habere locum iuxta nostram quartam
assertionem, quia receptio beneficij per se non
est malus actus, nec panibilis. Vnde videtur po-
tius textus ille in illo sensu procedere cōtra ter-
tiam assertio[n]em, & ideo dicere aliquis posset,
textum illum intelligendum esse de intentione
non mere interna, sed signo aliquo manifestata
vel saltem ita insinuata, ut rationabiliter possit
ab Ecclesia præsumi. Sed hic sensus admitten-
dus non est, tum quia est contra communem in-
telligentiam, tam Iuristarum, quam Theologo-
rum, cum Glossa ibi; tum etiam quia est con-
tra proprietatem verborum textus absolute di-
centis. Si promoueri ad sacerdotium non intendens,
& tunc propterea quia est contra rationem tex-
tu, Cum eos reperis fraudulenter, hoc enim sit ex

A vi intentionis interioris; tum etiam quia textus addit, Nisi voluntate mutata, &c. ergo loquutus fue-
rat de intentione voluntatis: tum denique quia declarat priuationem fructuum ipso facto, non ergo agit de præsumptione, sed sufficere censem, quod interior desit intentio.

Respondent ergo alij, non esse illam pœnam impositam per legem humanam, sed esse obligationem restituendi, vel in capacitatem fructuum, quæ ex natura rei sequitur ex tali intentione, & per illam legem declaratur. Patet, quia beneficium curatum non datur nisi propter officium, quod exerceri non potest sine sacerdotio, & ideo non sacerdos, qui recipit beneficium sine animo suscipiendo sacerdotium, eo ipso iniuste recipit fructus beneficij, & consequenter non facit illos suos. Quia tunc non recipit fructus propter officium, quod exerceat, cum sit incapax illius; ergo maxime posset recipere propter spem recipiendi quam primū, vel tempore præscriptio: hanc autem spem auferit prava intentio; ergo reddit talem personam incapacem fructuum, nisi illam mutet, & tempore debito ordinetur.

26
Hæc vero responsio non habet solidum funda-
mentum. Nam sine dubio, si lex lata in dicto
cap. Commissa, non addidisset illam priuationem
fructuum, non posset cum sufficienti fundame-
to dici, recipientem beneficium sine tali inten-
tione non facere fructus suos, præsertim de fru-
ctibus totius beneficij. Primo, quia beneficium
etiam curatum non datur propter solum officium
proprium sacerdotis: nam datur etiam propter
officium dicendi horas canonicas, & ille sic te-
nens beneficium, posset recitare horas. Datur
etiam propter ministerium chori, & administra-
tionem Ecclesiarum, quæ possunt fieri sine ordine
sacerdotali. Præterea non ita datur hoc benefi-
cium propter officium dicendi Missam, & mini-
strandi sacramenta (propter quæ requiritur sa-
cerdotalis ordo) ut eminino obliget ad facienda
hæc ministeria per se ipsum, nam possunt fieri
per tertium, maxime ad tempus: quod si ita fiant,
sufficiet, & saltem ut faciat beneficiatus fructus
suos sine obligatione restituendi, præsertim si
personaliter resideat, & regat Ecclesiam; ergo
hoc etiam modo posset beneficiari non sacer-
dos, & intendens non ordinari, per annum ita
satistacere officio suo, ut suos faceret fructus, si
per ius humanum non impidiretur.

27
Confirmatur, ac declaratur: nam si sacerdos
acciperet tale beneficium cum intentione non
ministrandi in illo per annum quoad ordinem
sacerdotalem, nō ideo non faceret fructus suos,
si alias integre satisfaceret officio suo, partim
per se, partim per alios, & similiter qui acciperet
beneficium ante sacerdotium cum intentione
acciendi sacerdotium intra annum: non ta-
men ministrandi in illo per se ipsum tam cito,
nec post aliquod tempus, non propterea tenere-
tur restituere fructus omnes, nec fortasse par-
tem, si alias per alium suppleret, quod per se nō
faceret, & sufficientem curam habeat suę Eccle-
siam: ego secluso iure positivo, idem esset, licet
quis reciperet beneficium sine intentione reci-
piendi sacerdotium intra annum. Probatur hæc
ultima consequentia, quia non obstante tali in-
tentione, posset satisfacere obligationi officij,
propter quod dantur illi redditus beneficij, pro
eodem tempore. Et ita ex sola rei natura non
desertus titulus ad recipiendos, & retinendos il-
los

los fructus sine iniuritia, icilicet, titulus beneficij cum recitatione, administratione, & seruitio sufficiente beneficij pro toto illo tempore, modo declarato.

Vera ergo responsio mihi esse videtur, illam non esse propriam pœnam propter interiorem culpam, etiam adiunctam exerno actui de se non malo, nec etiam esse obligationem restituendi propter defectum in officio, vel seruitio beneficij, sed fuisse prudentem ordinationem Ecclesiaz, quæ statuit, vt non daretur beneficium homini non ordinato, nisi sub tali onere, & conditione. Vnde ex quo fuit conditus canon ille, eo ipso, quod talis persona acceptat beneficium, acceptat illud cum illo onere, & ideo si non implet conditionem, non facit fructus suos, quia Ecclesia illi non contulit ius ad illos. Nec est inconveniens, quod Ecclesia, licet non iudicet de occultis, det beneficium sub conditione occulta, & interna, quia a hoc non est necessarium, vt ipsa iudicet de illa conditione, sed satis est, quod recipiens beneficium de illa iudicet, & per iudicium suæ conscientiaz teneatur ad restituendos fructus, quos non fecit suos sine alio iudicio Ecclesiaz. Sæpe enim in collatione aliqua exterius facta includitur conditio intentionis ex parte suscipientis, vt cum Episcopus confert ordines alteri, ibi est conditio inclusa, quod ille habeat intentionem recipiendi illos: Et ego possum dare eleemosynam pauperi sub conditione explicata illi, quod habeat intentionem orandi pro me, & si illam non habeat, non fiat Dominus eleemosynæ? Quid enim vetat ita fieri? Cum libere possim disponere de re mea prout libuerit. Ita ergo potuit Ecclesia disponere circa collationem beneficiorum parochialium, quia ita oportebat obligare recipientes, & nullus poterat esse conuenientior modus illos cogendi ad habendam illam intentionem.

Quod si obicias, quia ius illud etiam habuit locum in eos, quia iam ante illum canonem recuperant beneficia. Respondeo negando assumptum, quia lex non extenditur ad præterita per se loquendo, & ibi non explicatur, nec est extensio facienda in lege pœnali sine sufficienti causa. Vel certe si dispositio illa habet locum circa beneficia prius recepta, erit quatenus à tempore illius legis cæperunt retineri cum mala fide, & in ea perseveratum est per reliquam partem anni iuxta dicenda in sequenti puncto. Hoc igitur modo explicatus ille canon, nec facit pro conclusione quarta, nec obstat tertiaz, sed continet limitationem alterius rationis, nam limitat modum, & conditionem conferendi talia beneficia talibus personis.

Aliter vero posset exponi iuxta tertiam assertionem, illam esse pœnam impositam pro omissione externa sacerdotalis ordinis, quem ex precepto diuino definito per Ecclesiam tenetur recipere intra annum, qui tale beneficium recipit, quoniā illa omissione processit ex tali intentione fraudulenta. Ad hoc explicandum aduerto circa illum textum, ibi non imponi conditione illam, Si recipiat beneficium sine intentione sacerdotij intra annum, vt absolute sufficientem ad contrahendam illam obligationem restituendi, sed cum illa moderatione. Nisi voluntate mutata promota fuerit. Vnde fit, vt licet quis accipiat beneficium sine illa intentione, & ita persistat per vnde decim menses, si tandem mutat intentionem, & intra ultimum mensum ordinatur, faciet fru-

A ctus suos, vel confirmabit (vt sic dicam) dominum in retentione eorum, quia noluit Ecclesia aliter ponere illam conditionem, vt ex textu patet. Estque optima ratio, quia hoc modo melius lex illa obtinet effectum intentum, qui est, vt ille ordinetur, & inseruat beneficio semel accepto, & ita per receptionem ordinis purgatur prior defectus, quia impletur conditio ab Ecclesia postulata, quæ in summa est, vt non habeatur illa prava intentio à principio, vel saltem, vt non perseveretur in illa usque ad effectum non recipiendi ordinem per totum annum. Unde quod Soto ait de restitutione facienda pro quoquaque tempore anni, pro quo illa intentio debita non habetur, non habet locum si tandem mutator voluntas, & recipitur ordo intra annum, quia tunc nulla restitutio facienda est, vt dixi, & ex textu constat. Signum ergo est, pœnam illam (si pœna est) non imponi intentione propter tantum internam secundū se, sed prout annexam, & prodeuentem in omissionem externam totius anni, quæ omissione mala est, & posset puniri illa pœna, etiā sine illa intentione à principio concepta, sed per negligenter dilationem totius anni contractam. Atque hoc modo textus ille confirmat tertiam conclusionem, & nihil obstat quartaz. Alia vero, quæ attingit Soto, an ille textus loquens de receptione beneficij extendi debeat ad retentionem, & an loquens de beneficiis parochialibus extendendus sit ad Episcopatus, & similia, ad presentem materiam non spectant.

Circa quartum de Censura imposta inquisitoribus iniuste procedentibus ex odio, vel turpi affectu in dicta Clement. I. §. Verum, aliqui dicunt, loqui de odio manifesto signis externis, sed sine fundamento in textu, & sine causa, quia illa excommunicatio non fertur propter aliud signum odij, sed propter effectum iniustum ab illo procedentem. Et ita ille textus probat quartam assertionem, vt etiam dixi in tom. 5. dicta disp. 4. Sec. 2. Idem dicendum est cum proportione ad 5. ex Clement. 5. de stat. Monach. Et ad sextum ex dicto cap. Siquis: nam actiones illæ, quæ ibi puniuntur, & alias prohibitz sunt, & prauæ, & moraliter loquendo sufficenter manifestant prauum animum, à quo proficiuntur. Reliqua in illa opinione iuxta quartam assertionem procedunt.

31
Explicatur
Clement.

C A P V T XIII.

D Qua sit seruanda forma, seu solennitas in legibus canonici ferendu.

Nihil in presente tractandum proponimus de forma intrinseca legis canonicae, quia omnia, quæ de hoc punto diximus libro præcedenti cap. 13. communia sunt legi humanae vt sic, nec aliquid speciale notandum occurrit in lege canonica. Imo etiam quæ de forma extrinseca diximus de legibus ciuilibus, magna ex parte communia sunt canonicas, quia illis conueniunt, quatenus humanæ sunt, & non quatenus ciuiles, seu seculares sunt. Et ideo leges canonicas in signo etiā sensibili consistunt, vt verba requirunt, quæ sufficienter explicit preceptū, seu voluntatem obligandi Prælati cum talibus conditionibus, quæ ad legem sufficiant, vt cum perpetuate, communitate, & similibus, vt ibi explicatur est, ybi etiam sufficientia verba declaramus.

Vltra illa vero non est data determinata forma verborum in legibus canoniciis ferendis, vel ex iure diuino, vel ex Ecclesiastico, præsertim quo ad proprios canones, quorum conditor est Pontifex, qui semper est superior illis, & ideo non arctatur ad certam formam verborum. Inferiores vero Episcopi, & Prælati, vel capitula limitari possunt ad seruandam certam verborum formam, vel solennitatem. Sed de hac etiam non constat saltem ex iure communi. Nam licet in quibusdam statutis requiratur consensus capituli respectu Prælati, vel e coherero consensus Prælati respectu Capituli, vel aliquid simile: illud magis pertinet ad limitationem potestatis, quam ad determinationem formæ seruandæ: in lege ferenda. Præterea non est etiam de ratione legis canonicae ut sit scripta: nam ea, quæ de hoc punto allegauimus pro lege ciuili maximè probant de canonica, & præcipue de Pontificia propter supremam potestatem, ut dixi. Inferiorum autem statura semper feruntur in scriptis, & ita seruandum est ad tollendam ambiguitatem, vel obscuritatem. Vnde etiam oportet, ut ex tenore ipsius scripturæ constet, ex potestate legislativa esse protecta, & continere actum eius, alias non erit sufficiens signum voluntatis Principis ferendi legem, vel obligandi subditos communi & stabili legi obligatione, quod in sequenti punto declarabitur.

3
Sent. dicen-
tium Epist.
Pontif in-
ducere le-
ges Canon
Alex. de
Neuo.

Hinc enim suboritur dubium supra tractatum de lege ciuili. An Epistolæ Pontificie leges canonicas inducant, quoniā in eis respondent ad speciales interrogations, aut consultationes. Canonistæ enim interdum indicant, hæc responſa Pontificum non introducere legem; Abb. in cap. Tua de Sponsal. nu. 3, & ibi Alex. de Neuo num. 15. & Præposi. num. 4. ad 7. nam exponens illum textum, dicentē verba esse de necessitate matrimonij, quo ad Ecclesiam dicit, non introducere legem, quia solum continent responſum Pontificis ad priuatam consultationem.

4
Vera senten-
tia.
Glossa.

Panorm.
Eseli.

Castr.
Barth.
Iason.

Contraria vero sententia veræ est, à qua dicti auctores non dissentunt: est enim certa, & inter Iurisperitos communis: tenet Glossa in c. Ex tua, de Fil. Presbyt. verb. Consultationem. vbi Panormit. idem sentit, & tacite declarat priorem sententiam, ut statim dicam. Idem Fel. Rubr. de Rescrip. in princip. cum Roman. conf. 260. & Archid. & Domini. in cap. Ignorantia. 38. dist. Imo iuris ciuilis interpretes multò magis certam cēsent esse hanc sententiam de Epistolis Pontificum, quam regum, aut Imperatorum, ut constat ex Barth. & Paul. Castr. in l. r. Cod. de legib. Iasoni, & alijs, quos retuli superiori libro cap. 13. Probatur aperte hæc sententia ex cap. 1. dist. 19. D quod est Nicolai 1. in Epistol. ad Episcopos Gal. lii, quæ habetur in tertio tom. Bibli. Vbi in eamdem sententiam adducit Leonem 1. Epist. 1. in fine, & Gelasii. in cap. Sancta Romana, dist. 15. & ibi ex professo probat Nicol. hoc non solū esse verū de Epistolis in iure canonico insertis, sed etiā de omnibus aliis. Ratio autē sufficiens est, quia Pontifices habent auctoritatē ad ferendas leges hoc modo, & ipsimet declararunt hoc sensu, & hac potestate esse scriptas huiusmodi Epistolæ, vel responsa. Quomodo autem hoc intelligendū sit, & quid requiratur, ut huiusmodi Epistolæ vim legis habeant, dicetur respondendo ad priorem sententiam.

Igitur ad cap. Tua de Sponsal. respondetur in primis, potius ex illo probari, quando consultus

A Pontifex respondet, illud responsum habere vim legis, quatenus directe satisfacit consultationi, licet consultatio priuata fuerit. Et hoc superponunt & fatentur interpretes illius textus supra allegati. Addunt tamen, per huiusmodi responſa Pontificum ad interrogations factas circa antiqua iura non introduci nouam legem, quæ antea constituta non fuisset, sed solum interpretationē eius; de qua fuerat Pontifex consultus, siue illa sit Ecclesiastica, siue diuina, aut naturalis. Ut in illo capite consultus fuit Pontifex, an verba sint necessaria ad matrimonium. Respondet autem, matrimonium mutuo consensu perfici, necessaria autem esse verba quantum ad Ecclesiam. Vnde colligunt dicti interpres, per illud responsum non introduci nouam legem, aliquid de novo præcipientem, sed tantum declarari auctentice id, quod antea erat ius diuinum; ac naturale, scilicet, de substantia matrimonij tantum esse mutuum consensum, vtique sufficientibus signis expressum, quia alias non posset esse mutuus, & datus simul, & acceptatus. Vnde in hoc sensu reē inferunt, noluisse ibi Pontificem introducere nouam legem Ecclesiasticam, qua præciperet, ut matrimonium fieret per verba, quando fieri potest, neque in hoc sensu dixisse, verba esse necessaria propter Ecclesiam, quia hoc præceptum Ecclesiasticum non erat antea, nec Pontifex ibi illud ponit de novo, cum tantum respondeat consultationi. Vnde concludunt, solum explicasse per illa verba moralem necessitatem, seu utilitatem verborum in matrimonio; ut Ecclesia certior de illo fiat, eiusque clariorem probationem habeat.

B Ex quibus aperte constat, non negare dictos auctores, Epistolam Pontificiam habere vim legis in eo, quod decernit, sed proponere regulam ad intelligendum quid decernat. Ordinarie enim huiusmodi Epistolæ continent responſa consultationum sunt potius declarativa, quam constitutiva iuris, quia non solet consuli Pontifex, an aliquid facere iubeat, nec ne, sed an aliquid faciendum sit secundum ius diuinum naturale, vel ab Ecclesia iam statutum. Et tunc respondendo Pontifex interpretatur ius, & in hoc habet eius responſo auctoritatem legis obligatīs ad illam interpretationem tenendam, vel ad seruandum antiquum ius, secundum illam interpretationem, & hoc est, quod in Decretis supra allegatis docetur. Non tamē solent per talia responſa cōdere Pontifices nouas leges, nō quia nō possint, sed quia nō hoc tunc agūt, nec de hoc consuli solent, ut dixi. Si tamen occasione sumpta ex consultatione, ipsi velint nouam legem introducere, sine dubio possunt illo modo id facere, dummodo suis verbis hoc sufficienter declarent.

C Quocirca quando Epistolæ non sunt responſa ad consultationem, sed directe scripta ad gubernationem, tunc faciliter habere possunt vim legis constitutiæ de novo, quod ex tenore verborum spectandum est. Adiungendæ etiam sunt circumstantiae temporis, & loci, & personarum, ad quas scribitur, ad intelligendum, an lex sit vniuersalis pro tota Ecclesia, vel pro aliqua tantum prouincia, aut Diœcesi. Denique necessarium est, ut talis Epistola per traditionem, vel declarationem posteriorum Pontificum sufficienter sit nota, & in auctoritate habita; hoc enim necessarium est, ut obliget: licet non sit ne-

Epi. Rel. P. 8.
scripta ha-
bent aucto-
ritatem tem-
porali ius
& obliga-
ti ad eā in-
terpreta-
tionem sen-
tendā.

7
Quando E.
pistola sunt
scripta non
ad consul-
tationem, sed
directe ad
gubernatio-
nē. faciliter
possunt ha-
bere vim
legis, sed hoc
colligendum
ex tenore
verborum.

cessarium, ut sit in corpore iuris inserta, quia ita cautum est in ipso iure, ut dixi, ac merito, quia est valde accidentarium, & non potest ius limitare auctoritatem Papæ. Quod maxime verum habet in his, quæ spectant ad declarationem iuris naturalis, vel diuini. Nam in his non potest esse mutatio, nec error, quando Pontifices ut Pontifices definiunt, quod possunt facere per has Epistolas, & faciunt, quando ostendunt, se loqui ad docendam, & instruendam totam Ecclesiam. Et ideo in his rebus sunt talia decreta generalia, & perpetua, licet fiant respondendo ad particulares interrogationes, quia illa particularis materia est accidentaria; & solum concurrent per modum occasionis, doctrina autem ipsa generalis est. At vero, quando responsum concernit materiam iuris positivi Ecclesiastici, licet ut processit à Pontifice non potuerit contineare errorum in moribus, per temporis successionem potest accipere mutationem, & quoad hoc potest multum deseruire, quod tale decretu sit, vel non sit moribus receptu, vel etiā quod sit in corpore iuris insertum, vel extra vagetur, & tunc etiam oportet considerare, an sit consenteaneum iuri communi, vel illi contrarium: nam in priori casu seruanda est; in posteriori autem Pontifex est consulendus, iuxta cap. *Pastoralis*, de Fide instrum. Quæ omnia usui esse possunt ad intelligendas decretales Epistolas, & aliquid statim addemus soluendo obiectionem, quæ in praesenti fieri posset.

Præterea potest simile dubium de sententiis Pontificum hic definiri, quod supra de sententijs Imperatorum, & regum tractauimus, nam ex ibi dictis à fortiori sequitur, sententiam latam à Papa in particulari causa introducere legem generalem pro omnibus similibus causis: nam maior est authoritas Pontificia, quam Regia. Et hoc modo videtur magna ex parte eis constitutum ius canonicum, nam plura illius decreta sunt quædam sententiaz, Pontificum in singularibus causis latæ. Et in particulari videtur hoc declaratum in caput. *In causis*, de Re. iud. ibi, *Cum in similibus casibus ceteri teneantur similiter iudicari*. Et ita docent ibi exppositores. Dubitant autem, an hoc intelligendum sit tantum de sententia definitiva, vel etiam de interloquitoria, dummodo de illa satis constet, de qua videri possunt ibi Doctores, præsentim Panorm. n. 3. & 4. & Felin. 3. & seqq. quia de hac distinctione nobis sufficienter dicta circa legem ciuilem. Alia vero distinctio de sententia inserta vel non inserta in corpore iuris, quæ vtuntur etiam aliqui ex dictis Doctoribus, in præsenti non est admittenda, quia repugnat iuri canonico, quod expresse illam excludit in Epistolis Pontificum, ut vidimus; est autem eadem ratio de sententijs. Item quia ex dicto cap. *Pastoralis*, aperte colligitur, Epistolâ Decretalem Pontificiæ, etiam si sit contra ius commune, habere auctoritatem, solumque limitatur modo supra dicto, quando est contra ius commune, nomine autem Decretalis etiam sententia lata, & scripta à Papa comprehendiatur, ut omnes fatetur & constat ex usu Decretalium, non est ergo conditio simpliciter necessaria ad rationem legis, quod sententia sit inserta in corpore iuris: licet ad promulgationem legis, & ad cognitionem eius magis publicam, & certiorem multum conferat.

Contra hanc vero resolutionem obijci pos-

A sunt verba Alexandri III. in cap. *Licer*, de Spontia duorum, vbi definit, matrimonium ratum non dissolui per subsequens consummatum, & adiungit, *Quannis aliter à quibusdam prædecessoribus nostris si aliquando iudicatum, vtique per sententiam, vt communiter videtur intelligi; ergo sententia Pontificis non potest facere legem, cum tam grauem errorem continere possit. Similis obiectio fieri potest ex cap. *Quanto*, de Diuinitiis, vbi Innocent. III. docet, matrimonium inter fideles baptizatos, & Catholicos contratum non dissolui per heresim, seu apostasiam à fide, alterius coniugis, & subiungit, *Licet quidam prædecessor noster sensisse aliter videatur, Quod dixit propter Cælesti. num. 11. qui contrarium respondit, vt in cap. *Laudabilem*, alias 1. de Conuers. infidelium, olim habebatur, vt ibi notat *Glossa*, & nunc habetur in collectionibus Antonij Augustini collect. 2. tit. 23. cap. 2.**

*Obiectum
quædam Pö.
tificis ver-
ba que vi-
detur alijs
repugnare,
& explicari.*

*C. Lau-
dabilem.
Ant Augu-
stini.*

10
Alex. 3.

B Circa primum, Alexander III. non designat, qui fuerint illi Pontifices, qui aliter iudicarunt, & Glossa ibi solum allegat consuetudinem quandam Mutinensem, cuius fit mentio in cap. *Vlt.* eiusdem tituli, quæ est impertinens: nam ibi non dicitur, illam consuetudinem fuisse per aliquem Summum Pontificem approbatam. Imo Innocent. III. in illo capite *Vlt.* dicit, *Fuisse contra id, quod senit Sancti Petri Sedes*, & ideo non possumus certo dicere, quale fuerit illud iudicium illorum Pontificum. Responderi ergo potest, supponendo, probabile esse, posse Pontificem ex iusta causa dispensare in matrimonio rato non consummato; forte igitur illi Pontifices, quos Alexander III. commemorat, non tantum sententiando aut respondendo, sed etiam faciendo dissoluerunt illa matrimonia, non quidem iudicando ipso facto dissolui (stanto in solo iure diuino) per subsequens consummatam, sed iudicando, illam fuisse causam sufficientem ad illam dispensationem concedendam, & licet forte in hoc errarent, erit error facti, & non iuris. Non est autem verisimile, fuisse iudicium illud ferendo generali legem formaliter, & expresse, sed fortasse dispensando cum aliquo populo, aut saltem similem consuetudinem alicubi tolerando, vel approbando, nam hoc totum pertineret ad errorum facti, & particularem, id est, non redundantem in perniciem totius Ecclesiæ, & ideo non repugnat contigisse.

C Quod si fortasse iudicium illud fuit per sententiam latam in aliqua particulari causa (licet id non constet) dicendum est, illam sententiam non fuisse latam interpretando ex cathedra ius diuinum, sed iudicando de facto secundum opinionem priuatam, & ideo non potuisse inducere generalem legem. Atque ita responderet *Conuarr. 2. p. questione 7. §. 3. numer. 15.* Non est item nec esse, verbum, *iudicandi*, referre ad sententiam alicuius causæ definitiæ, sed ad priuatum iudicium, quod interdum est per opinionem priuatam, & ita potuit contingere in illis Pontificibus. Et ita exposuit *Cano* libr. 6. de *Locis* capite 8. ad 3. & *Bellarmino* libro. 4. de *Romano* Pontifice, capite 13. in princ. Imo etiam de *Alexand. III.* dicit, non definitissime, sed tantum quid sentire explicuisse, sicut prædecessores sui fecerant. Idque colligi potest ex verbis eiusdem *Alexand.* in *Concil. Later.* p. 6. capite 8. vbi habetur *integra Epistola*, quæ valde familiaris est, & in ea solum dicit se velle

Conuarr.

*Bellarmino.
Alex. 3.
Concil. Lat.*

aperire

Gregor. IX

12

Cœlestinus
Anto. Aug.

aperire quid sentiat, & postea non loquitur de omni matrimoniorato, sed multas adiungit circumstantias, & solennitates, ac tandem concludit, *Quanuis aliter sentiant, aliter etiam à quibusdam prædecessoribus nostris sit aliquando iudicatum.* Sed licet hoc forte ita in principio fuerit; nihilominus postquam responsio illa iuri Canonico per Gregor. I X. inserta est, & pro generali lege tradita vniuersæ Ecclesiæ, non est dubium quin sit vniuersalis, ac vera lex, ac subinde certam fidem faciat, quia non potest intolerabilem errorem continere.

Secunda obieccio magis procedit cōtra priorem resolutionem de Epistolis Decretalibus, quam contra hanc de sententia: nam illud dictū Cœlestini fuit responsio eius ad quandam consultationem, vt constat ex integra Antonij Augustini. Et eam se vidisse refert Castro lib. I contra hæres. cap. 4. & propter illam audet dicere, in eo errasse Cœlestinū, nō tantū ex negligētia, ita vt illum errasse dicamus velut priuatā personam, & non vt Papam, quia in qualibet re seria definienda tenetur consulere viros doctos, *Quia huiusmodi definitio (inquit) habebatur in antiquis Decretalibus.* Sed excedit, & videtur male sentire de potestate infallibili Papæ ad definiendas res fidei. Melius ergo Cano, & Bellarmin. supra respondent, non definiendo, sed opinando, Cœlestinum loquutum fuisse, potuisseque, Castro ex verbis Cœlestini attēte persensis id colligeri: solum enim ait, *Non enim videtur nobis, quod si prior maritus redcas, &c.* quæ verba sunt priuatum sensum aperientis, & cum formidine loquentis, non deficientis, aut certam doctrinam tradentis. Nunquam ergo responsio illa habuit vim legis toti Ecclesiæ propositæ, quia nec in ipso hoc explicatum, est nec ita fuit recepta, aut recipi potuit. Dices; etiam Innoc. III. suum respondsum protulisse per illa verba, *Non credimus, quod in illo casu. &c.* respondeo etiā ex vi verborū id non fuisse ab Ecclesia definitum, vt etiam Bellarm. sensit; postea vero lex illa firmata est per Gregor. IX. & vsu ipso declarata, ac deniq. vt veritas fidei definita in Concilio Trid. se&t. 24. can. 5.

13

Felin.
Quid de Episcopis sentiendum.

Tandem circa hæc duo puncta de sententia, & Epistolę Pontificis dubitari potest, an idem censendum sit de Episcopis cum proportione pro suis Episcopatibus. Nam Canonistæ communiter in hoc differentiam constituunt, vt patet ex Fel. dict. c. In causis, nu. 8. & in Rubr. de Rescript. & alijs, quos allegat. Sed in hoc idem cum proportione sentio de Episcopis, quod dixi de Magistratibus ciuilibus habentibus potestatem ad ferendas leges cum subordinatione ad aliquem superiorē Regem, vel Imperatorem. Ita enim Episcopi comparantur ad Summum Pontif. & ad ius Canonicum. Nam & leges ferre possunt pro suis Episcopatibus & non possunt contra ius cōmune statuere, aut sententias dicere. Si ergo sententia vel respondsum Episcopi sit cōtra ius cōmune, non solum non inducit legē, verum etiā nihil valebit, si vero per sententiam interpretetur suū propriū ius, vim etiā proprii iuris habere poterit sententia, quia quoad hoc haber eandē potestatē, & id ē est cū proportione de rescripto, dūmodo aliæ cōditiones cōcurrat, scilicet quod ex verbis, & modo scribendi satis constet de animo statuendi, & quoad materia, & sententia, vel decretum Episcopi sufficienter pro ratione sui diocesis promulgetur.

C A P V T XV.

Quia promulgatio in legibus canoniciis sufficiat, ut vim obligandi habeant.

Suppositis quæ communia sunt legi humanae, vt talis est, & dicta sunt libro præcedent. c. 14. hic solū superest quæstio, An pro quibus suis canoniciis Pontificijs sufficiat vna promulgatio Romæ facta, vel in singulis diocesisibus, aut Archiepiscopatibus, vel prouincijs plures necessariæ sint. In hoc enim variè sentiunt autores. Prima opinio est, in legibus canoniciis seruandam esse regulam datam de legibus ciuilibus latis pro amplissimis Regnis, plures, ac principales, & distates prouincias cōprehendētibus, videlicet, pro talibus legibus non sufficere vnam promulgationem Rōmæ factam, sed necessariam esse, singulas promulgationes in singulis prouincijs Ecclesiasticis, id est, in singulis Episcopatibus fieri. Ita tenet Panormit. in c. 2. de Const. n. 7. ad finē, Feli. n. 7. Deci. lect. 2. n. 6. Nauarr. in Summa c. 23. n. 44. Angel. verb. Lex. n. 23. Medin. I. 2. q. 90. artic. 4. qui illam tribuit Caiet. ibi, sed ille nō dicit, necessariā esse denuntiationē in prouincia, vt lex obliget, sed solū excusari ignorantes, si lex propter incuriā pastorū ad eorum notitiam non deueniat, quod verū & longe diuersum est, vt per se patet. Vnde potius posset Caiet. in contrarium induci. Solentque pro hac sententia citari aliqua iura canonica, sed nihil probant, & ideo illa omitto.

Fundamentum ergo sumi debet ex Authentica, *Vt facta Constitutiones, collat. 5.* quæ de legibus ciuilibus hoc disponit, vt supra visum est. Addendo regulam supra etiam positā, quod ius canonicum in huiusmodi rebus vtitur iure ciuili, veluti tacite acceptar illud, quando aliquid contrarium, vel diuersum non disponit, & aliqui in re ipsa nihil est repugnās bonis moribus, aut religioni. In præsenti autem ius illud, ciuile quod requirit promulgationē in singulis prouincijs, non est revocatum iure canonico, neque est contra bonos mores, imo est valde consenteaneum illis, vt leges suauiores sint, & vt tollantur occasiones allegandi, vel fugiendi ignorantiam. Acceditque hoc maxime necessarium videri in his legibus canoniciis, quia pro toto orbē feruntur, ergo citata authentica extendenda etiam est ad canonicas leges.

Nihilominus contraria sententia communius recepta est. Tenent Glossa, & Ioannes Andr. in fine Sexti, circa datam eius Panormitanus mutans sententiā in c. Nouerint, de sententia Excommunicationis in fine, Cardin. in Proemio Clementinarū, §. Vniverstatis, n. 4. Sylvest. verb. Lex. q. 6. Rosel. n. 4. Armil. n. 11. & verb. Constitutio. n. 3. Ludouicus Gomez in Proemio ad regulas Cancelleriarū q. 2. Nauar. non constans etiam in priori sententia, dicto consil. 1. de Const. n. 19. & id ē sentit Soto l. 1. de Iust. q. 1. art. 4. & Palacin. intertio dist. 37. disput. 1. Ac denique Bartholus, Baldus, & alij allegati in præcedentil. ca. 14. in hoc differentiam coſtituentes inter ius canonicum, & ciuale. Adduci autem solet pro hac sententia caput primum de Postulat. Prælatorum, quod reuera non cogit: nam ibi solum concluditur, necessarium non esse, vt lex semel promulgata, singulorum anribus intimetur per speciale mandatum, vel literas. Quando vbi promulgata esse debeat lex canonica, ibi non explicatur.

Panor.
Feli.
Nauar.
Decius.
Medina.

Authentica
vt facta.

3
2. G. vera
opinio.
Glossa.
Ioan. And.
Sylvest.
Rosel.
Lud. Gom.
Nauar.
Soto.

Palac.
Bert.
Bald.

Item

A Item allegatur caput. *Noverit*, de sententia ex communicationis, cuius verba sunt, *Nisi ea de capitularibus suis infra duos menses post huiusmodi publicationem ficerint amoueri. Non declaratur autem, quæ sit illa publicatio; verisimile autem est, loqui Pontificem de Publicatione Romæ facta, & ita hic textus probabilis est. Responderi tamen posset, in illa lege determinatum fuisse illum modum promulgationis; non vero fuisse latam legem, ut idem sufficiat in omnibus legibus. Certum est enim, quoties lex canonica prescribit modum promulgationis in ea seruandum, illum sufficere, vel esse necessarium, etiam si ex iure communi, vel consuetudine aliud requiratur. Sicut è contrario posset argumentum sumi ex cap. *um infirmitas*, de Poenitent. & remiss. ibi, *Postquam per Prelatos locorum fuerit publicata*, inde colligendo, hunc modum publicationis esse necessarium in legibus Pontificijs, quod tamen vera inde colligi non potest, quia est speciale in illa lege, & fortasse magis, quoad inducendam pœnam interdicti ab ingressu Ecclesiaz, quam quoad obligationem legis. Vnde potius inde posset ab speciali argumentum retorqueri, ut bene notauit Nauarr. supra numero 21. Simile est in Concilio Tridentino Sessione 25. quoad legem illam irritantem matrimonium clandestinum, in qua speciale promulgationem postulat, quæ ordinariè non est necessaria in legibus Ecclesiasticis. Ita ergo potuit in illo capite *Noverit*, assignari ut sufficiens illa vñica promulgatio in favorem fidei, & immunitatis Ecclesiasticæ, licet fortasse iure communi plures requirantur: nam semper potest Pontifex commune ius positivum immutare, prout expedire censuerit.*

B Fundamentum ergo proprium huius sententiaz esse debet, quia ex natura rei illa promulgatio sufficit, nisi aliud Ecclesia statuerit; nihil autem aliud statuit, nec predictam Authenticam acceptauit, aut in hac parte suam fecit. Nullo enim iure scripto id ostendi potest in particulari, nec etiam in generali, quia canones solum in iudicij causarum voluerunt, ut ciuiles leges seruarentur, vbi canonizæ deessent; modus autem ferendi vniuersales leges longe grauior est, & pertinens ad propriam Pontificis actionem, & potestatem, & ideo non est illa generalis regula, ad presentem casum extendenda. Nec etiam talis acceptatio potest conseruandine ostendi: nam potius contrarium potest consuetudine probari; illius enim varia sunt indicia. Primum est, quia in curia Romana totius orbis lites definiuntur iuxta lege Pontificias Romæ publicatas, etiam si alibi promulgatae non sint, quod non esset iustum, si in alijs prouincijs illæ leges non obligarent absque speciali promulgatione in eis facta, ut bene considerat Nauarr. vbi supra. Potestque explicari exemplo adducto à Ioanne Andrea de quadam electione facta in vna prouincia contra constitutionem Pontificiam, quæ Romæ, & non in tali prouincia erat promulgata, & nihilominus irrita facta est. Idemque ieruari in regulis Cancellarij notat Anton Gomez suprà.

C Præterea multa sunt decreta in iure canonico, quæ nunquam fuerunt promulgatae in singulis prouincijs, sed tantum Romæ. Et quanvis enim ipsa editio publica iuris canonici habeat vim quandam promulgationis, quæ in singulis prouincijs fieri censetur, quia in singulis

illi libri publicè circulerunt, nihilominus in rigore obligatio talium Decretorum latius extenditur, quam illa promulgatio. Deinde multa sunt rescripta Pontificum, vel Bullæ, aut Motus proprii, qui non sunt inserti in communione Canonico, & nihilominus censentur obligare per solam publicationem Romæ factam. Quod etiam in Bulla Cœnæ videre licet: vñ iuersaliter enim obligat, cum tamen ratio in singulari Episcopatibus publicetur. Tandem magnum argumentum est, quia quando Pontifices volunt necessariam esse promulgationem suæ legis in singulis Episcopatibus, seu prouinciis, hoc specialiter declarant: raro autem id faciunt, & in rebus maioris momenti, aut periculi, ergo signum est extra hos casus speciales in legibus absolute lati, & Romæ promulgatis, illas speciales promulgationes non requiri. Item è contrario interdum extendunt tempus, pro quo volunt differri obligationem legis etiam post promulgationem, ut Pius Quartus voluit, ut decreta Concilii Tridentini non obligarent, nisi post tres menses à promulgatione, in quibus legibus suppónunt, promulgationem in vrbe factam sufficere, quia si aliæ particulares spectandæ essent illa temporis dilatio necessaria non esset. Denique est optima congruentia, quia tota Ecclesia ut est sub uno, pastore est proprie, & perfecte vnum corpus mysticum, & vna Respublica, & id o prototo hoc corpore satis est vna promulgatio facta in Metropoli huius Reipublicæ. Et vterius considerant Iuristæ, Sedem Pontificiam esse fixam Romæ, & Pontificem non vagari per prouincias, sicut solent Reges, & idcirco inde accommodatissime influere in vniuersam Ecclesiam & ob eandem causam Romanam curiam esse aptum, & sufficientem locum ad huiusmodi promulgationem.

D Et ita solutum est fundamentum contrariæ sententiaz, & obiter redditæ est, differentia inter leges canonicas, & ciuiles, tum quoad dispositionem earum; tum etiam quoad congruentiam, quia in Ecclesia est maior unitas sub uno Christi Vicario, quam sit in Regno sub temporali Rege. Vnde, licet ad faciliorem notitiam legis, & ad vitanda aliqua incommoda, videri potuerit magis accommodatum, ut speciales promulgationes etiam in legibus Ecclesiasticis requirerentur. Nihilominus ob alias causas potuit oppositum esse congruentius, tum ad commendandam maiorem Ecclesiaz unitatem, maioremque obedientiam Pontifici debitam; tum etiam ne leges Pontificiæ ab Episcopis pendere videantur. Denique, quia vbi aliud necessarium fuerit in specialibus casibus, ab ipsismet Pontificibus statui potest, sicut interdum fieri diximus.

E Atque hinc facile constat, quid dicendum sit de aliis legibus canonicis. Nam si sint leges concilii vniuersalis, illæ per Pontificem approbari debent, & ita eadem est de illis ratio. Nameorum publicatio Romæ fieri solet, & illa sufficiet, nisi aliud in ipsam lege disponatur. Poterit etiam fieri in loco Concilii, si Pontifex contentus sit. De legibus autem Episcoporum manifestum est sufficere pro toto Episcopatu, eam, quæ fit in Matrice, ut à fortiori patet ex dictis, tum in præsenti, tum de legibus ciuilibus ciuitatum, aut regnum particularium. Et cum eadem proportione loquendum est de Archiepiscopis,

& Patriarchis, si aliquando possunt ferre leges pro toto Archiepiscopatu, vel Patriarchatu, quod tamen (ut supra dixi) iure ordinario non possunt sine concilio provinciali, de cuius legibus cum proportione etiam censendum est. De modo at item ipsius promulgationis nihil noui dicendum occurrit; nam potest fieri aut voce preconis, aut affligendo legem scriptam in loco publico ad hoc designato, ut Romæ sit, in quo seruanda erit loci consuetudo, nam ius scriptum non inuenitur.

15 Saperest vero inquirendum, an lex Pontificia Romæ promulgata statim incipiat obligare omnes, vel post aliquod tempus, quod de lege civili late tractatum est, & in praesenti potest brevius expediri. Dixi igitur Glossa in ca. Præopusisti. 82. dist. verb. Non probatur, leges canonicas non obligare nisi post sex menses. Idque colligit ex ca. Decernimus. dist. 18. Sed ibi non agitur de promulgatione canonarum legum, sed de modo, quo Episcopi suas plebes docere debent omnia, quæ in Concilijs provincialibus acta fuerint. Nam Episcopis prescribitur, ut intra sex menses à Concilio peracto suos clericos, & plebes conuocent, & coram eis plenissime referant, quæ in eodem anno in Concilio acta, vel definita noscuntur. Quod nō propter solam legum promulgationem, sed propter plenam instructionem, & doctrinam tunc præcipiebatur; nihil ergo ex illo textu colligi potest de modo, quo leges Pontificie vel Canonice uniuersim obligare incipiunt. Et ita illa sententia Glossæ ab omnibus reprobatur, quia in iure non habet fundamētum, & est contra consuetudinem, & contra vigorem Ecclesiasticæ disciplinæ.

16 Duæ igitur sunt opiniones, vna, quæ doctrinam datam de legibus ciuilibus censet esse applicandam ad canonicas, quia licet in canonibus hoc expressum non sit. Autem, ut facta constitutiones, extenditur ad leges canonicas propter illam regulâgē neralem, quod non contradicit canonibus, & potius iuuat illos, in quo causa ius canonictum iuuatur ciuile, iuxta capite primo de Noui oper. nuntiat, & capite Si in adiutorium, distinct. 10. Et fauent verba Pij. IIII. in Bulla pro Euulgatione Concilij Tridentini, ut in superioribus allegatum est. Et ita sentiunt Panormit. Felin. & alij ca. 2. de Constit. Sylvest. Angel. & alij verb. Lex. Nauarr. conf. 1. de Constit. quæst. 4. Soto, Medin. & alii citati, qui in hoc indistincte loquuntur de legibus canonicas, & ciuilibus. Et idem docuit Glossa in capit. 1. de Concess. Præbend. verb. Post tempus, & Clos. ultima in Data Sexti, quæ adducit iuracanonica parum vrgentia. Vnum est cap. vlt. Ne cleri, vel Monachi, vbi religiosi egressi ex suis claustris ad audiendam physicam, vel ius ciuile, nisi post duos menses ad claustra redeant, excommunicantur. Sed non est ad rem, quia illi duo menses non requiruntur ibi ad complendam legis promulgationem, sed dantur quasi pro sufficienti monitione ad incurram censuram, unde etiam post longissimum tempus à promulgatione illius legis necessarij sunt illi duo menses ad excommunicationem illam incurram, & ideo computantur non à die promulgationis legis, sed à die commissi criminis, ut dixi in 5. tom. de Censur. disput. 23. Sect. 3. Aliud caput, quod citat, est ca. Nouerit, de sentent. excommunicat. sed est simile præcedenti: nam in eo excommunicantur, qui infra duos menses non de-

17 lent de capitularibus statuta immunitati Ecclesiasticæ contraria. Quod tempus non designatur propter legis promulgationem, sed pro admonitione sufficiente ad incurram contumaciam. Tertium est caput primum de Concess. Præbend. in sexto. At ibi in textu nihil dicitur de duobus mensibus, sed in genere dicitur, Nisi post tempus, infra quod ignorare minime debuissent. Quod non oportet referre ad duos menses, sed ad modum obligandi legis humanæ ex ipsa rei natura, ut in præcedenti libro explicauit.

Quapropter contrariam sententiam tenent non pauci Theologii Moderni, scilicet, in legibus Canonicijs Pontificijs non esse necessarium tempus duorum mensium. Quia sententia mihi valde probabilis videtur, & multum consequens ad ea, quæ in priori puncto huius capitis diximus. Nam si illud tempus esset necessarium, maxime propter illam Authenticam, quia nec de iure naturæ, nec de canonico necessarium est, ut ex dictis constat: illa vero Authenticæ non recte applicatur ad leges canonicas. Duo enim in illa disponuntur, vnum est de promulgatione iteranda in singulis provincialibus, aliud de dilatione duorum mensium, qui in unaquaque provincia computantur à promulgatione in ea facta. Sed illa lex quoad priorem partem non est acceptata à Pontificibus pro suis legibus; ergo nec quoad posteriorem. Probatur consequentia, tum quia non magis constat de acceptatione posterioris partis, quam prioris: in vtrahinc enim verum est, Pontifices non declarasse, velle se admittere leges ciuiles pro modo ferendi, vel obligandi Ecclesiam per suas leges, sed solum in iudiciis forensibus, vbi leges canonicas decessent; tum etiam quia consuetudine receptum non est, ut testantur graues auctores, & specialiter Vasquez disp. 156. cap. 3. cum Emphasi dicit, se audere id affirmare. Nauarr. autem dicit de consuetudine, & stylo in vrbe seruari, ut transgredientes legem Papæ ante duos menses à promulgatione puniantur, non solum qui probantur sciuisse promulgationem, sed etiam qui non probauit, illam ignorasse.

18 Addit vero Nauar. hæc verba. Quæ consuetudo restringi forte posset ad forum tantum exterius, & urbicolas. Sed prior restrictio non videtur mihi rationi consentanea. Quomodo enim iuste punirent illi tanquam legis transgressores, nisi supponeretur lex iam pro illo tempore obligare. Ibi enim non habet locum præsumptio, nam certo constat, nondum esse elapsum tempus duorum mensium. Ergo, si sciens legem iudicatur, ut transgressor, ex nulla præsumptione iudicatur sed ex certa probatione delicti, & si ignorans præsumitur transgressor dum non probat ignorantiam, hæc præsumptio supponit certam obligationem tum legis, tum etiam sciendi illam ante duos menses, alias immittere præsumeretur culpabilis, vel quod perinde est, punibilis ignorantia; illa ergo consuetudo aperte, supponit legem illam obligare Romæ ante duos menses. Nec potest suppositio esse falsa, quia non fundatur in præsumptione, sed in voluntate Pontificis, quia neque hæc potest latere Romanos iudices, neque ipse Pontifex potest ignorare qualiter suæ leges Romæ seruari cogantur, & sciendo, ac tacendo consentit, satisque ostendit, se nolle vti dispositione legis Imperialis, sed sua, saltem pro curia. Posita autem vera obli-

Panormit.
Felin.
Sylvest.
Angel.
Nauar.
Soto.
Medin.

obligatione in illis legibus impertinens est distinctione de foro interno, & externo, quia lex canonica maxime obligat in foro interno, ut statim dicemus, & Ecclesia non puniit nisi propter culpam, aut veram, aut presumptam, vtraque autem supponit obligationem legis in conscientia.

¹³ Altera vero restrictio Nauarri, scilicet, ad urbiculos, non est iuris, sed facti, & ab ipso non probatur, immo nec simpliciter assentitur, sed sub particula *Forte*, nec per se est multum verisimilis. Nam si lex publicata statim obligat Romam, iam quoad hoc discrepat ab Authentica. Vnde ergo constare potest, quod Papa acceptet illam pro omnibus locis extra urbem? Item cur non seruabitur proportio ad loca distantia, ut quo sunt viciniora, eo intra breuius tempus obligentur, si urbs ipsa statim obligatur? Vnde etiam sumitur optima coniectura: nam tempus illud duorum mensium erat aptum pro legibus ciuilibus publicandis in singulis prouincijs, quia pro unaquaque erat sufficiens. At pro legibus Pontificijs semel tantum promulgandis Romam minimè erat proportionatum, quia leges illae obligaturent totam Ecclesiam, quæ totum vniuersum de se occupant, impossibile autem est euulgari per vniuersum Orbem intra duos, immo nec per totam Europam moraliter loquendo; ergo non oportuit, tale tempus acceptare pro reliqua Ecclesia, si pro Urbe receptum non est.

¹⁴ Denique hoc videtur supponi in capite, *Cum singula*, de Præbendis in sexto, quatenus ait, *Intra mensem postquam haec constitutio peruerterit ad eosdem, vnumque &c. Eligere tenentur, alioquin ex tunc paenitentiis subiaceant supra dictis. Vbi Glossa fatetur, quod licet illa lex pertuerisset, ad notitiam ante duos menses à publicatione, obligasset; ergo supponit textus ille non esse necessarium tempus duorum mensium ad obligandum. Neque potest hoc dici speciale, quia textus nihil de hoc statuit, sed supponit; & potius pro speciali addit concessionem mensis ad exequendum actum ibi præceptum, & ad incurrendas paenitentias: qui mensis semper inciperet currere à notitia præcepti, etiam si post plures menses haberetur, ut Glossa etiam fatetur. Ergo signum est, legem de se obligasse à publicatione independenter à lapsu duorum mensium.*

¹⁵ Et ita sane videtur in vniuersum probabilius, leges Pontificias statim obligare incipere, diffundere autem obligationem suam successiuè, iuxta id, quod natura legis humanæ requirit, & superiori libro explicatum est. Nam eo ipso, quod Pontifex non addit specialem modum, seu temporis determinationem, nec ius Canonicum illam ponit, vel acceptat, talis obligatio sequitur prout rei natura postulat. Vnde etiam constat, idem esse à fortiori dicendum de reliquis legibus canonicijs, ut Episcoporum, vel aliorum Prælatorum inferiorum; tum quia etiam in his nulla facta est restrictio in iure, vel per Papam; tum etiam quia ita dictum est de legibus ciuilibus inferiorum Magistratum: est autem eadem, vel maior ratio de legibus canonicijs, & ita docet omnes auctores, qui ibi videri possunt.

¹⁶ **C A P V T XVI.**
Verum lex canonica obliget fideles priusquam ab eis acceptetur.

HAnc questionem facile in præsenti expediemus ex his, quæ de lege ciuili diximus,

& hic addemus ea quæ ibi in hunc locum remisimus. Multi ergo auctores, qui in lege ciuili ponunt dependentiam ab acceptatione subditorum, eandem ponunt in lege Canonica, & indifferenter de vtraque loquuntur. Ita Maior, Driedo, Angel. Armil. Nauarr. Couarr. Felin. & alij Iurisperiti pro illa opinione allegati, presentim in cap. primo de Treg. & pac. vbi Glossa verb. *Frangere*. Et sequitur Henricus, tractatu de Synod. post. tercia parte, artic. secundo, à nu. 50. sed presentim, numero 62. dicit ad integratem legis, & constitutionis tria requiri, Primo ut cōstituatur. Secundo, ut promulgetur. Tertio, ut moribus videntium approbetur, & si quid horum (inquit) desit, non debet dici lex, vel constitutio: & subiungit, cum agitur de impediendo vinculo statuti noui, & non de præscribendo contra statutum, non peccare cothrauenientes statuto. Et refert Panormitan. in dicto cap. 1. & Decium in cap. *Nam concupiscentiam*. de Constitut. lect. i. Fundamentum huius sententiae totū videtur ponii in præsumpta voluntate Prælatorum Ecclesiæ ponendi leges suas subintellecta conditione, ut moribus subditorum probentur. Solus Maior indicat etiam id esse ex defectu potestatis, quia non possunt alteras ferre. Et ad hoc suadendum dicit, Ecclesiam esse supra Papam, & ideo si Ecclesia non acceptat legem Papæ, non posse per illam obligari.

Dico vero primo: Pontifex potest obligare Ecclesiam ad acceptandum leges canonicas à se latas, & sufficienter promulgatas. Idemque est cum proportione de Episcopis. Hanc conclusionem declarauit expresse Castro lib. primo de lege pœnal. cap. primo, & Turrecrem. dicto, §. *Leyes*, §. secundo, qui licet in communi loquuntur, tamen maxime loquitur de legibus canonicijs, & idem est de omnibus auctoribus allegatis libro præcedenti capite 16.. pro secunda opinione. Quocirca prior pars conclusionis mihi videtur, tam certa, ut secundum fidem negari non possit, ex dictis supra tractando de potestate leg. stativa Pontificis, vbi ostendimus, Petro esse datam à Christo Domino supremam potestatem in Ecclesiam, & non alteri, ac subinde habere illam Pontificem successorem Petri immediate ab eodem Christo, à quo illam Petrus habuit, & non ab Ecclesia. Hinc ergo concludimus, Christum ita dedisse hanc potestatem Vicarium suo, ut per se possit valide, & efficaciter operari sine dependentia à consensu populi, ergo per illam potest ferre leges habentes efficaciam, & valorem ad obligandam Ecclesiam ad consentiendam, & acceptandam legem, vel præceptum. Patet hæc consequentia, quia alias potestas non esset absoluta, & efficax. Prior vero probatur primo, quia alias illa potestas magna ex parte esse data populo Christiano, quia tunc lex Ecclesiastica non haberet vim, ut est à Pontifice solo, sed ut est ab illo simul cum Ecclesia: si enim lex non potest esse lex, nisi consentiente populo, profecto populus est conlegislator simulum Pontifice, quod absurdissimum dictu est.

Secundo, quia Christus absolute dixit, *Quodcumque ligaueris, & Pasce oves meas*, de Populo autem nihil dixit, nec posuit conditionem, *Si populus acceptauerit*. Est ergo conclusio certa de hac potestate, prout est in Summo Pontifice, quia in illo est immediate à Christo, atque adeo

Maior.
Driedo.
Angel.
Armil.
Nauar.
Cousar.
Felin.

Pontif. po-
test obligare
Eccles. ad
acceptandas
sue leges
sufficienter
promulga-
tas ex eo
quodcumque
ligauerit.

Statim à pu-
blicatione
incipere le-
ges Pontif.
Et reliquo
vñ Praela-
torum obliga-
re, diffun-
dere obliga-
tionem suc-
cessive.

Sententia
negativa.

cum

cum eodem modo, & independētia, quo à principio data est. De inferioribus autem non est res ita certa, quia in illis potestas ab ipso Papa, à quo dari potest cum limitatione, & supradicta conditione: nihilominus tamen illa hon est admittenda, neque præsumenda, nisi de illa satis constiterit, iuxta dicta superius de potestate Episcoporum ad ferendas leges. In quo etiam est notanda differentia inter Pontificem; & inferiores Prelatos, quod nulla consuetudo obstatre potest, quomodo Pontifex habeat dictam potestatem, quia consuetudo non potest præualere contra ius diuinum: respectu autem inferiorum, ubi esset consuetudo contraria, multum valeret, quia in his, quæ pendent à iure humano, multum potest consuetudo. Vnde & iurisdictiōnem augere potest, & minuere, quādo per hominem concedi potest, vt notat vlt. in cap. Cum olim. de Cleri coniug.

4.
3. conclus.

Non carere culpa qui incipiunt non obseruare leges Pont. Cordub. Victor. Bellarm. Panorm. Felin.

Secundo dicendum est, supposita iustitia legis canonicae, per se loquendo, oriri ex illa obligationem ad acceptandum eam, ita ut non careant culpa, qui incipiunt illam non obseruare post sufficientem promulgationem. Dixi, supposito iustitia legis, quia lex euidenter iniulta etiam si canonica sit, non obligat iuxta supradicta de lege in communi, & sumitur ex capite Ante triennium: dist. 31. & prosequitur late Corduba in Quæstion. lib. 4. q. 7. Victor. in 3. Rele Et. de Potestate Eccles. Bellarmin. libr. 4. de Pontifici. cap. 15. Panormit. in cap. Cum teneamus. Felin. in cap. Si quando, de Rescrip. & cap. Accepimus, de fide instrum. Et ita est assertio clara, præsertim quando lex est non solum iusta, sed etiam moderata, & facilis; quia tunc potestas non deest, & voluntas contraria nulla rationabili conjectura præsumi potest. Quod à fortiori patet ex dictis de lege ciuili. Addendum vero est ex dictis ibidem, etiam in legibus difficultoribus, & durioribus, si in rigore iusta sint, idem esse seruandum, vt declarat Corduba supra ex cap. In memoriam. 19. dist. ibi. licet vix ferendum ab illa sancta sede imponatur iugum, tamē feramus, & pia deuotione toleremus. Quod centeo verum per se, & ex vi potestatis canonicae, quæ maior est, quam ciuilis: oportet autem, vt etiam de voluntate factis constet, tum ex verbis legis, & modo præcipendi, tum etiam ex alijs indicis, & circumstantijs legis. Addo etiam, oportere, vt verisimile sit, legislatorem non ignorasse specialem rei præceptæ difficultatem pro tali loco, vel tempore, aut alia occasione. Nam si probabiliter credatur, hæc ignorasse, credi etiam potest, noluisse cum tanto rigore obligare.

Sed tunc inquiri potest, an in simili casu licet subditis à lege ad legislatorem supplicare & præsertim ad Pontificem. Quidam omnino negant, imo dicunt, friuolam, & inutilem esse tales supplicationem, & ex ignorantia profectam. Probatur, quia à lege non prouocatur, seu appellatur, vt colligitur ex l. vlt. ff. de Appellat. recip. & l. antepenult. ff. de Verbos. signific. vbi id notat Rebuff, adducens alios. Doctores, & iura. Idem in Concordat. tit. de Constit. Ratio etiam assignatur ex differentia inter sententiam, rescriptum, ac legem: nam sententia est, cum fecur in negotio particulari, & pender ex partium probationibus, & ideo in ea admittitur appellatio, vt pars, quæ grauamen sensit, possit meliores, vel clariores probationes afferre. Rescriptum etiam conceditur super factum

A singulare, in quo potest Princeps decipi à colligante, vel procurante suum commodum, & ideo in rescripto merito admittitur appellatio in capite Significavit, de Rescript. At vero lex fertur in generali, & per vniuersalem scientiam contra quam privata scientia subditorum non est admittenda, & ideo neque appellatio, vel supplicatio admittenda est. Accedit, quod in legibus ciuilibus à Rege latius talis appellatio, vel supplicatio non admittitur, neque est in usu, ergo neque in legibus canonicis admittenda est.

Dico tamen, si supplicatio fiat ex rationabili causa, & licet fieri posse, etiam in legibus Pontificis, & esse valde vtilem, ac rationi consentaneam. Hoc à fortiori sentiunt Panormit. Felin. & alij in cap. i. de Treg. & pac. & in dicto §. Leges, & citatur Anchar. conf. 214. & expresse, ac indistincte tam de lege ciuili, quam de canonica id affirmat. Castr. lib. 1. de Leg. pœnal. cap. i. Et probatur primo, quia hoc nullo iure prohibetur, imo est iuri consentaneum, & rationi. Prima pars patet, quia in legibus Vlt. & Antepenultima supra citatis solum dicitur, non licere appellare à poena imposta secundum prescriptum legis, nec à sententia, seu decisione data iuxta legem seu perpetuum edictum; non vero dicitur non licere supplicare de tota lege coram ipso Principe. Sunt autem hæc duo valde diuersa, quia in prioribus casibus appellatio repelletur tanquam plane iniusta, quia illa non est appellatio à lege sed à sententia iusta, vt pote secundū legem lata. Quod si appellatio eo tendat, vt legem arguat in iustitia, est etiam iniqua, tum quia supponitur lex vniuersalis, & seruari solita, ac subinde iusta, tum etiam, quia appellatio talis fit in particulari facto, in quo non licet à lege prouocare, quamvis licet appellare, vel à declaratione legis, vel ab applicatione eius ad tale, vel tale factum; hic autem agimus de lege nondum recepta, & de supplicatione facta ex causa rationabili, & à communitate, vel nomine eius ab eo, qui auctoritatem habeat. Vnde autores citati non negant, licere supplicare à lege, sed de appellatione loquuntur, & hanc non simpliciter negant. Nam Rebuff. expresse ait, Tunc à lege non appellari, quando ab eo est condita a quo appellare non licet, vtporè à Principe superiori non recognoscere. Vnde sentit, ex parte legis non repugnare appellationem: nam si sit edita ab eo, qui habet superiori in eodem ordine, id est, in temporalibus, vel spiritualibus, & subditi grauari se intelligant, poterunt ad superiori prouocare, vt ab statuto Episcopi ad summum Pontificem, ab ipso autem supremo Principi non est ad quem appelletur; supplicatio autem ad eundem non repugnat. Imo addit Rebuff. in Concordat. quod licet non appelletur à concessione literarum Regis, vel Papæ, ab executione appellatur, seu supplicatur. Sic ergo de lege dicere possumus, quo licet ab ipsa proprie non appellatur, posse nihilominus supplicari ab eius exequitione donec Papa informetur.

Deinde est hoc consentaneum cap. Si quando, de Rescript. vbi Papa declarat, licitum esse, non exequi rescriptum eius, donec ipse plenus informetur, quando vera, & rationabilis causa intercedit. Et simile habetur in capite. Cum teneamus, de Præbend. Nec differentia supra data satisfacit, quia eadem pro-

Posse sup-
plicari P-
pa, de s-
lege ab ex-
equitione il-
lius, pater c-
fuerudine.
Panorm.
Felin.
Anchar.
Castr.

portionalis ratio potest in lege interuenire. Quod patet, ratione ostendendo eandem sententiam. Quia in eo ipso, quod lex vniuersaliter fertur, facile fieri potest, vt non congruat moribus, aut dispositionibus gentium omnium, pro quibus fertur, quod maxime contingere potest in legibus canonici, & Pontificijs, que pro vniuersa Ecclesia dantur: nam Ecclesia complectitur varia regna, & prouincias habentes varios ritus, & modos viuendi. Vnde licet talis lex regulariter loquendo non sit disconueniens, vel nimis dura pro vniuersa Ecclesia, & ideo respectu totius non habeat locum supplicatio, nihilominus in vno, vel alio regno, aut prouincia potest esse; nimis dissentiens a moribus eius, & contra consuetudines eius, quas non solent Pontifices velle mutare, nisi id exprimatur, sed potius conseruare, iuxta cap. Certificari, de Sepultur. in tali ergo casu ratio postulat, vt liceat supplicare Pontificem, quia scientia eius vniuersalis non potest semper extendi ad hæc particularia. Et hoc ipsum est à Pontificibus iure statutum in c. 1. de Constit. in 6. ex quo videtur colligi, absque alia supplicatione à lego Pontificia, ipsam ex vi illius iuris ipso facto non obligare in simili casu, nihilominus tamen fieri potest, vt casus non sit ita clarus, & certus, quin sit conueniens noua declaratio Pontificis, ergo in tali casu licita est supplicatio, & iuri consentanea.

Denique consuetudo videtur satis hanc assertionem confirmare: scimus enim, ita seruari in multis prouincijs Ecclesiæ, & Pontificibus non displicere, quando causa est rationabilis, & cum debita moderatione, ac obedientia fit supplicatio. Et fortasse in legibus ciuilibus non tam ordinarie fit hæc supplicatio, quia non sunt tā generales; & ordinariè vna, & eadē lex non fertur, nisi pro regno, vel prouincijs in moribus ciuilibus multū similibus. Vnde in ipsis legibus Pontificijs frequētius sicut tales supplications à prouincijs, vel regnis; quæ à Romana sede magis distant, quia facilius possunt earum propriæ consuetudines ignorari. Denique in huiusmodi casu pro tempore, pro quo durat supplicatio cauedum est omne periculum peccati. Vnde si fieri potest, vt pro illo tempore nihil fiat contra legem Pontificis, curandum omnino est, licet eius exequitio suspendatur, quia ita magis cauetur omne periculum, & eo modo paretur legi, quo cōmode fieri potest. Si autem non potest hoc modo suspensio exequitionis fieri sine magna rerum mutatione, vel periculo alicuius scandalii, tunc ex benigna interpretatione voluntatis Pontificis, lex censemur pro tunc non obligare, & talideclaratione prudenter facta, cessat etiā omne periculum peccati.

Dico terio. Lex canonica, si per consuetudinem toleratam non acceptatur, tandem non obligat, etiam si fortasse in principio culpabiliter fuerit non obseruata. Ita procedit communis sententia supra citata, & sumitur ex capit. vlt. de Consuetudin. vbi dicitur, legem etiam receptam posse ita consuetudine abrogari, vt non obliget; ergo multo magis poterit impediri, ne obliget, cum ante acceptationem minorem firmitatem habeat, iuxta dictum §. Leges. Ratio autem est, quia tunc est magna causa presumendi, legislatorem conniuere, & nolle cum tanto periculo communitatem obligare, & hoc etiam ostendit vsus totius Ecclesiæ. Oportet autem, vt consue-

A tudo illa aliquam rationabilem causam habeat, vt dicitur in dicto cap. vlt. & infra in suo loco latius explicabitur. Deinde necesse est, & sufficit, vt à maiori parte populi non obserueretur. Nam si maior pars legem feruet, quamuis alij eam non acceptent, suam vim retinet, quia id requiritur ad consuetudinem, vt infra dicetur, & videri potest Panormit. in cap. Cum iam dudu, de Præbend. in fine, & in cap. Quia circa de consanguinitate, & affinitate, numero 8. vbi etiam Antonin. & alij. Item Abbat. in capit. Cum olim, de Cleri. coniug. n. 4. & Angel. verb. Constitutio, num. 7. Et eadem ratione è conuerso, si maior pars resistat, introducit consuetudinem contra obligationem legis, quia in rebus moralibus consensus majoris partis censemur communis, & ideo sufficit ad consuetudinem L. Quod maior, ff. Ad municipalem, Abbat. & alij suprarelati.

Si maior pars resistat, inducerit consuetudinem contra obligationem legis.

B Dubitari autem potest, quantum tempus necessarium sit, vt hæc consuetudo præualeat contra legem, & an oporteat legislatorem scire, illa non seruari: videri enim potest hoc necessarium, vt consentire censeatur. Et ita sentit Glossa in capite Vir, de secund. nupt. Nihilominus certum est, non esse necessarium scientiam legislatoris, in quo conueniunt auctores statim etandi, quia est res moraliter impossibilis, & præter consuetudinem, & usum, vt à fortiori patet ex dicendis. Et ideo quoad tempus distinguere solent Doctores. Nam si lex non obseruat, scientie legislatore, nullum certum tempus necessarium est, quia nullum est ius, quod illud præscribat; sufficiunt ergo tot actus contrarij majoris partis, communis qui moralem coniecturam efficere valeant de tolerantia legislatoris, quod prudenti arbitrio definitum est.

C At vero quando interuenit ignorantia Principis, aliqui requirunt tempus 40. annorum, vt lex derogata censeatur, refert Feli. ex Panormitan. in capit. 1. de Tregua, & pac. Alij vero nullum requirunt tempus, sed solum non obseruantiam subditorum per aliquos actus, qui prudenti arbitrio sufficiant. Itaque nihil distinguunt inter scientiam, vel ignorantiam Principis. Ita tener Henric. tract. de Synod. art. 2. nu. 63. cum Felin. dicto ca. 1. n. 1. 3. & alijs. Fundantur, quia subditi non peccant non recipiendo legem à principio. Hoc tamen fundamentum à nobis reprobatum est. Vnde communis sententia affirms, sufficere, & necessarium esse tempus decem annorum, quam multi tradunt, quos Felinus refert, & sequitur Card. in dicto §. Leges, & Ias. in 1. Rem non nouam. ff. de Iudicijs. Fundamentum est, quia hoc tempus sufficit, vt dicatur consuetudo, seu præscriptio longi temporis iuxta Gloss. in cap. vlt. de Consuetud. in 6. Ut autem lex censeatur absolute non acceptata, & derogata, sufficit consuetudo longi temporis, vt loquitur idem Panormit. in cap. Cum olim, de Cleri. coniug. num. 4. & alij communiter. Denique quia breuius tempus postulandum est, vt lex nondum recepta non obliget, quam ut abrogetur lex iam usu præscripta, sed ad hoc posterius ad summum requiritur tempus 40. annorum, vt postea videbimus; ergo ad alium esse etum non est tantum tempus postulandum; ergo sufficit decennium, quia nullum aliud cum fundamento præscribi potest.

D Hæc vero opinio quoad primam partem, vt

non requiratur longius tempus, quam decen-
nium, practicè mihi certa videtur; quoad alte-
ram vero quod requiratur decennium, licet
sit securior, non videtur satis fundata, & ideo
probabilis est sententia Felini, & Henrici, qui
tunc etiam non requirunt certum tempus, sed
solum repugnantiam per actus contrarios in
numero sufficienti arbitrio prudentum. Quæ
etiam sumitur ex Glossa in c. vlt. de Consuet. l. 6.
& Innoc. in c. Cū Petrus, de Fide instrum. & Do-
minico in dict. §. Leges, quatenus dicit, ad hanc
derogatione sufficere habitualē voluntatē Prin-
cipis non obligandi contra morem, Argumen-
to cap. i. de Consuet. in §. & Authent. de Fide
iuss. in principio. Nam licet Princeps ignoret
sub ditorum consuetudinem, semper retinet illam
voluntatem. Et ita non requiritur nouus eius
consensus, ergo nec scientia, ergo nec determi-
natum tempus. Probatur hæc ultima conse-
quentia, quia nullum est ius, quod præscribat
illud tempus decem annorum, neque ex natura
rei est necessarium, & usus videtur esse in con-
trarium, quia ut lex censeatur non acceptata,
non solet exceptari illud tempus, sed solum
quod pro maiori parte per sufficientem consue-
tudinem repugnat. hæc ergo sententia in
conscientia, & praxi videtur satis secura. Nihil
ominus tamen ut consequenter loquamur, ali-
quæ differentia abhibenda est inter casus scien-
tiae, vel ignorantiae Principis. Nam quando
Princeps a principio scit repugnantiam, &
non obseruantiam subditorum, & dissimulat,
statim post nonnullos actus contrarios to-
leratos, censetur prudenter reuocata lex. At
vero quando Princeps ignorat, oportet, ut lon-
gior sit consuetudo, ita ut iam prudenter iudi-
cetur, non esse utilem tali populo, & ideo fuisse
præsumatur à Pontifice, vel Principe reuocata.

Differentia
abhibenda
inter casus
Scientiae, &
ignorantiae
Principis
de non re-
cepta lege.

13 Vtterius vero quæri potest cum Nauarro in
dicto cons. i. q. 7. an lex sic non obseruata per a-
liquod tempus sufficiens, censeatur ita reuoca-
ta, & nulla, ac si non fuisse lata, vel ac si fuisse
direkte renouata à legislatore: nam ex dictis vi-
detur sequi pars affirmans, quia dicimus iam non
peccari contra illâ legê, quia reuocata est. Nihil
ominus placet mihi resolutio Nauarri, non esse
censendam illâ legê omnino annullatâ, & deroga-
tam, quia si communitas illa postea mutaret
consilium, & inciperet illam legem recipere, &
pro maiori parte illam seruare, re vera incipe-
ret obligari tali lege sine noua voluntate legis-
latoris. Vnde dicendum est, illam solum fuisse
quasi suspensam, vel reuocatam non simpliciter,
sed quandiu populus ille in illa consuetudine, &
moribus persisteret:

14 Si à scienti-
bus pro ma-
tiori parte
obseruetur
lex, hoc suf-
ficit ut pro
ignorantib-
us suæ ob-
ligationem
babeat.

Vltimo inquiri potest, si contingat, legem nō
seruari ex ignorantia populi nescientis promul-
gationem eius, an hoc sufficiat, ut desinat obli-
gare. Aliqui respondent, in eo casu iudicandum
esse de ignorantibus iuxta statum, quem lex
habet apud non ignorantes. Nam si à scientibus
pro maiori parte obseruatur, hoc sufficit, ut pro
ignorantibus suam etiam obligationem retine-
at, & è conuerso si à scientibus non seruatur pro
maiori parte, etiam pro ignorantibus derogata
est. Quæ sententia vera est, quando igno-
rantes, & scientes sunt partes unius corpo-
ris. Difficultas vero est, quando totum ali-
quod corpus politicum moraliter distinctum
ab alijs ignorantibus promulgationem legis,
& ideo illam non seruauit per sufficiens tem-

A pus, seu per sufficietes actus contrarios. In
quo casu respondet Nauarr. dicto cons. i. qua-
stione 6. legem illam amittere suam vim, non
obstante ignorantia, quia ratio, ob quam
desinit obligare, non est scientia, & volun-
tas quasi formalis non obseruandi legem: nam
hæc potius posset impedire, quia non est di-
gna tali indulgentia, sed ratio est mos ipse, &
quasi præscriptio quedam. Dico tamen, legem
sic non obseruatam propter solam ignorantiam
in se non auferri, seu reuocari, sed solum pro-
tunc non obligare propter ignorantiam, & ita
solum etiam negatiue non esse acceptatam, ne-
que etiam ablatam. Quapropter si postea tolla-
tur ignorantia, manebit lex respectu talis popu-
li in eo statu, in quo esset, si tunc fuisse primo
edita, & promulgata, & ideo tunc incipiet obli-
gare, si in eo sensu fuit lata, iuxta doctrinam su-
pra tactam.

B

C A P V T XVII.

Virum leges Canonica obligent in conscientia.

Gerson (cuius opinionem tractauimus li-
bro superiori capite 17. & 18.) in tract.
de Vit. spiritual. lecit. 4. Alphab. 62. lit. G. dum
negat, legem humanam, quæ talis est obligare
in conscientia, non solum de ciuili, sed etiam
de Ecclesiastica aperte loquitur; nam in legibus
Ecclesiasticis ponit exempla, & earum multitudinem,
& rigorosam obligationem tanquam
necessariam ad salutem æternam præcipue re-
prehendit, ut ex corol. 7. constat. Potest tamen
habere illum duplicum sensum supra declara-
tum in lege ciuili, scilicet, vel quod lex Ecclesiastica
non possit obligationem inducere, sed tan-
tum explicare, vel proponere illâ, quæ ex prin-
cipiis revelatis colligitur certo, vel probabili-
ter. Et hic sensus est omnino falsus multo magis
in legibus Ecclesiasticis, quam in ciuilibus, ut
Almain. notauit in Moral. cap. 12. & ex dictis in
libro superiori satis conuincitur, & statim ostendetur. Alter sensus esse potest, quod licet leges
Ecclesiastice re vera obligent in conscientia,
non dicantur obligare quatenus Ecclesiastice
sunt, vel humanæ, sed quatenus sunt aliquo mo-
do diuinæ per deductionem ex aliquibus prin-
cipiis revelatis, & sic erit quæstio de vocabulo.
In qua etiam modus loquendi Gersonis proba-
dus non est, ut ex dictis in libr. 3. à fortiori con-
uincitur.

Diceo ergo primò. Lex canonica, seu Ecclesiastica obligare potest, & ex se obligat in con-
scientia. Conclusio est certa, quam omnes Do-
ctores Catholici docent, & sufficiunt supra re-
lati lib. 3. cap. 17. & in præcedentibus capitibus.
Nam ex ibi dictis de potestate Ecclesiastica ad
ferendas leges, plane conuincitur hæc veritas.
Quia si potestas Ecclesiastica non posset obliga-
tionem nouâ imponere, sed tantu diuinam propo-
nere, vel exponere, esset potestas declarativa tâ-
tum superioris iuris, non tamen legislativa. Hoc
etiam à fortiori conuincunt omnia, quæ de obli-
gatione legis ciuili diximus. Denique ex dic-
tis statim hoc evidentius confirmabitur. Circa
hanc vero assertionem tractari posset; an hæc
obligatio in conscientia semper sequatur ex
omni lege Ecclesiastica, etiam si penalis
sit, vel in præsumptione fundetur. Sed
hæc quæstiones tractatae sunt de lege ciuili,

2
Conclusio
affirmativa.

& quæ

& quæ de illa diximus communia sunt legi humanae, qua talis est, ideoque omnia sunt cum proportione ad legem Ecclesiasticam applicanda, neque aliquid nouum aut speciale occurrit addendum, præter ea, quæ infra de lege pœnali dicemus.

3
Pralati religionū sicut Ecclesiastici posse leges obligantes in conscientia.

Sed obiici solet, quia Prælati religionum non possunt præcipere, nisi secundum regulam religionis; ergo nec Prælati Ecclesiastici possunt præcipere aliquid, nisi secundum legem Christi; ergo non possunt nouas leges ferre obligates in conscientia. Respondetur tamen facile, etiam Prælatos religionum posse nouas leges condere obligantes in conscientia, ut in proprio tract. de Stat. Religio ostenditur. Vnde potius potest retorqueri argumentum, quia in hoc seruatur quædam proportionalis ratio inter utrosque Prælatos. Nam utriusque possunt præcipere quæ sunt consentanea suo fini, & regulæ sibi proportionatae. Absolute tamen est differentia, quia Prælati Ecclesiæ possunt præcipere quæ sunt consentanea æternæ saluti consequenda secundum regulam, vel institutionem à Christo traditam, id est, quæ iuuent communiter omnes fideles ad legem Christi seruandam, quæ unica est salutis via. Prælati autem religionū possunt præcipere quæ consentanea sunt ad perfectionem etiam asseverandam. Sed quia multæ sunt viæ ad perfectionem, in unaquaque religione est potestas præcipendi secundum suam professionem, & regulæ, quia illa iurisdictio supponit voluntariam professionem cui accommodatur; iurisdictio autem Ecclesiastica accommodatur voluntati Christi, à quo profecta est tam institutio, & professio Christianæ religionis, quā iurisdictio illi conueniens, ac proportionata.

4
Legem Ecclesiast. ex se obligare sub peccato mortali, si absolute se feratur.
Almain. Panorum. Felin. Glossa.

Luo. 10;
2. Thess. 4.

Dico secundo. Lex Ecclesiastica ex se, seu ex genere suo obligat sub reatu mortalis culpæ, si absolute feratur. Est communis assertio Doctorum, quos retuli superiori lib. cap. 20. & Almain. de Potestat. Ecclesiastica cap. 12. Panormit. cap. 1. de Constitut. num. 9. Felin. in cap. 1. de Sponsal. nu. 17. & 19. vbi plures refert, & specialiter Glossa in cap. Matthew, de Simon. verb. Consulit, iuncto texru, ex quo colligitur, præcepta Ecclesiastica circa simoniam obligare sub reatu salutis æternæ. Quod etiam ibi notauit Ioan. de Anatagia. Probari autem potest primo à fortiori ex omnibus dictis de lege ciuili. Secundo potest ostendi omnibus testimonii, & rationibus, quibus Ecclesiastica potestatem ad cogendum per leges, & per spirituales pœnas, partim in principio huius libri, partim in libro de Censuris copiose ostendimus. Tertio nunc sufficiunt verba Christi Domini Luc. 10. Qui vos audir, me audit, & qui vos spernit, me spernit. Et similia habet Paul. 1. ad Thessal. 4. vbi prius commendat præcepta à se data, & postea dicit, Christum despicere qui ea negligit: constat autem spernere Christum non solum contra conscientiam esse, sed etiam graue peccatum. Facit etiam illud Actorum 15. vbi Apostolicum præceptum abstinendi à sanguine, & suffocato, & alia præcepta similia vocantur necessaria, utique ad salutem, vt Chrysost. hom. 23. & alij declarant. Præceptum autem cuius obseruantia est ad salutem necessaria, sub mortali obligat. At vero præceptum illud positivum fuisse, illi tempori accommodatum, sententia est D. Thomæ q. 103. art. 4. cum August. 32. contra Faust. cap. 13. quam infra tractando de cessatione legali, laeti us expendemus. Præterea constat, le-

ges Ecclesiasticas sæpe ferri sub excommunicatione maiori, & ipso facto incurrenda: nō potest autem talis excommunicatio incurri, nisi per culpam mortalem, ut ex propria materia suppono; ergo certum est, tales leges obligare in conscientia, cum transgressio earum non fiat sine graui culpa. Denique constat ex communisensu totius Ecclesiæ, & ex communi doctrina Patrum, leges Ecclesiasticas de jeuniis, & seruandis festis, & similes, ita obligare, ut transgressio earum sit peccatum, necessario in confessione aperiendū, & qui hoc negaret, plane esset hæreticus; ergo tales leges obligant de se sub mortali, cum earum transgressiones voluntariæ tanquam mortalia peccata in confessione aperienda sint.

Contra hanc assertionem præcipue loqui videtur Gerson loco allegato, vbi indicat, in prædictis legibus, & exemplis solam legem diuinam esse quæ obligat ad talem culpam: Ecclesiasticam autem legem solum interpretari, & propone nobis tempora, & circumstantias, cum quibus lex diuina obligat, ut patet in præcepto confessionis, vel communionis, & eodem modo exponit præcepta orandi, audiendi Missam, & similia. Sed hoc, intellectum ut sonat, nulla ratione sustineri potest. Tum quia Ecclesia sèpe prohibet, etiam sub censura excommunicationis, res aliqui ita indifferentes, ut non essent malæ, nisi essent prohibitæ, ut comedere carnes tali tempore, audire ius ciuile clericos, vel monachos, & similia, ergo non solum prohibentur grauiter quoad circumstantiam aliquam, sed etiam quoad substantiam (vt sic dicam.) Tum etiam quia in ijs, quæ præcipiuntur, determinando tempus, vel modum, plures actus præcipiuntur, vel prohibentur dicto modo ex vi iuris Ecclesiastici, quam iure diuino præciperentur, ut constat aperte in præcepto audiendi Missam singulis diebus festis, & in præcepto clericorum de recitandis horis canonicas, ex quibus præceptis resultat obligatio sub mortali ad singulos actus graviæ, ut ad Missam audiendam singulis diebus festis, ieiunandum singulis diebus designatis, & ad recitandum singulis diebus officium canonicum, &c. Tum denique quia lex Ecclesiastica potest ita determinare tempus, vel modos exercendi actus iure naturali, vel diuino, ut actus contra solam legem Ecclesiæ propter omissionem in illa circumstantia sit peccatum mortale; ergo simpliciter potest Ecclesia præcipere sub mortali actum honestum, alias non necessarium, si in tali lege concurrent necessitas, vel utilitas, & alia conditiones necessariæ ad iustum legem. Antecedens patet in præcepto confessionis annuæ: nam si quis eam omittat animo, & proposito confitendi alio tempore arbitrario, in quo ius diuinum per se obligaret, nihilominus peccabit mortaliter, ut constat ex communisensu Ecclesiæ, quia in re valde graui transgreditur iustum præceptum Ecclesiasticum, licet in rigore non transgrediatur diuinum. Idemque est in præcepto soluendi decimas, si quis transgreditur legem Ecclesiæ quoad quotam, volens alio modo implere diuinam legem de ministrorum sustentatione, & sic de similibus. Consequens autem prior probatur ex paritate rationis, quæ non est minor in alijs actibus honestis, quam in his circumstantijs.

Quod si Gerson solum intenderet, nunquam præcipi ab Ecclesia actum honestum, qui aliquo modo

D. Thom.

modo non sit iure diuino, vel naturali præceptū saltem in generali, & abstrahendo à determinato modo, & circumstantiis, & ideo talia præcepta Ecclesiæ semper nisi in iure diuino, vel naturali, non effet multum cum eo contendendum, quia in bono sensu posset id admitti. Nam & D. Thomas fere eodem modo loquitur 2.2.q.147.art.3. Sed non obstat, quominus simpliciter verum sit legem Ecclesiasticam obligare sub mortali, sicut etiam obligat lexpositua diuina, quamuis præcepta eius sint etiam quædam determinationes legis naturalis. Neq. in hoc est de verbis cōtendendum, cū satis in superioribus ostensum sit, obligationem humanarum legum immediate oriri ex humana voluntate, per potestatem à Deo data, quæ potestas speciali, & altiori modo data est Principibus Ecclesiæ, & illa vtuntur per humanam voluntatem leges ferendo, & ideo certum est, talem obligationē oriri ex istis legibus, vt humanæ sunt: ita enim loquitur Paul. I. ad Corinth. 7. dum distinguit quædam, quæ proponebantur, vt præcepta à Domino, & alia, quæ ipse præcepiebat, non Dominus.

Opinantes
offensionem
legis Ec-
clesiast. non
esse per se
peccatum m.
sed solum
quando fit
ex contem-
ptu legis: alij
vero adduc-
ex consuetu-
dine
Collectarius
Felin.
Caiet.

Præter Gersonem solent alij referri, qui dixerunt, peccatum contra legem Ecclesiasticam, non esse, per se loquendo, peccatum mortale, sed solum quando fit ex contemptu legis. Ita tenuit Collectarius, vt refert Angel. verb. Inobedientia, & idem sentit Felin. in c. I. de Sponsal. n. 19. & refert Gloss. in cap. Quis autem, dist. 10. quæ solum dicit, qui contemnit legem, peccare, non tamen peccare eum, qui non paret legibus, vbi de consilio loquuntur, ex quibus verbis potius colligitur, etiam peccare illum, qui non paret legibus, vbi de præcepto loquuntur, licet non tam grauiter, sicut qui eas contemnit. In eadem vero sententiam inclinat Caiet. verb. Cleric. & c. §. vlt. & verb. Ieiunium, cap. 4. qui non vniuersaliter loquitur, sed de præcepto ieiunij, & de quibusdam præceptis clericorum, tamen à paritate rationis videtur idem sentire de reliquis præceptis Ecclesiasticis, vt illi tribuit Nauar. in Sum. c. 23. n. 55. Item fauere videtur huic sententiæ D. Bernard. de Præcept. & dis. cap. 11. vbi loquens de præceptis positiviis Prælatorum, quæ factitia vocat, ait in ferre necessitatem longe disparem à præceptis naturalibus, Cum tamen (ait) nec sine offensa negligi, nec contemni si ne crimen queant. Et infra. Mandatum peccato obnoxium facit, non magno tamen, si contemptus desuerit. Loquitur autem de eodem genere mandati. Unde in cap. 12. generalem regulam constituit de his, quæ per se, aut propter se nec bona, nec mala sunt, nec diuina institutione, aut propria cuiusque professione sunt fixa, Vt non iussa licite admittantur, vel omissantur; iussa vero sine culpa non negligantur, sine crimen non contemnantur: vbiique enim & culpabilis neglectus, & contemptus damnable est. Quibus in verbis dum culpam à crimen distinguit, per crimen mortale peccatum, per culpam vero veniale intelligit; sentit ergo, non peccare mortaliter contra Ecclesiastica præcepta, nisi ex contemptu, ac subinde tales leges per se non obligare sub mortali, sed tantum ratione contemptus.

Alij vero Doctores, hanc sententiam ex parte sequentes, præter contemptum addunt consuetudinem, quia si præceptum Ecclesiasticum ex consuetudine frangatur, peccatum erit mortale, eo quod consuetudo illa tacitum contemptum includat. Si vero nec contemptus, nec consuetudo intercedat, non putant, peccatum esse mor-

A tale agere contra Ecclesiasticam legem. Ita Angel. supra citans Richard. Quodlib. 1. quæst. 19. Vbi de omissione Missæ præceptæ in particula-
ri loquitur. Idem ex parte sentit Henric. Quod lib. 3. q. 2 . in fin . refertur etiam Archid. in cap. Vitam. 76. d. vbi nihil clare dicit. Refert item Angelus quandam Glossam, Panormitanum, & quædam iura, in quibus nihil, quod ad præsentem causam faciat, reperio. Adducitur de-
nique Gemini. in cap. Generali. de Elect. in 6. Et tandem additur ratio, quia non est verisimile, intentionem Prælatorum esse obligare sub mor-
tali, quando ex consuetudine non peccatur contra eorum leges, cum per vnam, vel aliam transgressionem non ex toto frustretur finis suarum legum. E conuerso vero quia consuetudo peccati potest officere, vt finis legislatoris grauiter violetur, vel in totum frustretur, ideo fieri potest, vt propter consuetudinem peccatum sit mortale, quod alias non esset.

Angel.
Richard.

Veruntamen prior sententia intellecta de cō-
tempni formali improbabilis est, quia induc-
tione constat iuxta communem Ecclesiæ sensum,
peccari mortaliter, transgrediendo multas leges
Ecclesiasticas, vt ieiunij, Missæ, communionis,
confessionis, & similium, etiamsi nullus alias
contemptus, sed sola voluntaria omissione inter-
cedat. Deinde propter vnam transgressionem
similem incurrit aliquando excommunicatio
maior, etiamsi non ex contemptu, sed ex volun-
tate fit, vt recte notauit Sylvest. verb. Inobedien-
tia, & constat ex tract. de Censur. Ergo mani-
festum est, non esse necessarium contemptum ad
peccandum mortaliter contra talem legem.
Præterea hoc supra probatum est de legibus ciu-
ilibus; ergo multo magis procedet in Ecclesiasti-
cis. Denique ratio est clara, quia præceptū Ec-
clesiæ per se inducit obligationem grauem, sup-
posita materiae capacitate; ergo transgressio eius
deliberata sufficit ad culpam mortalem, absque
alio contemptu. Nec contraria sententia habet
fundamentum, cui satisfactum non sit ex dictis
hic, & supra de legibus ciuilibus.

Solum testimonium Bernardi difficile appa-
ret, quia non idetur loqui tantum de præceptis
rerum leuiorum, sed simpliciter de præceptis po-
sitiviis: nam loquitur de omnibus, quæ à Pre-
positis dispensationem admittunt, quæ omnia leuiora
esse censer. Item quia generalem regulam con-
stituit de præceptis factitiis, ea distinguendo à
naturalibus de se ingerentibus necessitatem, &
deinde addit generalem regulam de omnibus,
quæ per se nec bona, nec mala sunt.

Nihilominus tamen existimo, non fuisse men-
tem Bernardi loqui de omnibus præceptis posi-
tiiviis, quia præter ea, quæ per se sunt bona, vel
mala, ponit ea, quæ sunt ex institutione diuina,
aut quæ sunt fixa vniuersiisque professione, & in his
omnibus sentit peccari grauiter non solum per
contemptum, sed etiam per negligentiam. At
vero illa præcepta, quæ sunt fixa vniuersiisque
professione, positiva sunt, & humana: per illa
enim intelligit grauiores constitutiones vnius-
ciusque religionis, & præcepta Ecclesiastica
dici etiam possunt fixa professione Christiana.
Videtur ergo per præcepta factitia intelligere le-
uiora quædā statuta religionū, quæ sunt de rebus
leuioribus, sicut ipse exemplis indicat, dicens; Ex his
verbis gratia, dico esse, vel risum interdicili, vel indictum
silentium. Et hæc vocat dispensabilia, vel per an-
tonomasiā, quia facile disp̄santur; alia enim gra-
uiora

D. Bern.

D

uiora tanquam immutabilia habentur in religionibus, ordinariè loquedo, vel certe, quia ordinariè per talia statuta, vel regulas solù ordinatur, ne hoc, vel illud fiat sine licentia Prælati, per quam licetiam quasi dispensatur facilè, vnde etiā vocat *facilis*, quia facile mutantur. De his ergo loqui videtur, cum ait, in eorum transgressione non committi graue crimen, nisi contemptus interueniat. Et hoc fortasse intendit Sylvest. verb. *Inobedientia*, cum ait, loqui Bernardum de mandatis, non de præceptis.

^{12.} Vnde etiam patet, quid de altera sententia sibiendum sit. Nam in primis falsum est, ad peccandum mortaliter contra leges Ecclesiæ, esse necessarium cōtemptum, vel consuetudinē; nam in uno actu, vel omissione inuenitur sepe peccatum mortale, vt probant induc̄tio; & rationes factæ. Et ab esse&tu constat, quia s̄epe per unum actum, vel omissionem talem incurrit excommunicationis maior, vt suprā dicebā. Ergo satis est, quod violetur præceptum in materia graui, etiā si non omnino destruatur finis eius, quo ad alios actus, qui postea fieri possunt, quod est per accidens. Imò addo, consuetudinem interdum posse minuere peccatum, quatenus minuit libertatem, licet aliunde possit augere, augendo voluntariū, si ipsa voluntaria sit, quod augmentum nunquā potest esse tale, vt augeat in infinitum, transferendo actum de veniali peccato ad mortale. Si ex parte obiecti, & circumstantiarum cetera sint paria, vt lib. præced. cap. 24. ostensum est, vbi etiam tractauimus, an violare legem ex contemptu semper sit peccatum mortale, & doctrina ibi data communis est omnibus legibus Ecclesiasticis, imo in his à fortiori locum habet, nihilq; in præsenti addendum occurrit.

C A P V T XVIII.

Quando lex Ecclesiastica obliget sub mortali culpa, & quomodo id discernendum sit.

^{13.} *Tres conditiones ut leges positivæ sub mortali culpa, sed interdum sub veniali, quia in materia cuiuscunque virtutis potest esse gratis, & leuis obligatio, iuxta materiæ capacitatem; ergo idem est in materia legis Ecclesiastice.* Item quod ad hoc eadem est ratio de lege Ecclesiastica, quæ de ciuili. Vnde sicut supra posuimus plures conditiones requiritas, vt lex ciuilis obliget sub mortali, quibus deficientibus ad summum obligat, ad veniale, etiam si sit absoluta, & vera lex; ita de Ecclesiastica lege censendum est: nam quoad hoc (vt dixi) est eadem ratio. Tres autem conditiones necessarias esse diximus, vt positiva lex obliget sub mortali, quæ sunt grauitas materiæ, verba, seu signa præceptiva, & intentio præcipientis, de quibus fere nihil occurrit addendū his, quæ diximus de lege humana ciuili, sed applicanda hic sunt omnia ibi dicta, præsertim circa tertiam conditionem de intentione legislatoris, & de prima quoad necessitatem gratis materiæ, & quoad modum cognoscendi illam. In hac vero conditione addi potest, materiam legis Ecclesiastice ex suo genere magis spiritualem esse, & ad finem altiorem ordinari, & ideo facilius, ac frequentius materiam Ecclesiasticarum legum esse grauem, licet non raro leuis etiam in eo ordine inueniatur. In quo etiam est aduentendum, aliter esse, hanc materiæ grauitatem expendendam, in communib; legibus Ecclesiæ, quæ ex

sola iurisdictione procedunt: aliter vero in præceptis religionū, quæ non solum in iurisdictione, sed etiā in voto obedientiæ nituntur: vnde fieri potest, vt materia, quæ secundū se non esset gravis per se spectata in ordine ad nudam iurisdictionem, & cōmunem Ecclesiæ gubernationem, vt subest talivoto, & in ordine ad finem talis status gravis sit, vt latius tractando de Statu Religionis diximus.

Circa tertiam vero conditionem de vi verborum supra distinximus verbum simplex ab oratione complexa, & de verbo quidem simplici nihil occurrit addendum, quia in his etiam legibus nullum est verbum impositum, vel ex vsu aut iuris accommodatione applicatum ad significandam obligationem sub mortali. Nam si aliquod eslet, maxime verbum *Præcipiuſ*, aut æquivalens; hoc autem, licet satis indicet vim præcepti, & obligationem in conscientia, non tamē sub mortali, nisi vt coniunctum grauitati materiæ, quæ semper consideranda est, & ita explicuimus supra Clemétinam, *Exiit*, de Verb: signis; &c. *Exiit*, eodem tit. in 6.

Circa verba autem complexa duo modi iudicandi hanc obligationem peculiares, ac proprij Ecclesiasticarum legum adnotari possunt. Vnus est, quando adduntur verba, quæ vel expresse, vel implicite addunt cōminationem aeternæ pœnae. Huiusmodi sunt, quando additur *sub intermediatione mortis eterna*, vel qui hoc fecerit diuinam maledictionē intrurat, aut indignationem Sanctorum Petri, & Pauli. Item talis centeretur esse forma præcipiédi in virtute obedientia, quæ frequentius est in vsu religionum, interdum vero etiam Pontifices illa vtuntur. Et ex eodem vsu constat, in hoc sensu addi, imo in religionibus iuxta cōmunem usum non intelligitur rigorosum præceptum imponi, nisi quando illa verba, vel similia adduntur, vel gravis censura imponitur; iuxta statim dicenda. Denique etiam hæc verba *Stricte præcipiuſ*, implicite censentur eandem significationē habere; quia illa exaggeratio non sine causa additur, & in rigore indicat superiorem velle obligare quantum potest. Alter modus explicandi hanc grauitatem est per adiectionē alicuius gravis censuræ, quæ pœna solū per Ecclesiasticas leges ferri potest. Et licet in legibus ciuilibus etiā gravis pœna indicet grauem legis obligationem, vt supra vidimus, & quoad hoc sit aliqua cōuenientia inter vrasq; leges; nihilominus in censuris inueniatur hoc peculiare, quod sunt spirituales pœnae, & sepe contrahi non solent; vel fortasse nō possunt, nisi propter peccatum morale. Quando ergo pœna, seu censura talis est, & illa imponitur transgressoris talis legis, evidens est, violationem illius legis esse peccatum mortale, si clavis nō erret; ac subinde talem legem obligare de suo sub mortali, quia transgressio illius facit transgressorē tali censura dignum.

Statim vero insurgit quæstio, quæ nā censura sufficiens signū sit talis obligationis. Sed hoc spestat ad materiā de censuris, & de irregularitate, vbi copiose tractatum est, & ideo hic breuiter expediendum est. Primo enim de excommunicatiōne, si minor sit, certū est, quocumq; modo fertur, non esse de se sufficiens signum obligationis sub mortali, quia talis excommunicatio frequenter incurrit propter veniale culpam. Excommunicatio autem maior dupliciter fertur, sc. ipso iure lata, vel per homines ferēda. De priori ergo est certū, indicare obligationē sub mor-

¹⁵
Verba indi-
cationis obli-
gationem
graue.

¹⁶
Excommuni-
catio mi-
nor non est
sufficiens si-
gnū gravis
obligationis.
scus de ma-
iori, ipso iu-
re inflcta,
vel statim
infingenda
sine alia

monitione,
contra verò
quando re-
quiritur
monitio.
Anton.
Silvest.
Angel.
Caiet.

Armill.
Driedo.
Caiet.
Nauar.

Couar.
Nauar.

17

tali, quia incurritur ipso facto ex vi transgressio-
nis talis legis, & nō incurritur, nisi propter pec-
catū morale, vt est notum. De posteriori autem
cōtrouersia est: nā multi pūat, etiā tunc esse suf-
ficiens signum obligationis legis ad mortale. Ita
Anton. citas Ioan. de Neapol. 2. p. tit. 4. c. 2. §. 3. &
sequitur Sylvest. verb. Præceptū, q. 3. Angel. verb.
lex n. 3. Caiet. 2. 2. q. 189. art. 3. circa ad 2. Alij
vero censem, quando lex fertur sub excōmu-
nicatione tantū ferenda, non esse sufficiens signū
obligationis sub mortali. Quā sententiā proba-
bilem iudicat Anton. supra, & idē sentit Armil.
verb. Lex. n. 4. & verb. Præceptū, n. 6. quia solū iu-
dicat, priorem sententiā esse securiorem, & pro
hac citat Caiet. in Sum. verb. Præceptū, & solet
referri Driedo lib. 2. de Libert. Christian. cap. 1.
& potest referri Nauar. cap. 23. nu. 53. Hi enim
Caietanum in Sum. sequuntur.

Veritas ergo est, distinguendum esse de excō-
municatione ferenda. Nam dupliciter imponi
potest, primo vt lex sufficientem monitionē cō-
tineat, ita vt pro illius transgressione statim sine
alia hominis admonitione, possit excōmunicatio
maior in transgressores ferri. Et nunc veris-
simum est, excōmunicationem sic ferendam esse
signum legis obligantis sub mortali, quia si trā-
gressor potest statim excōmunicari, supponitur
peccasse mortaliter in illa transgressione, ergo
supponitū lex obligare sub mortali. Et hoc etiā
sentient auctores, qui absolute, & indistincte di-
cunt, excōmunicationis pœna per legem impo-
nitū esse signum obligationis sub mortali, vt fuit
Medin. dict. cap. 7. de Ieiun. Castro dicto cap. 5.
de Lege pœnali lib. 1. & Couar. in Regula Pecca-
tum. p. 2. dict. 9. 5. n. 3. & Nauar. supponunt enim
hi auctores, excōmunicationis vocem absolute
prolatam pro maiori sumi, vt constat ex iure, &
tunc dicunt ferri per legem, quando sola legis
transgressio sufficit ad illam subeundā, siue per
legem ipsam statim inferatur, siue per homines
ex vi trāsgressionis legis: hæc enim diuersitas pa-
rum ad præsens refert, quia in vtroq. modo sup-
ponenda necessario est mortalis culpa, vt talis
censura inferatur.

18

Alio vero modo potest excōmunicatio impo-
ni per legem, quæ non solū non inferat illā ipso
facto, verum etiā nec sufficienter admoneat sub-
ditum in ordine ad tales censurā, sed potius re-
quirat superioris admonitionem, vt si post illam
subditus legis transgressor adhuc cōtumax sit,
excōmunicetur. Et tunc excōmunicatio sic fer-
enda non est sufficiens signū obligationis legis per
se spectatā sub mortali, quia fieri potest, vt ante
monitionē Prælati talis transgressio non sit peccatum
mortale. Nam licet necessariū sit, vt post
monitionē Prælati cōtumacia in tali trāsgressio-
ne sit peccatum mortale, vt transgressor sit excō-
municatione dignus; nihilominus nō potest inde
colligi, legem per se spectatā obligare sub mor-
tali, quia multū augetur culpa ex inobedientia,
& contumacia contra Prælati monitionem: in-
cludit enim maiorem contemptum non solū le-
gis, sed etiam superioris, per quem cōpletur cau-
ta talis excōmunicationis. Et hæc fuit mens Ca-
ietani loco citato, & ita etiam exposuit Nauar.
& sine dubio nihil aliud sensit Driedo. Quando
autem lex quæ imponit excōmunicationem fe-
rendam, requirat postea hominis monitionem,
vel illam per se faciat, licet quidā dicant nunqua
requirere monitionem hominis, nisi hoc expri-
mat, ego contrariam regulam statuere soleo, vt

A semper talis lex intelligenda sit, monitione pre-
missa, nisi illam aperte excludat. Tum quia hic
sensus mitior est, & ideo præferendus in lege
pœnali, tum etiam, quia est iuri conformior, quia
excōmunicatio prærequisit monitionem homi-
nis, quando lex illā expresse non facit, tum quia
iuxta cōmunem vsum ita videntur intelligi si-
miles cōbinations legum. Et hoc videntur sup-
ponere auctores prioris sententia, & ideo dixe-
runt ex vi talis censuræ non satis colligi legem
obligare per se sub mortali, vtique regulariter
loquendo, & nisi lex ipsa declaret, vt excōmuni-
catione feratur, nulla alia admonitione præmissa.

Ex his constat, quid dicendū sit de aliis dua-
bus censuris, suspensione, & interdicto. Castro
enim, & Medin. absolute negant, has duas cen-
suras esse signum sufficiens transgressionis mor-
talis, & cōsequenter nec obligationis legis. Cō-
trarium vero censem Angel. Sylu. Armil. & alij.

B Ego vero in materia de suspensione distinxī su-
sensionem in maiorem, & minorē in star excō-
municationis. Si ergo suspensio sit m. ior, id est
totalis, vel partialis à graui aliquo munere, seu
officio, signū est grauis obligationis, & sub mor-
tali, quia tam grauis pœna non imponeretur iuste
propter leuem culpam; si autem suspensio sit
minor, potest interdum incurri propter leuem
culpam, & ita non potest esse sufficiens signum
obligationis sub mortali. Idemque cum propor-
tione dicendum est de interdicto: nam in illo etiā
habet locum simili distinctio, vt ex propria ma-
teria suppono. Loquor autē de interdicto prout
habet veram rationem pœnæ respectu eius, qui
dedit causam interdicto: sic enim nō imponitur
sine graui culpa eius, qui personaliter, & specia-
liter interdicitur. Etiam si vniuersale interdictū
soleat innocentes comprehendere, quia non est
propria pœna respectu illorum, sed illius, qui de-
dit causam, & per quandam redundantiam, &
moralem vniōrem redundat in alios: inde tamē
evidenter concluditur, non posse tale interdi-
ctū imponi, nisi propter grauem culpam ali-
cuius. Denique circa irregularitatem non habet
locum proprie hæc doctrina, quia irregularitas
non est censura; nihilominus tamen, quia est gra-
uissima, & suo modo spiritualis, signum esse cen-
seo grauis obligationis, quando pœnalis est. Ne-
que in illa habet locum illa distinctio de maiori,
aut minori: omnis enim irregularitas simpliciter
talis, grauis est, & graue affert nōcumentum,
ideoque si sit pœna, grauis est pœna, & conse-
quenter est indicium grauis obligationis legis,
grauique transgressionis eius, quando propter
illam imponitur per eandem legem. Dixi autem
Sisit pœna, quia illa irregularitas, quæ est indecen-
tia tantum, requirit causam; non vero culpam,
& ideo illa in præsentinon consideratur.

C A P V T XIX.

Quas personas obligent Ecclesiastica leges.

Hanc materiā late tractauimus de lege ciuili
in præcedenti lib. à cap. 25. & omnia ibi di-
cta generalia fere sunt legi humanæ, & ita in Ec-
clesiastica etiā conueniunt. Qualia sunt obligare
omnes, & solos subditos, ad quos loquuntur, & hæc
obligationem, extendi ad eos, qui in territorio
veriantur, etiamsi permanenter, & quasi in ha-
bitu, subditū non sint: è conuerso autem non
extendi ad existentes extra territorium, etiamsi
alias in habitu subditū sint, quas questiones in-

19
Idem cum
proportione
dicendum
de suspensiō-
ne. & inter-
dicto mai-
oris, vel mi-
norū suono-

Irregulari-
tatem esse
signum gra-
uis obliga-
tionis.

Dicuum ge-
nerale pro
lege ciuili.
& canonis-
ca.

specia-

speciali de legibus Ecclesiasticis tractauit etiam in A 1. tom. de Relig. tractando de diebus festis, & in 5. tomo de Censur. disputatione 5. sect. 4. & 5. Quæstio etiam illa, an Princeps obligetur legibus communis est Prælati, ac legislatoribus Ecclesiasticis, etiam Summo Pontifici. Solum ergo supersunt adnotanda patua circa personas inferiores, quæ legibus obligari solent, quæ propria sunt Ecclesiasticarum legum.

2 *Leges Ec-
clesiast. om-
nes & solo
baptizatos
obligare e-
tiam here-
ticos vi-
po-
te qui ha-
bent fonda-
mentū sub-
iectōis cha-
ractorēm
baptismalē.*

Primo ergo dicimus, proprium esse legum Ecclesiasticarum, ut tantum homines baptizati obligent; non vero infideles non baptizatos, etiam si inter Christianos habitent, & principibus Christianis subditi sint. Ratio est, quia infideles non sunt Ecclesiæ membra, neque sunt de communitate Ecclesiastica, & ideo licet possint obligari legibus ciuitatis, vel suorum principum infidelium in suis regnis, vel Principum Christianorum, quatenus possunt esse membra ciuitatis politicæ, & temporaliter subiecti Principibus Christianis, legibus tamen Ecclesiæ non obligantur, quia nec sunt membra Ecclesiæ, ut Ecclesia est, nec habent fundamentum iubitionis ad Ecclesiasticam iurisdictionem. Dices; ergo neque heretici obligantur his legibus, quia illi etiam non sunt membra Ecclesiæ, neque habent fundamentum fidei, sine quo præcepta Ecclesiastica, quæ ad salutem animæ, & cultum Dei ordinantur, nec fructuose, nec vere obseruari possunt. Respondeo negando consequentiam: supponimus enim sermonem esse de hereticis baptizatis, qui generalius Apostolæ dici possunt; siue ad iudaismum, siue ad paganismum, siue ad propriam heresim translati sint. De his ergo omnibus negatur consequentia, quia sunt vere subiecti Ecclesiasticæ iurisdictioni: nam retinent characterem baptismalem, quod est fundamentum huius subiecti. Et licet secundum presentem statum non sint absolute membra, tamen aliquando fuerunt membra, & contrarius Ecclesiæ acquisitum, deliquerunt, se ab illa separando, semperque ad illam redire cogi possunt, quia signum Ecclesiasticæ iurisdictionis semper in se retinent, & ratione illius veluti inchoationem quandam habent membrorum Ecclesiæ. Vnde fit, ut eius præceptis obligentur, & contra illa peccent illa non seruando. Neque refert, quod non habeant fidem; sine qua illa præcepta seruari non possunt, quia fidem habere possunt, & per illos stat, quomodo non habeant, & ideo ex eo capite non excusantur. Sicut peccator carens gratia non excusat ab obligatione præcepti comunicandi, quia potest se ad gratiam præparare. Præterquam quod multa præcepta Ecclesiastica possunt quoad substantiam seruari ab heretico in eo statu permanente; potest enim ieunare, solvere decimas, & similia.

3 *Leges P. if.
omnes ubiq.
Christianos
obligare si-
cne & cano-
nes Concilio-
rii si ab eo
sunt appro-
bati.*

Secundo dicendum est, leges Pontificias de se obligare Christianos adultos, ubique terrarum degentes, & cuiuscunque status, seu conditionis existant. In hoc etiam est magna differentia, inter leges Ecclesiasticas, & ciuiiles: nam ciuiiles nullæ sunt, quæ Vniuersum obligent, vt superiori libro probatū est, nec etiā obligat omnes status hominū, quia clericos obligare non possunt, nisi quatenus per canones permittuntur, & saltem Summum Pontificem nullo modo obligare possunt; leges autem canonicæ ex suo genere utriusque effectus sunt capaces. Probatur ergo prior pars, quia potestas Pontificis

vniuersalissima est supra totam Ecclesiam, sed Ecclesia per vniuersum orbem de se diffunditur; ergo & potestas Pontificis; ergo & leges ab ea procedentes. Vnde constat, hoc esse propriū legum Pontificū, quia vniuersalis potestas propria est illius. Sub his tamen comprehendimus canones Conciliorum generalium, quia illi etiā à Pontificibus approbantur, & ea potissimum ratione vim habent obligandi, & eadem ratione comprehendi possunt canones conciliorū Provincialium, si à Pontificibus ita sunt approbati, vt in corpore Decretalium sint inserti, vel aliquo modo pro vniuersa Ecclesia acceptati, eique sufficenter propositi. Et ideo dixi, has leges Pontificias de se obligare ubique; quia possunt etiam Pontifices leges terre pro certis prouincijs, vel regnis, & tunc ex intentione illorum limitabitur obligatio iuxta tenorem legis:

B Et eodem modo probatur facile pars secundat, quia leges Ecclesiasticae obligare possunt clericos, & laicos, & non solum inferiores homines, sed etiam Principes, nec solum seculares, sed etiam religiosos; ergo maxime habent hanc vniuersalitatem leges Pontificiae cum eadem limitatione, scilicet, de se, & nisi ab ipso Pontifice limitentur. Quia potestas vniuersalis est, nullusque hominum baptizatorum inuenitur ab illa exemptus. Hoc autem semper intelligitur iuxta materiæ exigentiam. Quia non singulæ leges Ecclesiasticae, seu Pontificiae obligant omnes fidèles: imo paucæ tales sunt, illæ videlicet, quæ respiciunt generalem statum Christianorum, & viatorum, quos dirigunt ad vitam æternam. Aliæ vero sunt accommodatae diuersis statibus Christianorum, & ita leges Pontificiae, vt sic ad omnes spectant, non tamen singulæ ad omnes, sed partitione accommoda. Intelligendum etiā illud est de statibus Ecclesiasticis, seu aliquo modo spiritualibus ex materia, & fine. Nam si Christiani homines sumantur politice, & vt ciues sunt, sic non subduntur Ecclesiasticis legibus per se loquendo, vt supra tractatum est. Vnde licet vere dicamus homines cuiuscunque status obligari Ecclesiasticis legibus, nihilominus vere etiam dicimus, leges Ecclesiasticas non posse de omnibus omnino statibus hominum disponere, vt patet in his, quæ ad statum mere temporalem, & ciuilem pertinent.

C Tertio dicendum est, leges Episcoporum, seu synodales, licet ubiq. non obligent, tamē intra territorium obligare possunt de se homines cuiuscunque status. Prima pars clara est, quia extra territorium ius dicenti non paretur impune. L. ultima, D. gest. de Iuris. omnii iud. &c. V. animalium, de Constit. in 6. Secunda item pars est certa, quia Episcopus est Generalis pastor in sua diœcesi, & omnes homines cuiuscunque status illi subditi sunt; omnes ergo potest suis legibus obligare in materia vnicuique proportionata, & suæ potestati subiecta, vt dictum est. Item in his omnibus, quæ non sunt propria Pontificis sumi, possunt Episcopi in suis diœcesibus quidquid potest Pontifex in vniuersa Ecclesia; ergo sicut leges Pontificiae de se obligant in tota Ecclesia homines cuiuscumq. status, ita leges Synodales obligant omnes intra proprium territorium. Vbi statim occurrebat quæstio, an hoc intelligendum sit de omnibus alias subditis, seu habentibus ibi domicilium, vel etiā de exteris breui tempore commorantibus. Sed hæc quæstio sat tractata est in locis in principio capitis citatis.

5 *Leges Epis-
coporum si-
ue synoda-
les omnes
obligare in-
tra territo-
rium, extra
vero mini-
mè, sicut &
leges Conci-
liorum pro-
vincialium.*

Sub legibus autem Episcoporum comprehēdimus leges etiam Conciliorum prouincialium seruata proportione ad territorium, seu ad totā prouinciam, ad quam Concilium pertinet, est enim eadem ratio, ut constat. Imò cum proportione applicari potest conclusio ad omnes Prælatos, & communites Ecclesiasticas habentes potestatem legislatuam respectuē, & cum proportione. Nam vniuersiusque superioris leges obligant de se intra suam sphæram omnes intra illam contentos, quia omnes illi subditi sunt. Sed in hoc est obseruanda differentia inter Pōtificem, & inferiores, quod à iurisdictione Pontificis nemo potest esse exemptus: à potestate autem cuiuscunq[ue] inferioris possunt plures eximi per ipsum Pontificem, & ratione exemptionis poterunt non obligari legibus Episcoporum. Et ita subintelligi debet in assertione, leges Synodales obligare omnes, nisi per superiorē impediantur. Sicut enim regula illa, quod Episcopus potest in suo Episcopatu quidquid potest Pontifex in vniuersa Ecclesia, habet subintellec[t]am conditionem, *Nisi prohibeatur*, ita in præsenti similis conditio subintelligenda est.

C A P V T X X .

An leges Synodales personas religiosas exēptas obligent.

Sententia negativa.
Palud.
Anton.
Ledes.

Fundatur
in exēptione religioso-
rum, vel in
diuersitate
status & re-
ligiosi habēt
propria one-
tia.

2
*Leges iuris-
dictionis
consistere in
agendo seu
regno: le-
gen Diocesanam in re-
cipiendo.*

A Liqui absolute negant, citatur Paludan, in 4. dist. 15. q. 4. artic. 3. Sed ille loquitur de consuetudine; videtur tamen eadem ratio, quia tanta est vis consuetudinis, quanta legis, ut infra dicetur, & ita idem sequitur Antonin. 2. p. tit. 6. cap. 2. §. primo. Citatur etiam Ledesma 2. p. quarti quæst. 17. artic. 3. §. Tertio dico. Hi autem auctores non videntur fundari in exēptione religiosorum, sed in diuersitate status, & quia religiosi habent sua propria onera, ut ieiunia, &c. & non debent grauari communibus legibus Synodalibus: sicut è conuerso leges, seu statuta religiosorum non obligant seculares. Alij sentiunt, religiosos teneri ad leges Episcoporum seruandas, quia non sunt exēpti à lege iurisdictionis Episcoporum. Ita sentiunt Glossæ, & Doctores statim citandi, qui supponunt distinctionem quandam de duplice lege Episcoporum, vna dicitur lex iurisdictionis, alia Diocesana stricte sumpta. Solet enim interdum lex Diocesana large sumi pro toto iure Episcopali, vt in cap. *Auditus*, de Prescriptionibus, & tunc comprehendit legem iurisdictionis. Alio modo sumitur stricte, & sic distinguuntur à lege iurisdictionis, vt in cap. *Dilectus*, de offic. ordin. & 10. q. 1. in Summa, & cap. 1. vbi dicitur, religiosos esse exēptos à lege Diocesana, & supponit non esse exēptos à lege iurisdictionis. Cū ergo præcipere pertineat ad legem iurisdictionis, concluditur, religiosos non esse exēptos à præceptis Episcoporum.

Vt autem hæc sententia intelligatur, oportet de illa distinctione pauca præmittere; quid enim per illas voces significetur, non inuenitur in iure satis declaratum. Glossæ igitur supra citata iura, ita illa explicant, vt lex iurisdictionis sit illa, quæ consistit in agendo, gubernando, seu ministrando; lex autem Diocesana ea, quæ consistit in recipiendo, id est, quæ statuit de his, quæ sunt conferenda Episcopo, & ab ipso sunt recipienda. Quod his exemplis declarant; nam ad legem iurisdictionis pertinet omnia quæ circa

A iudicia aguntur, vt sunt citatio, causæ examinatio, decisio, punitio, vel absolutio, vt ex illo tex- tu colligitur. Unde omnia etiam, quæ pertinent ad gubernationem Diocesis, ad hanc legem spe- ctabunt, & consequenter etiam statuta condere & leges, ad eandem legem pertinet. Addit etiam illa Glossa, Sacramentorum collationem, consecrationem Ecclesiarum, & confectionem Chri- Smatis, ac similia etiam pertinere ad legem iuri- dictionis. Quod Panormitan. ibi videtur dif- ficulte, quia si hæc essent iurisdictionis, possent delegari non habenti ordinem Episcopalem. Sed hæc nō dicuntur esse iurisdictionis, quia nō requirunt potestatem ordinis Episcopalis, sed quia requirunt iurisdictionem, vt debite mini- strentur. Et sic Episcopus ratione suæ iurisdictionis potest illa omnia auctoritate sua in sua Diocesi, & suis subditis ministrare, & non alijs, & è conuerso subditi tenentur hæc recipere à suo Episcopo, & non ab alio sine licentia illius, quæ subiectio debetur Episcopo propter legem iuri- dictionis, & deo etiam in hoc religiosi subij- ciuntur Episcopis, cap. *Interdicimus*. 16. q. 1.

Ad legem autem Diocesanam, ait illa Glossa, pertinere Cathedraticum, quartam decimati- onem, & mortuariorum, Synodus, visitationem annuam, de quibus in c. *Conquerente*, de Officio ordin. Et videtur fundari in hoc, quod ab hu- iusmodi iuribus, & oneribus eximuntur Monasteria in iure, cap. *Inter alia*. 10. q. 3. cum alijs, quæ ibi à Glossa citantur. Obijci vero potest, quia licet quædā ex his cōsistat in recipiendo, nō tamē omnia, & præterea nullo iure probatur, le- gem Diocesana cōsistere semper in recipie- do. Primum patet, quia Synodi congregatio nō cōsistit in recipiendo, nam vocare ad Syno- dum, agere est, & propriissimus actus iurisdictionis, & similiter illi præsidere: visitatio etiam annua iurisdictionis est, & in agendo cōsistit. Altera pars non aliter probatur, nisi quia Glos. nullum textū ad id probandum adducit. Nihilominus explicatio Glossæ potest probabili sua- deri coniectura, quoad Episcopi ius spectant, vnu- num est, regere & pascere, & omnia, quæ ad hoc munus spectant dicuntur esse de lege iurisdictionis. Aliud est pascere, seu debitum stipendium ac- cipere, & ita omnia seruitia, & subsidia tempo- ralia, quæ debentur Episcopis ratione sui mu- neris, dicuntur pertinere ad legem Diocesana- m, sic strictè sumptam.

Admissa vero hac declaratione in illo sensu, exempla debent cū debita proportione assignari, ideoque congregatio Synodi, & visitatio annua ad legem iurisdictionis pertinebit, vt pro- batratio facta, licet ius recipiendi Synodaticū (vt appellant) & procurationem, pertineat ad le- gem Diocesana. Neque in iure est aliquid, quod repugnet, quia in iure non inuenitur de- claratum, qui actus ad hanc, vel illam legem per- tineant. Tunc autem difficile erit defendere duas illas generales regulas, quod religiosi sunt exēpti à lege Diocesana, non vero à lege iurisdictionis, vt ex his, quæ Panormit. late prosequi- tur, facile intelligi potest. Posset autem respon- deri, vtrāque verificari cum exceptione, nisi in casibus à iure expressis, ita vt sensus sit. Religio- osos esse exēptos à lege Diocesana, id est, à sol- uendo subsidio, vel quasi tributo Episcopis, nisi in casibus à iure expressis, non tamē esse exēptos ab obedientia, & lege iurisdictionis, nisi in aliquo casu speciali in iure expresso.

Ad Episco-
pū duo spe-
ciant, pascen-
te. & pastore.

Regula Pa.
normis de
predicatis re-
gulis.

Aliter vero Panormitan. declarat illas voces, supponitque religiosos iure communi esse exemptos ab Episcopis in quibusdam rebus, & non in aliis. Dicit igitur illa omnia, quæ in iure inueniuntur expressa, in quibus religiosi sunt exempti ab Episcopali iure, appellari de lege Dioecesana; reliqua vero omnia esse de lege iurisdictionis. Neque aliam adducit probationem, vel rationem nominum, sed dicit suisse potius magistralē applicationem, quam iuris impositionem, vel vsum. Vnde (quod ad rem spectat) sentit, religiosos non esse exemptos, nisi in his, quæ sunt in iure expressa, quæ sunt decem, vel undecim, quæ ibi singulariter enumerat, & plura in tribuendo, aliqua vero in agendo consistunt. In eis tamen non continentur leges Episcopales, nec subiectio illis debita, & ita etiam hoc modo concluditur, leges Episcoporum obligare religiosos, quia in hoc non inueniuntur iure exempti, & ita pertinet ad legem iurisdictionis.

Hi tamen Doctores Canonistæ loquuntur de Religiosis stando in iure communi, vt ex doctrina eorū constat, & quia s̄pē excipiunt specialem exemptionem. Et hoc sensu eorum sententia videtur manifesta saltem stando in iure antiquo, quia nullo iure inueniuntur exempti quoad Synodales leges; ergo nisi alias specialiter sint exempti, tenentur illis parere. Patet consequentia, quia sunt subiecti ex vi ordinaria iurisdictionis Episcopalis. Item hac ratione iura antiqua præcipiunt, vt Monachi Episcopis parent, & ab eis corripiantur, cap. Monasteria, & cap. Cognouimus. 18. q. 2. & D. Thom. in 2. dist. 44. in vlt. dub. liter ad 2. ait Monachum teneri ad obediendum Abbatii plus quam Episcopo in illis, quæ ad statum regulæ pertinent; in his autem, quæ ad disciplinam Ecclesiasticā pertinent magis teneri Episcopo, quia in his Episcopus est superior Abbatis. Ergo si leges Episcopales, & Synodales non sint contra statum regulæ religiosæ, licet sint diuersæ, & aliquid ei addant, tenetur religiosi eis obediare ex vi religiosi status, si alias exempti non sunt.

Nec contra hoc obstat motiuum prioris sententiæ. Dico enim, religiosos, non obstante statu, prius obligari seruanda mandata Dei, & Ecclesiæ, quam sua statuta. Vnde licet per talia statuta specialia onera suscipiant, propter illa non excusantur à generalibus legibus, sed illa voluntarie suscipiant ultra communia onera Christianorum. Inter hæc autem generalia onera Christianorum computantur, ea quæ per leges Episcopales, aut Synodales omnibus imponuntur, & in quocunq. statu seruari possunt, vt sunt ieunia, festivitates, &c. Et ideo ab his excusari non possunt propter specialia onera sui status. Neque comparatio ibi facta valet, quia statuta religiosorum non sunt generalia pro tota Dioecesi, sed sunt specialia talis communitatis, & professionis, ideo non possunt obligare seculares, siue clericos, siue laicos; leges autem Episcopi generales sunt pro toto territorio, in quo moratur religiosi, & ideo illis obligantur, si exempti non sint.

De exemptis vero est speciale dubium, an obligentur ad obediendum legibus Episcoporum. Videtur autem dicendum in rigore; & ex vlegis non obligari. Primo, quia sunt simpliciter exempti à iurisdictione, tam Episcoporum, quæ Synodorum Episcopaliū; ergo maxime sunt

A exempli a primo actu iurisdictionis, qui est, legem ferre. Secundo, quia sunt extra territoriū, argumento cap. 1. de Priuileg. in 6. & iuxta id, quod supra diximus, existentem in loco exempti esse extra territorium quoad effectum iurisdictionis. Tertio, quia hi religiosi exempti non tenentur parere Episcopis, nisi in casibus à iure expressis, vt colligitur ex dicto c. 1. de Priuilegijs in 6. ibi, Saluis casibus alijs, in quibus Episcoporum iurisdictioni subesse canonica præcipiunt instituta: nullum autem est decretum canonicum, quod præcipiat exemptos parere legibus Episcoporum; quinimo in cap. Nimis. de Excessib. Praedicator. inter alia, quæ prohibentur Episcopis, ponit, quod suis constitutionibus subiungere cogunt religiosos. Et licet ibi nominentur specialiter Prædicatores, & Minores, tamē id est gratia exépli; sermo tamē generalis est de omnibus similibus, vt patet ex illis verbis, Cum quidam viri religiosi, vt puta frères predicatorum, & minores, &c. Accedit quod Tridentin. concilium Sess. 25. c. 12. de Regul. specialiter præcipit, vt religiosi exempti obediant Episcopis in censurarum, & festorū observatione ab eis præceptis. In quo videtur supponere, antea non fuisse ad hoc obligatos, sed per illam legem eorum exemptioni derogatum iri. Et præterea inde sumitur argumentū ab speciali, quod in alijs legibus Episcopilibus, vt ieiuniorum, verbi gratia religiosi exempti obediere non tenentur. Denique hæc exemptione plena iure concessa est, vt ex priuilegijs talium religiosorum constat, & notat Felin. in cap. Dilectus, de Offic. ordin. in fine ex Panorm. & Cardinal. quos allegat; ergo tales religiosi prorsus sunt exempti à iurisdictione Episcoporum, vt in simili dicitur in cap. Ex ore, de Priuilegijs; ergo, & à legibus eorum in his omnibus, quæ per sacros Canones non sunt excepta.

Sed licet hoc verum sit ex vi præcepti, & iurisdictionis; nihilominus aliqui sentiunt, religiosos teneri ex vi iuris naturalis ad seruandas has leges Synodales, seu Episcopales, quando nō derogant statui religioso, & spectant ad communem obseruantiam, & deuotionem totius populi, aut cleri. Ratio est, quia licet religiosi sint exempti, nihilominus sunt pars istius communitatis, & ideo propter uniformitatem tenentur conformari in his legibus, & moribus, quia turpis est pars quæ à toto discordat, ergo ex hoc principio lex naturalis obligat religiosos ad hæc uniformitatem, & consequenter ad obseruationem talium legum, saltem quoad vim directa, seu in foro conscientiæ, quanvis non quoad vim coactiua quia propter exemptionem cogi non poterunt per Episcopos ad eas seruandas, nēc incurruunt censuras etiam si per eas latet sint.

Existimo tamen, solum teneri religiosos exemptos ad vitadum scandalum circa vsum, vel obseruantiam talium legum; illo autem secluso non peccare, illas non seruando, nisi vbi vsum, & consuetudine illas acceptauerint, & suo inri cesserint. Et hoc aperte sentiunt Palud. & Anton. vbi supra. Ratio vero est, quia consideratio illa uniformitatis non sufficit ad huiusmodi obligationem. Et in primis quod non sufficiat ad obligationem sub mortali, ostendimus supra, & dicemus infra in terminis posterioribus, tractando de dispensatione harum legum. Quod vero hic nulla sit talis obligatio, patet ex diuersitate status religiosi à reliquis secularibus: nam ex sua natura (vt sic dicam) includit quandam diffi-

10
Solum tene-
ri religiosos
exemptos ad
vitandū fea-
dandum cir-
ca vsum, vel
obseruantia
talium legū;
nec enim
partes heto-
rogenia du-
cenda sunt
regula vni-
uersali.

mitatem; ergo non est cur requirat talem uniformitatem. Declaratur exemplo Philosophico: nam in corpore heterogeneo non est necessaria uniformitas membrorum; hoc autem corpus ciuitatis constat ex laicis, clericis, & religiosis tanquam ex membris heterogeneis; ergo non postulat uniformitatem inter eos in his, quæ propria sunt, sed tantum in his, quæ habent communia ut sunt Christiani, vel membra Ecclesie: haec autem leges Synodales per se dantur pro secularibus, vel pro his, qui subduntur Episcopis, non ergo oportet, religiosos eis conformari. Declarari etiam potest exemplo morali de Novitiis religionum, qui licet communem vitam agant cum ceteris religiosis, nihilominus non tenentur in vi præcepti ad seruanda statuta religionum, etiam si talia sint, quæ alios religiosos obligent in conscientia, quia per se non tenentur, quia religiosi non sunt, & ita deest in illis fundamentum illius obligationis, quod est vinculum professionis, & voti obedientiaz, nec tenentur ratione uniformitatis, quia ad hanc non

tenentur ex vi status, sunt enim ibi ut probentur, non ut alijs in omnibus conformentur, sed secundum modum suum. Multo ergo minus tenentur religiosi conformari laicis etiam in operibus bonis, & obseruantibus specialibus eorum. Tandem accedit, quod ideo hi religiosi eximuntur, quia habent propria onera, & ne cogantur alia sustinere, nisi quæ Pontifices, vel eorum Pralati eis imposuerint; ergo haec ipsa exemptione declarat, non esse necessariam illam uniformitatem. Nihilominus ex decentia quadam recte facient religiosi, has leges seruando, vbi sine magno onere potuerint. Et vbi fuerit consuetudo illas seruandas tanquam necessarias, obligabuntur ex vi consuetudinis, non verò ex alijs capitibus. Et hec dixisse sufficiat de lege canonica, nam cetera, quæ desiderari possunt, communia sunt legi humanæ, quatenus talis est, ideoque ex libro præcedenti petenda sunt, & ob eandem causam de varia illius mutatione in lib. 8. dicemus.

FINIS LIBRI QVARTI.

INDEX CAPITVM
LIBRI QVINTI.

De varietate legum humanarum, & præsertim de odiosis.

- Cap. I. De humanarum legum varietate,
- Cap. 2. De lege odiosa, & favorabili, earumque varietate,
- Cap. 3. Vtrum leges penales obligent in conscientia ad actus quos proxime intendunt.
- Cap. 4. An possint dari leges humana solum ad penam obligantes.
- Cap. 5. Vtrum lex humana possit obligare in conscientia ad penam ante condemnationem Iudicis.
- Cap. 6. Quando leges penales contineant sententiam ferendam; vel non latam.
- Cap. 7. An pena executio sit debita in conscientia ante Iudicis coactionem.
- Cap. 8. De pena priuativa executionis ante sententiam.
- Cap. 9. De obseruatione pena priuativa qua per ipsam legem fit.
- Cap. 10. Vtrum lex penalis obliget reum ad penam executionem sicutem post sententiam in Iudicis.
- Cap. 11. Vtrum lex penalis obliget Iudicem ad penam in ea positam infligendam.
- Cap. 12. Vtrum ignorancia excusat penam legis.
- Cap. 13. Vtrum leges per quas tributa imponuntur pure penales sint.
- Cap. 14. De potestate necessaria ut lex tributum imponens iusta sit.
- Cap. 15. De ratione & causa finali ad iustitiam tributi necessaria.
- Cap. 16. De forma, & materia in legibus tributorum seruandis.
- Cap. 17. Vtrum aliqua alia conditio præserit subditorum consensus ad iustitiam tributi requiratur.
- Cap. 18. Vtrum leges tributorum obligent in conscientia ad illorum solutionem etiamsi non petantur.
- Cap. 19. Vtrum leges humana irritantes contractum, penales, vel onerosæ sint.
- Cap. 20. Vtrum leges irritantes actus illos in conscientia prohibeant.
- Cap. 21. Quibus modis impediri possit irritatio actus quem lex præcipit.
- Cap. 22. Vtrum lex ipso iure irritans actum, impeditre aliquo modo possit, ne actum nullum reddat.
- Cap. 23. Vtrum in lege irritante actum, ipso factio, & ante omnem sententiam, habet locum Epiikeia.
- Cap. 24. Vtrum lex irritans interdum priuetur suo effectu quia in præsumptione fundatur.
- Cap. 25. Vtrum omnis lex prohibens pure ac simpliciter actum eo ipso irritet illum.
- Cap. 26. Quibus verbis aut modis lex prohibens actum irritet illum.
- Cap. 27. Vtrum aliquando sola prohibitio vi & natura sua irritet illum.
- Cap. 28. Vtrum ex vi iuris communis actus factus contra legem prohibentem irritus sit ipso iure.
- Cap. 29. Vtrum ea quæ sunt contra legem Canonicas prohibentem pure, sint ipso iure inualida.
- Cap. 30. Vtrum contractus contra legem ciuilem pure prohibentem facti sint ipso iure irriti.
- Cap. 31. Vtrum lex dans formam actui, humano semper irritet illum qui sit sine tali forma.
- Cap. 32. Quomodo lex dans formam actui addens clausulam irritantem impedit valorem actus.
- Cap. 33. Quando lex irritans incipiat efficiere hunc effectum actus irritandi.
- Cap. 34. Vtrum leges punientes aliquos actus comprehendant inualide factos.